



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Ar 297

UNIVERSITEITSBIBLIOTHEEK GENT



900000030254

Digitized by Google

THEOLOGIA

MORALIS

S. ALPHONSI DE LIGORIO.

THEOLOGIA

MORALIS

S. Alphonsi De Ligorio,

FUNDATORIS CONGREGATIONIS SS. REDEMPTORIS AC OLIM EPISCOPI S. AGATHÆ COTHORUM.

ACCEDUNT :

1. Dissertatio P. Zachariæ in S. Alphonsi theolog. mor.
2. Praxis confessarii ad benè excipiendas confessiones.
3. Examen Ordinandorum.
4. Epitome doctrinæ moralis et canonicæ ex operibus Benedicti XIV.
5. Decreta Romanorum Pontificum et Propositiones damnatæ.
6. Appendix I. De privilegiis, scilicet Episcoporum, Ecclesiasticorum et Religiosorum.
7. Appendix II. De prohibitione Librorum nocivorum.
8. Elenchus quæstionum reformatarum ab Auctore.
9. Index I. Auctorum, qui hoc in Opere citantur.
10. Index II. Capitum et dubiorum.
11. Index III. Rerum notabilium, quæ in toto Opere continentur.

EDITIO NOVISSIMA, OMNIUM ACCURATIOR, COLLATA CUM EDITIONIBUS VENETIS, ROMANIS ET BASSANENSIBUS AC CONTINENS QUIDQUID AUCTOR IN CÆTERIS ADDIDIT, REFORMAVIT VEL EXPLICAVIT.

Plurima in aliis Editionibus omissa restituenda, citationes innumeras corrigendas, per multa impressione corrupta castiganda et annotationes necessarias addendas

CURAVIT

P. MICH. HEILIG,

CONGR. SS. REDEMPT. PRESBYTER ET PROFESSOR THEOL. MOR.

TOMUS TERTIUS,

CONTINENS TRACTATUM DE 3, 4, 5, 6 ET 7 PRÆCEPTO DECALOGI.

A LIB. 4. NUM. 263. AD NUM. 706. INCLUS.

MECHLINIÆ.

P. J. HANICQ, SUMMI PONTIFICIS, S. CONGREGATIONIS DE PROPAGANDA FIDE
ET ARCHIEP. MECHL. TYPOGRAPHUS.

M. D. CCC. XLV.

THEOLOGIA MORALIS.

LIBRI QUARTI

TRACTATUS III.

DE TERTIO ET QUARTO PRÆCEPTO.

CAPUT I,

Quid tertium præceptum : *Memento*, etc.

263 *An hoc præceptum sit naturale, vel cæremoniale?*

264 *An hoc præcepto præcipiatur cultus interior? Et an hoc præceptum sit affirmativum?*

265 *An observantia Domithicæ sit de jure divino?*

266 *An Episcopi possint festa indicare?*

267 *A quo tempore incipiat obligatio festi?*

268 *Ad quid obliget hoc præceptum? Quibus festis permittantur opera servilia in regnis Sicilia?*

Tom. III.

1

259 An sit obligatio audiendi concionem? et qualis sit obligatio
Episcoporum, et parochorum concionandi.

270 Quid teneantur observare festi?

271 An in festis liceat iungere servilia infidelibus?

263. — **P**RECEPTUM hoc, quatenus vult tempus aliquod
» sanctificari, sive impendi cultui divino, est naturale, et
» adhuc obligat: quatenus verò tempus id designatur die sab-
» bati, est ceremoniale, et in novo Testamento abrogatum,
» ac pro eo ab Ecclesia designatus dies dominicus, et festi,
» præscriptusque modus colendi, ut quædam opera illis diebus
» fiant, quædam non: hæc prohibentur, illa præcipiuntur.
» *Bon. Laym. ex D. Th. 2. 2. q. 122.* »

Quæritur 1. an præceptum de sabbato sanctificando fuerit
naturale, an ceremoniale? Respondetur unà cum *Bus.* quòd
præceptum, prout determinavit in aliquo anni tempore esse
Deo vacandum, fuit naturale, et obligavit omnes, et ideò
inter decalogi præcepta computatur: prout autem determi-
navit diem sabbati à vespera usque ad vesperam (ut in *Lev. 23.*)
fuit ceremoniale, et obligabat tantùm Hebræos. Est commun-
cum *Catech. Rom. 3. p. in præc. Dec. n. 4. et 6. et S. Th. 2. 2. q. 122. art. 4. ad 1.* qui sic docet: Præceptum de
sanctificatione sabbati... est partim morale, partim autem
ceremoniale. Morale quidem est quantum ad hoc, quòd homo
deputet aliquod tempus vitæ suæ ad vacandum divinis... Sed
in quantum in hoc præcepto determinatur speciale tempus
in signum creationis mundi, sic est præceptum ceremoniale...
Unde... ponitur inter præcepta decalogi, in quantum est mo-
rale, non in quantum est ceremoniale. Vide *Salm. tract. 25. de 3. præc. c. 1. de hoc puncto fusè dissidentes à n. 1. usque ad 7.*

264. — Quæritur 2. an hoc præcepto præcipiatur cultus
Dei etiam interior? Affirmant *Scotus, Angel. et Tabien. apud Salm. dict. c. 1. punct. 2. n. 8.* unde dicunt, tenèri fideles
ex hoc præcepto ad eliciendos actus charitatis, et contri-
tionis; sic enim obtinetur animæ sanctificatio, quæ hoc præ-
cepto jubetur. Sed communissimè negant *S. Antonin. p. 2. tit. 9. c. 7. §. 2. q. 4. a. 4. concl. 2. dub. 1. Sanch. Dec. l. 2. c. 35. n. 8. et Salm. ibid. ex n. 9. cum Cov. Fil. Bon. Sayr. etc. ex D. Thom. 1. 2. q. 122. art. 4.* ubi docet, quòd ad inter-
iorem cultum non cogimur, sed movemur à Spiritu sancto:

Et ideo (nit.) in tertio præcepto decal. præcipitur exterior Dei cultus. Idemque docet *Catech. Rom. de 3. præc. p. 3. n. 1.* ubi : Hoc legis præcepto externus ille cultus , qui Deo à nobis debetur , præscribitur. Sanctificatio autem animæ est quidem finis præcepti , sed finis præcepti non cadit sub præcepto , juxta commune axioma theologorum , utque docet idem *D. Th. 4. 2. q. 100. art. 9. in corp.* et expressius *ad 2. ubi : Non enim idem est finis præcepti , et id , de quo præceptum datur.*

Quær. 3. an hoc præceptum sit affirmativum , aut negativum ? Et respondetur , esse affirmativum , dum non obligat semper et ad semper. *Suar. Sanch. Pal. Leand. Fag. cum Salm. ibid. n. 15. contra Caj. et Fill. etc.* qui tuentur esse negativum , cum in eo nihil positivum judæis præcipiebatur ; sed hoc negatur. *Vide Catech. Rom. n. 11.*

265. — Quæritur 4. an observantia diei Dominici sit de jure naturali , sive divino , vel tantum ecclesiastico ?

Prima sententia asserit eam esse de divino ; quia Dominicus dies successit loco sabbati , quod jure divino erat institutum ad Deum colendum. Ita *Abb. Ang. Panorm. apud Salm. ibid. punct. 4. n. 57.* et his adhæret *Croix l. 3. p. 1. n. 691. cum Mar. et Spor.* qui dicit excusatum in festo à missa , teneri in Dominica colere Deum saltem aliquo actu interno.

Sed longè probabilior , et communis est *secunda sententia* , quod sit de jure ecclesiastico ex *Catech. Rom. 3. part. n. 19.* ubi : Placuit autem Ecclesiæ Dei , ut diei sabbati cultus in Dominicum transferatur diem. Idem docet *S. Thom. 2. 2. quæst. 122. art. 4. ad 4.* *Observantia diei Dominicæ succedit observantiæ sabbati , non ex vi legis , sed ex institutione Ecclesiæ.* Et ideo observantia Dominicæ ab Ecclesia mutari , et in eâ dispensari potest ; quamvis in hoc dispensari non posset , ut nullus sit dies festivus cultui divino specialiter deputatus , prout de facto *Alexander III.* dispensavit in hoc , ut in Dominicis fiat piscatio halecū , uti habetur in *c. Licet de feriis* , ubi sic dicit : *Licet tam veteris , quam novi Testamenti pagina septimum diem ad humanam quietem specialiter deputaverit , et tam eum , quam alios dies Majestati altissimæ deputatos , necnon natalitia Sanctorum martyrum Ecclesia decreverit observanda ; indulgemus , ut liceat diebus Dominicis , et aliis festis (præterquam in maioribus anni solemnitatibus) , si halecia terræ se inclina-*

verint, eorum captioni ingruente necessitate intendere. Hanc sententiam tenent Sotus de just. l. 2. quæst. 4. art. 4. ad 2. D. Anton. p. 2. tit. 9. c. 7. Nav. in Manual. c. 15. n. 1. Azor, tom. 2. l. 1. c. 2. q. 2. Suar. de relig. l. 2. c. 4. n. 8. Sanch. in Cons. l. 3. cap. 2. dub. 1. ex n. 2. Elbel n. 340. et Salm. ibid. n. 38. communiter cum S. Th. loc. cit. mox suprâ n. 263. Fill. Caj. Bon. et cum aliis Carden. in tr. 52. p. 2. n. 15. ac Bell. Sed urget magna oppositio, videlicet: Præceptum sabbati erat certè naturale, et morale, nam ideò inter Decalogi præcepta numeratum fuit: ergò Dominica, quæ sabbato substituta fuit, etiam de jure naturali, sive divino est. Respondetur, quòd, licèt sit de jure divino et naturali, ut designetur aliquod tempus determinatum ad Deum colendum, determinatio tamen hujus cultûs, et dierum, quibus conferendus erat, fuit à Christo dispositioni Ecclesiæ relicta: ita ut posset tunc Papa decernere, ut observantia Dominicæ duraret tantùm per aliquas horas, et quòd licerent aliqua opera servilia, ut dicunt Salm. dict. n. 38. Et ideò præceptum hoc, quoad exhibitionem cultûs, est quidem divinum, sed quoad determinationem cultûs et temporis, est ecclesiasticum. Vide Salmant. dict. num. 38. et 39. et in fine præmii tract. 23. de tertio præcept. Decal.

266. — Quæritur 3. an Episcopi possint pro suis diocesisbus festa indicare? Constat, eos posse ex c. Conquestus, de feriis. Sed dubium est ex bulla Urb. VIII. ubi in Domino monentur Episcopi, ut abstineant à festis instituendis. Verùm probabilius illa verba sunt potius monitiva, quàm præceptiva. Vide Salm. tr. 25. c. 1. punct. 6. §. 1. n. 103. et 106.

Dubium majus vertitur, an requiratur consensus cleri, et populi? Affirmandum est cum Azor, Covarr. Bonac. Trull. etc. Salm. ibid. n. 108 et 109. ex dict. cap. Conquestus, de fer. Notandum tamen, quòd sufficit, si clerus, et populus non contradicant. Notandum deinde, quòd, licèt Episcopus, illis contradicentibus, nequeat festa indicare perpetua, possit tamen unâ, vel alterâ vice. Imò Suar. Bonac. Trull. Pal. Barb. etc. ap. Salm. ibid. n. 110. dicunt, sufficere ex consuetudine solum cleri consensum; sed huic contradicunt Salm. ibid. n. 111. juxta jus antiquum. Notant tamen, quòd, attempto jure novo, ex bulla Urb. VIII. Universa, edita anno 1642. possunt Episcopi sine consensu populi, et cleri in-

stituere festa perpetua ; ita *Salm. ibid. n. 112. et 113. cum Bord.* Sed contradicit *Croix*, dicens non teneri populum servare festum indictum ab Episcopo sine ejus, vel cleri consensu, cum *Barbos. Gav. Gob. etc. n. 619.* Et quidem probabilius, nam ex una parte certum est ex dict. c. *Conquestus*, non posse Episcopum sine consensu cleri et populi festa indicare : ex altera autem parte in præfata bulla (juxta verba ipsius relata apud *Salm.*) non aliud dicitur, nisi quod Episcopi abstineant de facili festa instituere : unde non bene, saltem non satis deducitur, hanc facultatem absolutè Episcopis concedi.

Utrum autem Episcopi possint festa instituere in honorem Sanctorum tantum beatificatorum ? Affirmant *Suar. Trull. Fag. etc. apud Salm. tr. 23. c. 1. p. 6. §. 1. n. 114.* Sed ipsi *ibid. n. 115.* ut verius negant cum *Sanch. Barb. Vill. Dian. etc.* Principes sæculares etiam posse indicare dies festos, saltem quoad abstinendam à servilibus, dicunt *Sa, Sylv. etc.* Sed negant commun. *Azor, Sanch. Fill. et plures alii cum Salm. ibid. §. 2. n. 117.*

267. — Quæritur 6. à quonam tempore incipiat obligatio diei festi ? *Ang. Panorm. etc.* tenent, incipere à vespera ad vesperam. Probabilius verò incipit à media nocte ad aliam : talis enim est usus hodiernus Ecclesiæ Romanæ. Verum est tamen, quod possunt institui festa usque ad meridiem, aut noctem. Ita *Nav. Suar. etc. cum Salm. ibid. punct. 7. n. 124. et Elbel de 3. præc. n. 331.* Notandum autem, quod si festum ob diem impeditam transferatur in aliam quoad officium, non transferatur obligatio audiendi Sacrum, et abstinendi à servilibus. Est commune, vide *Salm. ibid. n. 126.* quia talis est communis praxis Ecclesiæ.

268. — Quer. 7. an hoc præceptum obliget sub gravi et ad quid obliget ? Ad primum respondetur affirmativè, cum damnata fuerit ab *Innoc. XI. propos. 52.* dicens : *Præceptum servandi festa non obligat sub mortali, seposito scandalo, si absit contemptus.* Ad secundum respondetur, quod obliget ad audiendum Sacrum ex c. *Vice illius, de treuga, et c. Si quis, de consecr. dist. 1.* Et ad abstinendum à servilibus ex *Lev. c. 23. x. 7. et ex c. 1. Licet de fer.* Et hoc non solum in Dominicis, sed etiam in aliis festis.

Illic opportunè advertendum, quod ex Brevi edito die 22.

Decemb. an. 1748. à nostro Pontif. *Bened. XIV.* pro regnis utriusque Siciliæ permittuntur opera servilia in festis, exceptis diebus Dominicis Paschatis Resurrectionis, et Pentecostes, et aliis Dominicis per annum, nec non diebus Circumcisionis, Epiphaniæ, Ascensionis. Corporis Christi, et Nativitatis Domini, diebus Purificationis, Annuntiationis, Assumptionis, Nativitatis, et Conceptionis B. M. V. Immaculatæ; festo SS. App. Petri et Pauli, omnium Sanctorum, ac præcipui quoruncumque locorum diæcesium patroni. Pro aliis festis præcipitur tantum auditio Sacri.

269. — Utrum autem sit obligatio etiam audiendi concionem? Sic videtur præcipi in c. *Sacerdote, de consecr. dist. 1.* Sed respondetur negativè cum *Bus. infra 308. et n. 323. ac Salm. tr. 25. c. 1. punct. 8. n. 154.* Explicat autem Glossa textum cit. loqui tantum de contemnentibus concionem. Et notat *Suar. de relig. l. 2. c. 16. n. 8.* nil aliud ibi præcipi, quàm ut Episcopi, et parochi diebus dominicis, et solemnioribus per se, aut per alios idoneos concionem faciant, et in Adventu et Quadragesima saltem tribus diebus in hebdomada prædicent, si ita oportere duxerint. Ex quibus verbis non imponitur alia obligatio, quàm Episcopis, et parochis prædicandi. Hic obiter advertendum, quòd in *Trid. sess. 5. c. 2. de ref.* præcipitur tam Episcopis, quàm parochis obligatio concionandi suis populis in Dominicis, et festis solemnibus his verbis: *Omnes Episcopos..... et prælatos teneri per seipsos, si legitime impediti non fuerint, ad prædicandum (vel per idoneos, si impediti fuerint).... Si quis autem hoc adimplere contempnerit, districtæ subiaceat ultioni. Archiepresbyteri quoque, plebani, et quicumque curam animarum obtinent, per se, vel alios idoneos, si legitime impediti fuerint, diebus saltem Dominicis et festis solemnibus plebes sibi commissas pro sua, et eorum capacitate pascant salutaribus verbis, docendo ea, quæ scire omnibus necessarium est ad salutem, annuntiandoque eis cum brevitate, et facilitate sermonis vitia quæ eos declinare, et virtutes quas sectari oporteat.* Idem præceptum renovatur Episcopis in eodem concil. *sess. 24. c. 4.* Hinc non dubito cum *Salm. ibid. n. 156. et 157. et Barb.* quin prædictum præceptum obliget tam Episcopos, quàm parochos graviter, et absolutè. Nec obstat id, quòd sentit *Suar. apud Bon. d. 5. q. unic. p. 2. in fin.,*

nempe, quòd hoc præceptum non obliget tam rigorosè, ita ut graviter peccent parochi, qui interdum, vel sæpius omittunt concionari: id opinatur *Suar.* tam ex consuetudine sic legem interpretante, quàm ex ipso concilio, ubi in *dict. c. 4. sess. 24.* cum agitur de hac obligatione Episcoporum, dicitur, *si ita oportere duxerint*; et huic interpretationi adherent *Bonac. l. c. et Pal. tr. 9. d. 9. p. 4. n. 5.* Sed benè respondent *Salm. l. c. n. 136.* quòd conditio illa refertur ad tempus tantum Adventus, et Quadragesimæ, ut patet réverà ex contextu concilii, sed non ad alia anni tempora. Communiter tamen DD. in tali præcepto admittunt parvam materiam; *Ronc. de 4. præc. c. 5. q. 6.* vult parvam materiam esse tantum duodecimam partem concionum intra annum: sed hoc videtur nimis rigidum. *Salm. autem loc. cit. n. 138.* rationabiliter asserunt, non excusari à culpa gravi parochos sæpius prædicationem omittentes, quo videntur *Salm. ibid.* excusare parochos interdum omittentes. Hinc non improbabilius videntur tenère *Bon. et Pall. ll. cc.* non peccare graviter parochos, qui interdum concionari omittunt; secus verò, ut ajunt, si omittant per unum integrum mensem continuum, aut per tres menses discontinuos in anno. Tantò magis, quia in *Trid. dict. sess. 5. c. 2. in fine* dicitur, quòd si ab Episcopo ipsi parochi moniti, trium mensium spatio muneris suo defuerint, per censuras etc. cogantur, ut officium suum impleant. Ex quo videtur, in hac materia ejus parvitatem majorem latitudinem habere. Notant demum *Salm. d. n. 138.* benè posse parochos conciones omittere ut postea opportuniùs suppleant. Episcopi autem rariùs quidem, quàm parochi, tenentur conciones facere.

270. — Quær. 8. quinam teneantur observare festa? Respondetur, omnes fideles rationis compotes, id est circa finem septennii. Ita ex communi *Croix l. 3. p. 1. n. 615. et Salm. tr. 23. c. 1. p. 9. §. 1. n. 144.* contra alios, quorum opiniones passim rejiciuntur. Hinc pueri, qui ante septennium certò pervenerint ad usum rationis, tenentur; ut censent probabiliùs *Suar. 3. p. t. 3. d. 88. sect. 4. in fine, Nav. in Man. c. 21. n. 7. Azor t. 1. l. 7. c. 2. qu. 1. et Salm. ibid. n. 145. cum Fagund. ac Dian. p. 10. tr. 12. r. 37.* qui hanc sententiam probabiliorẽ vocant (contra verò non tenentur, si post septennium adhuc usu rationis carerent). Ratio, quia

lex ista obligat omnes, qui ad annos discretionis perveniunt. Sed non immeritò sententiam oppositam probabilem putant *Elbel de leg. n. 369. Dian. l. c. cum Trull. Rocaful. et Pasqualig. ac Croix l. 1. n. 676. cum Burg. Illsung. et Jo. Sanch. Zachar. l. 3. p. 1. n. 615.*, nempe, pueros ante septennium, etiamsi usum rationis acquisierint, non tenèri ad leges positivas, quia istæ non obligant, nisi secundùm communiter contingentia, ut habetur in *l. Nam ad ea ff. de leg. ubi: Nam ad ea potius debet aptari jus, quæ frequenter et faciliè, quàm quæ perrarò eveniunt*; hac etiam ratione *D. Th. 2. 2. q. 147. art. 4. ad 2.* excusat à jejuniis juvenes ante 21 annum, etiamsi aliquis non indigeret frequenti cibo: *Quia* (ut ait) *legislator attendit id quod communiter et in pluribus accidit.* Item autem dicunt *Santius, Dian. et Burgh. apud Croix l. 6. p. 2. n. 2026.* de præcepto annuæ confessionis; sed tenendum cum *Pal. de sacr. pœn. p. 20. §. 2. n. 2.* qui dicit, esse communem sententiam cum *Sylv. Suar. Con. Nav. Laym. Vasq. Bon. etc.* benè obligari ad confessionem pueros, conscientiam peccati mortalis habentes, dum ex *c. Omnis utriusque sexus, de pœn. et rem.* præcipitur, quòd omnis fidelis, postquam ad annos discretionis pervenerit, teneatur ad annuam confessionem. *Ad annos discretionis*, benè explicat Glossa, *id est, cùm est doli capax.* Post septennium verò, in dubio rationis adeptæ pueri certè tenentur ad omnes leges, quia tunc sine dubio præsumptio ex communiter contingentibus stat pro obligatione, ut *Elbel ib. et Sanch. Bon. Dian. etc. ap. Salm. d. n. 145.* Qui autem simul esset cæcus, mutus, et surdus, non teneretur adesse missæ, quia non posset præstare moralem assistentiam; secùs, si tantùm sit cæcus, vel surdus. *Croix l. 3. p. 1. n. 616.* An teneantur peregrini ad observanda festa? *Vide dicta suprâ l. 1. n. 156. et dicenda hoc l. 4. n. 352. in fin. v. An autem.*

271. — An autem liceat in festis injungere opera servilia infidelibus? Negat *Ferdinand. ap. Tamb. c. 3. §. 1. n. 17.* Sed affirmant *ib. Dian. Merolla, Laym. l. 1. t. 4. c. 9. n. 5. Croix l. 1. n. 379. cum Viva, Tamb. et Elbel n. 410.* meritò putant non improbable: cùm *Laym.* permittat injungi perpetuò amentibus servilia, utrique enim sunt extra legem, dum apostolus nos instruit, *quòd Ecclesia non judicet de iis, qui foris sunt, 1. Cor. c. 5. v. 12.*

DUBIUM I.

Quæ opera tùm hoc præcepto, tùm ab Ecclesia prohibeantur?

- 272 Quæ sint opera servilia?
 273 An sit duplex peccatum peccare in die festo?
 274 Quæ opera non sint servilia?
 275 An itinerari?
 276 An ducere currus vel jumenta onusta?
 277 An molere?
 278 An docere, scribere, canere etc., etiamsi fiant ob lucrum?
 279 An transcribere?
 280 An pingere?
 281 An delineare, retrahere, et an sculpere?
 282 An liceat typographis componere? et an distillare?
 283 An venari, et piscari?
 284 Quæ sint opera forensia velita in festis?
 285 An liceant venditiones, et contractus?
 286 An liceant nundinæ, et mercatus?
 287 An liceat excommunicare, conficere testamenta, et similia?

272. — **R**ESP. 1. Die festo prohibentur omnia opera servilia, hoc est, quæ et versantur circa materiam externam, et vel mechanica, et illiberalia sunt, v. gr. suere, fabricare; vel requirunt tantum laborem corporis, et ab operariis tantum, et servis fieri solent. Ita DD. communiter. Vide Laym. l. 4. tr. 7. c. 2. Suar. Fill. etc. ex S. Thom. loc. cit. »

Prænotandum, triplex genus operum dari communiter ab AA. Alia sunt opera corporis, quæ per corpus exercentur, et ordinantur immediate ad utilitatem corporis, ut fodere, suere etc. Et hæc dicuntur servilia, quia à servis fieri solent. Hinc definitur opus servile ab Ills. apud Croix l. 3. p. 1. n. 574. Actio, quæ immediate in utilitatem corporis potius, quam animi viribus efficitur. Alia sunt opera animæ, quæ ab anima præcipue procedunt, et ad animum excolendum spectant, ut legere, docere, canere, organa pulsare. Et hæc dicuntur liberalia, quia à liberis exercentur. Alia denique sunt media, seu communia, quæ à liberis et servis promiscue exercentur, ut

iter facere, venari, etc. Ita *Laym. tract. 7. c. 1. n. 1. Bon. dub. 3. q. un. p. 2. n. 6. Anaclet. Viva, etc.*

273. — Quæritur hic, an peccent contra hoc præceptum, qui peccant die festo? Affirmant *S. Bon. S. Antonin. Med. etc. apud. Salm. de 3. præc. c. 1. punct. 11. §. 1. n. 216. et 217.* quia, ut dicunt, peccatum opponitur cultui divino, qui in festo præcipitur; sed probabilior et longè communior est contraria sententia *Nav. in Sum. c. 6. n. 9. Suar. de rel. l. 2. c. 18. n. 3. Lug. de pœnit. d. 16. sect. 12. n. 116. et Salm. ibid. ex n. 218. cum Caj. Sot. Sylv. Sanch. Bon. Pal. Med. Trull. etc. et D. Thom. qui in 3. p. d. 39. quæst. 3. art. 5. r. 2. ad 2., Glossæ, dicenti in c. 13. Lucæ, quòd lex prohibet in sabbato, non hominem curare, sed servilia opera facere, id est peccatis gravari, sic respondet: Opera servilia mysticè intelliguntur peccata, sed ad litteram dicuntur, ad quorum exercitium servos deputatos habemus. Nec obstat illud quod *S. Doctor* ait 2. 2. q. 122. art. 4. ad 3. ubi dicit: *Magis contra hoc præceptum agit, qui peccat in die festo, quàm qui aliud corporale opus licitum facit.* Nam hoc intelligit de fine præcepti, non autem de præcepti obligatione; finis verò præcepti non cadit sub præcepto, ut dictum est *n. 264. ex eodem divo Thoma.**

274. — « 1. Impertinens est ad rationem operis servilis, » utrùm fiat ex lucro, an ex recreatione: an ex hac, an ista » intentione, pià, vanà, et turpi. *Cajet. Suar. Laym. loc. cit. etc.* contra *Sylv. et Canonistas.*

» 2. Impertinens quoque est, sive fiat cum defatigatione, » et labore, sive non; sive brevi, sive longo tempore, etc. » quia nihil horum mutat naturam operis.

» 3. Servile non est, ideòque nec prohibitum, in festo » ludere, choreas ducere, instrumenta musica pulsare, iter » facere pedibus, equo, curru, vel navi: unde etiam ad » hæc necessaria sunt licita. *Nav. c. 13. Tolet. et Laym. Suar. de fest. c. 27.* »

275. — Utrùm sit licitum in die festo itinerari pedibus, equo, vel curru? Negant *Abul. Caj. Sylv. etc.* At affirmandum est ex communi cum *Bus. Viva de 3. præc. q. 9. n. 8. Elbel n. 404. et Salm. tr. 23. c. 1. punct. 11. §. 3. n. 259.* Et sententia opposita nunc relinquenda est ut antiquata, benè ait *Rone. c. 3. q. 4.*

Utrum autem sit licitum uti lecticâ ab hominibus portatâ? Negat *Croix l. 3. p. 1. n. 577.* Affirmat *Tamb. cum Ills.* Sed in hoc dieo attendendam esse consuetudinem locorum, quæ jam viget in urbe Neapolis, et excusat à culpa, ut benè advertit *Mazzotta de 3. præcept. cap. 1. §. 1.*

276. — «4. Nec servile est, ducere jumenta sine onere, » cùm id sit iter facere, ut ait *Fill. hic c. 9. n. 170.* Ducere » autem jumenta, currus, vel navigium onustum mercibus, » est servile. *Suar. loc. cit. Fill. loc. cit.* Si tamen ante festum » talia itinera incepta sint, continuatio eorum permittitur, » vel ob publicam utilitatem, vel ob damnum, quod aliàs » sequeretur.»

Quæstio gravis est, an liceat ducere currus, vel jumenta onusta in die festo? Triplex est sententia.

Prima tenet hoc esse per se opus servile, præciso labore. Ita cum *Bus. Bon. disp. 3. q. un. p. 2. n. 23. cum Reg. et S. Anton. Nav. Caj. et Sylv. ap. Salm. loc. cit. n. 242.*

Secunda sententia tenet, hoc non licere sub gravi, non autem per se, sed ratione laboris, si is esset gravis in imponendis aut levandis oneribus: secus, si labor esset modicus. Ita *Croix. l. 3. p. 1. n. 578. Tamb. Dec. l. 4. c. 3. §. 1. n. 12. cum Dian. Sanch. Cons. l. 3. c. 2. dub. 7. n. 10. Pal. ap. Salm. ibid. in fin. Elbel de 3. præcept. n. 404.*

Tertia sententia probabilior, saltem hodie, quam tenent *Viva q. 9. art. 1. n. 9. Ronc. c. 3. q. 4. Salm. ibid. n. 243. cum aliis*, censet omninò licitum esse, non solum iter inceptum continuare, sed etiam inchoare. Ratio, quia in tali labore muliones non insumunt tempus notabile: et, si aliquando sit notabile, excusatur vel ob evitandum grave damnum, vel ob publicam utilitatem, vel denique quia adest universalis consuetudo, quam adesse meritò asserit *Mazz.*; idemque ait de nautis.

277. — An autem liceat in festis molere? Concedit *Sanchez Cons. lib. 5. cap. 2. d. 13.* si sit mola, quæ agitur aquâ, vel vento; non autem, si agatur bestiis, et in quâ requiritur magnus labor, et occupatio. Ex quâ doctrinâ satis probabiliter inferunt *Tamb. n. 14. et Croix n. 578.* quòd, quando cooperatio, et applicatio hominis est modica, non sit illicitum, saltem graviter, etiam cum bestiis molere.

An autem liceat ferrariis equos iter agentium ferrare? *Vide dub. seq. II. n. 300.*

278. — « 3. Item nec servile est, sive gratis, sive pro pretio, » docere, studere, scribere, transcribere, et secundum quosdam, ut *Medin. Lopez et Armillam*, quorum sententiam » probabilem putat *Laym. contra Fill. Azor et alios multos*, » pingere, etiam coloribus (nam de rudibus lineamentis ple- » rique concedunt); terere tamen colores, et non pingere, » sed tingere, ut verbi gratia colorare asseres, vel pannos, » dealbare parietes illiberale est. »

Hic plura sunt distinguenda :

Quær. 1. an docere, scribere, ludere, canere, etc. sint *servilia*, si fiant ob lucrum? Affirmant *Abul. Azor, Tabien. etc. ap. Salm. tr. 23. c. 1. punct. 12. n. 255 et 256.* quia, licet tales actiones sint liberales, ex lucro tamen fiunt serviles. Sed tenendum est oppositum ex *S. Th. 2. 2. q. 122. art. 4. ad 3. cum Sot. Nav. Suar. et Salm. ibid. n. 257.* Ratio, quia intentio operantis non potest opus mutare.

279. — Quær. 2. an transcribere sit opus servile? Affirmant *Caj. Nav. Sanch. Sylv. etc. apud Salm. ibid. n. 261.* quia transcribere, dicunt, non est opus mentis, cum multi transcribant etiam quod non intelligunt, sed negant communissimè, et probabilius *Elbel n. 399. Ronc. c. 3. q. 4. resp. 1. Salm. ibid. n. 262. cum Suar. Sa, Trull. Bon. et Viva q. 9. art. 1. n. 3. cum Pal. et communi*, quia transcribere, sicut scribere, ordinatur ad mentem instruendam : et ideò *Elbel n. 400. Viva ibid.* notant ex *Tamb.* licere etiam transcribere notas musicas, et rationes, et etiam characteres componere, ut *Laym cum Dian. Bus. n. 282. Mazz. et Elbel n. 401. cum Spor. Tamb. Sayr. et pluribus contra Pal.*

280. — Quær. 3. an pingere sit opus servile? *Prima sententia* negat cum *Lopez, Med. Ang. Sylv. Sayr. Armilla, Rosell. Barb. apud Salm. ibid. punct. 11. §. 3. n. 250. et apud Bus. et Laym.* Ratio, quia, ut dicunt, tale opus propriè servile non est, sed potiùs liberale, prout simillimum ac scribere. Saltem non esse servile, si fiat recreationis causà, admittunt *Azor, Reg. Fill. etc. apud Bon. disp. 5. q. un. p. 2. num. 25.* Hanc sententiam *Spor. n. 45.* vocat probabilissimam.

Secunda tamen communior *sententia* tenet, pingere esse opus servile, quia non potest dici actio liberalis, cum non

tendat ad mentem instruendam, ut tendit scriptura, sed solum ad assimilandas imagines rerum. Deinde, quia pingere simillimum est ac sculperé, et acu depingere, quæ ex communi sunt servilia. Ita *Salm. ibid. n. 231. cam Caj. Suar. Pal. Sanch. et aliis.*

His tamen non obstantibus, *Laym. tract. 7. c. 2. n. 3. Viva q. 9. a. 1. n. 4. Elbel n. 395. Holzm. n. 541. Ronc. ibid. q. 4. Anacl. tr. 10. q. 2. Tamb. l. 4. c. 3. §. 1. n. 8. cum Sa, Pelliz. et Pal.* admittunt, primam sententiam esse probabilem, modò id fiat sine magno apparatu, scilicet colores miscendo, tabulas dolando, etc. Ratio, quia pingere, licet requirat operationem materialem, non videtur tamen propriè posse dici actio servilis, imò potiùs dicenda videtur liberalis: nam, sicut scriptura exprimit conceptus internos, ita pictura exprimit imagines rerum, ut dicunt *Castr. Tamb. et Viva; vel, ut ait Laym.,* videtur pingere esse actio liberalis, quatenus tendit ad animum recreandum. Negari non potest, prædictam opinionem satis esse probabilem, ut rectè dicit *Mazzotta*: nam etsi non constaret, quòd pingere sit opus liberale, nec etiam constat esse servile; quod utique constandum fore videtur, ut posset dici prohibitum. Probabiliùs enim videtur esse actio, saltem *media*, et *communis* servis et liberis, dum sæpè communiter observamus nobiles viros non erubescere hanc operationem pingendi addiscere, et exercere; opera enim *in quantum* (loquitur *S. Th. 2. 2. q. 122. art. 4. ad 3.*) *sunt communia servis, et liberis, servilia non dicuntur.* Saltem, ut dicit *Ronc. in reg. prax.* non sunt dimittendi sine absolutione, qui hanc opinionem, ut probabilem sequuntur.

281. — Communiter autem admittunt *Sporer tr. 3. in Dec. c. 4. Fel. Pot. n. 2053. Mazz. et alii apud Tamb. et Viva,* non esse opus servile delineare, retrahere imagines vel exemplaria acu, ut solent scæminæ: hæc enim (ait *Tamb.*) magis referuntur ad exercendum ingenium, quàm ad operandum. Excusant etiam *Azor, Fill. Sylv. et Ang. apud Bon. ib. n. 25. in fine* puellas acu pingentes, ut addiscant, cum *Pal. Sa, Marchant. apud Bus. hic n. 285. in fin.*

Ars tamen sculptoria communiter, saltem in æstimatione hominum, inter artes mechanicas numeratur. Vide *Tamb. cum Pal. ibid. n. 10.*

Tom. III.

282. — « 6. Videntur etiam excusari posse in typographiis
 » litterarum collocatores, quando post divina collocant ne-
 » glectum pensum, ut habet *Laym. hic. Imprimere tamen*
 » servile habetur. *Escob. E. 5. c. 4. Suar. Laym. etc.*

« 7. Excusat etiam *Fill. hic n. 169.* distillationem, quæ
 » sine corporis fatigatione potius ad experientiam, et peri-
 » tiam fit, quàm ex officio, et arte. » (*Admittit eam Croix*
n. 578. si parva sit applicatio. An autem ob eandem ratio-
nem liceat emundare triticum manibus? Tamb. §. 1. in fin.
in dubium revocat. Cæterum P. Michaël apud Elbel n. 408.
permittit ad vitandum otium leves labores, ut decerpere rosas,
decorticare poma, etc. Sed in his potius dicendum puto, quòd
requiratur majus temporis spatium ad materiam gravem.)

283. — « 8. Servile aliqui non putant (alii contrarium
 » tenent, et excusant per consuetudinem, ad otium, aliaque
 » pejora vitanda) venari. *Granat. 2. 2. c. 3. t. 12. d. 4. sect. 7.*
 » *n. 65. aucupari, militare, gladiari, piscari (saltem in flumi-*
 » *nibus recreationis gratiâ) et similia: piscatio tamen mode-*
 » *rata esse debet. Vide Laym. et Fill. tr. 27. c. 9. q. 12. Bon.*
 » *d. 5. q. 1. p. 2. n. 25. Escob. qui docet laboriosam esse,*
 » *et ex officio non licere. Similiter quidam excusant puellas*
 » *ad otium vitandum acu pingentes, Arm. Azor, Pal. Sa,*
 » *Marchant. Vide Dian. p. 5. t. 6. r. 15. et p. 4. tr. 4. r. 92.*

Quæritur, an venatio, aucupatio, et piscatio sint opera
 vetita diebus festis? Adest duplex sententia.

Prima affirmat, quia dicunt esse opera servilia, maximè
 si fiant ob quæstum, ut *Sylv. Angel. Corell. etc. apud Salm.*
tr. 23. c. 1. punct. 11. §. 3. n. 254.

Secunda tamen sententia probabilior, et communior negat
 esse prohibita, etsi fiant causâ lucri; vel quia non sunt opera
 servilia, ut tenent *Laym. c. 2. n. 4. Elbel n. 402. Sanch. in*
Cons. l. 5. c. 2. d. 14. et 15. Navar. Med. Granad. Rod. Lop.
 Vel quia saltem excusantur à consuetudine, ut rectè tenet
Holzm. n. 542. Viva. art. 1. n. 15. cum Pal. Sanch. Trull.
Fill. Leand. etc. modò, intellige, hæc fiant sine magno labore:
 aliàs frustrâ videretur Pontifex dispensasse in piscatione ha-
 lecum in c. 5. de feriis.

284. — « *Resp. 2.* Prohibentur præterea quædam opera
 » non servilia, quæ dicuntur forensia, ut sunt mercatus,
 » placitum, judicium ad mortem, vel pœnam, et strepitus

» omnis judicialis, id est actiones, quæ ad decisionem causarum, tam civilium, quam criminalium, tam secularium, quam ecclesiasticarum spectant. Ita *commun. DD. ex c. 2. de feriis.* »

Unde resolves :

« 1. Die festo non licet citare, adducere testes, id est, » exigere juramentum judiciale, proferre, aut exequi sententiam, quæ, si feratur, est irrita. *Vide Laym. l. 4. t. 7. c. 2. n. 7.* »

Prohibetur in festis præstare juramentum judiciale pro rebus temporalibus, ut *S. Th. 2. 2. q. 89. art. 10.* Sed licitum est præstare juramentum inquisitoribus, et etiam juramenta, quibus confirmantur contractus promissi in die festo. *Viva art. 2. n. 13.* Prohibentur etiam formatio processûs, citatio partis, et sententiæ prolatio, sive executio; nisi aliter requiratur necessitas, aut pietas; *ex c. ult. de feriis.*

285. — « 2. Nec licet emere, et vendere res non necessarias, negotiari publicè, vel privatim, inire contractus emptionis, locationis, permutationis, etc. (nisi ex consuetudine, vel aliis justis causis excusentur) quia intelliguntur nomine mercatus, qui prohibitus est *c. 1. de feriis,* ut docent *Bon. ex Suar. c. 13. Fill. t. 27. c. 10. q. 2. n. 180.* » (*Vide n. seq. v. An autem.*)

286. — Nundinæ universales ex consuetudine jam permittuntur, et alicubi etiam nundinæ particulares in quavis hebdomada, ut *Viva q. 9. art. 2. n. 2. cum Pal. et Salm. tr. 23. c. 1. punct. 13. §. 1. n. 269. et 270. et ibid. Sanch. Caj. Sot. etc. Croix n. 606. qui cum Pal. et Tamb. dicit, quòd ex consuetudine nunc videtur omninò licitus esse mercatus. Emptiones autem mercium certè sunt vetitæ à jure canonico, ut ait Sanch. d. 23. n. 5. etc. ap. Salm. ibid. n. 272. At ubi est contraria consuetudo, excusantur: Sanchez et Viva ibid. Consuetudo enim (ait Mazz. §. 2.) in hoc magnâ ex parte legem abrogavit. Hinc notant Salm. ibid. n. 273. permitti in festis vendere poculenta, et esculenta, etsi ad gulositatem, cum Caj. Sanch. Nav. et Bus. juxta detr. Sacr. Congr. rituum ap. Salm. ibid. n. 279. Item vendere calceos, candelas, et similia, quorum pretium jam æstimatum sit. Item*

vendere domum, equum, merces, etiam præsentēs, et quamvis in hoc multum tempus impendatur; tum quia sic fert timoratorum usus; tum quia Ecclesia tantum venditionem in publicis officinis prohibuit ratione scandali. (1) *It. Salm. ibid. ex n. 275 et 276. cum Sanch. Nav. etc. et Croix n. 606. cum Pal. Tamb. et Ills.*

An autem nomine mercatus vetentur etiam locationes, negotiationes, et similia? Affirmat *Bus. cum Tab. Sylv. etc.* Sed communiùs negant *Sanch. loc. cit. c. 2. dub. 26. n. 3. Viva art. 2. n. 4. Salm. ibid. c. 1. n. 277. cum Trull. Pal. Azoret Leand.* Quia talis est sapientum consuetudo, quæ videtur derogatum decretis *S. Pii V. Cum primum, ann. 1566. et Sacræ Congreg. rituum ap. Salm. ibid. n. 279.* Hinc licitos esse omnes contractus, si fiant sine instrumentis, et iudicis auctoritate, dicunt *Sanch. Ills. et alii apud Croix n. 606.* Idè venditionem magni momenti cum solemnitate *Mazzott.* damnat de mortali; sed *Viva* asserit ex commun. *cum Pal. q. 9. art. 2. n. 4.* quòd permittatur conficere testamenta, contractus celebrare, aliosque similes actus facere, qui non requirunt strepitum judiciale; et reverà, ubique inter nos in festis stipulantur instrumenta; quamvis notarii alicubi solent ad hoc petere ab Ordinario generalem licentiam, quæ cæterum communiter conceditur.

287. — « 3. Die festo licet excommunicare, dispensare, » iudicem privatim informare, advocatum consulere, consilia conficere, eligere, etc. quia non requirunt strepitum » judiciale. *Vide Bon. l. c.* » (*Est communis apud Viva q. 9. art. 2. n. 4. Licitum est etiam conferre beneficia, et etiam jurisdictionem exercere sine strepitu judiciali; item eman- cipare, et etiam appellare. Viva ibid.*)

DUBIUM II.

Quæ causæ excusent ab observatione festorum, ob quas opera prohibita licita sint.

288 *Qui possint dispensationem dare ad laborandum?*

289 *Quinam laborantes excusentur ex consuetudine?*

(1) *In Hom. Ap. tr. 6. n. 13.* additur:

« Item permittunt DD. etiam mercatoribus vendere aliquid clausis januis, » cum emptores pro tunc iis valdè indigerent. » *Edit.*

- 290 *An vertentes segetes, etc. An barbitonsores, et sulores? Et quid sufficiat ad notitiam consuetudinis?*
- 291 *Quomodo excuset pietas?*
- 292 *An liceat die festo verrere templum, ornare altaria, erigere sepulcrum, etc?*
- 293 *An liceat laborare ad subveniendum pauperibus, vel locis piis?*
- 294 *Quomodo excuset charitas erga proximum?*
- 295 *Quomodo necessitas?*
- 296 *An excusentur famuli, à domino coacti ad laborandum?*
- 297 *An pauperes, reficientes vestes, etc.?*
- 298 *An liceat die festo coquere cibos, occidere animalia, conficere pastillos, et colligere fructus?*
- 299 *An conficere panem?*
- 300 *An mederi, constare ferrum, coquere calcem, vitrum, etc.? Et an ferrare equos?*
- 301 *An liceat laborare ob magnum lucrum? Et an ob id etiam omittere Sacrum?*
- 302 *An ad vilandum otium?*
- 303 *An excusentur instauratores viarum, etc.? et sartores perficientes vestes die festo?*
- 304 *Quomodo excuset utilitas ob publicam lætitiā?*
- 305 *Quomodo excuset parvitas materiæ? (Vide etiam de hoc lib. 6. n. 346.)*
- 306 *An peccet graviter mandans sex famulis, ut laborent per horam?*
- 307 *Unde sumatur gravitas materiæ in forensibus?*

TALES præcipuè sunt septem: Prima, *dispensatio* Episcopi, vel habentis potestatem quasi episcopalem, uti superiores Religionum; imò et parochi, quando non datur facilis accessus ad Episcopum. *Suar. c. 53. Laym. c. 4. n. 2. Bon. p. 1. n. 20.*

288. — In præcepto abstinendi ab opere servili dispensare potest primò Pontifex, ut supremus legislator et pastor, in omnibus festivitatis, et pro tota Ecclesia. *Secundò* Episcopus in suâ diœcesi; et etiam capitulum, sede vacante; necnon prælati regulares erga suos religiosos subditos, et eorum domesticos. Et notandum, quòd Episcopi dispensare possunt etiam in festis communibus: notandum tamen, quòd, si in iis dispensent sine justa causa, peccant graviter, et invalida est dispensatio; secùs, si dispensent in festis synodalibus, sive particularibus loci. *Tertiò* parochus dispensare potest,

quando subditus nequit adire Episcopum, sed tantum ad tempus, et pro aliquo particulari casu. Ita *Sanch. Cons. lib. 3. c. 2. d. 20. n. 2. Caj. Sot. Nav. Suar. Pal. Azor, Trull. cum Salm. tr. 23. c. 2. punct. 14. §. 4. n. 352. et Viva art. 2. n. 13.* qui notat, quod vicarius generalis etiam possit dispensare, sed tantum ex speciali mandato; nam ex generali ei non committuntur illa, quæ gratiam sapiunt, ut ait *Tamb. l. 4. §. 2. n. 5. cum Meroll. Barb. et Sanch.* Etiam verò præsentè Episcopo, parochi ex consuetudine possunt dispensare in minutis et frequentibus necessitatibus; in iis tamen rebus tantum, in quibus ex consuetudine introductum est ipsos dispensare, prout in jejuniis, et in vacatione ab operibus servilibus in festis. Ita *Viva loc. cit. Tambur. ut supra n. 37. et c. 3. §. 7. n. 56. cum Th. et Jo. Sanch. Spor. de leg. c. 1. n. 349. cum Suar. Mazzott. de leg. tr. 1. d. 4. q. 1. cap. 2. ac Salm. de leg. c. 3. punct. 4. §. 2. n. 40. comm.* Censet autem *Elbel de 3. præc. n. 414. cum Suar. Sylv. Fill. etc.* quod, urgente necessitate, sufficit etiam dispensatio præsumpta, si dispensator adiri nequeat. Hic autem notandum, quod habens potestatem ordinariam potest eam alteri delegare; non autem, si habeat delegatam. *Croix n. 384. cum Tamb. etc.*

289. — « Secunda, consuetudo; nam sic licitæ sunt nun-
» dinæ illæ, in festis passim haberi solitæ, et præparationes
» deliciarum non necessariarum, ut cupediarum, placenta-
» rum, et similium ciborum artificiosorum; item emptio-
» nes, et venditiones rerum parvi momenti. *Bon. l. c.*
» *Laym. l. c.* »

290. — Hinc ex consuetudine *Salm. tr. 23. c. 1. punct. 14. §. 3. n. 341. et Sanch. apud Viva art. 2. n. 12.* excusant eos, qui in area vertunt, aut separant segetes, et hortulanos rigantes olera. *Fernandez autem ap. Dian. cum Tamb. n. 13.* excusant barbitonsores ex consuetudine (et idem ait *Viva ib. dici posse de sutoribus calceantibus novos calceos*). Notat autem *Viva*, quod communiùs DD. dubitent de tali consuetudine approbata, de qua pariter dubitant *Sanch. d. 27. n. 1. et Salm. ibid. n. 356. et 337. cum Caj. et Tol.* Admittunt tamen probabiliter *Cent. Tourn. de 3. Decal. præc. art. 1. Col- liges-4. Mazzot. tom. 1. c. 2. Croix lib. 3. p. 1. n. 391. Elbel n. 417. Tamb. §. 2. n. 13. et Viva l. c.* eos excusari posse, vel ex parvitate materiæ, scilicet si unum, vel alterum ton-

deant, vel ex necessitate rusticorum, quibus tantum diebus festis conceditur, ut tondeantur. Et id concedunt *Salm. ibid. n. 534. cum Trull. et Pasq. n. 341.* non solum, quando rustici alibi habitant, ut admittit *Sanch.*, sed etiam in eodem loco, ubi degit barbitonsor, ex consuetudine jam introducta. Excusant eos etiam *Viva, Mazz. et Tamb. cum Fern. ib. et Croix cum Dian. et Ills. n. 591.* ratione notabilis lucri cessantis, si alias à plerisque relinquerentur cum gravi jactura lucri; cum *Spor. n. 55.* qui universè permittit id cum *Fern. Dian. etc.* ex consuetudine ferè ubique tolerata.

Notandum autem circa consuetudinem id, quod dicit *Viva art. 2. n. 8.* scilicet, quòd ad excusandum sufficit probabilis consuetudo: sufficit enim, ut dicunt *Salm. de leg. c. 6. punct. 5. §. 2. n. 18. Salas, Gran. etc.* dictum unius doctoris eximii, etiam moderni, qui consuetudinem afferat. Benè autem advertit *Mazz. de 3. præc. c. 2.* quòd in dubio de consuetudine possidet præceptum, unde petenda est dispensatio; secus, si probabile sit adesse consuetudinem.

291. — « Tertia, pietas in Deum, per quam licita sunt » opera, quæ proximè (non quæ remotè) spectant ad cultum » Dei: ut pulsare campanas, circumferre imagines, vel crucis in supplicatione. Ornare autem, et verrere templa, ac » similia, quæ ad ipsum officium non spectant, si absque » ratione in festum differantur, venialia habentur. *Fill. n. » 218. Bon. loc. cit. »*

292. — Queritur hic 1. an liceat in die festo verrere templum, coquere hostias, ornare altaria aut ecclesiam tapetis, tabulata erigere necessaria ad festivitatem, vel sepulcrum, et similia? Tres sunt sententiæ.

Prima sententia cum Conrad. et aliis apud Dian. dicit, hæc esse illicita sub gravi, nisi excuset rationabilis causa, quia sunt verè servilia; sed hæc est contra communem.

Secunda sententia cum Viva art. 2. n. 10. Suar. Tol. Croix n. 586. et Tamb. §. 2. n. 3. dicit, non esse servilia; sed si possent expediri die præcedenti, esset veniale transferre illa ad diem festum.

Tertia sententia satis probabilis tenet, hæc ne sub levi quidem vetari in die festo: tum quia est communis consuetudo; tum quia hæc opera per se proximè concurrunt ad cultum divinum. Ita *Elbel n. 420. Salm. tr. 23. c. 1. punct.*

44. §. 4. n. 251. *cum Dian. Pasq. Leand. etc.* Notant autem *Viva et Tamb. ibid.* quòd scienter præparare tabulata in die festo ad videndam processionem, de se esset peccatum grave; sed, si non sint facta pridè, licitè fiunt in die festo: et idem tenet *Mazott. loc. cit.*

293. — Quæritur 2. an ob solam pietatem, sine actuali necessitate, liceat in festis laborare, scilicet conficere vestes pro pauperibus, colere agros Ecclesiæ, vehere lapides et ligna, ad ejus ædificium. dealbare parietes templi? Affirmant *Angl. v. Feriæ, n. 9. 28. et 52. Tamb. v. Feriæ, n. 18. et 57. Gloss. in c. Conquestus, de feriis, v. Pietas, Sa, v. Fest. Vill. c. 22. n. 80. Fill. tr. 27. n. 156. item Perez, Sylv. Pal. etc. apud Sanch. cons. lib. 5. cap. 2. dub. 23.* Limitat tamen *Sylv.* modò non sit diebus dominicis, et festis solemnioribus, nec usque ad ultimam fatigationem. Moventur ex eo, quòd ex *c. Conquestus, de feriis*, excusentur judicialia, si *necessitas urgeat, vel pietas suadeat*: ergò similiter dicunt excusari servilia. Et hæc ratio non videtur spernenda, cùm eodem jure ecclesiastico, ut suprà n. 265, vetentur judicialia ac servilia; in æquiparatis autem, ubi currit eadem ratio, eadem currit legis dispositio, ut ex communi diximus de *leg. lib. 1. n. 106. in fin.* Negant verò alii licère, nisi actu urgeat necessitas, vel saltem, nisi interveniat licentia Episcopi; quia talia opera de se sunt servilia, et nonnisi remotè concurrunt ad cultum divinum. Judicialia verò, ut suprà, de se non sunt servilia, et ideò permittuntur ob pietatem. Præceptum autem colendi Deum, abstinendi à servilibus operibus, est altioris ordinis, quàm opera pietatis. Hæc secunda sententia mihi videtur certò probabilior cum *Sanch. l. c. n. 3. Pal. tr. 9. d. unic. p. 10. n. 2. Bon. p. 3. n. 6. et Salm. loc. cit. n. 260. cum Suarez, Cajet. Nav. etc. comm.* Hinc dicunt *Viva art. 2. num. 8. Tamb. n. 18. Sporer tract. 3. cap. 4. n. 53. Ronc. cap. 5. q. 5. et Salm. eodem tr. punct. 14. §. 4. n. 557.* tùm solùm licitum esse laborare, cùm pauper actu graviter indiget; vel (prout addunt *Ronc. et Salm. ib. cum AA. cit.*) ita indiget, ut, nisi in festo laboret, non posset suæ necessitati subvenire, et aliàs ipse pauper stipendium operariis non valeret solvere. Idem tenet *Escob. de 3. præc.* dicens, licère exstruere Ecclesiam, ejus agros colere, etc. si ipsa sit adcò paupercula, ut aliunde sibi providère

non valeat. Advertit *Tamb. l. c. cum Fag.* ad hoc non sufficere necessitatem communem, sed requiri, ut noscatur hujusmodi pauper in particulari, vel gravis et certa necessitas in aliqua universitate. Loquendo autem de locis piis *Salm. ibid. punct. 11. §. 4. n. 253.* sic ajunt: *Cæterum, quia ferè omnes Ecclesiæ et monasteria jam his temporibus egestate laborant: idcirco pro his, sive pro hospitalibus, confraternitatibus, et similibus, possunt licitè homines laborare, templa extruendo, segetes metendo, agros colendo, etc.* Ita *Salm. ibid. cum Suar. Sot. Pal. Bonac. Trull. Caj. Sanch. etc.* Sic pariter permittit *Maxzott.* laborare ad conficienda ornamenta necessaria pro Ecclesia indigente.

294 — «Quarta, *charitas* erga proximum; per quam liciti sunt, et valent actus judiciales pauperum orphanorum, viduarum et miserabilium personarum, ne expensis graventur. Sic etiam possunt rusticanorum, in parvis oppidis, si aliis diebus adesse nequeant, causæ civiles agitari. Similiter licet pauperibus, et infirmis, pro tunc egentibus, subvenire. Item emere, et vendere rusticis, qui aliis diebus impediuntur.» *Laym. cap. 2. n. 7. Vide Dian. t. 1. r. 34.*

395 — «Quinta, *necessitas* propria, vel aliena corporis, vel animæ; si nimirum sine gravi incommodo, aut detrimento aliquid omitti non possit.» (*D. Th. 2. 2. q. 122. art. 4. generaliter excusat, qui laborant ad vitandum damnum bonorum.*) «Quo modo excusantur 1. judicia, quæ celeritatem requirunt: v. gr. si latro foret fugitivus, nisi tunc caperetur. 2. Servi et ancillæ coacti à dominis laborare, nec audentes recusare: quod si tamen frequenter contingat, eos descrere debent. *Suar. Laym. Loc. cit.*»

296. — Famuli, coacti à dominis ad laborandum in die festo; nisi sit in festi contemptum, satis excusantur ob timorem gravis indignationis domini, aut gravis incommodi, v. gr. si timeant, ne dimittantur, quin possint statim, aut de facili alium dominum invenire. Ita *Croix cum Ills. n. 593. Ronc. c. 3. q. 3. Elbel. de 3. præc. n. 377. Viva art. 2. n. 9. Salm. tr. 23. c. 1. punct. 14. §. 3. n. 539. cum Pal. Suar. Azor. Bon. Nav. Sanch.* Quod si talis timor non adsit, verius dieunt *Sanchez n. 181. Salm. ibid. n. 540. Ronc. ibid. contra Bus.* ipsos tenèri statim dominos deserere; nisi sint addiscentes, vel obligati ad famulandum usque ad certum tempus,

si hi verè grave damnum paterentur. Idem , quod de famulis , dicitur de filiis , aut uxoribus , quæ coguntur ad laborandum à viris , si nequeant renuere sine timore gravis damni , aut gravis indignationis , ut *Viva et Salm. ibid. cum citat. AA. et Mazzott.*

297. — « 3. Excusantur iidem , et similes , resicientes suas » vestes : cum id aliis diebus non possint. » (*cum Laym. et Spor. n. 50.*) « 4. Pauperes , qui se , suosque alere non possunt , operantes privatim : sine scandalo , maximè quando » multi dies festi concurrunt. *Bon. n. 15.* » (*cum Sanch. lib. 3. c. 2. dub. 18. n. 15. et Salm. ibid. §. 2. n. 324. cum Azor, Suar. Pal. etc.*)

298. — « 5. Excusantur coqui , et culinarii. Certum est licè » coquere cibos , ut DD. communiter *cum S. Th. 2. 2. q. » 122. art. 4. ad 4. et 5.* » (*Et quod ad cibos præparandos pertinet , licitum est etiam animalia occidere , et excoriare , si pridè commodè non potuerit fieri , ut solet evenire in magnis civitatibus ; non autem in oppidulis , nisi sit in tempore æstivo , vel nisi concurrant plura festa. Sanch. dict. dub. 18. n. 6. cum Salm. c. 1. n. 326. cum Pal.*)

Licitum esse etiam artocopis facere pastillos , saltem ex consuetudine , ajunt *Sanch. n. 3. Salm. ibid. n. 527. cum Sot. et Trull.* Sed meritò negat *Tamb. §. 2. n. 11.* nisi sint pro cibo proprio tantùm illius diei ; vel iis opus esset ad publicam abundantiam , ut ait.

Utrùm liceat conficere cibos ad delectationem , putà saccharo condita , etc. Negant *Sanch. n. 15.* cui adhærent *Salm. ibid. n. 351. et Ronc.* nisi sint (ut dicunt *Salm.*) *ad modum victus diuturni* ; vel nisi occurrat improvisa aliqua specialis causa invitandi amicos , vel nisi , addit *Ronc.* , tales cibi die antecedenti non sic commodè vel sanè fieri possint. Sed *Pal. apud Tamb. n. 9.* dicit , hos cibos , etsi superfluos , et ad delectationem conficere , excusari consuetudine , et meritò probabile putat *Tambur. n. 10. cum Fagundez.* Et consentit *Viva art. 2. num. 6. vers 2. cum Azorio , et Mazzotta c. 2.*

Permittunt etiam ex consuetudine *Mazzott. ibid. Viv. dict. n. 6. et Fag. Pal. apud Tamb. dict. l. et n. 22.* colligere fructus in die festo , etiam non necessarios ad usum diei , ut integrior serventur. Et hoc faciliùs permittendum , si periculum

sit, ut ab aliis surripiantur, vel à pluvia contaminentur; unde usu receptum est multis in locis, colligi in die festo olivas, castaneas, et alios fructus sylvestres. Certum est autem, licere in festis præstare opera, quæ sunt necessaria ad usum quotidianum, ut sternere lectos, purgare domum, aut vestes, utensilia culinaria lavare, et similia. *Elbel n. 394. cum Sporer n. 42. Henno, etc. communiter.*

« 6. Excusantur pistorès, laniones, et similes in oppidis » populosis, et concursu festorum. » (*Dicit Cont. Tourn. de 5. Dec. præc. art. 1. Colliges 4. cum Pontas et Juenin, bene excusari pistorès, et vendentes merces, si aliter nequeunt se suosque sustentare; vel, si non laborant, sunt aliis grave incommodum parituri.*)

299. — Utrum liceat conficere, et coquere panem? Quoad pistorès seu furnarios, ait *Viva*, eos communiùs à DD. non excusari, si possint illum conficere die antecedenti; et idem dicunt *Sanchez, d. 18. num. 3. et Bonacina, punct. 5. n. 9.*, sed excusant, si interveniat concursus festorum, aut multitudo emptorum, vel utilitas populi. Probabiliter tamen *Mazzott. loc. cit. et Salm. tr. 23. c. 1. punct. 14. §. 2. n. 328. cum Sa, Azor, Pasqualig. Leand. etc.* universè tales excusant, etsi ad panem conficiendum farinam cribrent, triticum terant. Ratio, tum quia semper adest aliqua ex causis excusantibus, à *Sanch. et Bon.* mox assignatis; tum quia panis diurnus est aptior ad victum; et aliàs minima ejus penuria apta esset ad populum commovendum; tum quia adest consuetudo Romæ, et crederem posse dici ubique cum *Sporer n. 55.*

Ita quoad pistorès; sed quoad alios, an adsit consuetudo permittens conficere panem? Merito dubitat *Tamb. n. 9.* nisi concurrant plura festa; vel nisi panis coctus non sit satis aptus; vel denique nisi sit necessarius ad usum illius diei, ut dixi de pastillis, quia tunc reducit ad præparationem proprii victus. Ita *Tamb. n. 9. et 11. cum Sanch. Bon. et Fag.* De lanionibus autem vendentibus carnes, vide dicta *n. 298.*

300. — « 7. Chirurgi, pharmacopolæ. 8. Conflatores ferri, » et vitri, coctores laterum, calcis, etc. et quicumque, quorum opus semel cœptum non potest interrumpi sine » damno. »

Licitum est coquere calcem, vitrum, saponem, quia tallium coctio plures requirit dies; et hæc potest aliquando etiam inchoari die festo ad vitandum grave damnum, ut *Sanch. n. 21. et Sot. Pal. Trull. Nav. etc. cum Salm. ibid. §. 3. n. 341.*

Licitum est pariter ferrare equos itinerantium, vel eorum, qui summo mane iter sunt acturi, aut in agrum egressuri ad laborandum; nam alias grave damnum paterentur. Est commune, *Salm. ibid. n. 346. cum Sanch. loc. cit. n. 14. Sot. Trull. Nav. etc. ac Mazzott. dict. c. 2.* Idcirco pariter possunt refici vomeres eorum, qui aliter die sequenti laborare non valerent. Sic etiam reficere vias, pontes, ut *Mazzott. ibid.*

« 9. Excusantur molitores (*Vide supra dub. 1. n. 277.*),
 » et naucleri pendentes à ventis. 10. Piscatores halecum,
 » thymnorum, etc. qui certo tantum anni tempore id pos-
 » sunt. »

301. — Quæritur hinc 1. an occasio quærendi magnum lucrum excuset ab exercendis servilibus in die festo? Duplex est sententia probabilis.

Prima affirmat, ut tenent *Caj. in Summ. v. Festor. violatio, Angel. v. FERIA n. 34. Armilla v. Festum, n. 20. Holzm. tom. 1. n. 346. v. Quarta. Sanch. Cons. lib. 3. c. 2. dub. 19. cum Palac. Rosell. et Alcoz. P. Zachar. l. 3. p. 1. num. 388. Renzi de III. præc. cap. 3. q. 13. Spor. de 3. præc. c. 4. n. 31. Mazzott. c. 2. Elbel n. 402. Bon. p. 3. n. 15. Viva. art. 2. n. 9. in fin. Tamb. c. 3. §. 2. n. 80. cum Dian. et Fill. Sayr. et aliis apud Salm. ibid. n. 342.* Ratio, quia amissio magni lucri (scilicet extraordinarii, non autem mercedis diurnæ) idem est ac magnum pati damnum; ideò in c. *Licet de feriis Alexander III.* dispensasse fertur, ut possent capi halecia in Dominicis, et aliis festis, exceptis solemnioribus (sed non sub mortali, ut notat *Sanch. n. 4.*). Idque *Bus. hic Gob. Caj. Nav. apud Sanch.* rectè extendunt ad piscationem thymnorum.

Secunda tamen sententia, quam tenent *Ronc. c. 3. q. 3. r. 11. et Salm. ibid. n. 343. cum Suar. Reginald. Pal. Abul. etc.* negat eam excusare, quia, ut dicunt, non est idem amittere lucrum, ac damnum pati. Sed prima sententia est fortè magis probabilis, cum communiter illi, qui laboribus

se sustentant, raras habeant occasiones talis magni lucri acquirèndi, et existiment magnum damnum se sustinère, quando magnum lucrum amittunt; in idem enim reverà coïncidunt, aliquid amittere et prohibèri acquirere, quod ampliùs acquiri non potest: ut ait *Spor. dict. n. 51.* nam in *C. unic. de sent.* magnum lucrum cessans gravi damno æquiparatur. Saltem in tali circumstàntia dicendum videtur, præceptum festi, prout humanum, non obligare cum tanta jactura, ut ait *Tamb. necnon Ronc. qui d. l. non negat saltem excusare magnum lucrum speratum, si esset tale, quod ex eo posset quis, multas necessitates patiens, sibi providère et suis, cum Suar. Reg. ex Fill.*

Ob eamdem rationem probabiliter dicunt *Tamb. l. 4. cap. 2. §. 2. n. 7. et Mazzott. de 3. præc. cap. 3. §. 2. contra Salm. tr. 23. c. 1. punct. 14. §. 3. n. 345.* excusare etiam ab auditione Sacri notabilis lucri amissionem. *Vide infra dub. 3. n. 352.* Meritò autem reprobant *ibid. Salm.* illud, quod adhuc probabile putat *Tambur. cap. 1. §. 3. n. 9.* (et ei consentit *Viva q. 4. a. 3. n. 12.*) posse aliquem proficisci die sabbati ad venandum in nemore longinquo, licèt die dominicà ibi non possit audire missam; communiter enim (ait *Tamb.*) excusantur itinerantes, et vectores mercium, qui pridie festi iter aggrediuntur. Qui verò die Jovis venatum iret, communiter excusatur apud *Viva ibid. cum Sanch. March. et Pal.*

302. — Quæritur 2. an excuset ratio otii vitandi? Adsunt tres sententiæ.

Prima cum *Suar. Comit. et aliis ap. Croix n. 386.* omninò negat, quia pius finis otii vitandi non potest efficere, ut servile opus servilè non sit: sed hæc ratio non persuadet, quia causa, quando est justa, licèt naturam operis non mutet, tamen excusat.

Hinc secunda sententia, quam tenent *Sa, Sylv. et sequitur Laym. l. 4. tr. 7. c. 4. n. 2. in fine, et Mazz. cum Pelliz. et Burgh. apud. Croix*, excusat eos, qui, nisi laborent, occasione otii versantur in probabili periculo peccandi. Si enim, dicunt, excusat periculum damni temporalis, tantò magis debet excusare periculum spiritualis. Hanc sententiam admittunt *Tamb. cap. 3. §. 9. n. 18. Viva art. 2. n. 10. Sanch. dist. 15. n. 13. Croix d. n. 386. Zachar. l. 3. p. 1. n. 386.* tantùm in casu, quo urgeret tentatio, quæ aliter vinci non

posset, nisi laborando. Et sic etiam verè loquitur *Laym.* qui idèd dicit *cum Viva*, et *Spor. n. 34.* rarò talem necessitatem laborandi accidere; et hæc est *tertia sententia*, cui libentiùs me subscribo.

503. — « 11. Excusantur instauratores fontium, pontium, viarum publicarum, et similium, quæ moram non patiuntur. 12. Sartores in operibus necessariis, ut funeribus, nuptiis, etc. si aliter fieri non potest, ut satisfaciant. »

Sartoribus, qui in diebus profestis vestes suere non potuerint, licet eas perficere in festis, urgente necessitate, v. gr. funerum, nuptiarum, et similium; putà (dicunt *Salm.*) si advena careat vestibus decentibus: decentia enim status istius illos excusat. Ita *Salm. loc. cit. n. 357. cum Laym. c. 2. n. 2. Trull. Dian. Pasq.* Eos excusant etiam *Viva a. 2. n. 7. Mazzett. c. 2. Spor n. 30. et Croix n. 562. cum Laym. et Dian.* si alii expectent ad usum vestes promissas: sed intelligendum (ait benè *Croix*) si aliter sartores passuri essent grave incommodum. Idem dicunt *Salm. ib. de sutoribus cum Viva n. 12. et Mazz.* qui excusant calceantes novos calceos, ex consuetudine introducta.

« 13. Item agricolæ, ad cavendum damnum, ruri laborantes, ut, si ob pluviam imminuentem segetes, vel scœnum congregent. *Bon. n. 13. Fill. n. 214. (Croix n. 558.)*

« 14. Denique excusantur etiam mercatores, qui clausis tabernis quædam vendunt, cum præsupponere possint, emptoribus ea tunc esse necessaria, nec aliàs commodè emere posse. » (*Vide supra n. 286.*) « De supra dictis vide *Suar. Fill. Laym. Bon. ll. cc.*

504. — « Sexta, utilitas, non simpliciter necessaria, sed ad communem lætitiâ, vel splendorem: sic enim licet in adventu vel ortu principis laborare, ut perficiantur theatra, ignes, vestes, etc. Quamquam monet rectè *Suarez*, præstare in hoc casu petere veniam à pastoribus. *Vide Bon.* » Licitum esse constat, ob publicam causam; et honestam necessitatis, vel lætitiæ, putà ob victoriam, adventum, vel ortum principis, etc. conficere vestes, theatra, et similia. Extendunt, hæc fieri posse etiam ob recitandam comœdiam, *Sanch. dub. 18. n. 27. Tol. et Trull. Pasq. ap. Salm. tr. 23. c. 1. punct. 14. §. 3. n. 547.* qui à fortiori extendunt ad tutorum agitationes; dummodò talia die profesto præveniri non

potuerint. Ratio, quia talia signa lætitiæ sunt reipublicæ moraliter necessaria: et ideo permittuntur ex consuetudine. Nam ad hæc omnia, ut notat *Viva*, sufficit probabilis necessitas, aut probabilis consuetudo. Sic pariter permittit *Mazz. d. c. 2.* conficere theatra, vestes famulorum, etc. causâ nuptiarum, si pridie perfici nequiverint.

303. — « Septima, excusat item, saltem à gravi peccato, »
 » parvitas operis, seu temporis. Unde grave non videtur unâ
 » horâ laborare, ut habet *Suar. l. 2. de fest. c. 52.* maximè,
 » ut notat *Laym.* si labor non sit nimis servilis, et fatigans
 » corpus. Imò durum videtur mortalis damnare, si quis duas
 » aut tres horas impendat. *Vide Fill. tr. 27. c. 1. q. 1. n. 103.* »

Quæritur 1. quænam in hoc sit gravitas materiæ. Aliqui canonistæ ap. *Suar.* ut ajunt *Salm. loc. cit. §. 1. n. 312.* ponunt pro materia gravi tertiam partem diei; sed hæc opinio communiter rejicitur. Alii contrâ nimis rigorosè ut *Azor, Bon. et Reg. ap. Croix n. 594.* ponunt unam horam, et hos impugnant *Suar. et Pal.* maximè, ut notat *Bus. cum Laym.* si labor non sit nimis fatigans. Alii ponunt pro materia gravi duas horas, ut *Ronc. c. 5. q. 5. r. 5. cum Sanchez. Trull. et Salm. ibid. n. 313. cum Pal. Elbel n. 303. Holz. n. 545.* Et hanc *Spor., ac Mazz. cum March.* vocant communem sententiam. Idem sentit *Henno ap. Cont. Tourn. de 3. Dec. præc. art. 1. concl. 1. in fine quæres.* si labor sit valdè servilis, ut cædere lapides, fodere terram, etc. In aliis autem requirit tres horas. Alii verò, genericè loquendo, requirunt ad materiam gravem (et non improbabiliter) duas saltem, et aliquantulum plùs, quàm duas horas, ut *Viva cum comm.* asserit, et *Dian. Gran. Henr. Bassæus, Leand. Vall. Ills. ap. Salm. ibid. n. 312. in fin. et ap. Croix d. l. cum Tamb. cap. 3. §. 2. n. 1.* qui dicit, esse hanc sententiam nostrâ ætate jam receptam. Alii ut *March. et Gob. ap. Croix ib.* requirunt tres horas, (1) quod *Viva et Mazzott.* etiam admittunt, si aliqualis necessitas, vel alia causa concurreret, per se sola non sufficiens ad excusandum. *Bus.,* pariter *cum Fill.* ait, durum esse damnare peccati mortalis laborem duarum, vel trium hora-

(1) Sed hæc opinio, inquit *S. Alphonsus in Hom. Ap. tr. 6. n. 23.* est nimis laxa. »

rum. Consentit *Croix*, lib. 3. p. 1. n. 594. et concludit, quod communior, et probabilior nunc est sententia, non esse mortale, nisi laboretur saltem multum ultra duas horas, puta duas horas cum dimidia.

306. — Quæritur 2. an peccet graviter, qui die festo mandat sex famulis, ut laborent per horam, *Coninch. in Clypeo tom. 3. art. 5.* affirmat, et pariter non negat *Arsdek*, cujus opinionem dicit probabilior *Croix c. 581.* casu, quo dominus mandat, ut laborent successivè, nam, si eodem tempore, consentiunt omnes cum *Sanch. Bon. Trull. etc. ibid. n. 580.* non esse mortale. Cæterum probabilior et longè communior est sententia, quod in utroque casu non est mortale, ut *Viva art. 2. n. 11. cum Bon. Sanch. dec. l. 1. c. 4. n. 12. Ronc. c. 3. q. 5. in fine; et Salm. ibid. n. 517. cum Trull. Dian. Pasq. Ratio*, quia opera famulorum non uniuntur in unum: nequit autem dominus peccare magis, quam ipsi famuli, qui tantum leviter in hoc peccarent, cum leviter tantum unusquisque deficeret ab obligatione vacandi Deo. Secus certò esset, si dominus uni famulo mandaret pluries laborare in die festo usque ad materiam gravem.

307. — « In forensibus autem, et judicialibus materiæ » quantitatem non ex quantitate temporis, sed qualitate operis desumendam, monet *Escob. E. 5. c. 3. n. 14. ex Palao lib. 1. tract. 9. d. 2. p. 3. n. 4.* Sic grave peccatum esse » asserit venditionem rei magni momenti, cum magna sollemnitate, licet brevi tempore fieret. Quod intellige (secundum » prædicta) nisi consuetudo, vel necessitas excuset. » (*Vide dicta n. 286. in fine.*)

DUBIUM III.

Quæ opera diebus festis præcipiantur?

308 Quomodo præcipiatur diebus festis auditio concionis, et missæ? Et parochis concionari? Remissivè ad n. 269.

309 An satisfaciat recitans sub missa officium, etc. An inserviens missæ?

310 Quænam omissio sit gravis in audiendo Sacro?

311 An liceat audire successivè duas missas dimidias?

312 E quo loco possit audiri missa?

313 *An in audienda missa requiratur attentio interna?*

314 *An satisfaciat confilens peccata tempore missæ?*

315 *An exlasim patiens?*

316 *An dormitans?*

317 *An confabulans, se vertens, aut calceans, aut deambulans, aut colligens eleemosynas, canens, etc?*

318 *In qua Ecclesia audienda sit missa?*

319 *Quinam satisfaciant audiendo missam in oratoriis privatis? An satisfaciant audientes in littore, aut castris?*

508. — « **R**ESP. præcipitur 1. Auditio concionis, non tamen sub mortali, nisi quatenus quisque tenetur discere necessaria ad salutem. *Vide Trid. sess. 24. cap. 4. de reform. Fill. hic c. 8. Bon. t. 1. d. 3. qu. 1. p. 2. n. 27. Suar. etc. Dixi, nisi quatenus, etc.* quia homines rudiores, ignorantibus præcipua mysteria fidei, ea præsertim, quæ sub gravi obligatione eos scire teneri dictum est supra l. 3. tr. 1. c. 1. tenentur lege charitatis (si aliàs ea commodè addiscere non possint) sub gravi peccato concioni, vel potius catechesi interesse. *Bon. d. 2. in præc. 2. n. 28.* addens, eo casu concionem etiam missæ præferendam esse. *Trull. l. 1. c. 1. d. 4. n. 12. Fag. etc.* » (*Quando autem Episcopi teneantur concionem facere; vide dicta n. 269. v. Hic obiter*) « Præcipitur 2. speciali præcepto, obligante sub mortali, audire missam, hoc est morali, et humanâ assistentiâ, sive præsentia ei interesse. Est communis ex cap. *Omnes fideles, et ex c. Missas, de consecrat. dist. 1. contra Ang. et Rosellam*, qui semel, vel iterum negligere, dicunt esse veniale. » (*Est præterea damnata hæc propositio ab Innocent. XI. propositione 52.*) « Obligat hoc præceptum omnibus festis omnes baptizatos usum rationis habentes: non autem infantes, amentes, vel catechumenos. Ratio primæ partis est, quia est universale. Ratio secundæ est, quia assistentiam humanam habere non possunt. Ratio tertiæ est, quia non sunt Ecclesiæ subjecti. *C. Lugo d. 22. sect. 1. et 2. ex Navar. Sanch. et Coninch.*

Unde resolves:

« 1. Non est obligatio audiendi concionem in parochia propria: tum quia DD. multi nullum hac de re præceptum

5..

» agnoscunt, cum *Trid. sess. 24. c. 4. de ref. dicat, teneri*,
 » ubi commodè id fieri potest; tùm quia, si qua obligatio
 » fuit, ei derogatum est per privilegia Regularium, et gene-
 » ralem consuetudinem contrariam. *Suarez de rel. l. 2.*
 » *cap. 16. Azor, Navar. Cened. Zerol, p. 1. verb. Præd. Trull.*
 » *l. 2. c. 1. d. 4. Vide Barb. in Trid. sess. 24. c. 4.* Imò fra-
 » tres Prædicatores, et Minores, et qui cum ipsis privilegiis
 » communicant, concionantes in suis Ecclesiis quovis anni
 » tempore, possunt auditoribus suis concedere 18 annos, et
 » 220 dies indulgent. nomine Papæ. *Dian. p. 4. t. 4. r. 22.*
 » *ex Rodrig. etc.* » (*Vide dicta suprâ n. 269. et dicenda apud*
Bus. n. 323.)

» 2. Non est obligatio audiendi missam feriâ quintâ et
 » sextâ, et sabbato majoris Hebdomadæ, neque diebus Ro-
 » gationum. *Azor, Henrig. Suar. d. 88. sect. 5.*

» 5. In die Nativitatis Christi tantùm tenêris audire unam
 » missam. *Nav. Suar. Fill.*

309. — » 4. Satisfacit, qui recitat sub missa (ex obligatione)
 » Horas canonicas, vel pœnitentiam injunctam in confessione,
 » ut contra *Caj. Syl. Ang. Armill. docent Suar. Sa, Rodrig.*
 » *Fill. etc.* Ratio est, quia duobus præceptis potest simul
 » satisfieri, » (*Idem sentiunt Spor. c. 4. n. 16. Elbel n. 359.*
Salm. tr. 5. de Sacrif. missæ. c. 6. punct. 2. n. 20. cum Pal.
Bon. Sanch. et communissima) « ut videre est *suprâ lib. 1.*
 » *n. 164.* Idem de eo, qui confitetur tempore missæ,
 » affirmat *Regin. l. 19. n. 14.* dummodò intentionem habue-
 » rit audiendi missam. Negat autem *Suar. d. 88. sect. 6. Azor.*
 » *c. 7. q. 6. Gordonus, Card. Lug. l. c.* si quidem possit
 » differre confessionem, nec adsit necessitas præcepti confes-
 » sionis. Idem dicit *Bon. disp. 4. art. ult. p. 1.* Ubi contra-
 » riam praxim quorundam excusat, vel ob necessitatem com-
 » municandi, vel intentionem audiendi missam aliam, vel
 » denique ob bonam fidem. » (*Vide infrâ n. 314.*)

» 5. Satisfaciunt etiam inservientes missæ, si recedant,
 » allaturi necessaria, v. gr. vinum, hostiam, thus, etc. quia
 » cùm hæc ordinentur ad officium, non censentur abesse,
 » dummodò non recedant ab Ecclesiâ, vel saltem non longè.
 » *Vide Bon.* » (*Ita etiam Lugô disp. 22. sect. 1. n. 24. et*
Salm. ibid. n. 21. cum Sa, Nav. Sylv. Dic. etc. Et sic tenendum
cum Elbel num. 556. Pal. et Bon. si sit per breve tempus, vel

non creator ab Ecclesia contra Dic. Leand. et Dian. apud Salm. dict. n. 21.)

310. — « 6. Peccat, qui non audit integram missam; et qui-
» dem venialiter, si omittatur parva pars: mortaliter, si no-
» tabilis, v. gr. media vel tertia pars. Laym. tamen, et alii
» durum putant, mortalis damnare eum, qui ab offertorio
» usque ad finem adsit. Additque, communiter excusari à
» mortali, qui audiunt à principio epistolæ, vel, secundum
» alios, evangelii usque ad finem; vel ab initio usque ad com-
» munionem. Vide Bonac. l. 1. d. 4. q. ult. Card. Lugo d. 22.
» sect. 1. n. 3. »

Quær. 1. quænam omissio in audiendo Sacro sit peccatum grave? Diverse sunt sententiæ.

Prima dicit, esse grave omittere ab initio usque ad episto-
lam exclusivè; ita Tol. Bon. Nav. Torr. ap. Croix l. 3. p. 1.
n. 665.

Secunda dicit, esse grave, si omittatur inclusivè usque ad
epistolam, ita tenent Viva quæst. 9. art. 3. n. 2. Croix et
Salm. de miss. Sacrif. c. 6. punct. 1. n. 2. cum Sol. Suar.
Tab. Azor, Fag. Con. Henr. Dic. etc. cum communiori, ut
asserunt Salm.

Tertia sententia dicit, non esse grave, si omittatur ab
initio usque ad evangelium inclusivè, modò audiat usque
ad ultimum evangelium. Ita Dicast. Pal. Lug. Tamb. Sa,
apud Salm. ibid. et Croix. Et probabilem hanc censent Holzm.
de 5. præc. n. 525. Elbel n. 258. et apud Salm. loc. cit. Suar.
Azor, Bonac. Laym. Henr. Rodr. etc. Etiam si omittatur. Credo
ut Lug. Henr. Bergh. apud Croix loc. cit. quia Credo non est
pars regularis. Hinc dicunt non peccare graviter, qui veniat
ante offertorium, ex quo, teste Isidoro, olim missa inci-
picbat. Secunda sententia mihi est probabilior; sed hanc ulti-
mam (rectè dicunt Salm. ibid.) quis neget esse probabilem in
re, quæ pendet ab æstimatione hominum, cum sit fulcita tot
et talibus auctoribus? (1)

Qui autem omittit omnia post sumptionem, non peccat gra-

(1) In Ham. Ap. tr. 6. n. 33. « Queritur quæ sit parva materia in præcepto
» audietis sacrum? Alii putant esse parvam materiam omittere usque ad
» evangelium exclusivè; multi inclusivè... etiam si omitteretur Credo. Prima
» sententia est communior et probabilior, sed secundam non puto improbabilem.
» Item. »

viter, est commune cum *Croix* n. 666. Neque si omittat omnia ante epistolam simul, et omnia post sumptionem, ut *Suar. Ills. Fag. apud Croix*. Quid si omitteret etiam epistolam? *Baun. et Lamas* etiam excusant; sed contradicunt *Pal. Suar. Con. etc. communiùs ap. Croix*. Omittere autem solum offeritorium sive ante, sive post consecrationem, non est grave, ait *Pasq. apud Croix* n. 667.

Quoad canonem autem, certum est minorem omissionem esse grave. Quare grave quidem est ommissio consecrationis, et sumptionis simul, ut communiter *ap. Salm. tr. et punct. cit. n. 3. et Croix d. n. 667*. Item si omittatur à consecratione usque ad *Pater noster* exclusivè. *Salm. ibid. Croix l. 3. p. 1. n. 667. Leand. et alii apud Croix*. Sed dubitatur, an omittere tantum communionem, vel consecrationem sit grave? Affirmant ex communiori *Reg. Bon. Con. Avers. etc. cum Croix ib. Ronc. c. 2. q. 1. Pal. de Euch. p. 16. n. 6. Holzm. c. 1. n. 52. Salm. ibid. n. 4*. Imò *Pasq.* dicit, esse grave, etsi una consecratio omittatur, quia probabiliùs sacrificium in consecratione consistit. Alii tamen, ut *Lugo de Euch. d. 22. n. 4. Tamb. l. 6. c. 2. §. 1. n. 3. Diana p. 5. t. 13. r. 61. Escob. d. 17. num. 126.* à gravi excusant, etiamsi tota consecratio omittatur; cum satis non constat, utrum essentia sacrificii sit verè in sumptione, vel consecratione; et probabile putet *Elbel n. 358. cum Suar. Hurt. Fag. Burghaber, etc.* valdèque adhærent *Spor. Viva, Laym. et Mazz.* Prima sententia videtur probabilior, quia (ut ajunt *Salm. loc. cit. et Holzm.*) licèt non constet, an essentia sacrificii consistat in consecratione, vel sumptione, constat tamen, utramque ad integritatem substantialem missæ pertinere. At, quia contrà non constat, an Ecclesia præcipiat sub gravi audientibus utrique parti interesse, idèò secunda sententia non videtur improbabilis. In die autem Parasceve non est obligatio audiendi missam, si in eo occurrat festum Annuntiationis, ut ait *Mazzot. de 3. præcept. c. 3. §. 1. cum communi, contra Vasquez.*

Quæritur 2. an, qui veniret ante consecrationem, nec posset aliam missam audire, teneatur saltem illam partem audire? Negat *Sancius*; at omninò affirmandum cum *Sanch. dec. l. 1. c. 19. n. 6. Salm. de Sacrific. miss. c. 1. punct. 1. n. 13. cum Lug. Suar. et communi*, quia remanent ea, in quibus consistit sacrificium. Sed si veniret post consecrationem, tunc

eum non tenēri reliqua audire dicunt *Henr. et alii ap. Salm. ib. juxta dicenda de Sacr. miss. l. 6. n. 303.* ubi dicemus, valdè probabiliter essentiam sacrificii in sola consecratione specierum consistere. Sed contradicit *Cont. Tourn. de 3. Decal. præc. art. 2. sect. 1. Colliges 3.* inquires, obligationem missæ scilicet habere instar officii, quod recitari debet in parte, si nequit integrè. Sed hoc non suadet, quia in officio præcipitur oratio; unde qui nequit integræ orationi satisfacere, tenetur parti, cui potest; sed, ubi deficit essentia missæ, cessat omninò obligatio, cum præceptum sit de audienda missa, non autem de audienda ejus parte, quæ non est missa. Cæterum sententia hæc affirmativa est valdè probabilis, et in praxi tenenda (ut ait *P. Zachar. l. 3. p. 1. n. 668.*) ex alia ratione, scilicet, quia audiri potest pars notabilis cæremoniæ sacræ ab Ecclesia præceptæ.

Quæritur 3. an omittens levem partem missæ, teneatur supplere, si possit? Negat *Fill.* quia, si omisit cum causa, tunc non peccavit; si sine causa, tunc jam veniale commisit. Sed probabilius contradicunt *Salm. ibid. n. 13. cum Leand.* quia, cum potest, tenetur missam integram audire.

311. — « 7. Non peccat, saltem mortaliter, qui à duobus » sacerdotibus successivè duas dimidias missas audit, ut habet » *Nav. c. 21. Sa, Sot. Henr. Dian. t. 1. tr. 3. r. 18. Bon. d. 4. q. ult. punct. 11. n. 13. Hurt. contra Suar. Conc. Eug.* » quia audit integram missam. Ob quam causam est pro- » babile, » (nunc improbable, ob damnatam ab *Innoc. XI. propos. 53.*) » etsi simul audiat, ut habent *Bon. l. c. Hurt. et Dian. contra Regin. Conc. Card. Lugo, etc.* quorum sententia videtur probabilior. »

Quæritur igitur, an satisfaciatur præcepto missæ audiens duas illius dimidias partes successivè à duobus sacerdotibus? Ad hoc prænotanda est propositio 53. damnata ab *Inn. XI.* quæ dicebat: *Satisfacit præcepto Ecclesiæ de audiendo Sacro, qui ejus duas partes, imò quatuor simul à diversis celebrantibus audit.* Sed dubium est si audiat successivè?

Prima sententia, quam tenent *Nav. c. 22. n. 2. Sa v. Missæ auditio n. 2. Laym. c. 3. in fine, Cabass. t. 1. l. 2. c. 32. n. 5. P. Zachar. l. 3. p. 1. n. 611. March. tr. 4. tit. 2. qu. 1. d. 2. item Sot. Bon. Pal. etc. ap. Salm. de Sacr. miss. c. 6. n. 7. Card. ap. Croix l. 3. p. 1. n. 611.* et probabilem putant *Salm. et Croix ll. cc. Viva de 3. præc. quæst. 9. art.*

3. n. 1. cum *Diana, Pasqual. et Tamb. de 3. præc. cap. 2. num. 10. Mazzot. c. 3. §. 1.* affirmat, satisfacere, etiamsi audiat duas partes dimidias inverso ordine, et etiam cum aliqua interpositione temporis, nimirum horæ, ut sentit *Mazzotta*. Ratio hujus sententiæ, tum quia auditio tunc bene terminatur ad unam missam integram, si non physicè, saltem moraliter; tum quia, cum Christus sit principalis offerens missæ, jam illæ duæ partes ab ipso integrantur; tum quia illæ duæ medietates, licet non sufficiant ad unitatem sacrificii, sufficiunt tamen ad unitatem obsequii ab Ecclesia præcepti, cum jam præstetur assistentia partibus sacrificium componentibus. Hanc sententiam dicimus non esse satis probabilem. Si quis autem audiat missam ab uno sacerdote usque ad consecrationem exclusivè, et ab altero à consecratione usque ad finem, putamus probabilem. Si verò audiat ab uno usque ad consecrationem inclusivè, et ab altero usque ad finem, probabiliorem censemus secundam sententiam quod non satisficiat, ut tenent *Suarez de festis sect. 2. Cont. Tourn. de 3. Decal. præc. art. 2. sect. 1. Coll. 3. Spor. de 3. præcep. c. 4. n. 23. Tamb. d. n. 10. Lugo disp. 22. n. 8. cum Azor et Coninch*. Ratio potissima, quia Ecclesia præscribit audire, et assistere missæ, quæ sit unum integrum sacrificium; sed, sicut non dicitur unum sacrificium illa missa, quæ ab uno sacerdote celebratur usque ad consecrationem, et ab altero usque ad finem; ita nec dici debet assistere uni sacrificio, qui duas missæ dimidias partes à diversis sacerdotibus audit.

Nec obstat dicere 1. ut ait *Vira*, quod, si dicatur missa ab uno, et, eo deficiente, ab altero perficiatur, unum dicitur sacrificium; nam respondetur, tunc verè unum sacrificium perfici, sed aliter res se habet in casu nostro, ubi duæ dimidiæ partes minimè unum sacrificium integrant. Non obstat 2. dicere cum *Croix*, quod, cum Christus sit principalis offerens, benè ex illis duabus partibus unum conficitur sacrificium; quia respondetur, quod, licet Christus in illis duabus missis sit unus offerens, tamen quia Christus tunc his offertur, ideò non jam conficitur unum sacrificium, sed verè sunt duo sacrificia diversa, quibus assistens quis per dimidias partes, non potest dici, quod uni sacrificio assistat, sed duobus sacrificiis imperfectis. Cæterum omnes conveniunt, et dicunt, quod, qui sine justa causa duas medias missas sic audiret,

nullo modo excusaretur saltem à peccato veniali, ut ajunt *Salm. Viva et alii communiter.*

312. — « 8. Non satisfacit, qui sub Sacro dormit, » (*Vide infra n. 316.*) « pingit, docet; vel qui est post murum, aut »
 « allam rem, tali loco, unde nihil audiri, videri, vel notari »
 « possit, quid fiat; quia non censetur moraliter præsens. »
 « Satisfacit tamen surdus, cæcus, et quicumque (licet sit post »
 « ostium, aut columnam, vel in fenestra, vel procul à »
 « templo) ita est præsens, ut ex signis externis colligere »
 « possit, quid à celebrante agatur, spectatâ loci naturâ »
 « (etiamsi per accidens nihil audiat, videat aut intelligat), »
 « sitque pars per moralem conjunctionem ejus multitudinis, »
 « quæ dicitur præsens, et est in conspectu altaris. *Bon. loc. cit.* »

Idem, quod *Bus.* asserit, docent *Lug. Reg. Dic. Leand. Bord. ap. Salm. de Sacr. missæ. c. 6. punct. 2. n. 25.* Sufficit enim audire missam in choro post altare, vel per fenestram, quæ fert in templum, etsi non cernatur sacerdos; modò per alios assistens advertere possit, quid fiat. Ita *Croix n. 641. et Mazzot. l. c.* qui tuldit, benè posse audiri missam post altare, et etiam post parietem, aut columnam, modò assistens uniatur aliis audientibus. Et adhuc è loco extra templum, si junctus sit multitudini protensæ usque ad altare; ut admittunt etiam *Croix n. 642. et Elbel n. 534. cum communi.* Dicit autem *Mazz.* non satisfacere eum, qui in magna basilica esset in aliqua capella, et in altera distantissima fieret Sacrum, sed hoc non videtur probabile, si is benè possit respicere celebrantem, et quid agat; quisque enim, qui adest in templo, quamvis procul ab altari, satis præstat missæ moralem assistentiam, ut benè ait *Spor. de 3. præc. c. 4. n. 8.*

An autem possit audiri missa ab eo, qui è domo sua, interceptâ viâ, respicit altare? Affirmant *Sporer n. 9. et 211. ac Lug. Dic. Gob. etc. apud Croix n. 643.* Idque non improbabili-
 ter admittunt *Mazzotta l. c. et Elbel n. 355. cum Escobar* et pluribus, si distantia sit parva; quia ille jam satis moraliter assistit. Et huic non dissentit *Continuatur Tournely loc. cit. concl. 2. num. 3.* Dicunt autem *Lugo et Escob.* non obstare distantiam 30 passuum. Sed *Tamb. et Gobat. apud Croix ib.* non admittunt.

313. — « 9. Audiens debet esse attentus, saltem virtuali-

» ter et in confuso; ut aliquo modo advertat, quid fiat. *Idem*,
 » si quis nunc attendat, nunc fabuletur, ut tamen semper
 » advertere possit, quid fiat, licet peccet irreverentiâ, non
 » tamen dampnandus est mortalis. Imò *Con. 5. p. q. 83. cum*
 » *Sylv. Rosel. et Med.* docet, eum satisfacere, qui voluntariè
 » toto Sacro est distractus, modò sibi sit præsens, et eum
 » reverentia externa assistat. Quod probabile esse docet *Laym.*
 » contra *Suar. Bon. et alios. Vide Con. l. c. et Card. Lug. n.*
 » 26. et 27. Plura de tota hac materia vide suprâ *l. 1. n. 163.*
 » et 165. »

Circa debitam attentionem ad missam, quaeritur 4. an ad satisfaciendum præcepto missæ requiratur etiam attentio interna? Adest duplex sententia.

Prima negat, quia Ecclesia actus internos non præcipit; itaque sufficit assistere attentione externâ morali, ita ut possimus testari, quæ fiunt. Ita *Lugo de Euchar. d. 22. s. 2. n. 71. et Con. Dic. Pell. Henr. Sylv. Med. Hurt. et alii multi ap. Salm. de Sac. miss. c. 6. punct. 4. n. 38. et probabilem vocant Laym. Less. Mazz. c. 3. §. 1. Zachar. l. 3. p. 1. n. 638. (cum communi, ut asserit) ac Spor. n. 18. etc.*

Secunda tamen sententia communior et probabilior, quam tenent *S. Th. in 4. d. 13. q. 4. art. 2. quæst. 4. Elbel n. 333. Sporer n. 14. Laym. Bon. Dian. et alii cum Salm. d. c. 6. n. 59. affirmat, requiri attentionem internam; quia Ecclesia, licet non possit præcipere directè actus internos; potest tamen indirectè. Juxta autem sententiam hanc sufficit (ut dicunt *Salm. ibid. n. 41. cum Caj. Sot. Suar. Nav. l. c. n. 10.*) ad satisfaciendum, sicut in officio, attentio virtualis, scilicet, quòd quis sub initio habeat intentionem attendendi, et illam non mutet; nam, si postea distrahatur, etiam advertenter, sed non advertat, se distrahi à missa, vel ab officio; etiam satisfacit: quia iste, licet voluntariè se distrahat, non tamen distrahitur voluntariè à missa. Ita *Salm. ibid. n. 42. cum Caj. Sot. Suar. Nav. et Sanch. cum pluribus.* Attentio autem sufficiens ad missam duplex est: 1. Ad verba et actiones celebrantis, animo colendi Deum. 2. Ad mysteria, vel ad Deum, scilicet, ad contemplanda ejus attributa, amorem, etc. modò attendatur ad principales partes missæ, et præcipuè ad consecrationem; et sumptionem; at post factum, benè advertit *Elbel n. 337. cum Tamb. et Sporer n. 16. quòd nemo anxius**

esse debet ob scrupulum hujus attentionis non præstitæ, quia sufficit habuisse intentionem generalem colendi Deum.

Cæterum, primam sententiam, quam *Croix l. 4. n. 1544.* vocat, spectatâ ratione, probabilio rem, et *l. 3. p. 1. n. 658.* vocat communem, negari non potest, esse satis probabilem, juxta dicenda de *Hor. canon. lib. 5. n. 177.* Et à fortiori quoad missam audiendam, cui sufficit præstare assistentiam moralem, ut dicunt *AA. citati cum Renzi de 3. præc. c. 3. q. 5.* quin expressè requiratur oratio. Saltem (dico), stante auctoritate tot tantorumque *DD.* hanc sententiam tuentium, sat dubia videtur Ecclesiæ lex (ab *AA.* contrariis supposita) quæ etiam ad attentionem internam, ac ad orationem audientes obliget, cum plures graves *DD.* ut *Less. Suar. Med. etc.* doceant ad missam audiendam non esse opus orare, sed tantum intendere Deum colere. Hinc *Croix l. 6. p. 2. n. 1740.* ponit contrariam inter sententias rigidas, periculosas in praxi, ratione scrupulorum, quibus illa semper est obnoxia. Intelligitur tamen, nisi distractio sit talis, ut audiens nullo modo attendat ad missam, ut notat *l. 3. p. 1. num. 659.*

314. — Quæritur 2. an satisfaciatur, qui tempore missæ peccata confitetur? Resp. negativè cum sententia communi, quam tenent *Cont. Tourn. de 3. Dec. præc. art. 2. sect. 1. concl. 2. cum Tab. et Pontus, Salm. de Sacr. miss. c. 6. punct. 4. n. 46. Tamb. de 1. præc. c. 5. n. 25. Escob. c. 9. n. 183. Bon. de Euch. q. ult. p. 11. n. 26.* (qui à contraria sententia se retractavit) *Holz. de 3. præc. c. 1. n. 527.* (qui oppositam vocat improbabilem) item cum aliis *Lugo de Euch. d. 22. n. 22.* qui docet, hanc nostram omninò tenendam. Utuntur autem diversis rationibus; *Bon.* enim et *Bassæus* negant, quia non oraret; sed huic obstat id, quod docent *Suar. Less. Med. Gob. ap. Croix n. 654.* ut mox suprâ diximus, scilicet, quòd sufficiat audire missam colendo Deum, pro quo cultu oratio non est absolutè necessaria. Melius *Tamb. Dic. Pas. etc.* negant, quia nec externa præstaretur attentio, dum confitens tunc adesset ut reus, non jam ut offerens sacrificium cum sacerdote.

Secunda verò sententia affirmat, eum satisfacere, si peccata confitens aliquo modo attenderet simul ad missam. Hanc tenent *Pal. tr. 22. punct. 16. n. 4. cum Reg. et Molf. Gob. tr. 5. n. 258. Less. Cons. mor. v. Missa, cas. 2.* (sed *Less.* requirit, ut audiatur saltem bona pars Sacri ante confessionem) item *Hurt.*

de resid. p. 1. r. 8. n. 26. et probabilem putant *Croix l. 3. p. 1. n. 635. Zachar. l. 3. p. 1. n. 633. et Elbel de 3. præc. n. 345. cum Pichler ac Pell.* Ratio, quia talis bene assisteret moraliter, dum pia actione confessionis satis Deum directè cole-ret. Item (dicunt *Gob. et Elbel*) confessio facta sacerdoti est, acsi fieret Christo; quis autem negabit, confitentem Christo peccata sua, missæ non satisfacere? Et idem dicunt *Elbel n. 342. Zach. n. 636.* (cum communi, ut asserit) et *Pal. ac Gob. apud Croix n. 636.* de sacerdote excipiente confessiones. Hæc secunda sententia non videtur omnino probabilitate destituta, et olim probabilem ipsemet censui; sed quia postmodum obser-vavi eam à pluribus gravibus DD. rejici, modò non audeo pro-babilem dicere. Absolutè autem illam tenet, et consulit *Croix l. c. cum Less.* casu, quo obligati ad missam essent famuli, qui aliter non confiterentur; tunc enim (ut ait) saltem præsumitur, quòd Ecclesia consentiat. Vide dicenda n. 332. v. *Non excusa-tur.* Commune verò est, quòd satisfacit, qui inter missam exa-minat suam conscientiam; sicut qui legit librum spiritualem; nisi legeret historiam sacram animo discendi stylum, (1) ut *Suar. Croix. n. 634. etc.* Sicut etiam celebrans potest audire missam alienam, ut probabilius putant *Croix n. 637. Zachar. n. 637. et Spor. n. 16.* quia hic, dum celebrat, jam orat.

313. — Quæritur 3. an satisfaciatur præcepto, qui, dum Sa-crum audit, extasim patitur? Negant *Lug. Tor. Lean. apud Salm. Lug. de Euch. d. 22. n. 19. item Torre c. 1. n. 205.* quia tunc, cum sit alienatus ab usu sensuum non assistit præ-sentiâ humanâ, et morali. Sed eum satisfacere affirmant *Salm. ex n. 206. cum Suar. Trull. Led. et aliis;* quia tunc adest attentio ad Deum, quæ perfectior est præ aliis, ut communiter docent DD. cum *S. Th. 2. 2. q. 83. n. 13.* Utraque est proba-bilis. Sed probabilior est secunda cum *Cont. Tourn. de 3 Decal. præcepto, art. 2. sect. 1. concl. 2.* quia in extasi non amitti-tur liberum arbitrium, ut docet *D. Th. 1. 2. q. 113. art. 3. ad 2.*

316. — Quæritur 4. an dormitans inter auditionem Sacri, vel recitationem officii, satisfaciatur? Respondetur cum *Sanch.*

(1) Ceterum communiter admittitur, quòd satisfacit missæ, qui conscien-tiam examinat, orationem facit, et aliquem librum spiritualem legit (non autem historiarum licet spiritualium). » *Ex Hom. Ap. tr. 6. n. 29.*

Cons. lib. 7. c. 2. d. 53. Nav. et Salm. tr. 5. c. 6. punct. 4. n. 48. quòd si post debitam intentionem audiat Sacrum; vel recitet Horas eà attentione, quā saltem advertat, se non omittere audire, vel dicere ullum verbum, licet vexatus à somno non attendat ad significationem, satisfacit, et saltem non peccat graviter.

517. — Queritur 3. an satisfaciat, qui audit Sacrum confabulando? *Bus.* hic affirmat, si confabulatio eum non impediatur quominus advertat, saltem in confuso, quid fiat. Sed verius contradicunt *Salm. ibid. n. 50. cum Suar. Dicast. et Fill. et eis adherent Laym. Bon. Trull. cum Sot. Med. et aliis apud Croix n. 635. in fin.* qui dicunt, eum non satisfacere, si confabulatio esset per magnam missæ partem, et de re seria; secus si esset per parvam partem, vel discontinuatim de re levi, quæ omnem attentionem non impediret: et sic sentit etiam *Elbel n. 543.* Sed huic ultimo neque omnino acquiesco; dum confabulatio etiam de re levi potest impedire attentionem externam.

Qui autem, dum audit missam, se vestit, aut calceat, probabiliter satisfacit, ut dicunt *Dic. Leand. Nav. Caj. Bon. etc. cum Salm. ibid. n. 52.* Qui tamen deambulare audiendo missam, dubitat *Bon.* an peccet graviter; sed dicunt bene satisfacere *Dic. Gob. cum aliis apud Croix n. 632.* Qui autem magnam Sacri partem insumit in colligendis eleemosynis, à pluribus excusatur, si sit in Ecclesia parva, secus in magna: ita *Henr. cum aliis apud Salm. dict. n. 52.* Sed *Lessius apud Croix dict. n. 632* indistinctè eos excusat, si simul attendant ad missam: et verè talis distractio non videtur esse impossibilis. Musici, organædi, et alii etiam satisfaciunt, si dum canunt, vel pulsant instrumenta, simul ad missam attendant; dum id etiam refertur ad eundem Dei cultum, ut *Croix d. n. 632. et Spor. n. 16.*

518. — «10. Præceptum audiendæ missæ impletur quocumque loco, sive in parochiali, aut cathedrali, sive in regularium Ecclesia, sive in oratoriis privatis, sive extra Ecclesiam audiatur. Ratio est quia Ecclesia tantum auditionem missæ præcipit, non autem locum: ergo quovis loco impletur.» (*Ita Salm. de Sacrif. missæ c. 6. punct. 1. n. 1. cum Lugo, Dic. etc. communiter. Sed quoad oratoria privata, vide n. seq. 519.*) «*Tol. l. 9. c. 7. Azor c. 6. Rodr. Nav.*

» *Fill. Næg. Suar. Conc. Bon. d. 4. q. ult. c. 52. n. 4. et*
 » *plures. Quæ doctrina, licet certa satis sit, nihilominus,*
 » *quia post omnes suprâ citatos auctores à quodam moderno,*
 » *viro aliàs docto, in dubium vocatur, peculiari dubio exa-*
 » *minanda est, ne cui (quia liber obvius est) scrupulus, aut*
 » *conscientia nascatur erronea.»*

Hic operæ pretium est plura ad trutinam revocare circa privilegium oratorii privati : et ante omnia refert annotare verba Brevis pontificii, quo solet hujusmodi indultum concedi.

Clemens XIII. *Tibi N. N. diæcesis Neapolitanæ, qui (ut asseris) ex nobili genere procreatus existis, ut in privato domus tuæ solitæ habitationis oratorio existente in civitate N. et diæcesi N. ad hoc decenter muro extracto, et ornato, seu extruendo et ornando, ab omnibus domesticis usibus libero, per Ordinarium loci prius visitando, et approbando, de ipsius Ordinarii licentia, ejus arbitrio duratura, unam missam pro unoquoque die, dummodò in eadem domo celebrandi licentia, quæ adhuc duret, alteri concessa non fuerit, per quemcumque sacerdotem ab eodem Ordinario approbatum sæcularem, seu de superiorum suorum licentia regularem, sine tamen quorumcumque jurium parochialium præjudicio, ac Paschatis Resurrectionis, Pentecostes, et Nativitatis Domini nostri Jesu Christi, nec non aliis solemnioribus anni festis diebus exceptis, in tua, et natorum, ac familiæ tuæ, nec non hospitum tuorum nobilium præsentia celebrari facere liberè et licitè possis et valeas, indulgemus. Non obstantibus, etc. Volumus autem, quòd familiares, servitio tuo tempore dicto actu non necessarii, ibidem missæ hujusmodi interessentes, ab obligatione audiendi missam in Ecclesia diebus festis de præcepto minimè liberi censeantur.*

Oportet nunc unamquamque Indulti clausulam breviter ad examen ponere ; ut difficultatibus occurratur.

Clausula I. *Tibi N. N. diæcesis Neapolitanæ.*

Hæc quæritur : an privilegiatus, transferendo domicilium in aliam diæcesim, poterit ibi illo uti ? Affirmant communissimè *Barbosa de jure ecclesiast. l. 2. c. 8. n. 16. Salas de leg. d. 20. sect. 15. num. 123. Pasqualig. de Sacrificio missæ qu. 629. Pellizzar. Man. t. 2. tr. 8. c. 2. sect. 2. n. 152. Tambur. Meth. celebr. miss. l. 1. c. 6. §. 4. n. 2. La Croix l. 6. p. 2. n. 269. cum Sylv. Bon. et Diana p. 4. tr. 4. r. 208. cum aliis pluribus.*

Ratio horum est, quia hoc privilegium est personale, cum non concedatur loco, sed personæ ob illius nobilitatem: quapropter, sicut, cessante causâ privilegii, privilegium cessat, ita, perseverante ejus causâ, nempe nobilitate personæ, privilegium perseverat. Nec obstare dicebant illud, *Tibi N. N. diæcesis Neapolitanæ*, id enim non apponitur taxativè, sed tantum demonstrativè, nimirum, *Tibi, qui nunc es diæcesis Neapolitanæ*, et hoc, ne privilegium usurpari possit ab alio alterius diæcesis, qui fortè sit ejusdem nominis. Advertunt tamen prælati AA. quòd semper requiritur inspectio loci, ac approbatio ab Ordinario illius alterius diæcesis. Sed, his non obstantibus, sentio cum *P. Fortunato à Brixia de oratorio domest. p. 62. et P. Gattico n. 20. eod. tit. c. 22. ac Morella apud Dian. loc. cit.* quòd, translato domicilio in aliam diæcesim, privilegium cessat. Ratio, quia in exemplaribus hodiernis hujusmodi indulti nomen civitatis, et diæcesis non solum applicatur personæ, nempe *Tibi diæcesis N.*, sed etiam ipsi oratorio, cum ibi dicatur: *In privato domus tuæ solitæ habitationis oratorio, in civitate N. existente*; et aliquando additur etiam nomen diæcesis; ergò, sicut limitatur privilegium circa personam, sic etiam circa locum. Et idèò puto auctores, pro prima opinione citatos, olim fere communiter illam tenuisse, quia olim nomen diæcesis apponebatur tantum personæ, non autem loco; sic enim habetur. in exemplari relato à *Tamb. loc. cit. n. 1. Tibi diæcesis N. ut in privato domus tuæ solitæ habitationis oratorio ad hoc decenter muro exstructo, etc.* Sed hodiè, posito quòd nomen civitatis, aut etiam diæcesis apponitur adhuc loco, non dubitandum, quin non demonstrativè sed taxativè apponatur. Præterquam quòd, etiamsi hoc dubium esset, hujusmodi privilegium in dubio strictè est interpretandum. Scio *Tamb. in cit. §. 4. n. 31.* citando pro se *Pellizz. mihi adversari, dicentem quòd tale indultum oratorii latè interpretari debeat, cum sit privilegium principis, quo nulli præjudicium inducitur.* Sed oppositam mihi verius apparet et *P. Fort. à Brixia l. c. c. 3. animadv. I. p. 91.* asserit, id commune esse apud omnes. Ratio, quia alias communiter docent *Sanchez de matr. l. 8. d. 1. n. 1. et 3. Bon. de privil. d. 1. q. 3. p. 7. §. 1. n. 3. Suer. de leg. l. 8. c. 27. n. 28. Salm. de privil. tract. 18. c. 1. punct. 6. n. 79. cum Palao, Laym. Bass. Tambur. et aliis*

passim, quòd, licèt privilegia, prout sunt favorabilia, latè; imò latissimè sint interpretanda, tamen privilegia illa, quæ juri communi derogant (sicut est hoc) regularitè strictè interpretari debent; quia privilegium contra jus commune continet, et importat dispensationem, quæ semper est odiosa. Idque confirmatur ex *reg. 15. juris in 6. ubi dicitur: Quæ à jure communi exorbitant, nequaquam ad consequentiam sunt trahenda*. Dixi *regularitè*; nam exeipiuntur aliqui casus, quos recensemus in *App. de privileg. posita in fine Operis*; vide ibi n. 7.

Dicunt autem *Pignatellus et Pasqualigus*, posse dominum, etiamsi per breve tempus maneret ruri, uti ibi privilegio oratorii, cum privilegium hoc sit personale. Sed etiam hoc negandum cum *Ronc. de Sacrif. missæ c. 5. q. 3. vers. Quarto*, juxta verba et suprà relata indultû, ubi dicitur: *In privato domûs tuæ solitæ habitationis oratorio*. Domus autem rusticana, ubi per breve tempus dominus degit, nequit dici *solitæ habitationis*.

Clausula II. *Qui (ut asseris) de nobili genere procreatus existis*.

Primo loco hic advertendum cum *Tambur. Meth. cel. missæ l. 1. c. 6. §. 4. n. 5.* quòd, non verificatâ hac conditione nobilitatis, omninò corrui hoc privilegium; quia ex communi doctrina tradita à *Sanch. de matr. l. 8. d. 24. n. 8.* cum non verificatur conditio, quâ non existente, privilegium non concederetur, privilegium cessat, eò quòd conditio illa tunc requiritur ut causa finalis et principalis concessionis. Dicunt autem *Pignatell. Cons. 68. n. 100. et Pasqual. ac Clericat. ap. P. Fort. à Brixia in cit. Opusc. de orat. dom.* sufficere ad id quamcumque nobilitatem, sive ex genere, sive ex privilegio, sive ex dignitate, aut gradu, vel alio modo. Sed hoc negat præfatus *P. Fort. à Brixia*, dicens Pontificem principaliter ob nobilitatem movèri ad hoc privilegium alicui impertiendum, et ideo non præsumi, quòd velit illud participari ab eo, qui non sit realiter nobilis. De cætero ait *Tamb. loc. cit.* illum hic censèri nobilem, qui per aliquot generationes artem mechanicam non exercuerit. Hinc censeo, semper distinguenda esse loca; nam qui fortè nobilis æstimabitur in aliqua civitate, non æstimabitur talis in alia.

Clausula III. *Ut in privato domûs tuæ solitæ habita-*

locis oratorio, in civitate N. existente, ad hoc decenter muro castructo, ornato, ab omnibus domesticis usibus libero.

Nota 1. verba, *muro castructo*. Dicunt hic *La Croix l. 6. part. 2. n. 266. et Tamb. loc. cit. n. 8.* non esse opus quatuor muris cum janua, qui oratorium ab aliis dividant locis, sed posse pro quarto muro aptari tapes, aut tela, quæ reseretur, vel claudatur, ad commoditatem audientium missam. Censet autem *P. Fortunatus à Brixia*, non sufficere amplos armarios intra cavitatem parietis, qui ligneâ tabulâ post absolutum sacrificium claudantur. Nulli dubium, quin hujusmodi oratoria decentius intra quatuor, vel saltem tres parietes in separato cubiculò construenda sint; sed ego novi præfatos armarios in usum esse Neapoli, novique, eos ab Archiepiscopo approbari. Et reverà hujusmodi oratoria sic formatâ non videntur juxta tenorem indulti, ut opponit *P. Font. à Brixia*, esse velita, quia tabule laterales satis gerunt vices parietum; modò tamen altare ligneum ita sit parieti colligatum, ut non sit amovibile; juxta decretum S. C. Rituum emanatum die 3. Decemb. 1661. quo dictum fuit: *Habens indultum eligendi oratorium in propria domo, si quis voluerit ibi ædificare altare ligneum, non indiget facultate apostolica, dummodò altare ligneum cum sacro lapide parieti colligatum amovibile non sit, et altaris portatilis imaginem non præ se ferat.*

Nota 2. verbum, *ornato*. Omnes conveniunt, locum oratorii debere ita esse constructum, ut diversus discerneretur ab aliis ad profanos usus designatis, ut ex ornatu sacrum appareat: imò ait *Pasqualigus quest. 618. n. 3.* quòd in his oratoriis splendidior requiratur ornatu, quàm in Ecclesiis, in quibus, cum adsit locus jam permanentè divino cultui dicatus, per se locus venerationem sibi advocat; sed cum id cesset in oratoriis privatis, idèò nitor ornatu venerationem supplere debet.

Nota 3. verba, *ab omnibus domesticis usibus libero*. Dicunt *Pasqual. de Sacr. miss. q. 618, et Tambur. l. c. n. 9. ex Sa verb. Ecclesia n. 3.* quòd, occurrente necessitate, sicut permittitur etiam in Ecclesia consecrata, comedere, dormire, et similia agere, tantò magis ea permittenda sint in oratorio; quòd solum ad tempus est ad Sacrum usum deputatum. Addit *La Croix lib. 6. p. 2. n. 266.* quòd hujusmodi actiones, licet absque necessitate fierent, non excedant culpam venia-

lem, docent enim DD. apud *Bonac. et Suar. de relig. lib. 5. cap. 8.* quòd illæ, etiãsi fierent in Ecclesia consecrata, non sũnt mortalia, nisi fierent constanter, et per modum habitũs, utendo Ecclesia vel oratorio tamquam quocumque loco profano. Quo tamen casu censet *Pasqual. cit. q. 618. n. 8. cum aliis*, locum effici ineptum, et idè cessare privilegium; saltem, ait *Tamb. ex Castrop.*, tunc locum indigère novã approbatione Episcopi.

An autem sit illicitum supra tectum oratorii vel Ecclesiæ ponere lectos, aut alia profana exercere? Negant *Roncaglia de Sacrif. miss. c. 3. qu. 3. v. Primo, in fine cum Pignatell. et Croix cit. n. 266. cum Quarti et Tamb. n. 9. vers. Illud, ex Sanch. l. 1. n. 26. et Glossa in cap. unic. de consecratione Eccles. in 6.* dicentes, quod abstinere ab his erit quidem de congruentia, non verò de præcepto; qui enim supra tectum Ecclesiæ dormit, extra Ecclesiam dormit. De cætero *S. Carolus Borromæus in concil. 4. Mediol.* prohibuit, ne supra Ecclesiam, capellam, aut oratorium, ubi missa peragitur, locus sit, in quo dormiatur, aut habitetur, aut quidquam profani fiat. Sed *P. Gattico c. 23. n. 6.* censet, quòd si alicubi aliter provideri nequeat ob angustiam domũs privilegiatæ, in hac re aliquid indulgendum sit.

Clausula IV. *Per Ordinarium loci prius visitando et approbando; ac de ipsius Ordinarii licentia, ejus arbitrio duratura.*

Oratorium debet quidem ab Ordinario visitari, et approbari, ut aptetur in loco decenti, id verò non nisi semel et gratis. Approbato autem oratorio, nequit deinde Ordinarius impedire, ne in eo celebretur; prout decisum refert *Barb. in Trident. sess. 22. Decr. de Observ. etc. n. 19.* Nomine Ordinarii veniunt tam vicarius generalis Episcopi, quàm capituli sede vacante, ex *Sanch. de matr. lib. 3. disp. 29. n. 3. et 5.* Potest autem Episcopus etiam alteri hanc visitandi facultatem committere, cùm hæc facultas officio Episcopali perpetuò sit annexa. *Sanch. ibid. d. 31. n. 1. et alii passim.*

Verba illa, *ac de ipsius Ordinarii licentia, ejus arbitrio duratura*, asserit *Tambur. n. 15.* non in omnibus indultis apponi, sed ubi apponuntur, si Ordinarius revocet licentiam, non potest quidem in oratorio celebrari, tantũ poterit ipse cogi, ut concedat, si neget injustè; *Tamb. cit. n. 14. et 15.* Advertit tamen idem auctor *n. 16. et Sanchez Consil. lib. 7.*

c. 1. dub. 33. num. 7. quòd verbum arbitrio differt à libera voluntate, undè ait, non posse Ordinatum hujusmodi licentiam revocare sine justa causa. Justa causà tamen existente, benè poterit celebrationem suspendere, et non solùm vi præfatæ clausulæ, sed etiam vi Tridentini ex citatò Decreto in sess. 22. de Observ. etc. ubi universè Episcopis, tamquam delegatis apostolicis, data est potestas statuèndi aut prohibèndi, quæ ipsis visa fuerint circa celebrationem missarum.

Clausula V. *Unam missam pro unoquoque die, dummodò in eadem domo celebrandi licentia, quæ adhuc duret, alteri concessa non fuerit.*

Nota, *unam missam, id est unicam*, ut declaravit (quidquid alii dixerint) *Bened. XIV.* in bulla *Magno*; vide dicenda super hoc punctum lib. 6. n. 359. v. *Notandum III.* Per verba autem *dummodò in eadem domo, etc.* etiamsi unus ex duobus dominis haberet proprium oratorium in sua habitatione separata (vulgò *appartamento*) ejusdem domûs, nulliter alter dominus privilegium impetraret.

Clausula VI. *Per quemcumque sacerdotem, ab eodem Ordinario approbatum sæcularem, seu de superiorum suorum licentia, regularem.*

Quidam auctor apud *Tamb. n. 33.* putavit, per hanc clausulam, sacerdotes indigère speciali approbatione ad celebrandum in oratorio privato, sed rectè id negat *Tamb.*, quia passim sacerdotes solent, tantùm ex universali approbatione celebrandi, in prædictis oratoriis Sacra facere.

Clausula VII. *Sine tamen quorumcumque jurium parochialium præjudicio.*

Clausula hæc importat, ut celebrantes nequeant in privatis oratoriis annuntiare matrimonia, jejunia, et similia ad parochos spectantia. Importat etiam, ut non possint ministrare (quidquid dicat *Tamb.*) Eucharistiæ sacramentum, sicut expressè prohibuit *Bened. XIV.* in quadam Encyclica ad Episcopos Poloniæ; vide dicenda l. 6. num. 359. in fine, vers. *Quæres hic.* Sacramentum autem poenitentiae universè præscribitur in Rituali Romano à nemine posse ministrari domi, nisi ex rationabili causa.

Clausula VIII. *Paschatis Resurrectionis, Pentecostes, et Nativitatis Domini nostri Jesu Christi, nec non aliis solemnioribus festis diebus exceptis.*

Advertit Tambur. n. 7. ex Garz p. 10. tit. 10. §. Sciendum, nomine Paschatis, et Pentecostes tantum primum diem intelligi, in qua reverè solemnitas est. Quinam autem dies subintelligentur per id sollemnioribus, vide lib. 6. n. 559. q. Ex quo deducitur 1. ubi affectur decretum S. C. illos explicans.

Clausula IX. In tua, et natorum, ac familiarum tuae, nec non hospitum tuorum nobilium præsentia celebrari facere.

Nomine tua omnino requiritur præsentia domini. Olim Roncaglia de Sacr. missæ c. 5. q. 5. vers. Quinto, cum Barbosa probabilem putavit opinionem, posse celebrari missam, assistente familiâ, quamvis dominus abesset, dicens particulam ac (in tua præsentia, et natorum, ac familiarum) intelligi pro vel; aliâs (ait) non sufficeret præsentia domini, si abesset familia. Sed hodie sancitum habemus à Bened. XIV. in decreto incipiente, Cum duo nobiles (vide constitutiones Benedicti XIV. in extensum relatas in fine hujus Operis, De Romanorum Pontificum Decretis part. 2. c. 2. decret. 5.) non posse celebrari in privato oratorio, nisi actu intersit aliqua persona ex iis, quibus indultum principaliter concessum et directum est.

Nomine natorum, dicunt Pignatell. tom. 6. Cons. 58. n. 405. et Pasq. de Sacrif. missæ q. 654. n. 1. venire etiam filios illegitimos, modò sint nati ex certo patre, et de ipso constet. P. Gattico de orat. domi c. 25. n. 25. et P. Fortun. à Brissia eod. tit. cum Barb. tenent venire tantum legitimos, non verò spurios, nec naturales, donec hi legitimentur per subsequens matrimonium, vel per auctoritatem principis; atque hujus sententiæ ego magis adhæreo, cum hujusmodi privilegium strictè sit interpretandum, prout probavimus in explicando clausulam I.

Nomine familie veniunt quidem tam consanguinei, quam affines. Utrum autem veniant omnes propinqui cujuscumque gradus? Affirmant Pignatell. Cons. 94. n. 402. et Pasq. q. 654. Verumtamen P. Gattico loc. cit. n. 76. sentit, privilegium non extendi, nisi ad quartum gradum; quia (ut ait) præsens disciplina, postquam impedimentum matrimonii ex carnali cognatione restrinxit ad quartum gradum, non respicit amplius ad gradus inferiores. Præterea, dicit Tamburinus cum Pelliazario, gaudere privilegio propinquos, etiam si

vivant propriis expensis; et in separatis partibus, modò habitent in eadem domo. Sed communius et verius ad negant Pignat. loc. cit. n. 95. Pasq. q. 649. Bonacag. de Sacrificio miss. cap. 5. q. 50 v. Sexto. Croix lib. 3. p. 1. num. 627, et P. Fort. à Brixia, quia ex indulto requiritur, ut cognati non solum degant in eadem domo, sed etiam ut sint de ejus familia.

Nomine tandem *hospitum*, dicit P. Fort. à Brixia cum Pelliz. et Gattico admitti posse etiam hospitem (modò sit nobilis juxta indultum) unius diei: et adhuc qui ad prandium invitatur à privilegiato, ut de privilegio participet. Non possunt tamen de eo gaudere hospitis famuli, cum non sint de privilegiati familia.

Clausula XI. *Volumus autem, ut familiares, servitio tuo tempore dicto actu non necessarii ibidem missa hujusmodi interessentes, ab obligatione audiendi missam in Ecclesia diebus festis de precepto minime liberi censeantur.*

Ut ergò familiares privilegio oratorii gaudeant, requiritur 1. ut vivant expensis domini, et ejus servitio incumbant, ex cap. Sicut nobis, de verb. sign. in 6. Requiritur 2. ut actu ipsi sint necessarii servitio domini. Requiritur 3. ut actu sint necessarii, non solum aliquando intra diem, sed tempore, quo missa celebratur; ita rectè P. Fort. à Brixia cum Gattico, idque patet ex verbis indulti. Censet autem Pignatellus Cons. 98. n. 107. quòd familiares utiles servitio habendi sint pro necessariis; idque admittit P. Gattico cap. 25. n. 19. saltem casu, quo famuli sint necessarii convenienti decori domini. Sed neutrum concedit P. Fort. à Brixia ex principio pluries suprà repetito, quia privilegium hoc strictè, et juxta rigorosam proprietatem verborum est interpretandum; tantum admittit cum Gattico unicum famulum, qui reputetur moraliter necessarius, ut assistat domino in iis, quæ tempore missæ ei occurrere possunt. Familiares autem cognatorum non gaudent hoc privilegio, nisi assumantur ab ipso privilegiato, ut assistant, et sint necessarii modo prædicto cognatis, qui sunt sub cura privilegiati.

349. — Dubitatur 1. An gaudeant famuli, viventes quidem expensis domini, sed habitantes extra ejus domum? Negant Bonacina, Barbosa, Lazzara, et Gobat. apud Croix lib. 6. par. 2. num. 272. Sed affirmant P. Mazzotta, Pellizzar. Man.

tract. 8. c. 2. sect. 2. q. 22. P. Gattico ap. P. Fort. à Brindis et Palauis, Diana, Quarti, et alii apud Croix loco citat. quorum sententia non videtur reprobanda, si familiares illi assistant continuo servitio domini, et reverà (ut diximus) sint domino necessarij tempore missæ.

Dubitatur 2. An omnes extranei, audientes missam in oratorio privato, satisfaciant præcepto? Affirmant *Bus. cum Azor et alijs.* Sed meritò opinionem hanc rejiciunt *Tamb. Meth. celebr. miss. lib. 1. c. 4. §. 4. n. 54. Sporer de 3. præc. c. 4. n. 14. Mazzotta de Sacrif. miss. cap. 3. et alii*, ex verbis indulti, ubi dicitur: *Volumus autem, ut, qui non sunt de familia, non censeantur liberi ab obligatione audiendi missam in Ecclesia.* Nec obstat dicere, quòd extranei illi jam missam audiant, et de loco non adest præceptum; verba enim illa, *volumus, etc.* ajunt apponi de stylo curiæ, pro tempore, quo olim missa audienda erat in parochia. Sed rectè respondet *Tamburinus*, quòd Pontifex, dicendo *volumus, etc.*, satis clarè imponit præceptum etiam de loco, jubendo, ut, qui non sunt de familia, teneantur audire missam, non jam in parochia, sed in Ecclesia publica, excluso oratorio privato.

Dubitatur 3. An aliquando teneatur dominus uti privilegio oratorii, si non possit Ecclesiam adire? Videtur negandum, quia, si teneretur uti suo privilegio, privilegium redderetur onerosum. At meritò affirmant ad id tenèri dominum, si commodè sacerdotem habere possit, *Pasqualig. q. 662. num. 4. Gattico cap. 25. num. 33. et P. Fortunat. à Brixia*, non quidem ex vi privilegii, sed ex vi præcepti, quòd obligat ad missam audiendam omnes, qui illud sine gravi incommodo implère valent. Hinc (ut etiam rectè ait *P. Fort. à Brixia cum Nugnez, Pasqual. et Gattico*) tenetur privilegiatus, si commodè possit, providere de sacerdote, non solùm sibi, sed etiam alijs de familia, si quis eorum nequeat ad Ecclesiam accedere.

Probabile autem est, quòd satisfaciat quicumque audit missam in littore, aut in castris, *Croix n. 629. cum Bon. et DD. cit.* Notandum hìc, quòd oratoria in domibus Episcoporum, Religiosorum, vel Missionariorum privilegiatorum, vel alibi erecta, et benedicta ab Episcopo, cum janua in via, (intellige hoc pro domibus laicorum) non sint jam

certiora privata, sed vere Ecclesiis; quare in iis audientes missam bene satisfaciunt, et in quibuscunque festis? Vide *Croix* n. 626. Et vide *tr. de Euch. lib. 6. ex n. 537.*

DUBIUM IV.

An sit obligatio audiendi missam in parochia dominicis et festis maioribus?

520. — **R**esp. Etsi id quidem decens sit, non tamen est obligatio. Est communis auctorum (quos vide superiore dub. cas. ult.) et ut ait *Card. Lugo disp. 23. sect. 1. n. 2.* certa; etsi *Marchantius in Candelabro mystico t. 4. cap. 7.* et in resolutionibus morulibus, in forma manualis editis, c. 8. in dubium vocet, scrupulumque movere conetur. Ratio est 1. Quia nullum extat. ea de re præceptum. 2. Quia c. *Ut Dominus*, jubetur parochus ante missam ejicere eos, qui proprio paracho contempto, istic missam audire vellent: ergo sine contemptu (formali) licet. 3. Quia c. *Si quis, de consecr. diet.* 1. jubentur ii, qui habent oratorium domi, in maioribus festivitibus audire sacrum in parochia, vel in civitatibus. 4. Quia universalis fidelium, et ipsorummet etiam parochorum doctorum, et confessoriorum (qui poenitentes hac de re non interrogant) consuetudo id non tantum, ut loquitur *Marchant. l. c.* insinuat, sed manifestè docet. 5. Quia *Trident. sess. 22. c. 7.* tantum dicit, populum debere moneri (non autem teneri) ut frequenter adeant parochias, saltem dominicis, et festis maioribus. Vide *Fagund. Lug. Barb. Zened. Trull. lib. 3. c. 1. dub. 6.*

521. — Neque obstant, quæ *March.* objeit, ut 1. Quod jura antiqua decernant contrarium; eò quod *Sixtus IV. De treuga et pace*, præcipiat, ne Mendicantes prædicent, non teneri audire missam in parochia Dominicis, et festis. Nam imprimis ex illo *Sixti* decreto nihil sequitur, cum is non dicat teneri, sed tantum prohibeat, ne publice prædicetur, non teneri. Cum enim honestissimum sit, populum audire missam in parochia, idque suadere debeat, *Tom. III.*

» minimè deceret (id publicè præsertim) dissuadere; nam
 » inde scandala, et proprii parochi contemptus sequi pos-
 » sent; et hoc est, quod Sixtus cavere voluit. Deinde, esto
 » antiqua forsàn aliqua jura id habeant, eis posterioribus
 » temporibus, per varia privilegia, receptamque consuetu-
 » dinem universalem, est derogatum. *Cajet. Lugo, et cæteri*
 » *AA. citati.*

» Nec obstat 2. quòd multos canonistas eam opinionem
 » secutos asserit. Esto enim olim quidam sic senserint; hoc
 » tamen tempore, post tot et tam ampla privilegia, post
 » tam claram, et diuturnam consuetudinem, post Eminen-
 » tiss. Cardin. declarationes, et ipsorum etiam Pontificum
 » nota decreta contraria (ut vide seq. resp.), an aliqui id do-
 » ceant, nescio.

322. — « Nec 3. locus Trid. paulò antè in resp. citatus,
 » quem objicit, ut patet ex ipsis verbis, et declaratione
 » Eminentiss. Cardin., auctorumque communi explicatione.

» Resp. 2. Episcopus non potest censuris, mulctis, aliis-
 » que pœnis cogere ad audiendam missam in parochia. Est
 » contra *March. loco citatò*, ubi ait, *Regulares ita commu-*
 » *niter respondere, ut privilegiorum suorum simbrias magni-*
 » *ficient, et dilatent phylacteria*: et contra auctorem *Paro-*
 » *chiani obedientis*. Ratio autem est, quia, ut ait *Navarr.*,
 » Episcopus non potest tollere (nec restringere) jus commune,
 » et generalem totius orbis consuetudinem. Ita docent præ-
 » ter auct. sup. cit. *S. Ant. p. 2. tit. 9. c. 10. §. 1. n. 4. Sylv.*
 » *v. Missa, Tolet. Laym. l. 4. t. 7. cap. 3. etc.* et commun.
 » omnes theologi, et canonistæ moderni: afferuntque *Azor*
 » *t. 1. l. 7. c. 8. q. 6. et Card. Lugo disp. 22. lib. 1. pro hac*
 » *sententia declarationem Card. in Trid. quæ expressè habet:*
 » *Non posse Ordinarium mulctis et pœnis cogere ad au-*
 » *diendam missam, vel concionem in propria parochia,*
 » *etiam in casu negligentiae.* Et, si quis his duobus, tam-
 » quam Regularibus, minùs fidat, legere potest eandem
 » declarationem ap. *Barb. in Trid. sess. 22. c. 8. de Sacrif.*
 » *miss. et sess. 24. de reform. c. 4. n. 12. Item tr. de Offic.*
 » *et potest. parochi*, ubi eandem sententiam *Barbos.* ipse
 » sequitur, et pro ea supra viginti auctores celebres, partim
 » theologos, partim canonistas, quâ regulares, quâ non
 » regulares, citat. Vide ejusdem *Remissiones in Trident. im-*

A press. Antverpiæ anno 1644. et Zerolam in praxi episcopali
 » p. 2. v. *Parochia*, et p. 1. v. *Missa*, §. 6. Idem disertis
 » verbis confirmat *Clemens VIII.* anno 1592. 22. Decemb.
 » decreto suo, circa hanc ipsam controversiam Duaci exci-
 » tatam, quo eam dirimit his verbis: *Præsenti nostro de-*
 » *creto sancimus, licere sæcularibus, Christique fidelibus*
 » *universis, missas diebus dominicis, et festis aliis ma-*
 » *joribus audire in Ecclesiis tam Fratrum Prædicatorum,*
 » *quàm aliorum Mendicantium, nec non etiam collegii*
 » *Societatis Jesu juxta eorum privilegia, et antiquas con-*
 » *suetudines, dummodò id in contemptum parochialium*
 » *Ecclesiarum non faciant: et tam dictis fratribus Prædi-*
 » *catoribus, ac presbyteris dictæ societatis, quàm aliis pri-*
 » *vilégiatis quibus id à Sede apostolica indultum est, idoneis*
 » *tamen et ab Oràinario approbatis, peccata sua, etiam*
 » *quadragesimali, et paschali, et quovis alio tempore con-*
 » *fiteri licitè posse, etc.* Quòd si verò dicta privilegia, et
 » alia similia clariùs cognoscere lubeat, inspicatur (ut alia
 » taceam) compendium privilegiorum Societatis Jesu, ubi
 » præter Leonis X clara sunt verba Pauli III in Extrav.
 » data anno 1549. Calend. Novemb. quæ incipit: *Licet debi-*
 » *tum; quâ omnibus Christi fidelibus, cujuscumque condi-*
 » *tionis, qui verbi Dei prædicationibus in templis ejusdem*
 » *Societatis interfuerint, concedit, ut ibidem missas audire,*
 » *et sacramenta recipere liberè, et licitè valeant, nequè ad*
 » *id parochiales Ecclesias accedere teneantur.* Porrò, ne quis
 » miretur, tam ampla privilegia Regularibus concessa à va-
 » riis Pontificibus, placebit inspicere eorum bullas, in qui-
 » bus reperiet motiva gravissima: aut si eas nec inspicere
 » lubet; recogitet saltem, Deum ipsum Innocentio III (dum
 » vidit Ecclesiam Lateranensem jamjam ruituram) osten-
 » disse, eam sustentari à S. Dominico et S. Francisco. Con-
 » sideret, quòd, sicut olim in varias orbis plagas, et in
 » ipsam Germaniam doctrina Christi translata est operâ Re-
 » gularium, ita sine eorum subsidio conservata diu non
 » fuisset, vel saltem minùs floruisset. Et denique, ne Regu-
 » laribus succenseat quisquam, quòd privilegia sua tuean-
 » tur, sciendum est, quòd sine consensu Sedis apostolicæ
 » iis renuntiare, aut cedere non possunt, ut vide lib. 2. *De-*
 » *cret. tit. 45. de arb. c. 5;* imò, etsi id faciant, irritum
 » 5.

fore, et peccaturos : quia injuriam inferrent Ordini, et Ecclesiæ toti. Nunc ad argumenta *Marchantii* breviter respondeo.

« 1. Afferit auctoritatem cujusdam P. Capuccini, qui *Parochianum obedientem* scripsit; et huic quidem me paulò antè sat multas, gravesque auctoritates opposuisse existimo.

« 2. Ait, quorundam Episcoporum praxim esse contrariam, eamque fundari in jure antiquo et novo *Trid. loc. cit. sess. 22. et sess. 24.* ubi dicit, tenèri unumquemque parochiæ suæ interesse, ad audiendum verbum Dei, et rudimenta fidei : hæc autem in plerisque locis ruralibus docentur in missa : ergo etiam ad missam possunt compelli.

323. — « Resp. 1. Praxim istam (sicubi est) paucorum esse et contrariam praxi communi Episcoporum, in omnibus regnis, et provinciis, et insuper Præsulis summi.

« 2. Praxim istam nec fundari in jure antiquo, cùm illi (si quod fuerit) per privilegia sit derogatum, et abrogaverit consuetudo; nec in novo, tùm quia *Trid. l. c.* loquendo de concionibus, et catechesi, nullam fecit mentionem missæ, et in pœnalibus non valet illatio; tùm quia *Trid. expressè* addit (quod *Marchantius* in sua citatione omittit, cùm tamen ad rem plurimùm faciat) *si commodè fieri potest*; tùm quia nec illam quidem obligationem, quoad conciones, esse receptam ostendit universalis Ecclesiæ consuetudo, eò quòd fortè regulariter *commodè fieri non poterat*, ut notat *Card. Lugo l. c.* Neque catechesim communiter fideles docentur in missa, nisi fortè in pagis, ubi rariùs contendunt Regulares cum parochis de re præsentī. Denique nescio, an non Episcopi, de quibus loquitur, ex numero fortè sint eorum, de quibus *Pius V.* in bulla *Etsi Mendicantium*, queritur, quòd, etsi Episcopi Ordines mendicantes meritò colere, et adjuvare deberent, non solùm id negligant; verùm etiam concilii Tridentini verbis in pravam sensum detortis, eos incommodis, et perturbationibus afficiant.

« 3. Citat decreta Synodi Leodiensis et Namurcensis, subiungitque : *Quis verò audeat hæc contemnere, et patres istius Synodi, inter quos multi theologi fuerunt.*

« Resp. Decreta ista (et si quæ fortè sunt similia) intelligenda esse, ne cum contemptu proprii parochi audiant Sacrum extra parochiam : aut, si quem sensum alium habent, non esse recepta, vel usu abrogata. Ita AA. cit. communiter. Vidèri potest C. Lugo loc. cit. Barb. et Zeroll. ll. cc. et dignissimus lectu libellus *Francisci Pontani* concionatoris regii cujus titulus : *Responsa ad quæsitam cujusdam primarii prælati, etc.* excusus primùm gallicè Nancei anno 1625, postea verò latinitate donatus, et re-cusus Viennæ Austriæ, typis *Michaelis Rictii*, anno 1634. Mitto rationes cæteras, quibus frequentationem parochiæ (sine obligatione tamen) persuadere conatur : cum eam, utpote honestam imprimis, atque decentem, minimè impedire tendam : ne videlicet cum persuasione obligationis parochialis, vel cum apprehensione peccati, Regularium templa frequententur.

Bened. XIV. de Syn. lib. 11. c. 14. n. 7. ostendit (contra *Juenin. et Van Esp.*) nunc non esse obligationem audiendi missam in parochia (1).

(1) Forsitan omnes juvabit, hic ipsa verba *Bened. XIV. loc. cit. legere.*

» Caput inscribens : « *Non potest à nimia severitate excusari synodalis constitutio, adigens seculares ad missam Deique verbum audiendum in ecclesia parochiali omnibus Dominicis aliisque festis diebus.* » n. 7. ita pergit :

Quod verò alias spectat laudatas Constitutiones Midenses, vetus pariter controversia est, sub finem præsertim XV sæculi in Germania inter parochos et fratres Mendicantes summâ contentione agitata, num fideles teneantur diebus festis parochiali missæ interesse. Causa delata est ad *Sixtum IV.* qui, rationibus utrimque allegatis, seriò expensis, tandem die 17 Junii 1478. illam definivit, editâ constitutione, quæ incipit *Vices illius*, relata in *Extravag. 2. de treuga et pace*, ubi inter alia præcipit : *Ut fratres Mendicantes non prædicent, populos parochianos non teneri audire missam in eorum parochiis diebus festis et Dominicis ; cum jure sit cautum, illis diebus parochianos teneri audire missam in eorum parochiali ecclesia, nisi forsitan ex honesta causa ab ipsa ecclesia se absentarent :* ex qua Decretali liquidò constat, jure communi tantum esse, ut singuli fideles diebus festis missæ adsint parochiali. Inducta autem est ea obligatio ante concilium Sardiense, in quo *Osius Episcopus can. 14. tom. 1.* Collectionis *Harduini col. 648.* inquit : *Memini, superiore concilio fratres nostros constituisse, ut, si quis laicus in ea, in qua commemoratur, civitate tres Dominicos dies, id est per tres septimanas, non celebrasset conventum, communione privaretur : nomine quippe contentus, designari missam solemnem, in qua populus cum suo pastore unum efficit cœtum, unamque repræsentat Ecclesiam, communiter adnotantur Canonistæ. Sardi-*

DUBIUM V.

Quæ excusent ab auditione Sacri?

- 324 Quæ sint causæ excusantes? An habens privilegium oratorii teneatur conducere sacerdotem?
- 325 Quomodo excusentur navigantes, vel incarcerati, vel infirmi, aut excommunicati?
- 326 An excusentur custodientes domos, etc.? vel timentes, ne incarcerentur, aut assistentes infirmis?
- 327 An uxores, filii, et famuli timentes offensionem dominorum?
- 328 An aliquando viatores?
- 329 Quæ distantia ab Ecclesia excuset ab audienda missa?
- 330 An excusentur fœminæ ratione luctûs, vel partûs, vel quia non habent vestes convenientes? Et an puellæ prægnantes, vel tempore, quo faciendæ sunt proclamationes pro ipsis?
- 331 An possit omittere Sacrum puella, sciens se ab aliquo turpiter concupisci?
- 332 An excuset amissio magni lucri? An aliud bonum spirituale majus?
- An peregrini, ad breve tempus commorantes, teneantur audire missam in loco, ubi id est de præcepto?

524. — **R**esp. Duæ sunt causæ, quarum altera si adsit, non tenêris curare celebrari privatim in portatili cum privilegio; neque (etsi id consilii sit) preces interim alias loco missæ dicere, ut habent *Nav. c. 15. Suar. Fill. t. 5. c. 5. q. 11.*

censum canonem renovavit concilium Quinisextum *can. 80.* decernens *tom. 3. collectionis Harduini col. 1690.* ut, si quis in civitate agens, tribus diebus Dominicis, in tribus septimanis, una non conveniat, si sit quidem clericus, deponatur; si verò laicus, segregetur. Ut huic porro præcepto satisfaceret, in Synodo Nannetensi *can. 1.* relato in *Decretales Gregorii IX. cap. 2. de parochiis*, statutum est, ut Dominicis, et festis diebus presbyteri, antequam missas celebrent, plebem interrogent si alterius parochianus in Ecclesia sit, qui, proprio contempto presbytero, ibi missam velit audire. Quem si invenerint, statim ab Ecclesia ejiciant, et ad suam parochiam redire compellant: *tom. 6. part. 1. Collectionis Harduini col. 457.* Et in ejusdem concilii *can. 2.* additur: Nullus presbyter alterius parochianum, nisi in itinere fuerit, vel placitum tibi habuerit, ad missam recipiat Eandem legem, atque obligationem plures inculcarunt posteriores Synodi, quas adducit Natalis *Alexander tom. 1. Theolog. dogmat. et moral. lib. 2. de sacram. Eucharistia art. 5. regul. 10.* Verum hisce sanctionibus derogatum nunc est non solum contrariâ con-

- « Prima causa est impotentia, vel simpliciter, vel moralis,
 » aut difficultas ex notabili incommodo proprio, vel proximi:
 » corporis, vel bonorum, vel etiam honoris; quia hæc est
 » mens Ecclesiæ, præcipientis instar discretæ, et benevolæ
 » matris. Bonac. d. 4. q. ult. p. ult. Nav. Fill. t. 5. c. 7.
 » q. 11. Suar. d. 85.

suetudine, quam jam sua ætate multis in locis inductam innuit S. Antoninus Summ. Theolog. part. 2. tit. 9. cap. 10. docens, non peccare, qui die festo missam audit extra parochiam, ubi consuetudo viget illam audiendi in qualibet Ecclesia, verum etiam posterioribus Summorum Pontificum Constitutionibus: siquidem Leo X. Constitutione edita die 13. Novembris 1517. disertè ait: *Auctoritate Apostolica, tenore præsentium, notum facimus, omnes Christi fideles, qui, non contempto proprio Sacerdote parochiali, in Ecclesiis Fratrum Ordinum Mendicantium, Dominicis, et festis diebus missas audiunt, satisfacere præcepto Ecclesiæ de missa audienda, nec in aliquam labem mortalis peccati, pœnamve incurrere.* S. Pius V. suis Apostolicis litteris, datis XVII kalend. Septembris 1567. definivit: *Christi fideles audiendo missas in Ecclesia Fratrum hujusmodi, diebus dominicis, aut festis, præcepto Ecclesiæ de illis audiendis satisfacisse censeantur.* Clemens VIII. in Brevi quod incipit *Significatum*, dato anno 1592. hæc statuit: *Præsentì nostro decreto sancimus, secularibus universis liberè missas diebus dominicis, et aliis majoribus festis audire in Ecclesia tam Fratrum Prædicatorum, quàm aliorum Mendicantium, necnon etiam Societatis Jesu, licitè posse, dummodo in contemptum parochialium Ecclesiarum non faciant.*

At nihilominus non desunt auctores, inter quos Juenin de sacramentis dissert. 5. quæst. 7. cap. 2. art. 2. et Van Espen Jur. Eccl. part. 2. tit. 5. cap. 2. propugnantes, ne hodie quidem, citra grave peccatum, fas esse fidelibus, solemnioribus saltem diebus festis, rei divinæ alibi, quàm in propria parochia interesse: neque enim juri communi derogatum, aiunt, per præfatas Constitutiones, quibus potestas fit secularibus missam audiendi in Ecclesiis Regularium, quoniam in illis hæc adjicitur limitatio, nimirum *Dummodo id non faciant in contemptum parochialium Ecclesiarum*: est autem impossibile, pergunt, contemptum abesse, cum iidem, sine ulla rationabili causa, à propria se subducunt parochia. Verum hæc explicatione, præfata summorum Pontificum Indulta penitus evertuntur: nullo etenim opus fuerat privilegio ad hoc, ut fideles, legitimâ urgente causâ, alienam adirent Ecclesiam, ut ibi missæ assisterent sacrificio, quod ex præfatis juris communis sanctionibus perspicuum est: quare, ne dicamus, Leonem X. S. Pium V. et Clementem VIII. verbis luisse, nec quidquam specialis privilegii Regularibus concessisse, necessariò fateri debemus cum Azorio Inst. part. 1. lib. 7. cap. 6. quæst. 4. in fin. Fagundez lib. 2. cap. 5. num. 9. aliisque ab his citatis, nomine *contemptus*, ab illis intelligi actum aliquem distinctum ab ipsa auditione sacri extra parochiam, quo quis sive expressè, sive tacitè, se à proprio pastore aversum ostendat.

Sed, quæ hactenus diximus, solam adstruunt libertatem, rem divinam qualibet anni die audiendi in Ecclesiis Regularium. Quid autem dicendum quoad alias Ecclesias nullo privilegio hac in re à Sede apostolica donatas? Integrum hodie omnibus esse in qualibet Ecclesia, modò non sit capella,

- » Secunda causa est quodcumque motivum rationabile, quo quis bonâ fide putat se excusari. Vide Suar. in 3. p. sect. 6.
» c. 5. Laym. et Bon. l. c.»

aut oratorium privatum, sacris mysteriis interesse, quia contraria consuetudine, in toto christiano orbe recepta, derogatum est præcepto audiendi missam parochialem, docent Sylvest. verb. Missa 2. quæst. 5. Navar. manual. cap. 21. num. 5. Trullench. in præcept. Decalog. tom. 1. lib. 3. cap. 1. dub. 6. num. 5. pluribusque allegatis, Barbosa in collectan. ad Trident. sess. 22. de observand. et epiland. in celebration. miss. num. 21. de offic. et potestat. parochi cap. 11. num. 14. et seq. addentes insuper, non posse hodie Episcopum præcipere suis subditis, ut se sistant missæ parochiali, quia non potest delere consuetudinem, quæ cum vigeat in toto orbe, jam induit naturam juris communis. Et sanè, cum versemur in lege merè ecclesiastica, etiam Juenin cit. loc. in fin. §. 3. admittit, potuisse legitimâ prescriptione abrogari: et Van Espen, quamvis eam in Belgio minimè abrogatam contendat, num. tamen 15. fatetur, solere Episcopos monere quidem, atque hortari, non verò ullo judiciali actu populum compellere ad interveniendam missæ parochiali. Enimverò, non præcepto adigendam, sed hortationibus ad id alliciendam plebem, statuit Tridentinum sess. 22. in decreto de observand. et epiland. in celebrat. miss. ubi Episcopos in hunc modum alloquitur: *Moneant eundem populum, ut frequenter ad suas parochias, saltem diebus dominicis, et majoribus festis accedant.* Tridentino obsequens S. Carolus Borromæus, in suo concilio provinciali Mediolanensi VI. Act. Eccl. Mediol. part. 1. pag. 302. ab omni abstinens præcepto, plures adduxit rationes, quibus plebem ad parochialem missam suaviter adduceret: *Hæc nostrâ monitione, inquit, eos universos, et singulos cohortamur, ac per viscera misericordiæ Jesu Christi obsecramus, atque obtestamur, ut, quomodo in suis viciniis, oppidis, et suburbis, oratoria, capellas, aliasve Ecclesias habeant, ubi sanctissimo missæ sacrificio interesse possint; frequenter tamen Dominicis saltem, aliisque solemnibus festis diebus, ad suam quique parochialem Ecclesiam conveniant, ubi à parocho, cui eorum cura commissâ est, verbo Dei pascantur, Fidei Christianæ rudimentis, aliisque animarum salutis necessariis præceptis erudiantur, ad sanctissima sacramenta religiosius percipiendi instruantur.* Hortationibus pariter, et suasionibus usi sunt Ven. Dei Servus Joannes Ribera, Archiepiscopus Valentinus, in sua diœcesana Synodo, habita anno 1584. tom. 4. Concil. Hispan. pag. 285. Sanctus Toribius, Archiepiscopus Limanus, in sua diœcesana Synodo VII. coacta anno 1592. *ibid.* pag. 689. alique plures Episcopi in suis Synodalibus Constitutionibus, apud Genellum tom. 6. tract. 4. cap. 7. quæst. 5.

Si istorum vestigiis inhæsisset Episcopus Midensis, suamque Constitutionem verbis formasset tantum hortatoriis, nulli fuisset reprehensioni obnoxius: sed, quia præceptum adjecit, hoc fuit expungendum; quemadmodum, jubente eadem Sacra Congregatione, sapius antea expunctum fuerat ab aliis similibus synodalibus statutis, uti videre est apud Azorium cit. cap. 6. quæst. 6. in fin. Pasqualigum de sacrific. nov. leg. quæst. 1258. Barbosam loc. cit. atque in declarationibus ejusdem Sacra Congregationis impressis Lugduni anno 1640. num. 11.

1. Majus negotium facessere poterat obligatio imposita Dei verbum audiendi in propria parochia. Idem quippe Tridentinum, quod agens de auditione

Excusat igitur ab audienda missa quævis causa mediocriter gravis; scilicet, quæ involvit notabile aliquod incommodum, aut damnum in bonis animæ, vel corporis proprii, vel proximi. Ita communiter cum *Bus. DD. ap. Croix l. 3. p. 1. n. 675. Salm. de Sacrif. miss. c. 6. punct. 5. n. 63. Mazz. de 3. præc. c. 3. §. 2. et Zachar. l. 3. part. 1. n. 575. cum Suar. Azor, Pal. Fill. Tanner, etc.*

missæ in Ecclesia parochiali, verbis utitur dumtaxat hortatoriis: *Monest populum*: loquens de divini verbi auscultatione, alia adjecit verba, quæ videntur præceptum, et obligationem inducere: *Monestque Episcopus* (ait *sess. 24. cap. 4. de reform.*) *populum diligenter, teneri unumquemque parochia sua interesse, ubi commodè id fieri potest, ad audiendum verbum Dei.* Idem discrimen animadvertit, qui nullum Tridentini verbum non est diligenter rimatus, *S. Carolus Borromæus* in nuper citato concilio Mediolanensi VI. loc. cit. pag. 301. ubi hæc habet: *Sacra Tridentina Synodus æconomica ab Episcopis fideles non solum hoc moneri voluit, ut frequenter ad proprias parochiales Ecclesias saltem dominicis diebus, festisque majoribus accedant; sed illud etiam diligenter ostendit, unumquemque teneri; ubi commodè fieri potest, parochia sua interesse ad audiendum verbum Dei.*

At, cum Dei verbum, ex ejusdem Tridentini decreto *sess. 22. cap. 8.* à parochiis vel per se, vel per alios, sit annuntiandum, et explicandum inter missarum celebrationem, quod antiquissimi esse instituti notat Cardinalis *Bona rer. liturgicar. lib. 2. cap. 7. num. 6.* inquit: *Hic mos, numquam interrupta serie, ab initio Ecclesiæ usque ad nostra tempora servatus est, ut proximè post Evangelium sermo, sive homilia, vel tractatus ad populum haberetur: hinc si fideles obstringerentur præcepto illud in propria parochia auscultandi, tenerentur pariter missæ parochiali adesse, à qua tamen obligatione eos solutos pronuntiavimus.* Ad hanc difficultatem evitandam, varias Doctores inière vias, *Suarez de Religione lib. 2. cap. 16. num. 10.* opinatur, ideo Tridentinum verbo teneri eam addidisse limitationem, *ubi commodè id fieri potest*, ut tali pacto significaret, sibi in animo non esse, fideles absoluto præcepto obstringere, sed tantum monere, atque hortari. Ad hæc, ait *Suarez*, si aliquod urget præceptum audiendi Dei verbum, illud, non ex lege positiva Ecclesiæ, sed ex lege profluit charitatis, sibi debita, quæ quilibet tenetur habere curam animæ suæ, non solum adhibendo media simpliciter necessaria, sed etiam utilia, quale sæpe est concionem audire. Licet porro lex charitatis, pergit *Suarez*, non obliget ad concionem audiendam in parochia, Tridentinum tamen parochiam nominavit, quia ibidem à parrocho semper inter missarum solemniam concio haberi debet, quod idem Tridentinum alibi decrevit. Eandem doctrinam amplexatus *Rodriguez Quæst. Regul. tom. 1. quæst. 43. art. 7.* Tridentinum intelligendum docet, cum, urgente charitatis præcepto se reficiendi pabulo divini verbi, hoc nusquam commodius, et utilius audiri potest, quam in Ecclesiâ parochiali. In idem recidit, quod tradunt *Fagundez lib. 2. cap. 1. num. 10.* et *Bonacina disp. 5. de tertio Decalogi præcepto quæst. unic. punct. 2. num. 27.* et seq. nimirum, tunc solum teneri fideles parochiali concioni interesse, cum necessaria Fidei rudimenta, quæ ceteroquin ignorant, alibi addiscere nequeunt; aut

Rectè autem docet hic *Bus.*, et est commune cum *Dias*, *ap. Croix* n. 676. et *Salm.* *ibid.* n. 62. quòd habens privilegium oratorii non tenetur sacerdotem conducere, ut missam ipse audiat. Sed quid, si missa jam dicatur gratis, vel facile gratis haberi possit? *Suar.* *Meroll.* *Escob.* *Pelliaz.* etc. *ap. Croix* n. 376. et *Salm.* *ibid.* n. 61. cum *Fill. Pal. Trull.* putant, eum adhuc non tenèri missam audire, si aliàs esset excusatus, quia privilegium datur ut favor, non ut onus; et ideo nemo tenetur uti privilegio suo, nam aliter privilegium redderetur gravosum. Probabiliùs tamen, eum tenèri dicunt *Cont.* *Tourn. de 3. Dec. præc. art. 2. sect. 1. concl. 4.* Sed hic n. 2, et *Croix* n. 676. cum *Lugo*, *Tamb.* et communiori, ut asserit, Ratio, quia, licèt non teneatur quisque uti privilegio suo, tenetur tamen satisfacere præcepto, dum potest sine notabili incommodo. Et idem dicendum puto cum *Cont. Tourn. l. 4.* si modico stipendio possis conducere sacerdotem, quia quisque tenetur leve pati incommodum, ut præcepto satisfaciat.

Unde resolves:

325. — « 1. Excusantur, qui sunt in navigatione, vel in carcere. Item in morbo, vel convalescentià, in qua obsit prodire foras. Item qui sunt in excommunicatione, vel interdictione, de quibus suo loco. »

Infirmi excusantur, quando prudenter timent non leve damnum, vel moram notabilem ad convalescendum. Ita communiter *DD. Caj. Soto, Suar. Nav. et alii cum Salm. de Sa-*

cùm prævident, alios suo exemplo pertrahendos ad concionem, à qua secùs, non sine gravi eorumdem animarum dispendio, se subducerent: quem tamen casum moraliter impossibilem, rectè simul advertunt. Sed fortassè meliùs *Zerola in prax. part. 1. verb. Prædicatio vers. ad 4. Trullench. cit. tom. 1. lib. 3. cap. 1. dub. 4. num. 11.* alique sentiunt, obligationem, si quæ unquam fuit, auscultandi proprium parochum, verba facientem ad suam populum, ablatam nunc esse per contrariam consuetudinem, cum passim viri pii, et docti aliò se conferant ad sacros audiendos Oratores; ac proinde, inquit *Zerola*, Sacra Congregatio Concilii sæpiùs declaravit, non posse Ordinarium mulctis et pœnis subditos adigere ad concionem auscultandam in parochia: quod etiam testatur *Barbosa in collectan. ad Trident. sess. 24. cap. 4. num. 17.* Mirum propterea non est, quòd præceptum hac de re latum ab Episcopo Midensi, tamquam nimium severum, fuerit, ex ejusdem Sacræ Congregationis sententià, præcidendum. *Edii.*

miss. c. 6. punct. 3. n. 88. et Elbel de 3. princ. n. 366. apud quem *Gob. cum Sanch.* excusat etiam eum, qui, aegri valetudine laborans, timeret excundo notabile gravamen capitis, virium lassitudinem, cruditatem, etc. Sed quid, si dubium sit, an incommodum sit leve, vel sufficienter grave? Standum est consilio medicoi, aut superioris, aut parochi, vel alius viri prudentis; et etiam suo iudicio potest acquiescere infirmus, si prudenter ita iudicet. Sed quid, si adhuc, consilio petito, maneat dubium? *Suarez* dicit, tunc petendam esse dispensationem; sed *Pal. Gobat. Bon. ap. Croix n. 679. et Salm. ibid. n. 89.* dicunt absolute, eum non teneri ad missam; quia, stante periculo gravis damni, præceptum Ecclesiæ tunc non possidet adversus infirmum(1); et idem sentit *Lugo*: saltem (ait *Gob.*) tunc iudicandum est, matrem Ecclesiæ in tali casu non obligare. *Vide Croix ibid.* Est valdè probabile cum *Mazz. l. c.*

Excommunicatus, vel interdictus non peccat, omittendo missam, et sic pariter incarceratus, etiamsi negligent absolutionem, vel libertatem, quia isti non obligantur auferre impedimenta remota. Est commune contra paucos *ap. Salm. ibid. n. 53. cum Nav. Suar. Azor, Bon. Sa, Pal. etc.* Modò, ut benè advertunt *Spor. tr. 3. c. 4. n. 26. et Elbel n. 365*, ipsi non idè ex proposito negligent liberationem, ne teneantur ad missam. Imò probabiliùs dicunt *Bonac. et Trull. ac Contin. Tournely loc. cit.* ipsos non excusari, si de facili possent absolutionem, aut libertatem obtinere, et negligent; quia quisque tenetur cum levi incommodo tollere impedimenta, ut gravi præcepto satisfaciatur.

326. — « 2. Item, qui custodiunt castra, urbem, gregem, domum, infantes vel puerum (qui in templo quietus, et sine perturbatione aliorum contineri non potest), aut ægris solatio sunt, aut coquere debent, et similia curare, quæ omitti non possunt. *Bonac. Con. n. 86. et 314.*

Excusantur igitur custodientes domos vel greges, ex communi cum *Laym. l. 4. tract. 3. c. 4. n. 3. Palao t. 22. Cont. Tourn. ibid. concl. 4. num. 2. in fin. Bon. d. 4. q. ult. n. 3. et Salm.*

(1) « In tali dubio praevalet jus naturale conservandi salutem. » *Ex Hom. Ap. tr. 6. n. 39.*

ibid. n. 68. At si sint plures custodes, et una dicatur missa, debent alternatim eam audire. Ita *Salm. d. n. 68. cum Suar. Nav. Con. Laym. Con. etc.* Et ita pariter, si à viro, vel uxore manendum sit domi ad custodiam, non potest vir cogere illam, ut semper domi maneat, cum sit socia, non famula, quæ è converse cogi posset: sed etiam posset dominus manere domi quandoque, ut famula audiret missam, nam istius utilitas dominum excusaret. Ita *Croix cum Steph. et Gob.* Pari modo excusantur ab audiendo Sacro matres, quæ non habent domi, cui relinquant parvulos sine periculo, et contrà non possent eos adducere in Ecclesiam sine notabili adstantium perturbatione. Ita *Bon. l. c. n. 2. et Salm. loc. cit. n. 73. et Suar. Trull. et Elb. n. 389. cum Laym. etc. communiter.* Probabiliter excusatur etiam, qui timet incarcerationi, si Ecclesiam adeat. *Croix n. 689. cum Henr. Dic. et Gob. ac Zach. l. 3. p. 1. n. 689.*

Excusatur etiam, qui nequit missam audire, quin relinquat infirmum sine assistentia ad cibum, sive ad remedia præstanda; vel quin infirmus, relictus ab illo, gravem turbationem patiatur. Ita *Pal. Dic. Fill. Suar. Sot. etc. cum Salm. de Sacrif. missæ c. 6. punct. 5. n. 76.* Et hoc, etsi adesset alius assistens, sed infirmus putaret illius assistentiam esse sibi necessariam, et aliàs gravem pateretur tristitiam. Ita *Pasq. ap. Croix n. 680. et Mazz. loc. cit.*

327. — «5. Item, cui periculum est gravis offensionis matris riti, parentum, vel minorum. *Henr. Suar. Fill. n. 226.* Si tamen id ferè semper fieret, de alio medio laborandum esset.»

Excusantur famuli, quando eorum ministerium est communiter necessarium, et illud omittere nequeunt sine gravi incommodo dominorum; debent tamen mediocrem diligentiam adhibere, ut missam non omittant: ita *Suar. d. 88. sect. 6. n. 5. Pal. loc. cit. n. 5. Cont. Tourn. de 3. Dec. præcepto art. 2. sect. 1. concl. 4. l. c. et Salm. ibid. n. 74. cum Con. et Dic.* Imò notat *Croix n. 685. in fin. cum Pal.* eos teneri ad hoc, adhuc cum mediocri molestia seu vigilia, non autem cum notabili diminutione somni. At si ministerium non sit ita necessarium, domini procul dubio peccant, si famulos impediant Sacrum audire. Ipsi autem famuli tenentur tunc missam audire, adhuc contra domini jussum,

nisi gravem indignationem timeant; vel nisi statim, et de facili non possent alium dominum invenire, ut bene ait Croix li 3. p. 4. n. 688. cum Pal. tri 22. p. ult. n. 6. Quidquid dicunt Sporer de 3. præc. c. 4. n. 34. et Salm. ibid. n. 73. etc. sentientes, famulos per aliquot vias semper excusari. Notat autem Mozz. d. 3. §. 2. quod minime peccant domini, si tempore missæ præcipiant famulis, quæ nequeant differri juxta communem vivendi modum (intelligendum, sine notabili ipsorum dominorum incommodo). Et tunc sanè excusantur etiam famuli, si tempore missarum sint occupati in obsequio actuali et necessario, ut ait Sporer. ibid. d. n. 34. cum Salm. n. 74. etc. ut suprà.

Sic pariter excusatur uxor, si ex accessu ad Ecclesiam timeat gravem indignationem viri iracundi, vel zelotypi; secus, si loquem. Communiter Pal. Suar. Bon. Azor cum Salm. tr. 3. c. 6. punct. 3. n. 68. Mazz. loc. cit. et Elb. num. 369. sed hoc raro admittendum. Ex justa causa, notat Croix n. 688. cum Tamb. et Fagi: posse patrem detinere filium domi clausum in pœniam, etsi missam non audiat. Idem ait Ethel. n. 380. Rectè etiam excusatur cum Contin. Tournely loc. cit. qui omitteret missam ad impediendas rixas aliorum, aut furta alienorum bonorum.

328. — « 4. Item, si quis aliqui amissurus esset occasionem commodam itineris, v. gr. socios, cum viam ignoret, vel pericula metuat. Aliàs verò tenetur ad missam antea iter, vel in itinere. Suarez sect. 6. Rodriq. Bon. l. c. »

Excusatur etiam viator, si aliàs perderet expensas itineris, quas faceret socius, ut Suar. Dic. Gob. apud Croix n. 382. et Salm. ibid. n. 69. cum Bonac. ac Ethel. n. 383. Vel si graviores expensas subire deberet, si relinqueret occasionem illam, ob Sacrum audiendum, ut addit Ethel loc. cit. Vel si non esset securus in itinere sine comite, Ethel ibid. Vel si societas illius multum eum sublevaret, et longæ viæ auferret tedium, quod certè videtur grave incommodum, vel saltem est conjunctum cum periculo gravis incommodi, ut Tamb. Suar. Dic. Gob. Henr. apud Croix ibid.

329. — « 5. Si sit gravis difficultas eundi ad Ecclesiam ob distantiam, v. gr. unius, vel alterius milliarii Germanici, vel etiam minoris spatii: maximè si via sit molesta, cœlum pluvium. Ubi habenda est ratio personarum, loci,

Tom. III.

» temporis, et consuetudinis. *Bon. Suar. Fill. loc. cit. March. Resol. past. t. 4. c. 6. n. 7.*»

Pro distantia excusante, alii assignant tria milliaria nostratia, alii duo, alii unum. Sed hoc judicandum ex circumstantiis personæ, temporis, etc. ut *Bus. Viv. Salm. ibid. n. 68. ex communi*. Ordinariè tamen millarii distantia non excusat, ut bonè ait *Croix n. 687*. Sed *Dicastillus apud ipsum ibid.* non obligat mulieres nobiles, et teneras ad 1500 passus; obligat verò alias mediæ sortis, et rusticas ad longius spatium. E converso *Salm. n. cit. cum Suar. Pal. Trull. Fill. etc.* (quibus adhærent *Zach. l. 3. p. 1. n. 687. ac Croix cum Dian. Gob. et Fagnan.*) dicunt, quòd regulariter excuset distantia leucæ, sive trium milliarium, id est, (ut *Croix*) unius bonæ horæ, seu 3 quadrantium iter pedibus agentes, et minus, si esset molestia nivis, imbriis, vel alia causa. Et idem tenet *Mazz.* dicens absolutè, quòd distantia trium milliarium omnes excuset.

550. — « 6. Si ex consuetudine patriæ sceminæ egredi non soleant tempore luctûs, vel etiam post partum. *Sylv. Caj. et Fill. n. 227.*»

Excusantur igitur viduæ ratione luctûs, ut *Spor. n. 55. et Elbel n. 384.* ac etiam filiæ et sorores (1), ut addit *Mazz. cum Suar.* Sed talem consuetudinem (ajunt *Fill. Villal. et alii*) non esse extendendam usque ad mensem à morte viri. Mensem tantùm permisit *S. Carolus Borromæus* in conc. 1. Mediolanensi. Quamvis, si alia esset consuetudo in aliquo loco, non esse damnandam de peccato gravi, docent *Pal. Dic. et Fill. cum cæteris ap Salm. dict. c. 6. n. 82*. Illæ tamen, quæ è domo jam egrediuntur ad alia, non sunt excusandæ, ut rectè notant *Salm. ib. cum Pal.* Alicubi etiam ex consuetudine virgines excusantur à missa, ne in publicum exeant, *Salm. ibid. n. 81. cum Fill. Pal. et Suar.* qui tamen cum *Azor et cæteris* meritò advertit, talem consuetudinem moderandam esse quoad fieri potest (2).

(1) « Excusat usus juxta locorum consuetudinem domo non egrediendi sex hebdomadas post partum vel mensem tempore luctûs ob mortem viri et etiam sororis aut filiæ, ut dicunt *Suarez et Mazzotta.*» *Ex Hom. Ap. tr. 6. n. 42.*

(2) « Nulla autem ratione potest licita reputari illa consuetudo (ut meliùs dicam abusus) quâ puellæ, ne in publicum exeant, ab auditione Sacri » abstinant. » *Ex Hom. Ap. tr. 6. n. 42.* Edit.

« 7. Si quis non habeat vestes statui suo convenientes.

» *Navarr. Henr. Sa, Azor, Bon. l. c.*

« 8. Si quæ ex occulta fornicatione prægnans metuat; ne

» id advertatur, si prodeat. *Laym. l. 4. t. 5.* »

Benè excusantur cum *Bus. et Elb. n. 367.* mulieres non habentes vestes decentes juxta suum statum, vel famulum, aut sociam, sine quibus magno rubore suffunderentur, ut ait *Mazz. l. c.* Sed meritò advertunt *Salm. tr. 5. de Sac. miss. c. 6. punct. 5. n. 64. Led. Suar. Fill. Dic. Pal. etc.* non esse excusandas ab audienda missa valdè manè, si possint, aut in Ecclesia remota, ubi populus non concurrit. Idem dicitur de puella inhonestè prægnante, si posset in aliquo loco occultè, et sine nota missam audire. Ita communiter cum *Bus. infr. Elb. n. 367. Cont. Tourn. de 3. Decal. præc. art. 2. sect. 1. concl. 4. n. 2. Qui sacro, et Pal. Laym. Reg. etc. cum Salm. ib. in fin.* Sic etiam possunt aliquando excusari puellæ, quæ ab Ecclesia exeunt, quando fiunt proclamationes pro suis matrimoniiis, etsi ideo omittant Sacrum, si ob id notabilem verècundiam pati debeant. Ita *Elb. n. 374.* idemque sentit *Spor. c. 4. n. 35.* de mulieribus nobilibus. Hoc autem rarò et difficilè puto admitti posse; at si reverà puella ex hoc tantum ruborem pateretur, ut magnam incommodam subiret, eo casu non improbo. *Croix* verò *n. 690.* absolutè tales puellas excusat, ubi adest hujusmodi consuetudo. Pariter consuetudo excusat puerperas, domi se continentes post partum per aliquod tempus (v. gr. per sex hebdomadas ex communi usu, ut testantur *Sporer et Elbel*), etiam postquam convaluerint. *Spor. num. 35. Elbel n. 384. et Salmant. c. 6. n. 79. cum Pal. ex cap. Unic., de Purificat. post part.* Non verò excusantur mulieres ob menstruum. *Salm. ibid. n. 80.*

351. — « 9. Si quæ sciret, alteri, à quo perditè amaretur, secuturam occasionem peccati, si prodiret. » *Sa, Fill. n. 227.* »

Quæstio magna est, an puella sciens, se ab aliquo turpiter concupisci, possit omittere missam? Tres sunt sententiæ.

Prima, quam tenent *Laym. de char. c. 13. n. 10. Spor. de 6. præcept. c. 1. n. 29. et 37. Val. Lop. apud. Salmant. ibidem num. 77.* dicit, eam posse; et bis vel ter etiam teneri omittere.

Secunda cum Pal. et Henr. dicit eam tenèri audire missam, non obstante ruinâ alterius, quæ illi voluntariè evenit.

Tertia cum Mazz. c. 2. §. 2. qui eam asserit communem cum *Suar. Sa, Fill. Bon. Sanch, etc. ap. Salm. cit. n. 77.* docet, eam posse quidem omittere ad evitandum proximi damnum, sed non tenèri, quia utitur jure suo, et damnum ille suâ culpâ patitur. Hæ sententiæ omnes sunt probabiles, sed prima probabilior. Ratio quia præceptum naturale de vitando scandalo præferendum est positivo de audienda missa. E converso, quia charitas non obligat cum gravi incommodo, non tenetur puella abstinere à missa plus quàm semel, vel iterùm. *Vide dicta de charitate l. 3. n. 51 et 53.*

332. — Quæritur hic in fine, an amissio notabilis lucri excuset ab auditione Sacri? Negant *Salm. tr. 23. de 3. præc. c. 1. punct. 14. §. 3. n. 343.* Sed satis probabiliter affirmant doctus *P. Holz. de 3. præc. c. 1. n. 258. Viva art. 3. n. 7. Mazzotta loc. cit. Elbel n. 368. cum Anacl. Diana, Tambur. c. 2. cum Azor, Bass. apud Croix n. 681.* ob eandem rationem, ob quam diximus suprâ *n. 301.* excusari, qui, ne amittat extraordinarium lucrum, laborat die festivo, ex ratione generali, quia præcepta ecclesiastica non obligant cum gravi incommodo. Idem tenet *Gob.* qui excusat pauperem etiam ob lucrum unius dueati, et duorum alium tenuis fortunæ. Et injustè *Salm. loc. cit.* rejiciunt prædictam secundam sententiam, cum *tr. 5. de Sacrif. miss. c. 6. punct. 5. n. 69. cum Suar. Pal. Bon. etc.* non negent excusari viatorem, qui, ne amittat solas expensas, quas sperat à socio, Sacrum omittit. Utrùm autem excusetur, qui in sabbato venatum iret, ubi missam audire nequit? *Vide dict. num. 301. circa fin.* Verùm *Dic. et Gob. apud Croix n. 684.* excusant aurigas, qui non possunt audire Sacrum, quin vecturam relinquunt cum notabili jactura. Idem ait *Mazz. dict. §. 2. de tabellariis, et custodibus gabellarum,* qui timeant notabilem jacturam: idemque dicit de nautis, vectoribus mercium, qui nequeant audire missam sine magno incommodo. Illud autem non admittimus, quod aliqui AA. addunt *ap. Croix l. c.* scilicet, quòd, etsi quis possit sine tanto damno omittere vecturam, adhuc tamen is excusari posset ex consuetudine aliorum, quam habent vehendi. Pariter *ibid.* dicunt *Suar. et Gob.* excusari molitores, si causâ missæ eis eveniret jactura mediocriter gravis. Valdè autem probabiliter

excusatur, qui ob missam audiendam omittere deberet negotium cum damno gravi, ut *Suar. Dic. Caj. etc. cum Salm. tr. 3. c. 6. punct. 3. n. 70.*

Non excusatur autem ex communiori cum *Pasq. apud Croix n. 683.* qui omitteret Sacrum ob aliud bonum spirituale, quamvis majus. Probabiliter tamen *ibid.* admittit *Ills.* eum excusari qui omitteret missam ad confitendum peccata, si aliàs deberet aliquamdiu permanere in statu peccati mortalis; et idem tenet *Croix cum Less. n. 663.* Item excusantur à missa, qui aliàs non possent impedire blasphemias, rixas, furta, etc. *Elb. n. 391.*

An autem peregrini teneantur audire missam, quæ audienda est ex peculiari præcepto loci, ubi sunt, etiamsi per unum diem ibi commorentur? Affirmant *Suar. de rel. l. 1. c. 14. n. 9. Pont. de matr. l. 8. c. 4. n. 7. Jos. de Januar. et Salas ap. Pal. de leg. d. 1. p. 24. n. 12.* qui meritò probabile id vocat cum *Sanch. Dec. l. 1. c. 12. n. 37. et Salm. de leg. c. 3. punct. 3. §. 1. n. 36.* Ratio, quia peregrini verè fiunt subditi superioris loci, ubi sunt, licèt per breve tempus ibi commorentur. Probabiliùs tamen negant *Sanch. l. c. n. 38. cum Tol. Azor, Sayr. et Bon. d. 1. q. 1. p. 6. n. 6. et 43. Sylv. v. Jejunium q. 2. n. 7. Elbel de 3. præc. n. 383. item S. Ant. Gran. Vega, etc. apud Salm. ibid. n. 38.* Ratio, quia superior loci non habet jurisdictionem in peregrinos, nisi ibi maneant, vel saltem animum permanendi habeant per majorem anni partem, juxta dicta *de leg. lib. 1. n. 156.*

Hic refert annotare, quòd *Benedict. XIV. in Brevi, Cum sicut, etc.* dato die 22 Dec. 1748. quoad regna Neapolis, et Sicularum, indulserit ab abstinence operum servilium diebus festis, exceptis Dominicis Paschatis, et Pentecostes, ac omnibus aliis Dominicis in anno: item die Circumcisionis, Epiphaniæ, Ascensionis, Corporis Christi, Nativitatis Domini: item Purificationis, Annuntiationis, Assumptionis, Nativitatis, et Conceptionis B. V. M. Immaculatæ, item die SS. Petri et Pauli, omnium Sanctorum, et patroni principalis cujuscumque civitatis aut pagi illius diocesis. In aliis verò festis præscripsit, fideles tenèri tantùm ad missam audiendam.

CAPUT II.

DE QUARTO PRÆCEPTO: *Honora patrem, etc.*

DUBIUM I.

Ad quid teneantur liberi erga parentes?

533 Quæ teneantur filii præstare parentibus circa amorem?

534 Quæ circa reverentiam?

535 Quæ circa obedientiam? Vide alia *ibid.*

535. — « **R**ESP. Tenentur vi hujus præcepti, tùm genitoribus, tùm superioribus, in iis rebus, in quibus quisque, »
 » et quamdiu subjectus iis est, amorem, reverentiam, et obedientiam præstare, ita ut, si notabilis horum defectus sit in »
 » re gravi, graviter peccetur? quod facilius fiet respectu parentum, quàm aliorum. Ita communiter. Vide *Fill. t. 28. p. 2. c. 1. etc.*

Unde resolves:

« 1. Contra amorem graviter peccat filius I. Si signa odii »
 » parentibus ostendat, et eos asperè tractet. II. Si eos torvo »
 » oculo ferè semper intueatur, ac ita asperè alloquatur, ac si »
 » eos odio haberet. III. Si non subveniat eis in gravi necessitate spiritali, vel corporali. » (*Hinc etiam graviter peccant filii, negligentes preces et sacrificia offerri pro parentibus. Salm. tr. 24. c. unic. punct. 1. §. 1. n. 4.*) « IV. Si non impleat »
 » eorum testamenta, et legata, modò hæres sit. V. Si grave »
 » malum, v. gr. mortem illis optet. *Nav. Reg. l. 20. n. 8. Fill. t. 28. c. 1. q. 3. et 7.* »

Graviter ideo peccant filii, si non curent, ut parentes, in articulo mortis constituti, suscipiant sacramentum pœnitentiæ, et alia. *Bon. de IV. præc. p. 4. n. 5. Fill. n. 3. Salm. cit. n. 4. in fin. cum Azor, Nav. Trull.* Item, si impediunt parentes, quominus faciant testamentum. *Bon. ib. Tamb. n. 5.* Quod tamen intelligitur, si malis artibus impediunt; secus verò, si modis permissis id faciunt, tunc ab omni culpa immunes erunt.

534. — « 2. Contra reverentiam peccat graviter filius I. Si
 » percutiat etiam leviter secundum *Reg. II. Si manum ad*
 » percutiendum deliberatè attollat. » (*Ita omnes communiter;*
et rectè advertit Spor. de 4. præc. c. 3. n. 32. quòd in his filius
dupliciter peccaret, contra justitiam, et contra pietatem.)
 « III. Si graviter parentes contristet. *Reg. l. 20. n. 24. Fill. c.*
 » *17. n. 17.* » (*Etiamsi verba non sint graviter contumeliosa,*
ut probabiliùs ait Busemb. mox infra, et Bonac. de 4. præc.
p. 3. n. 4. contra Elbel eod. tit. n. 557. dicentem non esse mor-
tale, si iracundia parentum non oriatur ex ipso verbo aut
facto, cum hoc sit leviter injuriosum, sed ex sinistra appreh-
ensione, vel eorum indispositione; nam si tunc non læditur
graviter reverentia, saltem graviter violatur amor erga pa-
rentes, eos sine justa causa graviter, et deliberatè contristando.)
 « IV. Si animo deliberato ad gravem iram provocet verbis
 » contumeliosis, vel talibus, quibus sciat, eos graviter offen-
 » dendos. (*Hinc benè ait Roncag. de 4. præc. c. 1. r. 1. in praxi*
non excusari à mortali, qui matrem vocet pazza, ubbriaça,
bestia, strèga, ladra, (1) et similia. Qui verò diceret tantum
vecchia, stordita, ignorante, (2) et similia, puto non posse
de se absolutè damnari de mortali, nisi parens graviter de his
verbis offendatur. Peccat autem graviter filius, qui parentes
frequenter torvis oculis aspicit, aut verbis asperis alloquitur,
ita ut videatur eos odio habere. Bus. ut suprà et Bon. num.
5. cum Sylvest. Graff. Elbel n. 550. Roncag. r. 2.) « V. Si
 » maledicta, aut convicia in eos conjiciat. » (*cum Cont. Tourn.*
de 4. Dec. præc. cap. 1. art. 1. sect. 2. concl. 2. n. 2. Intellige
in præsentia, ut videbimus in subsequenti annotatione. Item,
si parentes deliberatè gestu vel risu subsannet, ut Sporer n.
51 et alii. Dicitur deliberatè, nam in his, et similibus, ut
suprà, sæpè excusantur filii à mortali propter indeliberationem
actûs, ut notant Bon. et Elbel.) « VI. Si parentes pauperes
 » despiciat, vel nolit agnoscere. Quòd si tamen exterius tan-
 » tum dissimulet, se eos nosse, et nolit apud se habère ex
 » justa causa, dummodò eis provideat de necessariis, *Bon. n.*
 » *4. excusat cum à peccato gravi, eò quòd rationabiliter non*
 » *sunt inviti.* » (*Hinc probabiliter ap. Salm. de 4. præc. punct. 1.*

(1) *Id est* : Amens, ebriosa, bestia, venefica, fur.

(2) *Id est* : Vetula, stupida, ignara.

• §. 1. n. 3. Azor, Nav. Tol. et Trull. excusant eo casu *filium à mortali*, 1. si grave damnum passurus esset; 2. si parentes infami crimine essent notati, 3. si solum exterius dissimularet, sine interno contemptu, quia tunc (ut ait Bon.) ipsi parentes non censentur graviter, aut rationabiliter inviti.) « VII. » Si in foro externo filius etiam de vero crimine parentes accuset; extra crimen hæresis, prodicionis, vel conjurationis in principem, cum non sit alius corrigendi modus. Vide Bon. l. c.

Absolutè dicit Sporer d. c. 5. n. 30 et 31 filium maledicentem parentibus, sive eos subsannantem, non excusari à peccato mortali, sive id faciat in eorum præsentia, sive in absentia. Nescio, quomodo hic auctor, quamvis in aliis suis sententiis satis æquus, et fortè aliquando plus quàm par est benignus, hoc potuerit absolutè asserere: nam, ut ipsemet fatetur de 8. præc. c. 6. n. 133. et omnes docent, reverentia, sive honor non læditur, nisi per contumeliam illatam in præsentia offensi; vel in absentia, sed eo fine, ut alter resciat. Præterea accedit id, quod dicunt plures graves DD. ut Coninch. de Ritu ven. Sacr. art. 3. dub. 1. num. 230. Pontius de matr. l. 10. c. 10. n. 15. (et asserit commune) Tol. l. 3. c. 8. n. 11. Nav. c. 27. n. 236. in fin. item Azor, Vasq. Sa, etc. apud Salm. de matr. c. 15. punct. 5. n. 64. ajunt enim præfati AA. per copulam fornicariam occultam in Ecclesia non committi sacrilegium, nec pollui Ecclesiam; ratio, quam tradit Coninch. apud Salm. loc. cit. quia reverentia Ecclesiæ debita consistit in opinione hominum, sicut fama: ergò, sicut homines non fiunt infames, nisi crimina innotescant, ita reverentia loci sacri non violatur, nisi publicè pateat de crimine. Quidquid sit de hac sententia, quæ satis est probabilis, ut dicunt Salm ibid. n. 63, licèt opposita mihi sit probabilior, quia irreverentia tunc irrogatur Deo, qui in Ecclesia speciali modo assistit, et omnia occulta respicit. (Vide *infra* de 6 præc. n. 458) Quod meâ interest hic, est ratio adducta, nempe quòd reverentia non lædatur nisi per manifestationem contumeliæ. Quomodo igitur peccabit graviter filius clam maledicens parenti, aut subsannans eum in ejus absentia, cum non adsit tunc, neque contumelia, neque irreverentia? Et hoc puto dicendum, etiamsi hoc faciat coram aliis. Attamen non nego, in hoc adesse quamdam vilipensionem exercitam,

repugnantiæ reverentiæ parentibus debitæ, specialemque malignitatem contra pietatem continentem, sed quæ non pertingit ad peccatum mortale; nisi casu, quo filius eis malediceret animo malevole, aut cum magno contemptu; nempe si malediceret coram aliis eo fine, ut illi deinde parentibus deferant, vel fortè saltem præsumendo, quod deferrent.

Dicunt autem *Vira, Elbel, Tamb. Mazott. et Bon.* cum aliis, filium parentibus maledicentem graviter peccare, sive illi sint vivi, sive defuncti; sed præfati AA. (aliquantulum nimis inconsideratè) non explicant, an maledictio fiat cum animo, vel sine animo malevolo. Verumtamen omninò intelligendum, cum non peccare graviter, si sine tali animo maledicat. Et reverà *Nav. et Fill.* quos citat *Bon.* pro hac doctrina, sic intelligunt; *Nav.* enim *Man. c. 14. n. 12. v. Sexto*, dicit, peccare filium, qui ex animo parenti maledicit, sive vivo, sive defuncto; si tamen *arstenius* tantum maledixerit, non amplius, quam venialiter offendit. Idque quasi eisdem verbis confirmat *Falluc. c. 1. n. 17.*

335. — « I. Contra obedientiam graviter filius peccat I. Si in re gravi sit inobediens circa ea, quæ pertinent ad gubernationem domus, bonos mores, vel animæ salutem. *Fill. n. 20. II.* Si contra voluntatem parentis ducat uxorem se indignam. Indigna autem dicitur, quæcum non potest contrahere sine dedecore, juxta suæ regionis usum; » (*Vide dicenda de matr. l. 6. n. 851.*) « non tamen potest exhæredari idcirco » (*Vide n. 949.*) « III. Si sine justa causa velit eam ducere, quam vult parens, maximè si inde sopirentur odia, aut parentum necessitas levaretur: erit autem justa causa, v. gr. si sit impar familia, si infirma, deformis, fatua, vel immorigera. IV. Si, inconsultis parentibus, nubat, » (*De hoc vide de matr. l. 6. n. 849.*) « ut habet *Sanch.* Potest tamen, ubi eos consuluit, ipsis invitis, prudenter contrahere cum se digna; cum circa electionem statûs sit sui juris. *Less. lib. 2. c. 40. n. 43. Sanch. l. 4. c. 15. Fill. q. 10. n. 20.* An, et quomodo peccant liberi furando à parentibus? vide *infra n. 543.* Item, an alienare possunt bona? vide *infra n. 918.*

Tenetur igitur filius obedire parenti in iis, quæ mox dicta sunt, et peccat graviter peccato speciali, in confessione explicando, si materia sit gravis, et parens præcepto expresso,

70 *Lib. 4. Tract. 3. De quarto præcepto decalogi.*
 et seriò id mandaverit; secùs si tantùm monuerit, ut *Spor. de 4. præc. c. 5. n. 14. Ronc. c. 1. q. 3. et Holzm. n. 555.* Ad-
 ditque *Lugo de pœnit. d. 16. n. 226. et Bon. eod. tit. part. 6. n. 5. cum Nav. et Rodr.*, filium tunc speciale hoc pecca-
 tum committere, cùm parens imperet aliquid, intendens
 obligare ad obediendum obedientiâ sibi debitâ. Imò dicunt
Sporer n. 16. et Elbel de 4. præc. n. 555. cum March., tunc
 filium graviter peccare, quando ordinariè præceptum trans-
 greditur; secùs, si aliquoties ex negligentia.

Præterea hic advertendum, filios non tenèri obedire in
 iis, quæ pertinent ad statum eligendum. Hinc graviter pec-
 cant parentes, qui eos cogunt, etiam indirectè invitos, ad
 vitæ statum eligendum, sive religiosum, sive clericalem, sive
 conjugalem; vel contrà, si eos injustè retrahant, etiam sine
 vi, vel fraude, à statu religioso, clericali, vel conjugali,
 sine justa causa; quia parentibus specialiter incumbit con-
 sultare bono spirituali filiorum. Ita *Mol. t. 5. d. 51. n. 2. Etia. n. 538. et Spor. n. 21. cum communi.* Unde, si filius sentiât
 se à Deo vocatum ad religiosum vel clericalem statum, et
 advertat, parentes injustè impedituros, consultiùs aget rem
 eos celando, divinamque voluntatem exequendo. Ita *Elbel l. c. Bon. l. c. n. 2. cum Sayr. Mol. Fill. et aliis.* Dictum est
 autem *injustè*; nam secùs dicendum foret, si parentes ob
 justam causam contradicerent: putà, si remanerent in neces-
 sitate; vel si aliàs extingueretur nobilissima familia, ut ait
Elbel n. 539. In hoc tamen secundo casu puto non tenèri
 filium ob id suam vocationem deserere. Vide alia, quæ de
 hac materia fusè dicuntur *l. 5. ex n. 66.*

« 4. Tenetur proles alere parentes egentes; adeò ut, si
 » in gravi necessitate aliter juvari non possint, teneatur ma-
 » nère in sæculo (nisi tamen in hoc illi certum, vel certè
 » valdè probabile periculum salutis immineret); » (*Vide infra*
de statu relig. l. 5. n. 66. ubi etiam de fratribus n. 70.) « et,
 » si religionem sit ingressus, teneatur eâ egredi, et juvare
 » parentes: dummodò eorum necessitas ejus professionem
 » antecesserit. *Fill. q. 5. n. 9. Bon. q. 1. p. 6.* » (*Vide dict.*
l. 5. n. 67.)

« 5. Si verò necessitas post professionem superveniat, si
 » extrema sit, tenetur egredi, petità priùs, licèt non ob-
 » tentâ veniâ. Si autem sit gravis tantùm, in qua utcumque

» possint vivere, non tenetur quidem; potest tamen egredi,
 » si praelatus permittat. Quo casu tenetur, in quantum non
 » obstat suo intento, deferre habitum, et observare subetan-
 » tialia religionis, at, postquam parentibus subventum est,
 » redire. *Vide Less. l. 2. c. 41. dub. 3.* » (*Vide infra de statu*
relig. l. 3. n. 67.)

DUBIUM II.

Ad quid teneantur parentes erga filios?

336 Quæ teneantur parentes præstare filiis quoad alimenta et educationem?

337 An teneatur pater dotare filiam, nuptiam contra ejus consensum?

338 Sanctio Neapolitana circa alimenta filiorum.

339 Ad quid aliud teneantur parentes?

340 Ad quid teneantur fratres?

341 An possint aliquando parentes filios exheredare? et quæ sint causæ justæ exheredandi? *Vide etiam de hoc n. 948. et 949.*

336. — **P**ARENTES, quo nomine etiam intelliguntur ascendentes, v. g. avus, proavus, etc. tenentur gravi obligatione juris naturalis conservationem et educationem liberorum curare. Circa quod ex *Bon. disp. 3. q. 1. Azor, p. 2. l. 2. q. 17. Fill. tr. 28. c. 2.*,

Resolvuntur hi casus:

« 1. Graviter peccant parentes, qui sine justa causa prolem
 » in hospitali, vel locis publicis exponunt. *Vide Bon. hic;*
 » et *Fill. t. 21. p. 2. c. 2. et infra tract. 3. c. 1.* » (Justa autem causa est, si proles sit illegitima, ut probabiliter *Laym. Dian. Henr. Salmant. de IV. præcept. punct. 2. n. 36. Vide de restitut. n. 636.*)

« 2. Mater tenetur (sub veniali tamen) lactare proprio
 » lacte, nisi habeat justam excusationem » (*V. gr. sit debilis, aut nobilis, ob consuetudinem. Salm. ibid. n. 33. cum Nav. Azor, Trullench. etc.*): « tunc verò tenetur sub gravi peccato

» bonam nutricem querere. *Bon. d. 6. q. 1. p. 6. Laym.* Item
 » tenetur, secundum jura, prolem alere ad finem anni ter-
 » tii. » (*Si verò mater non possit lactare, tenetur pater ad*
expensas lactationis, Croix l. 3. p. 4. n. 697. Et Salm. loc.
cit. n. 34. cum communi) » Postcà educatio, usque ad eman-
 » cipationem, spectat ad patrem. Excipe, nisi hic esset pau-
 » per, et mater dives. *Fill. Laym. l. 5. tr. 10. c. 3. n. 4,*
Reg. l. 20. n. 32. (1).

» 3. Pater tenetur proli, non tantum legitimæ, sed etiam
 » (in quo jus civile à canonico correctum est juxta c. *Cum*
haberet) spurie curare alimenta, hoc est, cibum, potum,
 » vestitum, et honestas artes, juxta suum statum, nisi ta-
 » men aliunde se alere possit, et non indigeat; deinde etiam
 » dotem filiae. » (*Respectu autem filiorum dicunt Sanch. de*
matr. l. 4. d. 26. n. 21. Boss. de effectu matr. p. 2. c. 4.
num. 95. cum Glossa in c. Admonere 33. q. 2. ac Surdo et
Megala, quòd pater tenetur alimenta præstare non tantum
filio, sed etiam uxori illius, quamvis eam duxerit sine dote,
et contra ipsius patris voluntatem. Præterea tenent Azor
p. 2. l. 2. c. 4. q. 12. et Merenda Controv. l. 4. c. 34. n. 6. cum
Baldo, et Jasone, quòd pater debet filium alere, etiamsi filius
consummasset vitiosè portionem jam prius sibi traditam.)
 » Et quidem clerici etiam ex fructibus ecclesiasticis possunt
 » hæc suis spuriis præstare. *Fill. loc. cit. t. 28. c. 2. n. 28. Laym.*
l. 5. t. 10. p. 3. c. 5. Vide infra tr. 5. c. 4. d. 5. q. 1. Hinc
 » peccant 1. Si non adhibeant diligentiam, saltem mediocrem,
 » ut acquirant bona, quibus filii alantur, habeantque hære-
 » ditatem secundum suum statum. 2. Si bona dilapidando
 » impotentes se reddant, ad liberos honestè secundum statum
 » suum educandos, ac dotandos, *Bonac. d. 6. §. 2. ex Azor,*
Filiuc. etc. 5. Si sine legitima causa filiae dotem negent
 » (vel filium exhæredent), v. gr. quia vult ingredi, vel est
 » ingressa religionem, vel quia, ipsis invitis, nupsit, licet
 » se indigno. *Bon. l. c. ex Azor, Reginald. etc.* vel quia filius

(1) In jure novo juris antiqui abrogata est dispositio, quæ mater ad an-
 num tertium, pater verò usque ad emancipationem prolem alere tenebatur.
 Obligatio prolem alendi, sustentandi atque educandi ex *Cod. deo. art. 203.*
 parentibus communis est eosque in solidum afficit. — *Confer art. infra ad*
n. 951. positus.

¶ ordinem sacrum suscepit : sicut enim pater tenetur dotare suas proles pro matrimonio, vel ingressu religionis : ita etiam ad suscipiendos sacros ordines. Neque hæc donatio est revocabilis : imò, quæ sic donata sunt, non posse computari in legitimam, aut divisionem cum fratribus, docet *Barb. c. 17. Contrarium tamen tenet Mol. etc. cum Dian. p. 8. t. 6. r. 91. et 92.* (Et *Salm. tract. 24. de IV. præc. punct. 4. §. 2. n. 78. At vide dicenda de contr. n. 956. ubi etiam vide de aliis bonis à filiis in collationem adducendis.*)

337. — Quæstio est, an pater teneatur dotare filiam, contra ejus voluntatem nuptam? Distingue, affirma, si filia sit nupta major 25 annis, etiamsi indigno, ut *Sanch. de matr. l. 4. d. 26. n. 11. Salm. ibid. punct. 2. n. 40. cum Bon. Trull. etc.* Sed dubium majus est, si nupta sit minor 25 annis? Alii etiam affirmant absolute : alii tantum, si nupserit digno : alii dicunt, patrem teneri tantum ad alimenta ei danda, si tamen ipsa egeat, et hoc, etsi nupserit indigno, ut *Sanch. n. 18. et 19. Salm. ibid. n. 41. cum Mol. Trull. Cor.* Et hoc probabiliter. Hinc infert *Sanch. n. 20. cum Trull. et Bann. apud Salm. loc. cit. n. 42.* quod si etiam filius nuptias ineat, patre invito, tenetur pater alere eum indigentem, et uxorem ejus. *Vide dicenda n. 949. (1).*

338. — Notandum obiter hic est, nuperrimà S. R. Neapolitani conciliū, junctis quatuor aulis, sanctione, cui regia Majestas annuit 13 Decemb. 1742, sancitum fuisse non licere parentibus sine justa causa à jure probata, vel à judice approbanda, liberos, et filios, sive aliquem illorum immeritò è domo sua expellere, eisque extra domum præstare alimenta. Et è converso filiis, et liberis, seu alicui ipsorum, facultatem non esse discedendi ab obsequio patris pro libito, et alimenta habendi extra domum paternam; sed voluntatem non morandi cum parente tunc filiis prodesse ad exigenda ab illo extra domum alimenta, cum filiorum voluntas sit causa virtutis, non causa vitii, quæcumque alià interpretatione, et rerum forsàn judicatarum auctoritate sublatà, deinceps perpetuà lege inviolabiliter hoc observandum definitum est.

(1) Et notam ad n. 948. positam.

339. — « 4. Parens tenetur proli subvenire, relictâ religione, iisdem casibus, quibus proles parenti; quos vide *superiora dubio cas. 4. et 5. in fine n. 335.*

» 5. Parentes gravi obligatione tenentur instruere liberos per se, vel alios, in necessariis ad salutem. Hinc graviter peccant: 1. Si, quantum in ipsis est, non curent, ut bonis moribus imbuantur, doctrinam christianam, seu fidei rudimenta addiscant, pravorum consortia vitent, mandata Dei et Ecclesiæ observent, sacramenta frequentent, à peccatis abstineant, *Azor, Fill. Bon. l. c. 2.* Si occasiones peccandi ab iis non avertant, vel in locis, aut domibus suspectis eos habitare permittant: *Trull. t. 1. d. 3. n. 4. 3.* Si consilio, vel exemplo malo depravent. 4. Si non objurgent, puniantque dissolutos; moderatè tamen: non peccant etiam verberando immoderatè, v. gr. ut notabiliter lædantur. *Sot. Sylv. Bon. loc. cit. et d. 3. de contr. q. ult. p. 3.*

» 6. Tenetur etiam proli relinquere libertatem circa electionem statûs, Unde peccant invitos ad matrimonium, vel religionem cogendo, vel abstrahendo. » (*Vide d. n. 335. v. Præterea, et dicenda l. 6. n. 830. in fin. v. Dicit.*) « Et quidem *Trid. sess. 25. de Reg. c. 18.* excommunicat cogentes ad monasterium filias.

340. — « 7. Etsi frater fratri, vel sorori, saltem in extrema vel quasi extrema necessitate teneatur subvenire lege tum charitatis, tum pietatis; non tamen est ea obligatio, quæ inter parentes, et liberos, cum non sit ista dependentia. *Vide Less. l. 2. c. 34. n. 34.* Unde, si professus est in religione, non tenetur egredi, ut eis succurrat. *Trull. l. 2. c. 2. d. 24. n. 8. ex Suar. etc.* » (*Vide l. 5. n. 67.*)

Notandum tamen hic quemvis in utroque foro teneri, si possit, alimenta et dotes præstare fratribus, vel sororibus, in eorum non solum extrema, sed etiam gravi necessitate. Ita *Salm. tr. 24. de IV. præc. punct. 4. §. 1. num. 69. cum Azor, Trull. Fagund. Barbosa. Men. etc.* Extendunt DD. doctrinam hanc ad fratres ex eodem patre natos, licet ex diversa matre; nam isti, ut utrimque conjuncti, in jure reputantur ex lege, *Cum plures. §. Cum tutor. ff. De administratione tutorum.* Si verò fratres, sicut si sorores, sint tantum uterini ex parte matris, tunc est obligatio eos alendi, sed non sorores dotandi.

341. — « Querens, an filius aliquando possit à patre pri-
vari hæreditate?

« Resp. Potest ex justa causa, aliàs non : eadem in testa-
mento debet exprimi. *Auth. Sed si post, c. de inoff. test.*
» Talis autem censetur I. Ingratitudo (nisi in gratiam patris
» redierit, ipsumque pœnituerit ante testamentum conditum)
» ut, si affecerit patrem gravi injuria, vel ejus vitæ insi-
» diatus sit, vel manus injecerit in eum, vel maleficiis se
» immiscuerit. *Bon. d. 3. quæst. 7. p. 4. ex Cov. Sanch. Az.*
» *Mol. etc. II.* Si novercam, seu patris uxorem cognoverit
» carnaliter; si parenti furioso, vel carcere detento noluerit
» succurrere, fidejubendo : si impedierit patrem, quominus
» testaretur : si bona parentum dilapidaverit cum gravi ipso-
» rum dispendio. III. Si filia, minor 25 annis, luxuriosam
» vitam elegerit, etc. Circa quas nota, valère has causas,
» quando filius aliunde habet, unde vivat; nam alimentis
» ad vitam necessariis privari non potest, cùm debeantur
» jure naturæ; quod à jure civili tolli non potest. *Bon. disp.*
» 6. qu. 1. p. 6. §. 3. ex *Sanch. Mol. Az. Reg. Fill. Trull.*
» *lib. 4. cap. 1. d. 3. n. 16. et t. 2. lib. 7. et cap. 17.* » (*Secus*
» *de necessariis ad statum. Salmant. ibid. punct. 2. n. 43. cum*
» *communi. Circa exheredationem autem filiorum, vide de con-*
» *tract. n. 948 et 949.*) (1)

DUBIUM III.

Ad quid teneantur tutores, curatores, qui
parentum sunt loco?

« **T**UTOR (idem est de curatore) tenetur curam gerere pu-
» pilli, ejusque bona ritè, et fideliter administrare. Ratio est :
» quia in hunc finem constituitur, et assignatur pupillo,
» patris loco. Quare, si delinquat, vel notabiliter sit negli-
» gens hac in re, peccat graviter, et ad compensationem
» damni, quod pupillus ex eo accepit, obligatur (et sal-
» tem de dolo, et culpa lata) : imò, si tutoris officium exer-
» ceat pretio (quod tamen si ab initio non est constitutum,

(1) Et notam ad n. 948. positam.

» censetur suscepisse gratis), tenetur etiam de levi culpa.
» *Bonac. de contract. d. 3. quæst. 19. p. 4. (1)*

Unde resolves :

« 1. Tutor tenetur tuêri personam pupilli, dum opus est,
» cumque bonis moribus imbuere, et benè educare per se,
» vel per alios. *Bon. loc. cit.*

« 2. Tenetur bona pupilli fideliter administrare, ideòque
» (officium tutoris suscipiens) inventarium conficere, alioqui
» damna, ex ejus defectu secuta, resarcire; nec licet illi
» pupillo nimium pecuniæ ad usus inutiles concedere.

« 3. Tutor (utì et curator) tenetur conservare omnia jura,
» bona, et actiones pupilli (vel minoris), et bona aliàs peri-
» tura vendere, pecuniamque convertere in emptionem bono-
» rum stabilium, vel in censum, etc. prout fuerit utilius.
» *Ibid. ex Rebell. p. 2. lib. 22. q. 17.*

« 4. Si tutor, vel curator pecuniam pupilli convertit in
» suos usus, tenetur ad restitutionem totius lucri cessantis,
» vel damni emergentis quod inde accepit pupillus, vel mi-
» nor. *loc. cit. Rebell. q. 17.*

« 5. Tenetur item ad restituendos fructus (deductis expensis)
» quos ex bonis pupilli percipere poterat, et suâ culpâ non
» percepit. *Sylv. v. Tutor. §. 4. Reb. loc. cit.*

« 6. Tenetur nomina debitorum exigere, et debita pupilli
» persolvere; ita tamen, ut, quantum fieri potest, bono
» pupilli consulat. *Sylv. Reb. ll. cc. Tab. ibid.*

« 7. Tutor, vel curator non potest donationes, vel remis-
» siones gratias facere de bonis pupilli, quia non ad destru-
» endum, sed ad tuendum est constitutus, *ibid.* Excipe dona-
» tionem remuneratoriam : sic enim potest v. gr. stipendio
» debito pro liberali servitio aliquid addere ex liberali dona-
» tione. *Mol. Lugo d. 23. sect. 10. Sanch. Trullench. lib. 7.*
» *cap. 17. d. 8. Vide Dian. p. 8. t. 6. r. 17.*

« 8. Denique tenetur (officio finito) reddere rationes, quia
» hoc onus est commune eorum, qui bona aliena admini-

(1) Confer. art. infra ad n. 917 etc. de tutela et curatela positos.

strant. Vide Bonac. de contr. d. 3. quæst. 19. p. 4. et infra hoc libro, n. 917. et seq.

DUBIUM IV.

Quæ obligatio dominorum, et famulorum, aliorumque superiorum et inferiorum erga se invicem?

342 Quid teneantur superiores præstare subditis? An principes teneantur eligere digniores ad officia?

343 Quid teneantur famuli præstare dominis?

344 An famuli, non impediētes furta rerum domini, teneantur ad restitutionem?

345 An famulus conductus ad annum, discedendo possit petere stipendium?

346 An ægrotans teneatur postea famulatum supplere?

347 An, elapso triennio, possit salarium exigere?

348 Quando famulus inserviens, nullâ statuta mercede, possit exigere stipendium?

349 Quando possit mercedem sibi compensare?

350 An servi capti in bello, possint fugere ad suos?

342. — **R**ESP. 1. Domini, et superiores tenentur habere curam famulorum, aliorumque suorum subditorum. Patet ex 1. ad Timot. c. 5. §. 8. Si quis suorum, etc. Et ratio est, quia sunt ipsorum caput, et vices parentum gerunt, ideoque tenentur quodammodo ad eadem, ad quæ parentes. Imprimis verò curare tenentur, quantum in ipsis est, ut servant præcepta Dei, et Ecclesiæ. Bon. dub. 16. q. 1. part. 8. »

Quær. hic obiter, an principes sæculares teneantur eligere digniores ad officia sæcularia? Affirmant Salm. de IV. præcept. punct. 6. §. 2. n. 103. cum Sot. Bann. Less. Trull. etc. Negant verò Caj. Vasq. Lugo etc. ib. modò officia non indignis distribuuntur: quia, ut isti dicunt, hæc officia non pertinent ad justitiam distributivam, nec sunt bona communia, sed potius regis, qui satisfacit, si dignè, non autem dignissimè rempublicam regat. Utraque est probabilis, sed prima sententia probabilior, quia aliàs respublica grave pateretur

nocuentum; ob quod motivum *Lugo d. 54. licet n. 19.* oppositum sustinuerit, tandem *n. 21.* concludit, regulariter teneri principes digniores eligere, excepto uno vel altero ministro. An autem reges possint officia sæcularia vendere? Negant *Adrian. Ang. Turr. et Med. ap. Salm. l. c. n. 94. ex 1. Hæc lex ff. ad leg. Jul. de ambit.* ubi hoc expressè prohibetur. Affirmant verò *Nav. Caj. Sot. Sanch. Azor, etc. cum D. Th. Opusc. 21. ap. Salm. ibid. ex n. 95.* modò venditio sit omninò necessaria ad utilitatem reip. et modò vendatur moderato pretio, ac dignis, et quantum fieri potest, dignioribus. Cæterum omnes cum *D. Th.* conveniunt hanc venditionem non expedire; intellige de officiis majoribus magistratuum, quibus datur justitiam ministrare; non autem de minoribus, quibus competit tantum eam exequi. *Vide Salm. l. c.*

« 1. Peccant domini graviter: 1. Si sine justa causa impediant famulos, quominus diebus festis missam audiant; vel si diebus festis opera servilia imponant: vel si jubeant ea, quæ sine peccato fieri non possunt. *Nav. cap. 14. etc. 2.* Si peccandi occasionem permittant, cum eam possint impedire; aut si graviter delinquentes non corrigant, vel negligentes necessaria ad salutem non moneant, non corripiant. *Bon. l. c. » (Communiter cum Salm. de IV. præc. punct. 7. §. 4. n. 140.)*

« 2. Peccant item graviter: I. Si eos gravibus injuriis afficiant, diabolos, canes, etc. appellent. *Bon. l. c. et Trull. l. 4. c. 1. d. 6.* licet *Dian. p. 7. t. 7. r. 47.* excuset à peccato talem contumeliam, quòd ex ira, et indeliberatione soleat proferri. » (*Et reverà, communiter hæc non habentur ut graves injuriæ*) « II. Si alimenta convenientia non præbeant, mercedem justam (dummodò fideliter servierint) non solvant, vel solvere differant sine rationabili causa. *Ib. III.* Si ante elapsum terminum temerè eos domo expellant: in quo casu (nisi gravissima ex causa id fecerint) tenentur ad solutionem integræ mercedis. » (*Ut Salm. tr. 24. punct. 7. §. 4. n. 151. cum communi: nec famulus injustè expulsus tenetur redire ad complendum tempus; intellige, si tempus conventionis sit jam transactum, et per ipsum non defuit, ut compleret; tunc enim tenetur dominus ad salarium promissum. Sed dubium est, si famulus causâ expulsionis nullum damnum passus fuisset, an totum salarium ei debere-*

tur? In hoc probabiliter opinari possumus, juxta dicenda infra n. 343. quod dominus in pœnam injustitiæ teneatur in conscientia solvere ei saltem majorem, quàm dimidiam partem salarii, imò, ut notat Less. l. 2. c. 24. num. 8., teneatur ex l. Qui operas, 38. et l. 16. ff. Locati, totam mercedem tribuere; sed hoc dicimus, non nisi post sententiam, juxta regulam omnium pœnatum.) « Less. Azor, c. 14. q. 1. Fill. n. 117. Regin. Molin. etc. Escob. t. 3. e. 9. q. 33. IV. Si cum, qui liberos, aliosve domesticos verbis, exemplo, vel moribus pravis corrumpit, et reprehensione non emendatur, è domo non dimittant. Nav. c. 14. Azor, Trull. d. 61. n. 2.

» 3. Herus non tenetur famulo infirmo (quandiu ægrotat) dare salarium, nisi in extrema, vel gravi necessitate (tunc enim debet ex charitate); imò sumptus, in ejus curationem impensos, potest repetere. Mol. l. 1. t. 28. c. 4. n. 8. Escob. t. 3. e. 9. » (Salm. ib. n. 149. cum Mol. Azor, Less. communiter n. 7 Vide dicenda hoc lib. n. 864.)

343. — « Resp. 2. famuli, cæterique subditi tenentur suis dominis, et superioribus aliquo modo eadem, quæ filii parentibus, nimirum amorem, reverentiam, et obedientiam præstare. Ratio patet ex dictis, quia sunt illis quasi loco parentum. S. Th. 2. 2. q. 103. Regin. l. 20. n. 26.

Unde resolves :

» 1. Peccant famuli graviter: I. Si non laborent, vel serviant fideliter: tenenturque ad compensationem damni. Mol. Less. l. 1. c. 24. II. Si grave damnum inferant, vel inferri permittant, cum possint impedire. Nav. c. 14. n. 22. Fill. tr. 28. c. 3. q. 10. Regin. l. c. » (Cum Mol. Less. Azor, et Salm. tr. 24. c. unic. punct. 7. §. 3. n. 138. ac communi.) « Et quidem, si damnum illud inferatur sive à confamilis, sive ab extraneis, in rebus quarum cura ipsis commissa est, à restitutione non possunt excusari. Mol. Less. l. 2. c. 23. p. 30. n. 63. Fill. tr. 56. c. 9. q. 9. n. 114. III. Si sine gravissima causa discedant à domino ante terminum elapsum; ultra hunc verò manere non tenentur, etiamsi morbo impediti servire aliquandiu non potuerint. Molin. l. c. Regin. n. 317. Escob. e. 7. n. 50. IV. Si Domino in rebus magni momenti non obediunt. Bon. l. c. »

344. — Quæritur 1. an famuli, non impediētes furta rerum domini, teneantur ad restitutionem? Alii universè affirmant, ut *Renzi de IV. præc. cap. 1. quæst. 21. et de VII. præc. sect. 3. quæst. 23. cum Pontio et Dian. (contra Reb. Mol. Bon.)* Quia (ut dicunt) ex ipsa ratione famulatûs unicuique famulorum videtur dominus in custodiam res suas committere. Alii verò, ut *Lessius l. 2. c. 13. n. 73 Lugo de justit. d. 19. Holzmänn. de rest. n. 437. Salm. de 4. præc. cit. n. 138. cum Mol. Azor, etc.* communiùs, et probabiliùs distinguunt, et dicunt, quòd si damnum fiat à domesticis, et res non sit famulis specialiter commissà ad curam (ut tenendum omninò cum *Bus. et communi*), non tenentur famuli ad restitutionem; tunc enim ipsi peccant tantùm contra charitatem, non autem contra justitiam, quia non obligantur ex justitia res domini à domesticis tuèri. Secùs tamen, si furtum fiat ab extraneis, ut *Salm. l. c. cum communi, et Tamb. Dec. lib. 8. tr. 4. c. 3. §. 6.*, qui addit, in eo casu unumquemque famulum tenèri ad restitutionem in solidum; quisque enim ipsorum, cùm poterat, tenebatur totum damnum impedire; et, si nequibat solus impedire, debebat saltem alios confamilulos advocare ad furtum impediendum.

345. — Quær. 2. an famulus, locans operas suas ad annum, si ante annum culpâ suâ discedat, possit stipendium petere pro tempore, quo inservivit? Affirmat communior sententia, contra *Mol.* (nisi grave damnum inde domino eveniret); quia servitus exhibitâ meretur utique mercedem suam, quamvis non totam, de quâ conventum fuit; unde tenetur dominusolvere saltem parùm minùs, quàm dimidiam partem stipendii. Ita *Az. p. 2. l. 2. c. 3. q. 6. Fill. tr. 28. p. 2. c. 3. n. 68. Sylv. v. Fam., q. 6. et Trull. Dian. Fagund. cum Salmant. de IV. præc. punct. 7. §. 3. n. 132.*

346. — Quær. 3. an famulus, locans operas suas ad annum, si per menses ægròtet, teneatur operas suas supplère? Minimè, ex *comm. cum Salm. ib. n. 133. cum Az. Bon. etc.* quia promissio tempori determinato alligata est. Salarium verò pro tempore ægrotationis petere nequit, ut dictum est suprâ cum *Busemb. n. 342. in fine, v. Herus.*

347. — Quær. 4. an famulus, elapso triennio, postquam discessit à domino, salarium petere possit, et occultè sibi compensare? Affirmant *Sanch. de matr. l. 7. d. 37. n. 17. et*

Salm. ibid. n. 154. cum Mol. Fag. Vill. et aliis; quia, licet in foro externo famulus post præscriptionem triennii amittat actionem petendi salarium; ut dicunt Cov. Med. et Lamas ib. (contra Mol.) juxta legem Hispanicam, sive bullam 33 S. Pi. V. quâ post biennium à servitio præstito adimitur famulo actio petendi salarium; sive juxta sanctionem S. R. concilii Neopolitani. junctis quatuor aulis, relatam inf. n. 516., quâ, elapsis duobus mensibus, postquam famulus à domino discesserit, negatur ei facultas mercedem in judicio petendi: attamen in foro conscientiae famulus jus ad salarium semper retinet; et dominus, si certus sit, se non solvisse, semper ad solutionem tenèri videtur; tantò magis, quòd in dicta decisione (pro nostro regno emanatâ) dicitur, actionem denegandam esse famulo, non præscriptionis ope, sed vi præsumptæ solutionis. Hoc verò intelligendum, si famulo moraliter constet, dominum non legitimè præscripsisse; nam, si aliàs dominus præscripsisset solutionem per triennium cuia titulo, et bonâ fide, eo casu nec dominus teneretur solvere, nec famulus posset salarium sibi compensare, etiamsi certus esset de solutione non factâ; quia dominus tunc ratione præscriptionis acquisivit jus non solvendi, juxta dicenda infra n. 517.

348. — Quer. 5. an famulus, nullâ statutâ mercede inseruiens, possit justum stipendium (saltem infimum) petere, vel occultè surripere? Distingue; si dominus hujuscemodi famulorum operas conducere solebat, affirma. Secùs, si non: quemadmodum accidit cum pueris, quos nobiles aut Episcopi rogantur in suam familiam admittere; tunc enim sufficit, si domini tribuant eis victum, vestes, et habitationem, cum talis sit consuetudo. Ita *Salm. tr. 24. punct. 7. §. 3. n. 155. cum Mol. Azor, Trull. Vill. Fag. etc.* Famulis autem, qui inseruiunt magistris, ut artes ab ipsis apprehendant, certè nullum salarium debetur. *Salm. ibid. n. 156. cum Azor, Mol. Reb. Fag.* Nisi aliter sit in usu quoad aliquam artem; ex nobilitate enim artis quandoque aliquid à discipulo magister exposcit, ut est ars horologia construendi. Ex ignobilitate verò artis sæpè discipulus debet aliquid à magistro recipere, ut est ars malleatoris, etc. Videndum igitur est juxta prudentum arbitrium, quid ex usu in qualibet arte observetur.

349. — « 2. Famuli non peccant, si sustentationem vel mercedem justam domino negante, utantur compensatione

» occulta, *Mol. l. cit. Fill. tr. 36. c. 6. q. 3. dummodo tamen*
 » alius modus non sit impetrandi; nec plus accipitur, quam
 » debetur: neque scandalum; aut aliud incommodum grave
 » timeatur. *Vide Bon. de rest. d. 2. q. ult. p. 2. n. 16.* » (*Hac*
tamen in re animadvertit prop. 37. inter damn. ab Inn. XI.
Vide n. 522.)

« 3. Similiter pro obsequiis, ad quæ non tenebantur, præ-
 » stitis (si quidem illa non gratis, et liberaliter, sed animo
 » mercedis exhibuerint) licere ex rebus domini accipere com-
 » pensationem, quæ aliter obtineri non possit, docet *Nav. c.*
» 17. n. 108. Less. l. c. Plura de his vide infra tr. 5. c. 1. d. 4.
» et c. 3. d. 10. et Bon. d. 6. q. 1. p. 8. » (*Nisi sponte suas*
operas auxissent. Salm. ibid. n. 136. cum Mol. Sot. Dian. etc.)

An autem famuli possint compensare sibi salarium pro ma-
 jori opera præstita? *Vide dicenda n. 522.*

350. — Notanda est hic obiter illa quæstio ad praxim uti-
 lis, an servi justo bello capti, licite possint ad suos fugere?
 Negant *Mol. Sylo. Panorm. et alii ap. Salm. ibid. §. 1. n.*
115. quia tales servi censentur tamquam perpetuo ad servi-
 tutem damnati, cum dominus justè eos possideat. Contra-
 rium tamen communius et probabilius tenent *Less. l. 2. c. 5.*
n. 24. Sot. Lug. Pal. Fill. Vasy. et quàmplures cum Salm.
ibid. n. 116. Ratio, quia tale jus gentium faciendi servos;
 homines in justo bello captos, taliter acceptatum est, ut ipsis
 relicta sit fugiendi libertas. Et patet ex *Instit. l. 2. tit. 1. de*
rer. div. ubi n. 17. de istis dicitur: *Qui tamen, si evase-*
runt nostram potestatem, et ad suos reversi fuerint, pristi-
num statum recipiunt.

DUBIUM V.

Ad quid teneantur conjuges erga se mutuo, vi
 hujus præcepti?

331 *Ad quid teneatur uxor erga virum?*

332 *An uxor nobilis teneatur officia vilia præstare?*

333 *An teneat pactum pro uxore non mutandi domicilium? An*
autem uxor teneatur sequi virum, missum in exilium?

334 An mortuo viro, teneatur uxor solvere debita contracta ad alendam familiam?

335 Quid teneatur uxor restituere filiis primi matrimonii?

336 Quomodo peccet vir in uxorem?

331. — **R**ESP. Uxor in iis, quæ spectant ad domûs gubernationem, et bonos mores, tenetur obedire marito; hic verò uxorem, non ut servam, sed ut sociam tractare. Ratio, quia maritus est caput, et uxor membrum. *Nav. c. 14. n. 20. Trull. Filliuc. t. 28. c. 9. q. 6. n. 144. et comm.*

Unde resolves :

« 1. Conjuges peccant : 1. Si debita intentione non contrahant matrimonium. 2. Si sine dispensatione prætermittant proclamationes. 3. Si sacramentum matrimonii in statu peccati mortalis recipiant. 4. Si utantur matrimonio contra naturam, vel modo indebito, vel cum periculo abortûs. 5. Si debitum sine justa causa negent. 6. Si cum periculo pollutionis tactus habeant impudicos.

« 2. Peccat graviter uxor : 1. Si maritum rixis, vel aliter verbis ad gravem iram, vel blasphemiam provocet. *Fill. l. c. n. 145. et Bon. 2. Si quid notabile expendat contra voluntatem viri, et consuetudinem fœminarum similis statûs, nisi tamen ex paraphernalibus, si habeat. 3. Si, spreto viro, sibi imperium vendicet. 4. Si nolit sequi virum domicilium mutantem, dummodò possit sine periculo vitæ, et salutis, et contrarium non sint pacti, et maritus post nuptias non sit factus vagus. Navarr. Tolet. Bon. p. 7. Vide infra t. 5. c. 1. dub. 4. 5. Si sine sufficienti indicio malè judicet de mariti continentia. 6. Si sine justa causa debitum negat. Vide infra l. 6. 7. Si se ingeret in administrationem domûs sine justa causa, qualis est, si v. gr. maritus prodigus bona familiæ dilapidet. Sylvius, Trull. c. 1. d. 4. n. 18. » (Vel si sit incurius, vel minùs aptus ad familiam gubernandam. *Elb. t. 2. conf. 21. cum Fill. Gob. et Henno.*)*

332. — Quær. 1. an uxor nobilis teneatur præstare viro præcipienti officia vilia, v. gr. cibos condire, verrere domum, etc.? *Affirmant Ang. Tiraq. etc. Sed probabilius negant Sanch.*

84 *Lib. 4. Tract. 3. De quarto præcepto decalogi.*

de matrim. l. 6. d. 6. n. 14. Salm. de IV. præc. punct. 3. §. 2. n. 59. cum Sylv. Gar. Fag. etc. quia uxor est socia, et ideo non tenetur præstare famulæ opera, quæ ipsam dedecent. Et si ipsa præstaret, posset sibi compensare, ut ajunt.

353. — Probabilius valet pactum non mutandi domicilium, nolente uxore, ut *Sanch. de matrim. l. 1. d. 40. n. 2. cum Lop. Pal. etc. contra alios.* Sed hoc intelligendum, nisi nova et gravis causa superveniat. *Sanch. n. 23. Salm. ibid. n. 61. cum Nav. Sylv. Fag. etc.*

Quær. 2. an teneatur mulier sequi virum, missum in exilium? Negant *Henr. et Bartol. apud Salm. ib. n. 62.* quia non tenetur uxor innocens viri pœnam subire. Sed probabilius affirmant *Salm. ib. et Sanch. lib. 1. d. 41. n. 11. cum aliis;* quia tenetur uxor sufferre non pœnam, sed infortunium viri. Et idem dicunt *Salm. loc. cit. et Pal.* si vir alicubi excommunicetur. È converso dicunt *Salm. ibid. cum eisd. DD.* quòd si mulier, necessitate coacta, mutet domicilium, vir comitare eam debet. (1)

354. — Quær. 3. an uxor, mortuo viro, teneatur ex bonis dotalibus solvere debita contracta ad alendam familiam?

Prima sententia affirmat, si vir erat pauper, dum debita contraxit; secùs, si locuples; quia pauper non tenebatur alere uxorem; ergò tenetur ipsa solvere, quod conversum est in suâ utilitatem. Ita *Fag. Bart. Lupus, et alii apud Sanch. l. 9. d. 4. n. 28.*

Secunda verò probabilior *sententia* negat, sive vir fuerit pauper, sive locuples; ratio, quia actio creditorum repetendi mutui facti est personalis, scilicet tantum contra virum; et licèt in viro ratione inopiæ suspensa erat obligatio uxorem alendi, non erat tamen extincta: quare, si ex mutuo aluerit, suum debitum præstavit. Ita *Sanch. n. 29. Salm. ibid. n. 64. cum Mol. Trull. et Bon.* qui tamen limitat, si vir contraxerit debita nomine uxoris, vel ipsâ sciente; vel si vir protestatus sit, se nolle, stante suâ inopiâ, gratis eam alere. Et quod dictum est hic de alimentis uxoris, dicitur etiam de alimentis filiorum; ut *Salm. loc. cit.*

(1) Art. 214. cod. civ. Uxor tenetur unâ cum viro habitare eumque comitari ubicumque domicilium eligere voluerit.

555. — Quer. 4. an uxor ad secundas transiens nuptias debeat filiis primi matrimonii reservare, quidquid à primo viro accepit, retento tantum usufructu? affirma ex *l. Ex testamento, et l. In donat. c. de sec. nupt.* si accepit titulo lucrativo; secus tamen, si oneroso, vel si acceperit ab extraneo. Et idem dicitur respectu viri de rebus donatis à prima uxore. *Sanch. lib. 6. d. 41. Salm. tr. 23. punct. 3. §. 2. n. 66. cum aliis.*

556. — « 3. Peccat graviter maritus : 1. Si verbis contumeliosis, vel infamatoriis afficiat uxorem. » (*Et tale peccatum esset duplicis malitiæ, ut Salm. ibid. §. 1. n. 46.*) « 2. Si impediatur illam circa præcepta Dei, vel Ecclesiæ sine justa causa. *Sayr. l. 7. c. 7. Nav. c. 14.* Si verò impediatur etiam sine causa circa ea bona, quæ consilii tantum sunt, ut est confessio, communio, etc. communiter tantum peccat venialiter; nisi constet, quod illa magnam ex iis utilitatem percipiat. *Sayr. Fill. Bon. q. 1. p. 7. Trull. 3.* Si cædat graviter : moderatè tamen castigare verbis, vel etiam ex gravi causa moderatis verberibus, habità ratione conditionis, et status, quandoque potest. » (*Consentit huic Elb. Conf. 21. n. 58. cum Gob.*) « 4. Si alimenta neget, nisi tamen uxor à consortio mariti propriâ culpâ discesserit. » (*Vel nisi adulterium commiserit, ut Sanch. de matrim. l. 10. d. 8. n. 23. Pal. de spons. d. 3. p. 6. §. 5. et Croix l. 3. p. 1. n. 714. Nequit autem vir retinere dotem uxoris adulteræ, si discedat ab eâ ante sententiam propriâ auctoritate : quamvis ipse possit uxori, repenti dotem, opponere exceptionem adulterii, et petere, ut sibi applicetur, prout probabilius dicit Croix n. 716. cum Abbat. et Pal. contra Sanch.*) « 5. Si negligat gubernationem domus, et rem familiarem. 6. Si uxori non cohabitetur, vel sine justa causa diù absit. 7. Si, cum possit, alimenta non procuret. *Vide Fill. n. 140. et 141. Nav. c. 14. n. 19. Tol. lib. 5. c. 2. Sanch. l. 10. de matr. disp. 18. n. 18. Bon. p. 7.* »

DUBIUM VI.

Quæ obligatio parochorum erga suos?

337 *Ad quid teneantur parochi circa residentiam?*

338 *Ad quid circa sacramenta ministranda, præsertim tempore pestis?*

339 *An teneantur celebrare pro populo?*

360 *An concionari, et populum instruere, etc.? Quomodo parochi teneantur corrigere subditos? Dub. I. An ad id teneantur ex charitate, vel ex justitia? Dub. II. An teneantur inquirere in mores subditorum? Dub. III. An teneantur non deserere oves, etiam cum periculo mortis?*

337. — **R**ESP. Curatus, sive parochus jure divino tene-
 » tur : 1. Residère in sua parochia. *Trid. sess. 23. c. 1. de Ref.*
 » *Barb. de off. paroch. c. 8. n. 1.* alioqui in conscientia fru-
 » tus non facit suos, teneturque pro rata absentiae restituere
 » fabricæ Ecclesiæ, vel causæ piæ. Potest tamen ex justa
 » causa, et licentia Episcopi ad breve tempus abesse. *Vide*
 » *Nav. c. 3. Azor, t. 2. l. 2. c. 4. Possev. Barb. Trull. l. 4. c. 1.*
 » *d. 8.* » (Quoad residentiam, vide dicenda de benef. l. 3.
 n. 121 et 123.)

338. — « 2. Tenetur administrare sacramenta » (*Non solum
 in necessitate extrema, sed etiam gravi, Salm. tract. 21.
 de Charit. c. 6. punct. 3. §. 1. n. 33. cum S. Th. et communi.*
*Et ibi addit Bon., tenèri parochum etiam inquirere graviter
 indigentes*) « Quoties, et quanto cum periculo, vide infra
 » et *Bon. tract. 1. d. 2. q. 3. p. 2. Possev. Barb. ll. cc.* »
 (Quoad sacramentum poenitentiae, vide *Busemb. de poenit. lib.*
6. n. 623. resp. 2. et 3. Quoad Eucharistiam autem, tenetur
eam ministrare, quoties oves rationabiliter petunt. Vide Bu-
semb. de Euch. dict. l. 6. n. 253. et 254. Tempore autem pe-
stis probabile est, eum non tenèri ministrare Eucharistiam
cum periculo vitæ. Vide de Euchar. eod. l. 6. n. 253.)

339. — « 3. Orare pro populo, et celebrare, ut populus au-

» diat Missam : quam etiam teneri eum eidem applicare die-
 » bus saltem festis , et aliquot aliis docet *Tol. l. 3. c. 5.* Sed
 » negant *Suar. Con. in 3. p. q. 83. art. 1.* cum nullo jure id
 » cautum sit. *Vide Bon. qu. ult. Barb. l. c.* »

Nota hic , quod à SS. Pontifice *Benedicto XIV.* in epistola
 Encyclica , edita anno 1744. , statutum est , quemcumque
 parochorum , sive habentem , sive non , congruos redditus ,
 teneri omnibus Dominicis , et festis diebus applicare missam
 pro populo. Et quamvis concessum sit alicui parochi , si aliter
 vivere nequeat , ut applicet missam pro eleemosynam præ-
 sente in diebus festis , sancitum est tamen , ut debeant ipsi
 in aliis diebus ferialibus missas pro populo supplere. Et
 quoad vicarios , seu oconomos Ecclesiarum vacantium , data
 est facultas Episcopis assignandi eis congruam fructuum por-
 tionem , ut pariter possint diebus festis pro populo celebrare.
Vide lib. 6. n. 323.

360. — « 4. Docere populum concionando , arguendo , etc.
 » per se , vel per alios. *Tol. l. 3. c. 5. Possev, Barbos. Trull.*
 » *lt. cc.* » (*Vide dicta de 3. præcept. n. 269. v. Hic obiter.*
Pariter superiores Religionum etiam tenentur prædicatione
pascere subditos, tamquam eorum pastores, Elbel Conf. 21.
n. 583. cum Henno.)

» 5. Tenetur singulis diebus dominicis , et festis solemnibus
 » populo doctrinam christianam explicare , per se , vel per
 » alium , ut constat ex *Trid. sess. 24. c. 4. de Ref.* idque
 » sub gravi obligatione etiam juris divini , ob summam ne-
 » cessitatem , propter quam eos ab Episcopis , aliisque Præ-
 » latis ad id cogi posse sub pœna excommunicationis (omnes
 » que alios , ut eam audiant , discant et sciant) docent *Trull.*
 » *l. 1. c. 1. d. 4. n. 7. et 8. Bald. t. 2. l. 1. d. 48. Sanch.*
 » *Pal. Barb. etc.* » (*Benè autem potest huic obligationi do-*
ctrinam christianam explicandi per alium satisfacere. Trull.
et Led. ap. Salm. tr. 21. c. 2. punct. 5. n. 55.)

» 6. Tenetur infirmos visitare , pauperum curam habere ,
 » peccata corrigere , etc. de quibus *Poss. Reg. tom. 2. l. 20.*
 » *c. 5. sect. 3. Barb. c. 7. vide suprà.* »

Parochi (et tantò magis Episcopi) tenentur sub gravi cor-
 rigere oves , in peccato mortali vel ejus proximo periculo
 existentes , etiam cum discrimine vitæ , et non solum in

extrema, sed etiam in earum gravi necessitate, semper ac adsit spes emendationis. Ita communiter *Bon. d. 3. q. 4. p. 4. n. 5. cum Val. Mald. et Reg. item Viva de præc. q. 21. art. 6. n. 12. Mazzott. tom. 1. p. 458. Salm. tr. 21. c. 6. punct. 3. §. 1. n. 33. cum Suar. Con. et Trull. Vide etiam dicta l. 3. n. 40.* Præterea parochi tenentur cum quocumque incommodo auferre scandala (1), unde si aliquis subditorum sit incorrigibilis, et suo pravo exemplo sit aliis occasio ruinæ, tenetur parochus tale damnum impedire, saltem Episcopum certiorando, non tantum semel, sed quousque scandalum perseverat, et spes affulget, ut illi occurrì possit.

Sed dubitatur I. An ad id pastores teneantur ex charitate, vel justitia? *Suar. et Tapia apud Salm. eod. tr. c. 7. punct. 4. §. 2. n. 58.* censent, eos tenèri solum ex charitate. Sed probabilius tenentur ex justitia, ut sentiunt *Ronc. de char. quæst. IV. q. 1. Holz. eod. tit. n. 192. Pal. tr. 6. d. 3. p. 7. n. 8. cum Cajet. et Con. Salm. l. c. cum Sanch. Val. Dian. et Trull.* Ratio, quia ad hoc utique à communitate stipendium pastoribus tribuitur, ut singulorum procurent salutem, et proinde vitia corrigant.

Dubitatur II. An pastores teneantur inquirere in mores subditorum? Respondetur affirmativè ex communi sententia, ut docent *D. Th. 2. 2. q. 33. art. 2. ad 1. et Salm. cum Laym. Caj. Soto, Ledesm. Villal. etc.* Ratio, quam tradit *D. Thomas*, est, quia illi, qui specialem obligationem habent incumbendi saluti alicujus certæ personæ, sicut habent pastores erga singulas suas oves, tenentur non solum corrigere delinquentes, sed etiam prospicere, an obligationi suæ satisfaciant. Secus verò dicendum de aliis, qui generalem obligationem habent erga proximos; istis enim sufficit corrigere eos tantum, quos lapsos, vel in proximo periculo labendi animadvertierint.

(1) « Cùm in regione, inquit, *S. Alphonsus in Hom. Ap. tr. 7. n. 31. et 46.* reperiuntur notabiles morum dissolutiones, quibus nullum occurrit remedium, » parochus tenetur curare, ut Missio eò adveniat. Ille parochus, qui Missio-
 » nem non curat, suspicionem ingerit suorum morum; boni enim parochi
 » non prætermittunt quarto aut quinto quoque anno Missionem arcessere. »
 » A bonis parochis pendent boni mores et salus populorum. Si in regione
 » bonus parochus adest, ibi videbitur florere devotio, sacramentorum frequen-
 » tia, oratio mentalis et bonum exemplum; sin autem parochus erit
 » pravus, tota regio vitiiis et scandalis redundabit »

Edit.

Dubitatur III. An Episcopi et parochi teneantur non deserre oves, etiam cum periculo mortis? Respondetur cum *D. Th.* 2. 2. q. 185. art. 5. qui sic docet : *Ubi subditorum salus exigit personæ pastoris præsentiam, non debet pastor personaliter suam gregem deserere, neque propter aliquod commodum temporale neque etiam propter aliquod personale periculum imminens, cum bonus pastor animam suam ponere teneatur pro ovibus suis.* Sic enim habetur *Joan.* c. 10., et hæc verba non solum consilium sed etiam præceptum continent, ut rectè probant *Salm. tr.* 21. c. 2. punct. 6. n. 76. ex c. *Sciscitaris* 7. q. 1. ubi clarè hoc exprimitur. Si verò (subdit *S. Th.*) *subditorum saluti possit sufficienter in absentia Pastoris per alium providèri, tunc licet Pastori vel propter aliquod Ecclesiæ commodum, vel propter personæ periculum, corporaliter gregem deserere.* Quænam autem sint causæ excusantes parochos à residentia, vide l. 5. n. 125. Insuper notandum 1., quòd Episcopus, cum suscepit regimen sui episcopatus, debeat (ut præcipit concil. Trident. sess. 24. c. 16. de Ref.) rationem exigere à vicario capitulari de omnibus ab eo gestis tempore vacationis. Notandum 2. tenèri Episcopum ex eodem *Trid. sess.* 24. c. 3. de Ref. simul ac potest suam diœcesim visitare; et eum in visitatione nihil posse accipere, nisi virtualia. Ibi sic dicitur : *Episcopi propriam diœcesim per se ipsos, aut, si legitimè impediti fuerint, per suum generalem vicarium, aut visitatorem, si quotannis totam propter ejus latitudinem visitare non poterunt, saltem majorem ejus partem; ita tamen, ut tota biennio per se, vel visitatores suos compleatur, visitare non prætermittant.* Deinde additur : *Studeant quàm celerrimè, debitâ tamen cum diligentia, visitationem absolvere. Interimque caveant, ne ipsi, aut quisquam suorum procurationis causâ pro visitatione, etc. nec pecuniam, nec munus, quodcumque sit, etiam qualitercumque offeratur, accipiant; non obstante quacumque consuetudine etiam inmemorabili; exceptis tamen virtualibus, quæ sibi ac suis frugaliter moderatèque pro temporis tantum necessitate, et non ultra, erunt ministranda. Sit tamen in optione eorum, qui visitantur, si malint solvere id, quod erat ab ipsis antea solvi, certâ pecuniâ taxatâ, consuetum : salvo item jure conventionum antiquarum cum monasteriis, aliisque piis locis, aut Ecclesiis non parochialibus inito, quod illæsum*

90 *Lib. 4. Tract. 3. De quarto præcepto decalogi.*
permaneant.... Quòd si quisquam, quod absit, aliquid am-
plius... accipere præsumpserit, is præter dupli restitutionem,
intra mensem faciendam, aliis etiam pœnis... mulctetur.

DUBIUM VII.

Quæ obligatio præceptorum ; et discipulorum ?

361. — « **R**ESP. Inter præceptores (idem est de pædago-
 » gis) et discipulos est quodammodò eadem obligatio, quæ
 » inter parentes, et liberos.

Unde resolves :

« 1. Discipuli peccant : 1. Si præceptoribus, et pædago-
 » gis non exhibeant honorem et reverentiam. 2. Si non
 » obediant in rebus pertinentibus ad studia et bonos mores.
 » 3. Si eos conviciis, vel contumeliosis verbis traducant. 4.
 » Si negligenter studeant, scholarum aut studiorum tempore
 » lusui vacent, vel otio. 5. Pecunias parentum dilapident,
 » vel inutiliter expendant. 6. Malo fine studeant. 7. Gymnasii
 » sui leges, vel academix statuta (si quidem ea ad peccatum
 » obligent) non servant. 8. Scientias superstitiosas, aut vetitas
 » addiscant, vel libros prohibitos legant. 9. Stipendium debi-
 » tum doctori suo non solvant, cum possint. *Vide Nav. c.*
 » *23. et 25. Fill. tr. 28. part. 2. c. 10. q. 1.*

362. — « 2. Magistri, et pædagogi peccant : 1. Si peccata dis-
 » cipulorum dissimulent, et non corrigant, quando possunt.
 » 2. Profectum eorum in litteris non sedulò promoveant. 3.
 » Si eos non doceant bonos mores. 4. Si ex proposito falsa
 » eos doceant ut vera, vel superstitiosa, et saluti noxia. 5.
 » Non studeant ipsi, ut officio satisfaciant. 6. Si stipendium
 » exigant majus justo, vel quàm gymnasii leges, aut consue-
 » tudo permittant. 7. Doctoratûs insignia negent dignis, vel
 » indignis conferant, quod *Nav.* dicit esse mortale : præser-
 » tim in theologia, jure canonico, civili, et medicina; nam
 » in philosophia fortè veniale tantum esse censet *Caj.* verb.
 » *Doctor.* 8. Si discipulis malo sint exemplo. 9. Si malis mo-
 » ribus imbutos, et qui aliis perniciosi sunt, ad scholas ad-
 » mittant, vel ex iis non dimittant. *Vide Trull. l. 4. c. 1.*
 » *d. 11.*»

TRACTATUS IV.

DE QUINTO ET SEXTO PRÆCEPTO.

CAPUT I.

Quid quinto præcepto prohibeatur : *Non occides ?*

363 *Quæ sint pœnæ mandantium homicidia per assassinos ?*

364 *An easdem incurrant ipsi assassini ?*

365 *De agitationibus taurorum.*

365. — **P**ROHIBETUR hominis occisio, mutilatio, verberatio, aliaque similis afflictio injusta; de qua quæritur, et quando sit injusta ?

Adnotandum hic obiter ex *cap. Pro humani, de homicidio*, in 6. quod mandantes occidi christianum per assassinos, sive eos recipientes, defendentes, aut occultantes, ipso facto incurrant excommunicationem, ac depositionem ab omni dignitate, officio, et beneficio. Insuper per *d. Cap. Pro humani*, tales habentur tamquam banniti; ita ut amittant omnia sua bona, et detur facultas cuilibet eos necandi. Intelligendum hoc tamen est post sententiam declaratoriam, ad quam autem emanandam sufficiunt tantum probabilia argumenta. Ita enim habetur in *sine d. c.* ubi dicitur : *Et postquam probabilibus constiterit argumentis, aliquem scelus tam execrabile commisisse, nullatenus alia sententia adversus eum requiratur.* Intellige, non requiri aliam sententiam decisoriam. Ita *Molina, Bann. Gom. Farin. et alii ap. Salm. de V. præc. c. 1. punct. 8. n. 190.*

Advertendum verò hic est 1. quòd isti post sententiam declaratoriam, ut dictum est suprà, ipso facto excommunicationem incurrunt, et privantur dignitatibus, et beneficiis, quæ ipso jure vacant, ut *Azor, et Gonzal. ap. Salm. ibid. n. 191.* Advertendum 2. quòd solo mandato prædictæ pœnæ incurruntur, cùm in *d. cap.* dicatur: *Quanquàm mors ex hoc mandato forsàn non sequatur.* Et ita *Mol. Cov. etc. ap. Salm. d. n. 191.*

364. — Dubium tamen est, an etiam assassini incurrant præfatas pœnas, cùm textus tantùm mandantibus eas imponat?

Prima sententia affirmat, quia assassini proximius ad homicidium concurrunt; unde ex indentitate motivi isti etiam comprehenduntur. Tantò magis, quia Pontifex idèò expressè ipsos non comprehendit, quia ibi loquebatur de assassinis infidelibus, quibus non poterat pœnas imponere. Ita *Salm. ibid. n. 188. cum Far. Barb. Gom. et aliis.* Notant autem *Salm. ibid. n. 193. cum Alciat. Gabr. Farin. etc.,* non censi assassinos, nisi qui homicidium patrant cum pacto, ut mandans aliquod temporale eis persolvat.

Secunda tamen sententia cum *Caj. Nav. Suar. Azor, Fag. Sylv. etc. apud Salm. ibid. num. 187.* probabilius negat, tùm quia pœnæ non sunt extendendæ, tùm quia textus loquitur de iis, qui per assassinos infideles occidebant christianos; unde motivum legis formaliter diversum apparet.

365. — Notandum hic, quòd *S. Pius V.* sub excommunicatione ipso facto prohibuit principibus, ne permetterent agitationes taurorum, sive ferarum in foro; et singulis christianis, ne cum illis congredierentur; item clericis, ne talibus spectaculis assisterent. *Clemens* tamen *VIII.* postèa has pœnas abstulit pro regnis tantùm Hispaniarum quoad omnes, exceptis religiosis. *Vide Salm. de V. præc. c. 1. punct. 9. §. 2. n. 200. et seq.*

DUBIUM I.

An aliquando liceat occidere, vel mutilare semetipsum.

366 *An liceat directè occidere seipsum, et an indirectè?*

367 *An liceat se exponere periculo mortis ad vitandam mortem duriorem, etc.? An liceat navim incendere cum periculo mortis?*

- 368 *An virgo teneatur pati potius mortem, quam violari?*
 369 *An liceat reo ex præcepto judicis se occidere? An haurire venenum ad experiendum antidotum?*
 370 *An liceat Carthusiano abstinere à carnibus, etiam in necessitate extrema?*
 371 *An liceat macerationibus vitam sibi minucere?*
 372 *An sit obligatio, ad servandam vitam, uti remediis extraordinariis, vel nimis duris?*
 373 *An aliquando liceat se mutilare?*
 374 *An liceat pueros castrare?*
 375 *An, qui occidit seipsum, possit sepeliri in loco sacro?*

366. — **R**esp. Absque divina auctoritate non licet seipsum directè, et ex intentione occidere. Ratio est, quia est » contra charitatem sui, et fit injuria reip. et Deo, qui est » solus directus et absolutus dominus humanæ vitæ. » (*An occidens seipsum peccet etiam contra justitiam? Affirmant Salm. de V. præc. c. 1. punct. 5. §. 1. n. 111. cum Less. Bann. sed negant ib. n. 110. Lugo, Nav. Fagn. etc.*)

» Dixi 1. absque auctoritate divina, propter Samsonem, » et quosdam martyres, qui seipsos occiderunt, vel ex divina » inspiratione, vel inculcata ignorantia. Dixi 2. directè, quia » indirectè quandoque licet se occidere, hoc est, aliquid » facere, vel omittere, ex quo, præter intentionem, mors » certò sequatur: quia præceptum conservandi vitam, utpotè » affirmativum, non semper obligat, sed potest omitti propter bonum finem, necessitatem, vel magnam utilitatem. » *S. Th. 2. 2. q. 64. art. 5. ad 4. Vide Fill. hic tr. 29. c. 4. q. 5. et Bec. 2. 2. t. 3. c. 7. q. 8.*

Unde resolves :

» 1. Miles potest, imò tenetur persistere in statione, etsi » moraliter certus sit, se occidendum. *Card. Lugo d. 10. q. 1.* » (*Ob magnum bonum commune, vel ob specialem obligationem, ex pacto vel officio, quam habet miles, gubernator, Episcopus, parochus, licitè possunt et tenentur mortem perferre. Elb. n. 10. Salm. tract. 13. de rest. c. 2. punct. 2. §. 3. n. 33.*) » Item potest ad evertendam turrin hostilem, aut perdendos » hostes, pulverem incendere, etsi sciat, se obruendum; uti » et navem mergere, vel incendere, ne hostis ea potiatur

» cum gravi reipub. damno, ut docent *Less. l. 2. c. 9. n.*
 » 32. *Fagund. t. 1. l. 3. c. 11.* » (*Et Salm. ibid. n. 37. cum Bon. Trull. etc.*) « Similiter licet se obicere telo, vel ictui,
 » ad servandam vitam principis, amici ad mortem injustè
 » damnati vices subire : *Less. l. 2. c. 9. dub. 6. n. 30.* vel in
 » naufragio tabulam cedere, ex *Tol. Less. loc. cit. Lopez.*
 » *p. 1. c. 95.* » (*Etiam si tabula jam sit capta, ut contra Solum, Rodr. etc. docent Sylv. ap. Cont. Tourn. de præc. Dec. cap. 1. art. 3. sect. 4. punct. 1. in med. Gravior. et Salm. ibid. n. 34. cum aliis, quos infra reperies citatos n. 971. v. Hoc : ex D. Th. qui in 3. d. 29. art. 5. ad 3. licet, quòd tradere seipsum morti propter amicum, sit perfectissimus actus virtutis, unde hunc actum magis appetit virtuosus, quàm vitam propriam corporalem. Rectè autem advertit Sylvius, eum non posse, ad tabulam cedendam, se projicere in mare, quia nemo potest positivè se occidere (1). Hinc neque ad baptizandum puerum potest quis se in flumen projicere, ut Cont. Tourn. loc. cit.*) « Item servire peste infe-
 » ctis, vel ad fugiendum incendium ex alto se præcipitem
 » dare, cum certo periculo mortis. *Less. et Fill. l. c. Laym.*
 » *c. 1. n. 3. Card. Lugo disp. 10. sect. 1. n. 50.* » (*cum Salm. ibid. n. 35.*) « Ubi tamen eversionem illam turris, et com-
 » bustionem navis (si quidem nulla sit spes evadendi) timidè,
 » et nonnisi ex gravissima, v. gr. boni publici causà, vide-
 » tur concedere. *Vide apud eundem Lugo n. 51. 52. et Mal-
 » derum tr. 3. c. 1. dub. 19. Dian. p. 5. tr. 4. r. 26. Fagund.*
 » *p. 5. c. 11. n. 6. et seq.*

« 2. Etsi virgini non liceat ad castitatem servandam directè
 » se occidere, licet tamen ei certo periculo mortis se expo-
 » nere, etiam pro sola integritate corporali, licèt rationabi-
 » liter præsumeret, se non consensuram, quia integritas ista
 » magni æstimatur. *Vide Laym. c. 1. n. 3.* »

367. — Hinc Quær. I. An liceat se occidere ad vitandam
 mortem duriores? Resp. Directè se occidere numquam licet ;

(1) Ex his sequitur, ait Sylvius, quòd... si in naufragio potest ei dimittere tabulam quam occupare et cujus auxilio salvari posset: non posset tamen tabulam quàm jam uti ipse cœpisset, cedere alteri, si cedere non posset nisi coniungendo se in mare, quia hæc sul in mare projectio ad sul ipsius occisionem pertinere videtur, nisi ob natandi peritiam abesse judicetur periculum mortis.

et si homines venerantur aliquos, qui hoc fecerunt, dicendum, eos id fecisse ex divino instinctu. Ita communiter DD. quidquid dixerit *S. Hieronymus in c. 1. Joann. relatus in c. XI. caus. 23. quæst. 5.* ubi legitur: *In persecutionibus non licet propria perire manu (absque eo ubi castitas periclitatur).* Verum illud absque eo explicari posset, scilicet neque excepto casu, quo castitas periclitatur, ut explicat *Laym. Licet* verò se indirectè occidere, putà si quis se ejiciat per fenestram, ut effugiat incendium, præsertim si adsit aliqua spes mortem evadendi, ita cum *Busemb. ut suprâ docent Lugo d. 10. n. 50. cum Less. Cont. Tourn. de 5. Dec. præc. art. 1. concl. 2. Secundus, et Spor. de V. præc. c. 3. n. 24. ac Elb. n. 13.* hoc permittit etiam reis detentis in carcere, ad evadendam certam sententiam mortis, vel etiam carcerem perpetuum, ut *n. 46.*

Quær. II. An autem liceat navim incendere cum evidenti periculo vitæ, ne illa veniat in manus hostium? Negat *Renz. de V. præc. c. 2. q. 3. cum Diana ex D. Thom. 2. 2. q. 64. art. 5.* Sed affirmat *Lugo n. 52. cum Less.* licère, si sit aliqua spes saltem modicissima vitandi mortem, vel, etsi mors sit certa, vitari tamen expediat damnum publicum. Dicit autem *Mazzott. de rest. ob homic. c. 1. cum Busemb. hic n. 2.* posse virginem ad servandam castitatem ab invasore; se conjicere in certum periculum vitæ, sed non mortem certam: quod non improbabile videtur, cum ob bonum virtutis non dubitent DD. communiter asserere, quòd liceat vitam periculo exponere, v. gr. cedere tabulam in naufragio amico naufraganti, ut *n. anteced. 366.* dicunt *Busemb. cum Less. Tol. et Salm. cum aliis.* Tantò magis, quia in casu prædicto stupri semper adest periculum consensûs.

368. — Sed hic magis urget quæstio III. An virgo teneatur potius permittere se occidi, quàm violari; putà, si invasor minetur ei mortem, si copulæ non acquiescat? Adest duplex sententia:

Prima, quam tenent *Nav. sum. c. 16. n. 1. Sot. de just. l. 5. qu. 1. art. 5. item Tol. Lopez, et alii apud Salm. de V. præcept. c. 1. punct. 5. §. 2. n. 127.* dicit, quòd, licet possit, non teneatur tamen scæmina mortem pati, sed potest tunc permissivè se habère, dum accidit copula; modò voluntate positivè resistat, et consensûs periculum absit; quia, ut di-

cunt, illa permissio non est tunc cooperatio moralis, sed tantum materialis, et ideo ob periculum mortis satis excusatur.

Secunda sententia, quam tenent *Salm. loc. cit. n. 128. cum Lugo, Azor, Bon. Fill. Pal. etc.* docet, hoc omnino illicitum esse, quia, cum femina possit copulam impedire, si timore inducta quiescit, ejus tunc cooperatio verè moralis et voluntaria fit; in femina enim illa quies in copula reputatur ut actio. Hæc ratio tamen non convinceit, quia illa quies feminae reverà non potest dici actio, dum nullo modo est positiva; ideo prima sententia (speculativè loquendo) suà probabilitate carere non videtur. Non tamen negandum, secundam sententiam in praxi omnino suadendam esse, saltem ob periculum consensùs, quod in illa permissione faciliè adesse potest.

569. — « 3. Reo licet non fugere, imò etiam sponte se » sistere judici plectendum, licèt positivè seipsum perimere » non possit, etiamsi à judice id ei committatur. *Vide Less. » c. 9. d. 6. C. Lugo d. 10. de just. sect. 1. n. 38. contra » Vasq. 1. 2. d. 175. c. 3. »*

Quær. hic, an possit reus ex præcepto judicis ipse se occidere? Affirmant *Vasq. Bon. Vid. Arag. et Cord. apud Salm. de V. præc. c. 1. punct. 5. §. 1. n. 118.* Si enim, dicunt, potest reus os aperire, ut venenum in eo infundatur, etiam potest manibus illud haurire, et sic etiam gladio se transfigere; tunc enim judex constituit reum carnificem suiipsius, quod probabiliter posse fieri videtur cum *Elbel de homic. n. 9.* qui citat *Haunold. Ills. etc.* Verùm *Salm. ibid. n. 117. cum S. Th. Bus. Suar. Soto, Laym. et communius* negant, quia occisio suiipsius, ut intrinsecè mala, nec à judice potest præcipi, nec à reo patrari. Concedunt tamen communiter, posse reum scalam ascendere, collum gladio adaptare etc. cum hæ actiones tantum remotè ad mortem tendant.

Notandum verò cum *Salm. ibid. n. 120. Nav. Lop. Salon. etc.* graviter utique peccare, qui venenum hauriunt, vel à vipera se mordèri patiuntur ad experiendum antidotum; nisi eis constet, ex experimento, vel judicio peritorum, nulli probabili periculo mortis se committere; quod approbat *Henno.* Et idem dicendum de funambulis, ludentibus per funem in locis altis cum probabili periculo vitæ. *Salm. ibid. cum eisdem, et Sylv.*

1570. — « 4. Etsi Carthusianus in extrema aegritudine possit
 » servare vitam vescendo carnibus » (*Etiam in probabili peri-
 culo mortis, ut Az. Med. Vict. contra Vasq. Gran. et Salm.
 de leg. c. 2. punct. 7. n. 137. et 138. qui tamen primam sen-
 tentiam sat probabilem vocant*); « idque probabiliter ei tùm
 » liceat, atque adeò non peccet, qui in seio præberet cibos
 » ex carnibus, *Sanch. Dian. part. 8. t. 7. r. 70. licitè tamen,*
 » et laudabiliter etiam tùm òmittit, cum certo periculo mor-
 » tis » (*Et hoc certum esse censent Salm. loc. cit. n. 136.*)
 » ut contra Vasq. et Gran. docet Dian. par. 3. d. 4. r. 32.
 » ex Victor. Lor. etc. quia rationabiliter negligit vitam pro
 » bono communi Ordinis. *C. de Lugo d. 10. n. 33. contra*
 » *Azor, et Escob. t. 6. c. 7. ubi docet, tenèri carnibus vesci,*
 » si exigit necessitas, ita ut aliter vitam conservare non pos-
 » sit : quod *Sanch. part. 2. cons. l. 3. c. 1. d. 33. cum aliis*
 » *sex* ita distinguit, si necessitas vescendi sit ab intrinseco,
 » v. gr. morbo ; ex quo iudicio medicorum convalescere non
 » possit, nisi esu carniùm, ait probabilius esse, eum non
 » tenèri iis vesci (tametsi licitè possit) quia morietur natu-
 » raliter ex morbo, cujus ipse non est causa : si verò sit
 » ab extrinseco, v. gr. si ob inopiam aliorum ciborum fame
 » moriendum esset, tenèri iis vesci, quia mors illa, cùm sit
 » violenta, ipsi imputaretur. » (*Et hoc meritò ut certissimum*
judicant Salm. de rest. c. 2. punct. 2. §. 2. n. 27. et de leg. l.
c. n. 135.)

1571. — « 5. Licet carnem vigiliis, et inedià moderatè affli-
 » gero : qui autem advertens vitam iis notabiliter minui,
 » nihilominus continuaret, peccaret graviter, ut notat Laym.
 » *l. 3. de just. t. 3. p. 3. c. 1. n. 3. etsi hic multi ob bonam*
 » fidem, et zelum Deo placendi excusentur. *Vide Bon. d. 2.*
 » *q. ult. sect. 1. p. 7. n. 9. Fill. loc. cit. Card. Lugo de just.*
 » *d. 10. sect. 1. n. 52. 53. et 56. etc.* Ubi rectè notat, aliud
 » esse procurare abbreviationem vitæ, seu mortem positivè
 » sibi afferre : aliud permittere, vel periculum ejus subire,
 » vel non adhibere media ad avertendam. Prius ait esse illi-
 » citum ; v. gr. pœnitentiis indiscretis, carnisque maceratio-
 » nibus vitam notabiliter abbreviare ; posterius verò sæpè
 » licère. » (*Ita etiam Lugo de just. d. 10. sect. 1. n. 32. Cont.*
Tourn. de 3. Dec. præc. art. 1. quær. 3. r. 2. et Salm. de
rest. c. 2. punct. 2. §. 2. n. 50. cum Gran. Vill. Sayr. etc.

Si macerationes fiant consilio prudentis prælati, vel confessorii, esto vita etiam per 12 annos esset abbrevianda, ut alii ibi dicunt. Et reverà, si licebit fabris ferrariis (dicebat abbas Rancé fundator Reformationis Trappensis) vitam sibi minuere laborando quotidie penè in medio ignis, à quo nequit non notabiliter consummari humidum radicale, quo tam indiget vita humana; si licebit studiosis sanitatem labefactare ad scientius addiscendas: si licebit militibus exponere vitam tot ærumnis, et periculis mortis; cur non licebit viro religioso austeritates corporales amplecti, ut rebellem carnem in servitutem redigat?) « Ideòque non tenèri Carthusianum » carnibus vesci, nec aliquem alium uti pretiosà, et exquisitâ medicinâ, ad mortem vitandam; nec sæculareni, relicto » domicilio, quærere salubriorem aërem extra patriam. » (*Ut Lugo, Bon. Trull. cum Salm. ib. num. 26. sufficit enim uti mediis ordinariis.*)

372. — « 6. Excusantur ægri, qui paulò ante mortem, » causâ humilitatis, vel boni exempli, petunt humi collo- » cari, quia non intendunt vitam abbreviare. *Vide Vasquez l. c. Addit Laym. lib. 3. t. 3. p. 3. c. 1. n. 3. non tenèri » quemquam mediis extraordinariis, et nimis duris, v. gr., » abscissione cruris, etc. vitam conservare; nisi tamen ea » communi bono sit necessaria. » (Ita communiter Lugo, Soto, Bann. Bon. cum Salm. ib. punct. 3. n. 30. Idem docet Cont. Tourn. loc. cit. concl. 2. Quartus casus in fin. cum Sylvio. Addit tamen, quòd pater, tutor, aut alius superior potest jubere abscindi membrum subditi, si hic moderatos dolores tantum sit passurus, contra Henno) « *Vide Less. loc. » cit. Sanch. in opusc. tom. 1. l. 5. c. 1. d. 34. Ubi dicit, » infirmum in periculo mortis, si sit spes salutis, non posse » medicamina respuere. Non videtur tamen virgo ægrotans » (per se loquendo) tenèri subire manus medici, vel chirurgi, » quando id ei gravissimum est, et id magis, quàm mortem » ipsam, horret. Esc. e. 7. c. 8. ex Turian. sum. p. 1. c. 263. » d. 5. » (Ita Salm. de rest. c. 2. punct. 2. §. 2. n. 28. cum Less. Sanch. Dian. etc. Posset tamen virgo permittere, ut tangatur; imò teneretur sinere, ut ab alia fœmina curetur, ut rectè ait Diana.)**

373. — « Resp. 2. Non licet se mutilare, nisi sit necessarium ad conservationem corporis totius, quia nemo est

» suorum membrorum absolutè dominus. *Lessius. lib. 2.*
» cap. 9. disputatione 14. »

Unde resolves :

« 1. Non licet se castrare ad conservandam castitatem vel
» sedandas tentationes , quia hoc ad eum finem non est ne-
» cessarium. *S. Th. 2. 2. q. 68. art. 1. Less. Mol. Fill. t. 20.*
» c. 4. q. 3. etc.

374. — « 2. Peccant parentes , qui filios , etiam consen-
» tientes , castrant , ut sint utiles cantui. *Vide Laym. l. 3.*
» tr. 3. c. 1. »

Quæritur , an liceat pueros castrare ad vocem in eis con-
servandam ?

Prima sententia probabilior negat (1) cum *Busemb. hic*
Sporer de V. præcept. c. 3. n. 33. et Salm. ibid. punct. 3.
n. 48. et de V. præc. c. 1. punct. 5. §. 1. n. 121. in fin. et
ibid. Lugo, Bonac. Dian. Villal. etc. Si enim , dicunt , pro
bono animæ id non licet , quantò minùs pro lucro tempo-
rali ? Deindè ajunt , quòd conservatio vocis non sit bonum
tanti momenti , ut liceat agere quod natura reprobatur.

Secunda tamen sententia , quam tenent *Tamb. l. 6. c. 2.*
§. 3. n. 4. Trull. Salon. Pasq. apud Salm. de rest. dict. n.
48. et probabilem putant Mazz. de rest. q. 3. c. 1. §. 1. Elbel
n. 29. (qui insinuandam censet ob praxim toleratam) affirmat
id licère , modò absit morale periculum vitæ , et non fiat
pueris invitis. Ratiò istorum est , tùm quia eunuchi utiles
sunt bono communi ad divinas laudes in Ecclesiis suaviùs
canendas ; tùm quia conservatio vocis non parvi quidem
momenti in eis dicendum est bonum , cùm per illud condi-
tionem notabiliter in melius mutant , et per totam vitam
notabilem et pinguem sustentationem sibi comparent ; et
ideò tantum bonum justa esse causa videtur , ut cum illo
tale corporis nocumentum resarciri licitè possit ; tantò ma-
gis , quòd hoc indies in usum deducatur , et ab Ecclesia to-
leretur , ut ait *Elbel*.

(1) In *Hom. Ap. tr. 8. n. 3.* sententia negativa non dicitur probabilior.

375. — « Quæres, an sepeliendus sit in loco sacro, qui
» seipsum occidit.

« Resp. Id vetant Ecclesiæ canones; qui tamen non sunt
» intelligendi de iis, qui ex furore, amentia, vel passione
» gravissimæ tristitiæ, turbatâ phantasiâ, id facerent, vel
» qui ante mortem verè de hoc doluêrunt. Quodd si constet,
» quempiam seipsum occidisse, et dubitetur, utrûm deli-
» beratè, an ex animo turbato factum sit, in praxi privatur
» sacrâ sepulturâ, cûm præsumatur secundûm opus exter-
» num voluntariè esse factum: nisi tamen ex circumstantiis
» contrarium colligatur. Si verò dubitetur, an seipso, an ab
» alio, v. gr., sit præcipitatus in aquam; delictum tam
» atrox, et contra naturam non præsumitur sine evidentibus
» indiciis. *Molin. t. 3. d. 20. Vide Laym. l. c. n. 8. Vide*
» *etiam Escob. e. 7. q. 8.* ubi dicit, eum, qui moritur ex
» vulnere in duello accepto, si vivus ex loco discessit, non
» esse privandûm sepulturâ ecclesiasticâ. »

DUBIUM II.

An et quomodo liceat occidere malefactorem?

376 *An liceat occidere proscriptos propriâ auctoritate?*

377 *An liceat principi occidere reos, non priûs sententiâ dam-
natos?*

378 *An liceat unquam clericis damnare reos pœnâ mortis?*

379 *An teneatur iudex concedere tempus reo pro sumptione
sacramenti pœnitentiæ, et Eucharistiæ?*

376. — « **R**ESP. Extra casum necessariæ defensionis, de
» quo infra, nulli id licet, nisi auctoritate publicâ, et ju-
» ris ordine servato, ut patet *Exod. 22. et Rom. 13 (1).*

(1) Hic lubet referre, quæ *S. Alphonsus in Hom. Ap. tr. 8. n. 13* de tyrannicidio docet.

Hic autem videndum, an liceat unquam principem tyrannum interficere? Præmittendum quòd duplici modo princeps potest esse tyrannus, in titulo, et in regimine. Tyrannus in titulo est ille, qui sine ullo jure per

Unde resolves :

« 1. Non licet marito uxorem, aut patri filiam occidere ,
 » in adulterio deprehensas : quia ad id non habent aucto-

vim occupat statum aliquem expoliando de eo legitimum dominum : aut is qui, injustè occupato alieno statu, deinde pacificè illum possidet. Tyrannus verò in *regimine* est ille, qui justo titulo regnum possidet, sed injustè illud regit, plures injustitias, et immanitates exercendo. His expositis, aliqui auctores, sed pauci, pravæque auctoritatis, insipienter dixerunt, licitum esse interimere tam tyrannum in titulo, quàm tyrannum in regimine. Alii verò negant occidi posse tyrannum in regimine quantùmcumque regnum tyrannicè gubernet; ac etiam tyrannum in titulo. cùm ille, etsi injustè regnum occupasset, postea tamen illud pacificè possidet. Contrà autem dicunt licitum esse interficere principem, qui injustè per vim regnum occupavit, et per vim prosequitur illud possidere, repugnantibus regnicolis, qui tantum timore affecti ægrè ei subduntur. Sed nos dicimus privatis hominibus semper esse illicitum interficere tyrannum tam primæ, quàm secundæ speciei. Ratio, quia subditi ex divino præcepto venerari et obedire tenentur suis dominantibus, quamvis injustis, et perversis, prout docet S. Petrus : *Servi subditi estote in omni timore dominis. non tantum bonis et modestis, sed etiam dyseolis. 1. Petr. c. 2. v. 18.* Unde D. Aug. scripsit, Dominum dare regnum terrenum piis, et impiis, sicut ei placet. Semper igitur ac princeps est in possessione regni, obligantur subditi tenere eum tanquam proprium dominum; ait enim S. Thomas: quòd licèt aliquis injustè usurpatus fuisset alterius statum, si postea subditi ipsum ut dominum recognoscere, aut antiquus dominus vel alius princeps amborum superior ei dominium regui ultrò concederet, tunc legitimus dominus illius evaderet: *Qui per violentiam dominium subripit, non efficitur dominus; etenim, cùm facultas adest, potest aliquis tale dominium repellere; nisi postmodum dominus verus effectus sit vel per consensum subditorum, vel per auctoritatem Superioris. S. Thom. 2. sent. dist. 44. q. 2. art. 2.* Quamobrem cùm usurpator multipliciter possit justus regni dominus fieri, ideò subditi semper parere debent suis actualibus dominantibus, ad ipsos enim minimè pertinet judicare, an illi legitime aut illegitime statum possideant.

Et subditi hujusmodi dominantibus obedientiam negare nequeunt, tantò minùs eos vità et possessione regni privare possunt. Subditorum est obedire, non judicare de principe, qui Deo solummodò subjacet circa res sui domini, nec ab alia terrena potestate dependet. Si subditi de titulo ad possessionem principis judicium ferre possent, numquam deesset eis, qui pravo animo affecti sunt, prætextum invenire ad se concitandos adversus principem. Scripsit Azorius: *Hæc sententia de licita occisione tyranni in titulo, quamvis tot auctorum testimonio comprobetur, mihi tamen dubia est. Quamvis enim evidentià patrati aceleris probationem non postulat, requirit tamen sententiam. Insuper quamvis hujusmodi tyrannus jus et titulum non habeat in regno, facto tamen habet possessionem à qua defici non potest, nisi priùs audiat et judicetur.* Optimæ sunt rationes, quas hic auctor profert ad

» ritatem publicam; et leges civiles, id permittentes, in
 » jure canonico sunt correctæ, tamquam iniquæ. » (Hinc
 damnata est opinio contraria ab *Alexand. VII.* prop. 19.)

opinionem reprobendam, quòd tyrannum in titulo tollere è vita liceat; nemo enim, nec princeps, nec privatus potest vitâ, rebusque suis expoliari, quin priùs audiat, aut saltem à suo legitimo judice damnetur. Subditi autem numquam jus habere queunt ferendi judicium in ipsorum actualem dominum. Sed minùs rectè fassus est dicendo: *Hæc sententia dubia mihi est*; dicere debebat, improbabilis, falsa, falsissima mihi est, juxta id quod priùs scripserat *P. Alphonsus Salmeronus* tom. 13. p. 14. in *epist. apost. disq.* V. ubi sic dixit: *Cùm mandatum sit nobis indistinctè obedire principibus etiam dyscolis, tis parendum est; in his tamen quæ non sunt contra Dominum. Atque insuper, quòd etiamsi princeps injustè regnum usurpatus fuisset, eum ut dominum existimare debemus ob eandem quippe rationem, quia ad privatos minime pertinet de juribus principis judicare; cùm non sit ergò privatis judicare de principibus, etsi illi regnum non justè occupaverint, et regnent ex parte sua, justè tamen sub ejus tyrannide plectitur populus.*

Sed alia adest ratio magis urgens et ampla, propter quam nunquam licet principem vitâ privare, tametsi injustè regnum occupasset, et injustè possideret. Objiciunt auctores contrarii: sed qui regnum alienum sine aliquo titulo occupat, et sine ratione aliqua possidet, non est illius neque dominus, neque princeps, sed fur, et usurpator. Sit utique (respondeo) fur, usurpator, et non princeps, nec dominus, postulo: estne ille homo ut alii? et si est homo; nequit ipse privari vitâ, aut bonis ab iis qui jus non habent eum vitâ aut bonis expoliare. Communis est SS. patrum doctrina, quòd nulli privatæ personæ licet umquam occidere hominem, quamvis privatum, et quantumcumque iniquus ille sit, nisi publicam habeat auctoritatem, aut nisi id necessarium sit ad propriam vitam tuendam; sed loquendo de publica auctoritate, certum est axioma illud à *S. Augustino* traditum: *Qui sine aliqua publica administratione maleficum occiderit, velut homicida judicabitur.* *Lib. 1. de civ. Dei, cap. 26. in med. S. Thomas* autem de hoc rationem reddit dicens: *Occidere malefactorem licitum est, in quantum ordinatur ad salutem totius communitalis.* 2. 2. q. 64. a 3. Deinde subdit quòd occidere malefactores solis permittitur principibus, qui publicam auctoritatem habent, quibusque cura communis boni commissa est: *Cura autem communis boni commissa est principibus habentibus publicam auctoritatem, et ideo eis solùm licet malefactores occidere et non privatis personis.*

Si ergò illicitum est subditis interficere tyrannum in titulo, quamvis ipse absque ullo jure regnum occupasset, licètque illud injustè possideret, tantò magis erit illicitum mortem machinari principi existimato tyranno in regimine, qui justo titulo possidet regnum. Item si privatis, eò quòd publicâ auctoritate carent, vetitum est perimere hominem quantumcumque impium, quantò minùs proprium principem interficere licebit? Falsum autem omninò est, in communitate subditorum quandam adesse auctoritatem superiorem, et à principe independentem, ita ut casu quo princeps perversè regnum gubernet, tota communitas eum regno et vitâ expoliare

« Sectus est de proscriptis, quos occidendi eulvis auctoritas
 » publica datur; idque non injustè, cùm ad reipub. defen-
 » sionem sit necessarium. » (*Modò occisio non fiat extra ter-
 ritorium proscribentis: nisi præsumatur licentia alterius*

possit. Nimis perniciosum in hac re fuit principium *Joannis Gersonis*, qui ausus est asserere quòd monarcha potest legitimè à tota natione judicari, si regnum injustè regat; dicebat enim quòd, cùm natio sit totum regni respectu ad principem, qui est tantum pars, apud ipsam necessariò debet suprema auctoritas existere. Principium (inquo) non tantum factum, sed perniciosissimum; nam hoc modo duæ in regno essent suprema potestates, unde enormissima evenirent schismata, regnique desolatio. *S. Thomas* aliam non recognoscit auctoritatem supremam; nisi illam, quam habent principes, quibus cura communis boni tribuitur: *Cura communis boni commissa est principibus habentibus publicam auctoritatem. Quapropter etsi princeps perversus, ac populus gravalus esset, tenetur tamen populus obsequium obedientiamque illi præstare, cùm subditi nunquam jus habere possint de rebus gestis principis judicare, et tantò minùs eum damnare ad vitam, aut regnum amittendum.*

Præterea perpendi debet, quòd si hujusmodi casus accideret, quòd princeps à suis subditis trucidaretur causa mali regiminis, quodnam malum esset majus, illud nempe quòd princeps patrabat, aut illud quòd ejus mors inferret, quæ tali modo eveniret? Postquam subditi sic temerè contra eorum principem concitati fuissent, atque impiè manus suas in ejus sanguine inquinassent, quot rixæ, schismata et civilia bella statim insurgere inter eos ipsos inspicerentur? insuper quot rapinæ, quot sacrilegia, quotque strages? sublato enim à populo subjectionis fræne, et reverentiæ erga regem, omnes illi qui pravo animo sunt affecti, quibusnam flagitiis seipso non traderent abscisso jam timore publicæ justitiæ? idque dicere voluit *S. Thomas* (*Opusc. 20. de regim. princ. l. 1. c. 6.*) ubi scripsit: *Esse hoc multitudini periculosum, et ejus rectoribus, si privata præsumptione aliqui attentarent præsidium necem etiam tyrannorum.*

Hinc est, quòd licèt imperatores gentiles, impii, et Ecclesiæ persecutores fuissent, attamen quia ipsi imperium possidebant, Deus præcepit ut in omnibus rebus licitis obedientia ipsis præstaretur. Unde scripsit *Lessius* (*de just. et jure l. 2. c. 9. dub. 4. n. 11.*): *Princeps etsi tyrannicè regat, tamen manet Superior; unde Scriptura jubet, nos in rebus licitis parere principibus ethnicis tamquam Superioribus, etsi maximi essent tyranni, utpote qui Ecclesiam perscquerentur et ad impietatem cogerent; ergò non potest à subdito interfici.* Idem scripsit *Molina* (*de just. etc. tom. 4. tr. 3. d. 6.*): *Aliquis est tyrannus, quin licèt sit verè dominus reipublicæ, in qua tyrannidem exercet, iniquè tamen eam administrat: tyrannum hoc modo nefas est privatis interficere.* Idem scripsit *Gregorius Valentia* (*tom. 3. disp. qu. 8.*): *Tyrannum perpravam, et communitati exorsum, legitimè atioquin auctoritatis usum in gubernando, nulli particulari licet occidere.* Idem scripsit *Cardinalis Toletus* (*Instruct. l. 5. c. 6. n. 16.*): *Tyrannum administratione, qui habet quidem cerum titulum, sed tyrannicè tractat subditos, non licet occi-*

principis. Salm. de V. præc. c. 1. punct. 2. n. 19. Vide n. 380. vers. Decius) « Peccant tamen, qui non ex zelo justitiæ, sed odio, aut privatæ vindictæ causâ id faciunt. *Vide Laym. l. c.*

dere; et asserere contrarium damnatur ut hæreticum in Concilio Constantiensi. Idem scripserunt Cajetanus 2. 2. qu. 64 art. 3. Soto l. 5. qu. 1. art. 3. Prado cap. 20. qu. 1. §. 3. n. 21. Tapia lib. 5. q. 7. art. 3. num. 2. Bonac. d. 2. q. ult. sect. 2. p. 3. n. 2. cum Silvestro, Bannez, et Serra in loco cit. d. Thomæ. Idem scripsit Suarez in defens. Fidei l. 6. c. 4. dixitque hanc sententiam non solum communem, sed certam esse: Diximus principem propter tyrannicum regnum, vel propter quævis crimina non posse ab aliquo privata auctoritate justè interfici. Assertio est communis et certa; conformis est præceptis Petri (Epist. 1. cap. 2. v. 18.): Subditi estote omni creaturæ propter Deum, etc. Magis verò in specie definita est, et contraria ut hæretica damnata in Concilio Constantiensi, sess. 15. En propositio quæ tanquam hæretica in præfato Concilio proscripta fuit: Quilibet tyrannus potest et debet licitè et meritorie occidi per quemcumque vassallum suum, vel subditum, etiam per clanculares insidias, et subtiles blanditias, vel adulationes, non obstante quocumque præstito juramento, seu consæderatione factum cum eo, non expectata sententiâ vel mandato judicis cujuscumque. At quale remedium adest, si regimen principis esset excessivè tyrannicum? remedium quod suppetit, ait S. Thomas, est ad Deum recurrere, ut auxilium præbeat. Quod si omninò contra tyrannum auxilium humanum haberi non potest, recurrendum ad Regem omnium Deum, qui est adiutor in opportunitatibus.

*Præterea scribit doctissimus Dominicus Soto (lib. 3. qu. 1. art. 8): Si is qui adoritur, sit rex, princeps, vel alia persona valdè utilis reipublicæ, et persona quæ invaditur sit abjecta et vilis, cujus nihil intersit reipublicæ, tunc subeunda est mors personæ invasæ, omittendaque defensio; intellige cum necesse principis. Hæc sententia non placet P. Danieli Conrinc, dicenti unumquemque de jure naturæ et charitatis magis amare propriam, quàm alienam vitam. Sed hoc non obstante sententia Soti placet mihi, et probabilissima videtur; ratio est, quia quisque privatus commune bonum omni suo honore temporali præferre tenetur, omneque temporale pati detrimentum ad damnum gravissimum communis vitandum, atque hoc gravissimum damnum profectò communitas sufferret, ut suprà consideravimus, si princeps à propriis subditis interficeretur. Licitum quidem est necare injustum aggressorem privatum cum moderamine inculpatae tutelæ, si nullum patet effugium evadendi mortem. Sed quod procedit respectu vitæ privatorum, locum non habet respectu vitæ regnantium. Valdè enim diversa ratio habenda est inter privatorum, et principum vitas, reges sunt *Unci Domini*, ideòque ipsorum personæ sacræ, eorumque vitæ pretiosæ, ac nimis necessariæ sunt ad pacem populorum, bonumque publicum servandum. Si occiditur injustus aggressor, damnum ipsi soli evenit, non autem reipublicæ, imò ejus mors bono communi proderit, ut insolentia temerariorum reprimatur; at si princeps per manus suorum subditorum vitâ privetur, malum (ut suprà perpendimus) commune evadit, et immensum, propter innumera flagitia, deordinationes, et sophismata quæ propterea deinceps sequuntur.*

Edit.

377. — 2. Peccat princeps, vel magistratus (regulariter » loquendo) ut vide infra l. 5. c. 5. d. 1. qui occidi jubet reos » non citatos, vel non auditos, vel non damnatos, etsi pri- » vatâ scientiâ constet eos esse nocentes; quia ex jure naturæ » actus publicus fieri debet ex scientiâ et auctoritate pu- » blica. Vide Caj. v. Homicidium, Fill. tr. 29. c. 2. q. 6. n. » 27. Bon. l. c. p. 1. n. 7. Vide et infra l. 5. c. 5. d. 1. » (Excipe 1. si crimen sit notorium. 2. Si esset periculum sedi- » tionis, aut esset dedecus regis, si juridicè procederetur. Salm. » ibid. num. 18.)

378. — Notandum hic 1. clericis, etiam laicalem potesta- tem habentibus, illicitum esse reos pœnâ mortis damnare, ex cap. *Continentia*, de cler. *percussore*. In hoc tamen potest Papa dispensare, ut Salm. ibid. n. 13. et 14. cum S. Th. etc. Et ipsi Episcopi, vel similes, habentes dominium temporale loci alicujus, possunt licitè committere laicis potestatem suam ad causas sanguinis, Salm. ibid. n. 16. cum S. Th. Bon. Trull. etc. Vide dicenda l. 7. n. 467.

379. — Notandum 2. quòd iudex tenetur sub gravi concedere reo tempus sufficiens ad confessionem, etsi timeretur periculum direptionis. Salm. ibid. n. 21. cum Navarr. Sylv. Trull. etc. Tenetur etiam concedere tempus pro sumptione communionis (nisi tamen grave damnum timeatur); cùm reus sit tunc in articulo mortis, in quo præceptum communionis obligat jure divino; Salm. ibid. cum Suar. Navarr. Lug. etc. et de hoc adducunt Motum proprium S. Pii V. ibid. Et tunc etiam non jejunos reus potest communicare, quia tunc verè est in articulo mortis, ut Salm. cit. n. 21. cum Nav. Bon. Suar. Lugo, etc. Et laudabiliter potest communicare eâdem die mortis, modò communicatio præcedat per horam executionem, ut Sa, et Fagund. apud Salm. ib. n. 22.

Notandum 3. quòd si reus nolit peccata confiteri, post adhortationem, licitè potest occidi à carnifice, quia tunc sua damnatio suæ culpæ tribuitur. Salm. ibid. n. 23. cum Trull. Bonac. Sal. et aliis.

DUBIUM III.

An, et quomodo liceat occidere privatâ auctoritate
iniquum aggressorem?

- 380 An liceat tueri vitam morte invasoris? An autem vetetur reis,
et præcisè bannitis, armis se defendere?
- 381 An liceat viro honorato occidere invasorem sui honoris? An
autem id liceat plebejo, vel ecclesiastico, si fugere possit
sine periculo vitæ? Et quid, si contumelia sit jam illata?
- 382 Vide plures resolutiones P. Busembai.
- 383 Quæst. 1. An liceat occidere furem rei magni valoris? Quæst. 2.
Quantus debeat esse iste valor? Et quid, si valor sit modicus,
sed res tollatur cum violentiâ? Qu. 3. Quid, si fur rem
jam abstulerit, et resistat domino volenti eam recuperare?
- 384 Quæst. 4. An liceat clericis et religiosis furem interficere? Et
utrum tunc incurrant irregularitatem?
- 385 Quæst. 5. An liceat cuique per famulos armis sua defendere?
- 386 Quæst. 6. An liceat occidere invasorem pudicitie?
- 387 An liceat prævenire aggressorem?
- 388 An liceat occidere falsum accusatorem?
- 389 An possis, et tenearis tueri vitam innocentis?
- 390 An etiam cum morte invasoris?
- 391 An liceat occidere invasorem honoris, vel pudicitie alterius?
Et quid, si femina consentiat?
- 392 An possimus, et teneamur tueri bona proximi, etiam cum
occisione furis.

380. — « **R**ESP. Jus naturæ permittit, ut vim vi repellas,
» et aggressorem, qui iniquè eripere tibi conatur vitam, aut
» quæ ad eam honestè agendam tibi sunt necessaria, ut bona
» temporalia, honores, pudicitiam, membrorum integritatem,
» prævenias, et occidas: ita tamen, ut id fiat animo te defen-
» dendi, et cum moderamine tutelæ inculpatæ, hoc est, non
» inferendo majus damnum, nec utendo majore vi, quàm
» necessarium sit ad arcendam injuriam. Ita communiter
» S. Thom. 2. 2. quæst. 74. art. 7. Mol. etc. Less. dub. 8.
» n. 44. » (Nota hic, errare nuperum auctorem libri, cui
» titulus: Esposizione della Dottrina christiana, dicendo, quòd
» S. Th. cum S. Aug. negat licitum esse occidere aggressorem
» ob defensionem propriæ vitæ; nam Angelicus expressè oppo-
» situm docet l. c. inquires: Nec est necessarium ad salutem,

ut homo actum moderatæ tutelæ prætermittat ad evitandam occisionem alterius. *Addit tantum in respons.* : ad primum, et ibi explicat doctrinam S. Augustini, et ait, quòd in occidendo non potest intendi mors alterius, sed sola propria defensio.)

Et cum D. Th. admittit *Cat. Rom. de 3. præc. n. 8.* ubi dicitur : *Licet salutis suæ tuendæ causâ alterum occidere* ; subdens, satis apparere, quòd hujusmodi homicidium à lege divinâ non vetatur. Et ita *Lugo de just. d. 10. n. 138. Less. l. 2. c. 9. d. 8. cum S. Antonin. Azor, Bon. Sot. etc. communiter, contra Gers. Ric. de S. Vict. Hugon. etc. apud Salm. de 3. præc. c. 1. punct. 4. §. 2. n. 51.* Id probat S. Th. *l. c. ap. Bus. ex illo Exod. c. 22. v. 2.* ubi dicitur : *Si effringens fur domum, sive suffodiens inventus fuerit, et accepto vulnere mortuus fuerit, percussor non erit reus sanguinis.* Hinc subdit S. Doctor : *Sed multò magis licitum est defendere propriam vitam, quàm propriam domum.* Idem docet S. Bonav. *Serm. 6. de 10. præc. S. Anton. p. 2. t. 7. c. 8. §. 1. Cont. Tourn. de 3. præc. Dec. art. 3. sect. 2. punct. 1. cum Estio, Sylvio, Pontas, Natal. Alex. et aliis innumeris, cum Salo- nio, qui vocat oppositam sententiam temerariam, cum repu- gnet communi DD. et pluribus textibus, et præsertim in c. 5. et in c. Significasti 8. de homic., et c. Si verò 3. de sent. excom.* ubi dicitur : *Cum vim vi repellere omnes leges, omniaque jura permittant.* Sed dices : Qui injustum invasorem occidit ad suam vitam tuendam, excedit moderamen, præferendo vitam temporalem propriam æternæ vitæ proximi sui. Respondetur cum *Cont. Tourn. l. c. ad 2. Fateor. Less. lib. 2. c. 9. n. 51. Soto q. 1. a. 8. Petrocor. l. 4. c. 3. q. 3. et aliis communiter*, tùm nos tenèri præferre bonum altioris ordinis proximi bono inferiori nostro, cùm vita ex. gr. nostra absolute necessaria sit ad salutem spiritualem proximi, ut, si infans aliàs esset decessurus sine baptismo. Secùs verò, si ipse invasor ex sua malitia in periculum damnationis se conjicit ; tunc enim, cùm quisquis jus habeat ad vitam suam tuendam, licitè vim vi repellit, etiam cum damnatione invasoris. Eademque ratio valet, si timeatur ab invasore vulnus grave, aut deformitatem afferens, ut *Salm. tr. 10. c. 8. punct. 4. n. 45. et 46. et Ronc. de 3. præc. c. 3. q. 1.* Et eadem ratio currit pro defensione honoris, et bonorum fortunæ, ut infra. Hinc

etiam clericus; aut religiosus potest occidere invasorem suæ vitæ, neque tunc incurrit excommunicationem, aut irregularitatem, ut *Salm. cit. n. 45. in fin. cum aliis ex dict. c. Significasti, et Clem. Si furiosus, de hom. (Vide dicenda de cens. l. 7. n. 582.)* An autem fiat, vel ne irregularis clericus adulter, qui ad se defendendum à marito eum occidit? *Vide infra hic n. 598. v. In ordine.* ubi distinguitur, si invasio prævideatur proxima, vel remota. Dixi autem potest occidere; nemo enim tenetur aggressorem occidere, sed licitè et laudabiliter potest occisionem propriam permittere ne alter vitâ temporali et æternâ privetur, ut dicunt communiter *Less. loc. cit. n. 55. cum S. Antonin. Sylv. et Salm. ibid. n. 47. cum Sot. Bann. etc. (contra Abul. et Fagund.)* qui non sunt audiendi. Excipiunt 1. *Salm. ibid. in fin.* quando vita invasi esset valdè utilis bono communi. Excipiunt 2. *Less. n. 56. cum S. Anton. et Salm. cum aliis*, quando ipse esset in peccato mortali, quia tunc omninò teneretur se defendere.

• 1. Non licet reo occidere ministros justitiæ, à quibus ad » carcerem, vel supplicium trahitur. » (*Vide l. 5. n. 279.*) » uti nec licet id proscripto, ut notat ex communi *Laym. lib. 3. t. 3. p. 2.* quia non sunt iniqui aggressores. »

Decius et Carterius apud Tamb. l. 6. c. 1. n. 8. et plures auctores apud *Clarum, et Nellum*, ut refert *Azor, p. 3. c. 1. q. 11.* tenent, licitam esse proscriptis se defendere, quia lex humana auferre nequit jus, quod unusquisque habet ad suam vitam tuendam; et probabilem hanc opinionem putat *Azor, l. c.* et idem videtur sentire *Tamb. l. c.* Sed omninò tenenda est opposita cum *Ronc. de 5. præc. c. 3. q. 3. Croix l. 3. p. 1. n. 816. Salm. tr. 25. c. 1. punct. 2. n. 19. Elbel de homic. n. 35. cum Sa, et communi.* Ratio, quia lex humana benè potest cuilibet tribuere jus necandi reum, et vice versâ auferre ipsi jus se defendendi; aliàs possent rei etiam à carnifice se tuèri, quod nullus admittit. Certum est autem, licère unicuique proscriptos occidere; non verò alios reos; etiamsi essent publici grassatores, et etiam capite damnati, nisi ipsi vellent tibi rapere magnam quantitatem (*juxta infra dicenda n. 383.*). Ita *Croix lib. 3. part. 1. n. 796. et Elb. n. 55. et 56.* Hinc peccant satellites, aut milites, qui reum, cujus captio ipsis mandata sit, fugientem aut resistentem interimunt, nisi hoc auctoritate pu-

Difficilis sit mandatum : id verò tantùm fieri potest , si capiendus sit reus sufficienter diffamatus alicujus criminis capitalis , et non possit alio modo capi ; et aliàs , eo dimisso , graviora mala ab ipso timeantur. Ita *Croix n. 797. Elbelium. 34. et Dian. part. 8. tr. 7. r. 44. cum Farinac. et Claro.*

581. — « 2. Etsi ob contumeliam aliquam , verbì gratià , si » viro honorato dicatur , *mentiris* , non liceat alterum occidere , eò quòd aliter repelli possit , ac soleat (*Less. Azor, Hurt. etc. Dian. part. 3. t. 4. r. 12. et 13.*) ; licere tamen , si » aggressor fustem , vel alapam viro valdè honorato impingere » conaretur , quam aliter avertere non posset , docent cum » *Dian. l. c. r. 4. Lessius , Hurtad. et alii 12.* » (*Sed in praxi rarissimè uti licet prædictà opinione , nam Sylvius in 2. 2. quæst. 64. art. 7. qu. 9. rectè sic ait : Etiam si honor sit bonum præstantius , quàm divitiæ , aut nullum aut rarissimum arbitramur esse casum , quo pro defensione solius honoris liceat aggressorem interficere.*)

« 3. Si fuste , vel solo vulnere , vel amputatione brachii , » vel aliter arcere injustam vim potest , non licet occidere . » Unde , si quis sit persona talis , cui non sit dedecus fugere , » debet fugere potius , si potest , et salvare se : » (*Nisi sit periculum percussione in fugiendo ; et ita tenendum cum Lugo d. 10. n. 166. et Salm. tr. 25. c. 1. punct. 4. §. 2. n. 60. cum Papia , etc. ; contra aliquos ibid. n. 39. qui dicunt improbabiliè , etiam plebejo fugam esse ignominiosam. Unde clerici , et religiosi tenentur fugere , si possint sine periculo vitæ , quia ipsis fugere non est probrosum , sed honorificum , ut Lugo l. c. Sed etiam respectu sæcularium , et nobilium sapienter advertit Sylvius in 2. 2. quæst. 64. art. 7. qu. 9. dicens : etiam si honor sit bonum præstantius , quàm divitiæ , aut nullum , aut rarissimum arbitramur esse casum , quo pro defensione solius honoris liceat aggressorem interficere.*) » « Se- » cùs tamen , si turpe sit fugere , v. gr. viro nobili , vel of- » ficiali bellico ; nisi rursùs , hìc et nunc , id tali turpe non » esset , ob præstantiam invasoris , vel alias ejus qualitates , » v. gr. quia ebrius est , vel amens ; talem enim occidere » non licet , quando potest fugere. *Mald. Dian. part. 3. tract. 4. r. 9. Vide Laym. lib. 3. tom. 3. part. 3. c. 3.*

582. — « 4. Non licet occidere furem ob res exiguas. Hinc » proscripta est opinio dicens posse occidi furem pro conser-
Tom. III.

» vatione unius aurei, ab *Innoc. XI. prop. 31. Licet autem*
 » si quis auferat honorem valde notabilem aut bona magni
 » momenti, nisi tamen aliâ viâ, v. gr. juris, vel aliter, ar-
 » cêri aut recuperari possint. Quare quando jura significant,
 » furem nocturnum occidi impunè, non autem diurnum,
 » præsupponunt quòd plerùmque nocturni non possint
 » aliter arcêri, diurni autem possint. Alioqui enim, si
 » nocturnus potest capi, non debet occidi: et si diurnus
 » non potest capi, nec repeti ab eo quod aufert nisi eum
 » occidendo, id licet: ea tamen non debent esse parvi mo-
 » menti, et minimum unius aurei, secundum *Molin. t. 4.*
 » *t. 5. d. 16. n. 7. Vide Laym. c. 3. Vel potius, secundum*
 » alios apud *Dian. p. 3. t. 4. r. 18. duorum: quamquam et*
 » hoc *Dianæ l. c. nimis laxum videatur: imò Bon. de rest.*
 » rem non magni valoris hic censet, etsi sit trium vel qua-
 » tuor aureorum. Si tamen talem rem fur v. gr. usurpet,
 » vidente ac resistente domino, aut custode, aut huic vim
 » faciat, v. gr. repetentem incipiat ferro invadere, permittunt
 » eadem *Bon. Dian. l. c.* » (*Sed vide infra n. 383. q. 2. in*
fin.) « Utî etiam, si dubium sit, an res possit aliter salvâ-
 » ri, aut recuperari. *Bon. l. c.* quia nemo, inquit, tenetur se
 » exponere periculo amittendi res suas. *Vide Laym. c. 1.*
 » *Navar. Less. Dian. l. c.*

» 5. Probabilius est, hæc etiam licere clericis, et religio-
 » sis ob bona temporalia. Jura verò, in contrarium afferri
 » solita, intellige, quando non servatur moderamen inculpatæ
 » defensionis. *Laym. l. c.* » (*Cum aliis infra, vide n. 384.*)
 » *Tann. t. 3. d. 4. q. 8. d. 4. Esc. e. 7. c. 8. ubi etiam docet ex*
 » *Tann. t. 3. d. 4. n. 68. licere virgini occidere invasorem pud-*
 » *icitæ, si violentem nequeat aliter evadere.* » (*Vide infra n. 386.*)

» 6. Cum tamen iniquus aggressor sit in periculo salutis,
 » potest quis ex charitate ei parcere, et injuriam potius
 » pati: » (*Vide dicta n. 380.*) « sed non tenetur, eò quòd alter
 » suâ malitiâ sit in isto periculo. *Laym. ib.*

» 7. Non licet occidere si injuria jam est contracta, vel ag-
 » gressor jam fugerit; quia id non esset se defendere, sed
 » vindicare, ut docet *Tot. Rodr. Sed Henr. et Nav. c. 15.*
 » *n. 3. Fern. p. 1. c. 9. §. 1. dicunt si læsus magnam faceret*
 » jacturam honoris, nisi fugientem mox persequeretur, posse
 » eum persequi, et percutere, quantum esset satis ad defen-

tionem honoris.» (Sed oppositum tenendum omnino cum Lugo d. 40. ex n. 189. et seq. Viva in prop. 17. Alex. VII. n. 9. cum Sot. Mol. Vasq. et aliis comm. ap. Lugo. Ratio, quia tunc non recuperatur honor per se, sed per damnum alterius apud homines improbos, quod est intrinsecè malum. Et nequeo intelligere, cur sententia contraria non debeat dici proscripta ex prop. 30. damnata ab Innoc. XI. relata n. 381, quæ permittebat repercutere percutientem, qui fugit, si aliter ignominia vitari nequibat.) «Concedunt tamen C. Lugo, Mol. Lessius, etc. cum Dian. p. 8. tr. 7. misc. r. 47. licere furem fugientem, v. g. cum equo tuo, conficere telo, vel sagittâ, quia invasio adhuc durat.» (Vide infra Qu. 1. in fin.) «Etsi verò id non liceat, postquam in tutum se recepit, si tamen per judicem non possis recuperare rem tuam, potes ingredi locum, ubi illa detinetur, eamque tibi vindicare, et, si alter vi impediat, vim vi repellere. Tamb. Less. Mald. Hurtad. Diana part. 5. resol. 37. et part. 8. resol. 47.» (Vide infra Qu. 3.)

383. — Adverte hic quatuor prop. damnatas: I. Prop. 31. ab Innoc. XI. quæ dicebat: Regulariter possum occidere furem pro conservatione unius aurei. II. Prop. 32. Non solum licitum est defendere defensione occisivâ, quæ actu possidemus, sed etiam ad quæ jus inchoatum habemus, et quæ nos possessuros speramus. III. Prop. 33. Licitum est tam hæredi, quàm legatario contra injustè impediētem, ne vel hæreditas adeatur, vel legata solvantur, se taliter defendere; sicut et jus habenti in Cathedram, vel præbendam contra eorum possessionem injustè impediētem. IV. Prop. est 18. ab Alexand. VII. damnata: Licet interficere falsum accusatorem, falsos testes, ac etiam judicem, à quo iniqua certò imminet sententia, si aliâ viâ non potest innocens damnum evitare. His positis.

Quæritur 1. an liceat occidere furem rei magni momenti?

Negat prima sententia, quam tenent Gerson tract. de Euch. et Abul. Abb. Cov. Sylv. et Tamb. ap. Salm. de 3. præc. c. 1. punct. 4. §. 4. n. 80. Ratio, ut isti dicunt, quia ex præcepto charitatis debemus præferre vitam proximi rebus temporalibus. Eamque probant ex c. Suscepimus, de hom. ubi Pontifex duos damnavit religiosos, quia alter ipsorum interfecerat duos latrones, vestes ei eripero conantes, 10.

quoniam (verba textus) expediebat potius rerum sustinere jacturam, quam pro conservandis vilibus rebus et transitoriis, tam acriter in alios exardescere.

Secunda tamen probabilissima et communis sententia affirmat; et hanc tenet S. Anton. 3. p. t. 4. c. 3. §. 13. et eod. c. 3. in princ. ex Jac. Aret. et Petro sic tradit: Nam, si possum occidere furem, ubi non cognosco, et non potest ei de rebus furatis provideri per judicem (ut l. Furem. ff. ad l. Cornel.), multò magis licet occidere, ubi persona aliter salva esse non potest. Idem docuit S. Antonin. l. c. §. 2. dicens: Item licita est defensio cum moderamine, non solum pro persona, sed etiam pro rebus; et non solum pro suis, sed etiam pro rebus sibi depositis, et commodatis, et etiam pro rebus amicorum, et propinquorum suorum, eos scilicet adjutando. Idem tenet Sylvius in 2. 2. q. 64. art. 7. q. 8. inquit, licitum esse occidere aggressorem rerum, si sint magni momenti, et non possint aliter aut defendi, aut recuperari, quam per mortem diripientis. Idem scribit Dominicus Soto (de just. et jur. l. 5. q. 1. art. 3.): Dum quis quempiam aggreditur, ut trucidet, vel sua eripiat, potest ille vim vi repellendo eum interimere. Idem tenent Angel. v. Defensio, n. 4. Sylvest. v. Excommunicatio, in 6. n. 8. Armilla v. Defensio, num. 2. Idem docuit olim D. Raymundus lib. 2. de rapto §. 18. ubi sic dixit: Non possum repellere à possessione, nisi illos occidam, et sic erit licita talis defensio. Idem docent Sotus de just. l. 5. q. 1. art. 8. Less. lib. 2. cap. 9. d. 11. Lugo d. 10. n. 173. Caj. 2. 2. q. 64. art. 7. Croix l. 3. p. 1. n. 808. Elbel de hom. n. 64. Ronc. de 5. præc. c. 5. q. 5. et Salm. ibid. n. 81. cum Bonac. Suar. Prado, etc. et clarè adhæret S. Thom. 2. 2. q. 64. art. 7. v. Sed contrà. Et probatur 1. ex illo Exodi, c. 22. v. 2. prout retulimus supra n. 580. Ex quo textu S. Th. l. c. insert multò magis licere vitam tuèri, dicens: Sed multò magis licitum est defendere propriam vitam, quam propriam domum: ergò supponit pro certo, textum permittere occidi invasorem bonorum. Nec obstant verba, quæ post allata verba leguntur in eodem Exodi textu, nimirum: Quòd, si orto sole hoc fecerit, homicidium perpetravit, et ipse morietur. Nam benè respondet Cornel. à Lapide in cit. loc., quòd id non dicitur ibi, cò quia post lucem abest periculum mortis, sed quia alto jam meridie fur melius agnosci potest, et sic facilius bona recu-

perari possunt in iudicio; insuper, quia orto sole melius potest fur repelli, invocato vicinorum auxilio. Probatur 2. ex *c. Dilecto de sent. exc. in 6.* ubi dicitur: *Licuit utique ipsi decano, si prædictus ballivus eum bonis suis mundanis injuriose exspoliare præsumpserit... se tueri.* Deinde subditur: *Et quoniam adversus ejus nimiam potentiam sufficiens temporalis defensio sibi fortè non aderat, etc.* Ex quo supponit Papa, eum potuisse armis sæcularibus se defendere, si vires suppetebant. Probatur 3. ratione, quæ inter alias mihi potior est, eamque tradunt *Lugo, et Salm.* quia præceptum charitatis non obligat præferre bona proximi altioris ordinis, nisi quando (ut suprà diximus) proximus est in extrema necessitate; non verò, quando ipse spontè se exponit mortis periculo. Et sic omninò eliditur ratio adversariorum; nam aliàs nec etiam licitum esset occidere injustum vitæ invasorem, quod omnia jura admittunt. Ad textum autem in *c. Suscepimus*, oppositum ut suprà, rectè respondent *Salm. de V. præcept. c. 1. punct. 4. §. 4. n. 84*: ibi meritò damnatos fuisse religiosos, quia res non erat tanti momenti; nec timor mortis inferendæ à latronibus, ibi jam vinctis, qui à vinculis se solvere nitebantur, potuit occidentem excusare, cum interim lenè valebat fugere, et à periculo se liberare. Hinc dicimus cum *Less. dict. dub. 11. Sot. l. c. et Salm. ibid. n. 88. cum Bonac. Prado, Trull. Dic. Sayr. et aliis communiter*, licè re furem eminens telo occidere, si ipse rem asportet, et præmonitus de suo periculo, eam nolit dimittere, ut benè explicat *Bonac. p. 10. n. 2.*

Quæritur 2. Quantum debeat esse valor rei, ut liceat furem interficere? Certum est, ad furem occidendum duo requiri, primò, ut res alià vià nequeat recuperari; secundò, ut res sit magni momenti, qualis utique non est valor unius aurei: ut habetur ex dicta prop. damn. 51. Nisi in aliquo casu raro, quo cuidam tale furtum ingens damnum afferat, putà (ut ait *Viva in prop. 17. Alex. VII. n. 10.*) si artifici tollatur instrumentum similis valoris, quo sublato, ipse non possit suam suorumque vitam sustentare. Hinc generaliter loquendo dicunt *Viva l. c. et Elbel de hom. n. 65.* illam esse magnam summam, quâ ablata, deficeret alicui sustentatio pro se et pro suis; et idem tenet *Natal. Alex. Theol. de V. præc. art. 2. prop. 6. Salm. ibid. n. 87. verò et Vasq. ac Mcf. apud Lug.*

10..

d. 10. n. 178. ajunt sufficere jacturam illam, quæ notabile damnum domino afferret, juxta qualitatem personæ; nam, ut benè ait *Ronc. de 5. præc. cap. 3. quæst. 3.* furtum decem aureorum, quod alicui grave damnum possit esse, alteri opulento potest esse leve. Cæterum *Carden. in 2. Crisi d. 21. n. 88.* cœset, respectu cujuslibet summam 400 argenteorum (apud nos 40 ducatorum) esse magnam. Et regulariter rectè dicunt *Salm. cit. n. 87.* sequendam esse sententiam *Soti, et Arag.* (quibus consentiant *Sayr. Bon. et Trull.* et oppositum rectè rejicit *Vira*) non licere occisionem pro furto quatuor vel quinque aureorum. Nec non benè advertunt *Lugo n. 178. et Salmant. ibid. n. 86.* tempore *Soti* quinque aureos, sive ducatos pluris æstimatos fuisse, quàm nunc decem, quia processu temporis crevit copia pecuniæ, et rerum pretium. An autem liceat occidere furem auferentem rem modici valoris cum resistantia domini, aut custodis illius? Affirmant *Molin. t. 4. tr. 3. Bon. p. 10. n. 1.* et videntur adhærere *Lugo d. 10. n. 178. Spor. tract. 3. c. 2. n. 157. et Viva l. c. n. 40. ac Ronc. l. c.* (modò, ut isti duo ajunt, resistens sit vir nobilis) quia tunc cum illa re honor etiam aufertur. Hanc sententiam *Tamb. lib. 4. c. 1. §. 2. n. 3.* non reprobatur. Sed multò magis mihi arripet sententia contraria, quam tenent *Salm. ibid. n. 85. et Dian. p. 3. tr. 4. r. 18.* id non admittentes. Ratio, quia, licet talis ablatio fiat cum speciali injuria domini ratione violentiæ, attamen, cum non omnis injuria dehonorationem afferat, hic mihi videtur illà ablatione non propriè, aut graviter honorem lædi, juxta æstimationem hominum; quis enim graviter dehonorus æstimabitur, quia fur violenter ab eo rem aliquam arripuerit?

Quæritur 3. an liceat tibi interimere furem, si rem ablatam, adhuc extantem, ille in tuto reposuerit, et tu velis eam recuperare? Negant *S. Antonin. Sot. Bon. Sayr. et alii apud Salm. tr. 23. c. 1. punct. 4. §. 4. n. 92.* qui hanc sententiam probabilem putant. Ratio, quia eo casu fur non est invasor, sed tantum injustus rei detentor, et ideo non licet eum occidere, sed solum apud judicem accusare; aliàs enim magna sequeretur reipublicæ perturbatio. Sed probabiliór mihi videtur sententia affirmans, casu, quo non sit spes rem alià viâ recuperandi. Ratio, quia tunc latro, quamvis non sit invasor personæ, adhuc tamen est invasor rei, cum tibi contendat

rem tuam recipere. Ita *Less. lib. 2. c. 9. dub. 11. n. 75. Lugo d. 10. sect. 9. n. 181. et Vasq. Tann. Mald. Diana, ap. Salmant. ibid. n. 91. cum Bus. ut supra n. 382. v. 7.*

384. — Quær. 4. an liceat etiam clericis, et religiosis occidere injustum aggressorem suorum honorum magni momenti? Affirmant probabilius cum *Bus. Lugo d. 10. n. 175. Elbel. n. 83. et Salm. ibid. n. 81. cum Less. Bec. et aliis communius.* Ratio, quia jus defensionis est de lege naturali, et ideo unicuique competit. An autem hoc casu incurrant irregularitatem? *Vide de irreg. ubi probatur sententia negativa.*

385. — Quær. 5. an liceat alicui sua defendere armis, etiam per famulos? Probabiliter affirmant *Spor. n. 169. et Elbel n. 66. cum Nav. Lugo Laym. etc.* quia id, quod aliquis potest facere per se, potest etiam per alium. Hinc infert *Elbel ib.* unicuique licere ratione charitatis vi repellere alterum, injustè accedentem ad expoliandam domum proximi sui: et probabiliter consentiunt *Salm. ibid. §. 5. n. 104. cum aliis communiter*: sicut etiam dicitur pro defensione honoris, et pudicitiae. *Vide dicenda n. 392.*

386. — Quær. 6. an liceat occidere invasorem pudicitiae? Si licitum est hoc ad tuendum honorem, et facultates, multò magis dicendum licere pro tuenda pudicitia: quando aliud non suppetit remedium. Ita *D. Anton. p. 2. t. 3. c. 6. in fin. ubi: Et si licet non solum se, sed et bona sua defendere, quare etiam, ne pudicitiam amittas?* Et ideo dicit, non peccare puellam, si, vim vi repellendo, aggressorem occidat. Ita enim Archiepiscopus alibi (*p. 2. tit. 7. c. 8., et p. 5. tit. 4. c. 5. §. 2.*) loquitur: *Quia mulier utitur jure suo naturali, quo licet vim vi repellere, et magis tenetur salutis suae providere, quam alienae, nam exponit se periculo consentiendi actui peccati, permittendo se opprimi, propter difficultatem voluptatis.* Idem docent *P. Cumiliati de V. præc. c. 2. §. 3. Lugo tom. 1. disp. 10. sect. 10. n. 195. Mol. d. 17. n. 10. et 11. Less. lib. 2. c. 9. dub. 12. Anacl. de 5. præc. q. 2. n. 19. Elbel de homic. n. 61. Spor. tract. 5. in 5. præc. c. 2. n. 265. Salm. de 5. præc. c. 1. punct. 4. §. 3. n. 72. cum Bon. Trull. Fill. et aliis communiter.* Et hic benè advertunt *Lugo n. 196. et Ronc. de quinto præcepto c. 3. reg. 5. in praxi*, quòd non solum licebit puellae, dum actu violenter tangitur ab altero, sed etiam imme-

diatè post, eum percutere alapis, pugnis, fuste, et etiam ictibus non periculosus. Ratio, quia nisi tali modo ipsa suam constantiam et displicentiam ostendat, non facillè ille discedet. Hinc semper ac id non fiat ad vindictam, non tantùm permit-tendum, sed etiam mulieri est consulendum, ut alter saltem respiciat, et alià vice eam non sollicitet.

387. — « 8. Licet quoque occidere eum, de quo certò con-
stat, quòd de facto paret insidias ad mortem, ut, si uxor
v. gr. sciat, se noctu occidendam à marito, si non possit
effugere, licet eum prævenire. *Nav. Less. n. 45. Fill. n. 59.*
Quæstio tamen est, an liceat prævenire aggressorem :

Prima sententia negat cum *Sylvio, Nav. Trull. etc. ap. Salm. ibid. §. 2. n. 54.* quia prævenire inimicum, solùm paratum ad aggrediendum, non esset vera defensio.

Secunda tamen sententia affirmat cum *Lugo, Bann. Vasq. Mol. etc. ib. n. 55.* quia, isti dicunt, ad occidendum invaso-rem pro sui defensione, non est opus, ut alter jam inceperit lædere; sed sufficit, si sit paratus ad lædendum.

Attamen *Tambur. in Dec. Lib. 6. c. 1. §. 2. n. 15. et Ronc. c. 3. q. 2. ac Salm. ibid. n. 56. 57. et 58. cum Sot. Azor, Cov. Dian. et aliis* has sententias conciliant, et distinguunt : Si quis ex aliqua actione noverit inimicum esse determinatum ad invadendum, putà, si certò moraliter sciat illum jam ad hoc parasse arma, vel mandatum dedisse servo; tunc, si aliter effugere nequit, licitè potest eum prævenire : aliàs ridiculum esset (ait *Ronc. l. c.*) eum velle cogere ad expectandam aggres-sionem, quando justè timeret, se non posse amplius eam re-pellere. Secùs verò dicendum, si non certò sciat, sed tantùm suspicionem, seu dubium timorem habeat de invasione; im-pium enim est ob dubiam violentiam proximum vità privare. His tamen non obstantibus, censeo, secundam sententiam, hæc etiam distinctione supposità, vix in praxi aliquem posse sequi, propter hallucinationis periculum, quod in hujusmodi re adesse potest.

388. — « 9. Hinc etiam dicunt alii, ut *Sanch., 2. mor. c. 29. et alii*, licere occidere eum, qui apud judicem falsà accusa-tione, aut testimonio, etc. id agit, unde certò tibi con-
stat, quòd sis occidendus, vel mutilandus, vel etiam (quod
alii difficiliùs concedunt) amissurus bona temporalia, hono-
rem, etc. quia hæc non est invasio, sed justa defensio :

» posito, quòd de alterius injuria constet, nec sit alius eva-
 » dendi modus. *Less.* tamen, *Fill:* et *Laym.* non audent id
 » defendere, propter periculum magnorum abusu. *Vide*
 » *Esc. ex. 7. c. 8. Hurt. Lugo dub. 10. sect 7. Dian. p. 8. t.*
 » *7. r. 52.* » (Imò præfata opinio *Sanchezii* expressè damnata
 » est in prop. 18. proscripta ab *Alex. VII. Licet intersicere fal-*
 » sum accusatorem, falsos testes, ac etiam judicent, à quo iniqua
 » imminet sententia, si alià vià non potest innocens damnum
 » vitare.)

389. — « 10. Quodcumque quis juxta supradicta habet
 » jus alium occidendi, id potest etiam alius pro eo præstare,
 » cum id suadeat charitas. *Fill. Tann. t. 5. d. 3. q. 4. Mol.*
 » *d. 18.* An autem, et quando ad hoc teneatur? *Vide Less. l. 2.*
 » *c. 9. d. 15. Dian. p. 3. t. 4. res. 6. 14. 20.* »

390. — Dicendum igitur est I. Licitum esse defendere vi-
 tam proximi cum occisione injusti invasoris. Ita *Cont. Tourn.*
de 5. Dec. præc. art. 5. sect. 2. quær. 5. cum eoinnuni DD.
 et *S. Th. 2. 2. q. 60. art. 6. ad 2.* ubi ait: *Vel potest dici,*
quòd Moyses occidit Ægyptium, defendendo eum, qui injuriam
patiebatur, cum moderamine inculpatæ tutelæ. Unde Ambros.
dicit in lib. 1. de Offic. c. 36. quòd, qui non repellit inju-
 riam à socio, cum potest, tam est in vitio, quàm ille, qui
 facit: et inducit exemplum *Moysis*. Et hoc currit, etsi proxi-
 mus innocens vellet pati se occidi, cum ipse non sit do-
 minus vitæ suæ: et idèò nequit aliis jus defensionis adimere.
Less. l. 2. c. 9. num. 87. Lugo, Bon. Dic. et alii commu-
niter cum Salm. tr. 25. de homic. c. 1. punct. 4. §. 3. n. 94
 Sed dices: Si invasus cedat juri suo, quomodo poteris tu
 jus ejus defendere cum morte aggressoris? Respondeo: Proxi-
 mus ille invasus duo jura (ut sic dicam) quodammodo ad
 vitam suam habet, alterum ad vitam, alterum ad ipsam de-
 fendendam; juri ad vitam non potest quidem cedere, cum
 non habeat illius dominium; unde non posset alterum in-
 ducere ad ipsum occidendum, et quamvis permetteret se
 occidi, occisor semper contra justitiam peccabit. Juri verò
 tuendi suam vitam benè potest cedere, permittendo quòd
 alter occidat, juxta dicta num. 380. Hinc, cum tu occidis
 aggressorem innocentis, non defendis jus, quod ille habet
 ad se defendendum, cui ipse jam cessit; sed defendis jus,
 quod habet ad vitam, cui ille cedere non potest. Nec occi-

dens eo casu irregularitatem incurreres. *Salm. ibid. n. 95. cum Suar. et Bon. Sporer de 5. præc. cap. 2. n. 169. cum communissima; vide l. 7. n. 588.*

Sed hic quæritur, an sit obligatio defendendi vitam innocentis ab invasore? Resp. quòd magistratus, et principes utique ex justitia ad hoc tenentur, et quando agitur de bono reip. tenentur etiam cum periculo vitæ, utpote latrones publicos de medio tollere, etc. Et pariter ad hoc tenentur milites specialiter conducti ad civitatem defendendam: vitam verò privati hominis non tenentur ii cum tanto periculo tuèri. *Salm. ibid. n. 98. cum Less.* Ille autem obiter adverte, quòd Episcopi, et parochi, in ordine ad spiritualia, tenentur adjuvare singulas suas oves adhuc cum periculo vitæ, ut *Salm. ibid.* Hinc parochi etiam cum periculo vitæ tenentur ministrare ovibus sacramentum baptismi, aut poenitentiae, non autem Eucharistiae, neque tempore pestis, ut tenent *Dicast. et alii ap. Salm. tr. 4. de Euch. cap. 9. punct. 5. n. 50.* quod ipsi probabile putant. *Vide dicta l. 5. n. 27. v. Dic. II. et vide infra de Euch. l. 6. num. 255.*

Sed dubium majus est, an, si innocentem positivè notentem occidi, defendere non possis sine occisione invasoris, tenearis, si possis sine periculo tuæ vitæ, invasorem occidere? Affirmant *Salm. tr. 25. de V. præc. Decal. c. 1. punct. 5. n. 100. cum Nav. Mol. Bon. Sa,* etc. quia, dicunt, præcepto divino charitatis quisque tenetur defendere vitam innocentis, cum commodè possit. Probabilius tamen negant *Less. l. 2. c. 98. n. 92. et Lugo dis. 10. sect. 11. n. 208.* cui adhæret *Cont. Tourn. loc. cit. r. 2.* Ratio 1. quia præceptum charitatis eo casu non obligat, cum præstet evitare tunc mortem æternam aggressoris, quàm mortem temporalem innocentis. Ratio 2. quia in occisione alterius nunquam evitari potest magnum incommodum ob timorem inimicitiarum, publicæ justitiæ, etc. Saltem, quis non dicet, horrorem inquinandi manus humano sanguine magnum afferre incommodum, ad quod quidem præceptum charitatis non censetur obligare? Excipe casum, quo persona invasa esset persona necessaria ad bonum publicum. Excipit etiam *Sporer loc. cit. n. 170. cum communi,* ut asserit, si invasus sit parens, filius, uxor, aut frater, quia tunc obligat pietas ad eos tutandos. Rectè etiam excipit *Cont. Tourn. de præc.*

char. sect. 4. punct. 1. Colliges 2. cum Raynaudo, si occidendus sit ebrius, et in statu peccati mortalis, quia is est verè in extrema necessitate animæ.

391. — Dicendum II. Fas esse pariter occidere invasorem pudicitiae, vel honoris proximi, si invasio fiat facto, scilicet percussione, etc. Secus, si tantum per verba (*ut dictum est supra num. 381.*) Ita *Lugo disp. 10. sect. 41. n. 203. Less. c. 9. d. 43. et Salm. ibid. n. 96. cum Bon. Fill. Dic. Trull. etc. contra Spor. n. 169. qui id negat (sed minus probabiliter) esse licitum, nisi persona, contumeliis affecta, sit conjuncta, ut supra, vel princeps, aut dominus.*

Quando autem foemina consentit, vel saltem, si positivè non resistit, non licet ejus pudicitiae invasorem interficere, quia tunc non esset vim vi repellere. *Salm. ibid. n. 97.* Si verò foemina sit tibi consanguinitate valdè propinqua, dicunt *Less. Spor. n. 173. et cum aliis Salm. l. c. quòd posses, etiam foeminà ad copulam consentiente, ejus invasorem occidere, si aliter tuam infamiam evitare nequeas. Hæc autem intelligenda ante factum, nam in ipso facto, vel post, certè non licet occidere, ut patet ex prop. 19. damn. ab Alex. VII. quæ dicebat: Non peccat maritus occidens proprià auctoritate uxorem in adulterio deprehensam.* Notant etiam *Less. l. 2. c. 9. art. 88. et Salmanticens. dict. n. 97. quòd non ideo licebit viro uxorem necare, si ipsa audacter velit adulterari, quia vir potest aliis mediis injuriam reparare, eam baculo percutiendo, vel adulterum minis abigendo. Adverte hic autem illud, quod habetur in c. Si verò 5. de sententia excommunicationis; ubi definitur, quòd percutiens clericum turpiter agentem cum matre, filià, sorore, et uxore, immunis est ab excommunicatione, sed non à culpa.*

392. — Dicendum III. nos tenèri ex charitate defendere etiam bona proximi, quando commodè possumus, aut cum levi nostra jactura, non verò cum gravi. *Bon. Trull. Dic. etc. communiter apud Salm. ibid. n. 102.* At, si aliquid expendimus pro defensione bonorum alicujus, possumus etiam occultè compensare. *DD. ib.*

Sed quæritur, an quis, ob tuenda bona proximi magni momenti, possit etiam occidere furem, si oporteat? *DD. qui id negant ob defendenda bona propria, tantò magis ne-*

gant ob defendenda aliena; ut Gers. Syb. etc. apud Salm. ibid. §. 4. n. 79. et 80. et §. 5. n. 103. Quia, dicunt, charitas magis obligat ad tuendam vitam unius, quam bona alterius. Sed contrarium tenent S. Anton. 3. p. tit. 4. c. 3. §. 13. Less. l. 2, c. 9. dub. 13. n. 88. Lugo d. 10. sect. 11. n. 202. et Nav. Mol. Bon. cum Salm. ibid. n. 104. Ratio, quia vitam proximi præferre debemus bonis alterius, quando illè est in necessitate involuntaria; non autem quando in necessitate sponte se constituit, ut pluries repetivimus in præsentì dubio. An autem liceat expellere foetum prætuenda vita matris, vide dicenda dub. seq. n. 594. Qu. I. et II.

DUBIUM IV.

An aliquando liceat occidere innocentem?

393 An unquam liceat occidere innocentem directè?

394 An aliquando liceat procurare abortum? Qu. I. An liceat matri sumere pharmacum directè ad foetum inanimatum expellendum? An autem liceat mulieri oppressæ statim expellere semen viri aggressoris? Qu. II. An liceat matri sumere medicamentum directè ad expellendum verbum, cum periculo abortus foetus animati? Qu. III. Quando censetur proles anima informata?

395 Qu. IV. Quibus pœnis subijciuntur procurantes abortum? Qu. V. An incurrant excommunicationem mulieres prægnantes, quæ abortum faciunt?

396 Qu. VI. An procurantes abortum, in dubio de animatione foetus incurrant irregularitatem?

397 Qu. VII. Quis possit relaxare pœnas pro abortu inflictas?

398 Quando imputetur alicui ad peccatum homicidium casuale? An adulter, occidens adulteræ maritum aggressorem, incurrat irregularitatem? Et an incurrat, si, ipso prævidente, adultera occidatur?

399. — **R**esp. Directa intentione, et scienter nunquam licet, nisi Deus, omnis vitæ Dominus, concedat: indirectè autem, et per accidens aliquando licet, utentio nimirum suo jure, et dando operam rei licitæ, et ne-

membrum, ac tanti momenti, ut vitam aequivaleret. S. Th. et Doctores communiter.

Unde resolvens

« 1. Si tyrannus minetur urbi excidium, nisi innocens occidatur, id non licet directè. Neque valet, sicut membrum licet abscindere pro salute corporis, ita et civem pro repub.; quia homo est tantum pars moralis reipub.; à qua non accipit esse, et vivere sicut membrum corporis à corpore. *Mol. t. 4. c. 3. d. 10. Less. Fill. etc.* » (S. Th. 2. 2. q. 64. art. 6. *Salm. de rest. c. 2. punct. 4. §. 1. n. 52.*)

« 2. Potest tamen respublica eo casu talem cogere, ut tyrannum adeat, et, si nolit, eam tradere: cum ex charitate, et justitia legali teneatur vitam exponere pro rep. Unde, si id renuat, sit nocens. Neque hoc erit cooperari ejus morti, sed tantum eam permittere; cum traditio de se sit indifferens, et mors tantum sequatur indirectè, et præter intentionem reipubl. *Mol. l. c. Less. l. 2. c. 9. d. 7. n. 38. Fill. tr. 29. num. 14. Laym. etc.* » (Sotus, Aragon. Turrian. etc. cum *Salm. ib. n. 37.* dicunt, non posse temp. tradere illum invitum; quia cooperaretur ad ejus mortem, quod est intrinsecè malum. Sed probabilior videtur prima sententia cum *Lugo d. 10. n. 13. et Busemb. Molin. Less. Fill. ac Laym.* ut supra, quia videtur non posse negari, quod eo casu innocens teneatur se tradere, ut concedit idem Sotus; si ergo ille se tradere tenetur; bene potest resp. eum tradere, si ipse culpabiliter recuset; tunc enim non est amplius innocens, ut consentit *Cont. Tourn. de 3. Dec. præc. art. 2. sect. 1. quær. 3. cum Sylvio, Bann. et Salton.*) » Limitat tamen *Lugo d. 10. de just.* si innocens sit subditus, vel peregrinus teneatur mori pro rep. aliena.

« 3. Si fugere non possis mortem, persequente hoste, nisi per viam angustam; quâ quispiam istic sedens esset obtrundus, licet nihilominus (dummodò tamen, si infans est, sit baptizatus, ut monet *C. Lugo, et Escob. e. 7. c. 8.*) fugere cum ejus periculo, et interitu, præter tuam intentionem. *Less. n. 58. Fill. n. 56.* » (*Salm. de rest. c. 1. punct. 4. §. 2. n. 64. in med. cum Prado, Vill. Tapia, Sanch. Dic. etc.*)

« 4. Similiter ad expugnandam urbem, et victoriam repor-

» tandem, si necessarium sit, licet tormenta in eum locum
» dirigere, ubi multi sunt innocentes: quia horum mors
» præter intentionem sequitur. *Less. l. c.*

« 5. Non licet occidere obsides, etsi qui eos miserunt, non
» servant fidem: quia sunt innocentes. *Bonac. t. 2. d. 2. q.*
» *ult. sect. 3. p. 7. Dian. p. 5. l. 4. r. 35. contra Azor, etc.*

594. — « Quæres, quandonam liceat procurare abortum?
» Quicumque malitiosè in se, vel altero, procurat abortum,
» peccat graviter, sive fœtus sit animatus, quia est verum
» homicidium, sive non, quia tendit ad occisionem hominis,
» et est contra naturam generationis: *Lessius l. 10. n. 6f.*
» Si tamen ad vitam matris conservandam omninò sit neces-
» sarium, sequentes regulæ tenentur: 1. Si fœtus mortem matri
» allaturus sit probabiliter, et necdum sit animatus animâ
» rationali (animari autem communiter ajunt mares die qua-
» dragesimo, femellas verò octogesimo: quæ res valdè incerta
» est), quidam permittunt, etiam directâ intentione expelli,
» ut *Sanch. l. 9. de matr. d. 20. n. 9. et 10. Henr. etc. contra*
» *Less. l. 2. c. 9. d. 16. et alios*, quorum sententia in praxi
» suadenda: quorsum enim directè expellas, cum indirectè
» liceat, et sufficiat? 2. Si verò fœtus sit animatus, materque
» judicetur moritura cum prole, nisi medicinam sumat; licet
» eam sumere et secundum quosdam tenetur, intendendo
» directè suam tantum sanitatem, etsi indirectè, ac conse-
» quenter destruat fœtus: quia in pari necessitate mater
» potest magis prospicere sibi, quam proli. 3. Si verò cum
» morte matris, spes vitæ, et baptismi prolis affulgeat, tene-
» tur mater, secundum plerosque, sub mortali abstinere ab
» omni remedio destructivo prolis, quia tenetur vitam cor-
» poralem exponere pro extrema necessitate spiritali infan-
» tis. Contrarium tamen docet *Lud. Lopez*, quod *Sa, v.*
» *Charitas* dixit esse probabile. *Vide Less. l. c. Sanch. Fill.*
» *t. 29. c. 6. q. 1. Bon. t. 8. art. 3.* »

Quæritur igitur I. An liceat matri in morbo extremo con-
stitutæ sumere pharmacum ad expellendum directè fœtum
inanimatum? Certum est, quòd expellere fœtum, quamvis
inanimatum, per se est peccatum mortale, et expellens de
homicidio tenetur, ut dicitur in *c. Si aliquis, de homicidio*;
quia, licet vitam homini non adimat, proximè tamen vitam
hominis impedit. Contrà, certum est apud omnes licitum esse

remedium præbere prægnanti, directè ad eam curandam, etiam cum periculo abortus, si morbus est mortalis; secus, si non esset talis, ut rectè advertit *Cont. Tourn. de 5. præc. Dec. art. 3. sect. 1. r. 2.*

Dubium fit, an tunc liceat dare ei pharmacum directè ad foetum expellendum?

Prima sententia affirmat, eamque tenent gravissimi AA. *Sanch. de matr. l. 9. d. 20. n. 9. Laym. l. 3. tr. 3. p. 3. c. 4. n. 4. cum Sylv. Nav. etc. item Petroc. t. 2. l. 4. c. 3. q. 1. Viva in prop. 54. Innoc. XI. n. 11. Mazz. t. 2. p. 470. Habert t. 7. p. 749. et alii.* Ratio, tum quia, cum foetus ille sit pars viscerum, non tenetur mater eum servare cum tanto vitæ suæ discrimine, tum quia mater eo casu potest illum expellere tamquam suæ vitæ aggressorem; et licet foetus non sit aggressor voluntarius, non tenetur tamen mater negligere suam vitam præsentem, ad servandam vitam futuram prolis; maximè, quia, pereunte matre, foetus minimè animabitur. Huic sententiæ favet *D. Antonin. p. 3. tit. 7. c. 2. §. 2. ubi: Si autem puerperium nondum est animatum, posset tunc et deberet (medicus) talem dare medicinam, quia, licet impediret animationem talis foetus, non tamen esset causa mortis alicujus hominis: et hoc bonum sequitur, quia liberat matrem à morte.* Rectè verò excipit *Sanch n. 7.* (idque asserit ut commune apud omnes, contra paucos aliquos) si dubium adsit, an foetus sit, vel non animatus, eò quòd tunc intrinsecè malum est, innocentem positivè periculo necis exponere.

Secunda sententia communior docet, licere quidem matri sumere medicamentum directè ad curandum morbum, etsi foetus indirectè expellatur; non verò directè ad foetum expellendum. Ita *Less. l. 2. c. 9. n. 61. Lugo de just. d. 10. n. 151. Pont. de matr. l. 10. c. 15. n. 2. Fill. t. 2. tr. 29. c. 6. n. 140. Cabass. l. 5. c. 20. n. 8. Cont. Tourn. loc. cit. r. 1. et 5. Spor. de matr. c. 4. n. 704. Carden. in prop. 54. Innoc. XI. n. 28. Bon. de rest. d. 2. p. 7. n. 3. Salm. de rest. c. 2. punct. 4. §. 2. n. 62. Croix l. 5. p. 1. n. 825. Holzm. de 5. præc. c. 1. n. 579. Elb. de matr. n. 464. et alii plurimi.* Ratio, quia, si numquam licitum est expellere semen, etsi ex ejus abundantia mors timeatur, tantò minùs licebit expellere foetum, qui est propinquior vitæ humanæ. Non valet dicere, foetum inanimatum esse partem matris; nam respondetur, foetum

non pertinere ad integritatem corporis materni, sed esse inchoativè condistinctum individuum humanum. Excipe, ut bene advertunt *Spor. l. c. n. 706. et Holzm. l. c.* si fœtus esset corruptus, quia tunc non est jam fœtus, sed massa putrida, quæ amplius non est capax animationis.

Utraque sententia est probabilis, sed secundam, tamquam tutiorem censeo in casu nostro omninò amplectendam, cum prima nihil ad praxim possit deservire, et frustra videntur circa eam DD. desudare; ad quid enim (benè hic ait *P. Busemb.*) velle sumere pharmacum, directè ad expellendum fœtum, cum possit et sufficiat indirectè expelli? In duobus dumtaxat casibus posset prima sententia in praxim deduci; primus casus esset, si mater aliàs parturiendo experta fuisset periculum mortis: at propter hoc non licet fœtum expellere, ut cum communi docent *Sanch. l. c. n. 10. Petrocor. d. q. 1. Az. c. 4. q. 2. contra aliquos*. Ratio, quia fœtus eo casu non est aggressor præsens, cum periculum multùm sit distans, et poterit mater ex alia causa interim obire. Idque confirmatur ex alia doctrina communi, quam tradunt *S. Th. Nav. Caj. et alii ap. Sanch. n. 2. ex c. Aliquando 22. q. 2.* scilicet, numquam licitum esse matri, ob quodcumque periculum, sumere potionem ad conceptionem impediendam. Secundus casus esse posset, quando mater, nisi fœtum expelleret, periculum occisionis à conjunctis, vel suæ famæ subiret; sed hoc certè est illicitum ex prop. 34. *Innoc. XI.* quæ dicebat: *Licet procurare abortum ante animationem fœtus, ne puella deprehensa gravida occidatur, aut infametur*. Ratio, quia aliud est, quòd fœtus sit aggressor per se, et ab intrinseco; aliud, quòd per accidens, et ab extrinseco: potest enim quisque occidere aggressorem, ne ab illo occidatur; nequit tamen occidere alterum, ne occidatur ab hoste.

Dicunt verò *Sanch. de matr. l. 2. d. 22. n. 17. et Viva dict. prop. 34. n. 17.* quòd mulier, vi oppressa à viro, posset incontinentè semen receptum expellere, tamquam sui honoris aggressorem, ad infamiam vitandam; pariter ac licet viro nobili occidere invasorem, actu volentem eum fuste percutere (ut diximus *suprà n. 381*) quamvis hoc non liceat post percussionem impactam. Sed huic opinioni acquiescere nequeo: nam si mulier posset tunc expellere semen tamquam aggressorem sui honoris, posset etiam postea; quod ipsimet AA.

non concedunt. Nec valet dicere cum *Sanch.* licitum esse mulieri eo casu continuo semen expellere, quia tunc semen non est adhuc in pacifica possessione uteri; nam, ut bene docet *Pont. de matr. l. 10. c. 13. n. 1.* statim ac vir semen effundit, foeminae matrix illud recipit, et clauditur. Et hoc negari non potest ab ipso *Sanch. lib. 9. d. 16. n. 5. cum Salm. de matr. c. 13. punct 6. n. 75. Spor de matr. c. 2. n. 495. et aliis communiter (vide de matr. l. 6. n. 917.)* qui dicunt non peccare mortaliter uxorem, quae reddit debitum, ipsa incuba; ideo quidem, quia (ut mox dictum est) matrix mulieris clauditur statim ac semen excipit; alias illud statim effunderetur, et frustraretur, et ideo esset procul dubio peccatum mortale; hinc recte dicunt *Salm. cit. n. 75.* quod non peccaret uxor, si ex aliqua justa causa se erigeret continuo post receptum semen, nisi hoc faceret pravo animo illud disperdendi, ut dicit etiam *Sanch. l. 9. d. 20. n. 5.* Bene autem admittimus id, quod dicit *Sanch. l. 2. d. 22. n. 17.,* nempe, quod mulier vi oppressa licite possit se vertere et coitum interrompere, quamvis semen viri esset effundendum; quia hoc per accidens et ob solam malitiam viri eveniret. Unde bene concludit *Croix l. 5. p. 1. n. 824. cum Carden.* esse quidem licitum foeminae invasae repellere semen, ne immittatur; non autem ejicere si jam sit immissum. *Vide dicenda de matr. l. 6. n. 934. v. Dub. 1.*

Quaer. II. An liceat matri sumere pharmacum directe ad expellendum morbum, si inde timeatur indirecte abortus foetus animati? Respondetur: Si remedium directe tendat ad occisionem foetus, ut esset dilaceratio uteri, percussio ventris, etc. haec quidem numquam licent. Si autem tendat directe ad servandam vitam matris, ut esset purgatio corporis, seissio venae, balneum, etc. haec certe licita sunt, quando aliter certo moraliter judicatur mater cum prole moritura. Ita *Habert t. 7. p. 748. et Cont. Tourn. de 3. Dec. praec. art. 5. sect. 1. r. 4. cum communi.* Sed quaestio est, an liceat matri sumere medicamentum, quando dubitatur, an pereunte matre, proles possit supervivere, et baptizari. Affirmant *Holzm. de 3. praec. c. 1. n. 79. Salm. de rest. c. 2. punct. 4. §. 2. n. 66. cum Prado;* quia (ut dicunt) obligatio mortem perferendi, ad procurandam vitam aeternam proximi in extrema necessitate constituti, tunc solum adest, quando constat, jacturam

temporalis vitæ esse absolutè necessariam ad vitam spirituale alterius (ut etiam ajunt *DD. cit. et alii ap. Salm.* generaliter loquendo); non autem, quando salus spiritualis proximi est incerta, prout in casu nostro de ea multipliciter dubitari potest. Et huic opinioni videntur favere *Sanchez de matr. lib. 9. d. 20. n. 17. et Ronc. de 5. præc. c. 2. q. 3.* dicentes, tunc solùm illicitum esse remedium sumere cum periculo vitæ prolis, quando certum, vel saltem probabilius est prolem vivam edendam. Sed huic sententiæ nec valeo acquiescere; nam sicut, quando certa est mors prolis, si mater medicinam sumat, et aliàs est certa mors matris, si à medicina absteineat, tenetur utique mater ex ordine charitatis abstinere à medecina, et præferre suæ vitæ corporali vitam spiritualem prolis: sic etiam ex eadem charitate tenetur abstinere, quando dubitatur de salute matris, et prolis, ut rectè ait *Cont. Tourn. loc. cit. concl. 2. et r. 5. cum Habert.* nisi æquale sit periculum abortûs, sive medicina sumatur, sive non; quia tunc sine majori fœtûs periculo justè consulitur vitæ matris. Et etiamsi mors matris esset moraliter certa, si non sumat remedium, nec etiam tunc auderem ei medicinam permittere, si aliqua rationabilis spes affulgeret, quòd mortua matre proles superviveret et baptizari posset: quia nemini licet, ad tuendam suam vitam temporalem, positivè exponere proximum in necessitate constitutum, periculo mortis æternæ. Secùs verò puto dicendum cum *Elbel, Petrocor. t. 2. d. 4. tr. 2. c. 3. q. 2. et Cont. Tourn. l. c. r. 3. cum Sylvio, Hab. Comit. et communi*, si nulla spes rationabilis esset de vita prolis post mortem matris, ita ut possit illa deduci ad baptismi gratiam; quia tunc non videtur charitas obligare matrem in extrema necessitate positam, ut vitam suam negligat, à remediis abstinendo, ob exiguam et remotissimam spem vitæ prolis. Hinc rationabiliter dicunt *Salm. ibid. n. 63.* medicos in hoc casu, quoad pharmaca præstanda matribus, non esse scrupulosè angendos, eò quòd probabilissimum sit id, quod dicunt iidem *Salmant. cit. n. 63. ac Sanch. d. num. 17. Lugo d. 10. num. 153. Ronc. dict. q. 3.* rarissimum esse casum, et moraliter impossibilem ut penè miraculum sit, quòd pereunte matre proles supervivat, ut baptismum recipere possit. Idque mihi confirmârunt plures artis medicinæ periti, quos consului; quia matre laborante lethali morbo,

humores corrumpuntur, et inficiunt foetus alimentum (1). An autem mater teneatur pati incisionem ventris, ut proles baptizetur? Vide dicenda l. 6. n. 106. v. Omnino.

Quær. III. Quandonam censeatur proles anima informata? Damnata fuit prop. 33. ab Innoc. XI. quæ dicebat: *Videtur probabile, omnem foetum, quamdiu in utero est, carere animâ rationali, et tunc primum incipere eandem habere, cum paritur; ac consequenter in nullo abortu homicidium committi.* E converso malè dixerunt aliqui, foetum in primo instanti, quo concipitur, animari, quia foetus certè non animatur antequam sit formatus, ut colligitur ex S. Scriptura, *Exod. c. 21. v. 22.* ubi juxta versionem 70. dicitur: *Qui percusserit mulierem prægnantem, et illa abortum fecerit, si foetus erat formatus, dabit animam pro anima, si nondum erat formatus, mulctabitur pecuniâ.* Certum est itaque, foetum non statim animari: hinc Less. lib. 2. cap. 9. n. 65. censet ex Hippocrate, masculum ad summum animari die 50 vel 35 vel 40 vel 45, foeminam verò die 35 vel 40 vel 45 aut 50. Et idem sentiunt Lugo d. 10. n. 133. et Bon. ac Fill. ap. Salm. de restitut. c. 2. p. 4. §. 2. n. 59. Attamen Bus. ut supra n. 594. Elb. de matr. n. 470. et Salm. cum S. Th. Azor, Sylvest. et communi, ut fatetur idem P. Holzm. dicunt, masculum formari, et animari spatio 40 dierum, foeminam autem 80. Et hanc sententiam sequi forum externum quoad pœnas homicidiis inferendas testatur Anacl. etc. apud Elbel n. 470. Imò S. Thom. in 3. part. dist. 3. q. 5. art. 2. sic ait: *Maris conceptio non perficitur, nisi usque ad 40 diem, ut philosophus in 9. de animalibus dicit: foeminæ autem usque ad 90. Sed in compositione corporis masculi videtur August. superaddere sex dies.* Verùm Cont. Tourn. ibid. quær. 1. dicit, in hoc magis adhærendum Glossæ et theologis, qui ferè cuncti (ut ait) censent, mares die 40 animari, et die 80 foeminas: et hanc opinionem sequitur sacra

(1) In Hom. Ap. tr. 8. n. 26. S. Alphonsus addit: « Nihilominus est qui mihi testatur non semel accidisse, quòd ob peritiam chirurgorum statim ac mater spiritum exhalaverit, inciso matris utero, proles viva extracta fuerit et baptizata. »

2. Constat jam, plurimum infantes post mortem matris sectione cesarea feliciter salvari et ad baptismum perducì. — Constat pariter, animationem proles multò citius ac 40 vel 80 die fieri: sunt recentiores doctores, qui dicunt, foetum primà aut primis à conceptione diebus animari.

Pœnitentiaria : cum agitur de irregularitate et pœnis , ut ex Nav. tradit Sylv. 2. 2. q. 64. art. 7. p. 419. in fine.

395. — Quær. IV. Quibus pœnis subijciantur procurantes abortum? Sixtus V. anno 1588. bullam edidit , quæ incipit , *Effrœnatam*, In ea Pontifex omnes scienter procurantes abortum fœtus , siye animati , siye inanimati , et quocumque modo in hoc consentientes , vel præbentes mulieribus venena sterilitatis , subiecit cunctis pœnis , quæ debentur homicidis de jure civili , et canonico , ut sunt privatio omnis privilegii clericalis , dignitatis , aut beneficii ecclesiastici , necnon inhabilitas ad ea imposterum obtinenda : insuper præsertim imposuit eis irregularitatem , et excommunicationem ipso facto (effectu secuto) incurrendas , quarum dispensationem , et absolutionem romano Pontifici reservavit. Attamen Gregorius XIV. in bulla , *Sedes Apostolica* , edita anno 1591. , abstulit irregularitatem , et excommunicationem pro abortu fœtus inanimati : reliquit verò tam irregularitatem , quàm excommunicationem Papæ reservatas pro abortu fœtus animati ; sed quoad excommunicationem , concessit facultatem ab ea absolvendi tam Episcopis , quàm aliis , ab ipsis specialiter ad hos casus deputatis (Hanc facultatem absolvendi habent etiam Mendicantes ; vide l. 7. n. 99.). Cum autem Sixtus excommunicationem inflixerit tantum scienter abortum procurantibus , excusat ab illa ignorantia etiam crassa , ut docent communiter DD. cum Sanch. de matr. l. 9. d. 52. et aliis , ut dicitur l. 7. n. 47. An autem excuset ignorantia affectata ? Vide ibid. n. 48. Et idem videtur dicendum de irregularitate ibi imposita , juxta probabilem sententiam , quæ adducetur eod. l. 7. n. 351. .

Quær. V. An incurrant excommunicationem mulieres prægnantes , quæ abortum sibi procurant ?

Prima sententia communissima affirmat cum Viva in prop. 34. Innoc. XI. n. 18. Bon de rest. d. 2. q. ult. sect. 1. p. 7. n. 6. qui dicit , hanc esse usu receptam , et Sporer de matr. c. 4. n. 718. cum Fill. Dic. qui eam tenet ut certam. Rationes sententiæ hujus mox referentur in expositione secundæ sententiæ subsequentiis.

Secunda autem sententia valdè probabilis , et , attentâ ratione intrinsecâ , probabilior , negat cum Avila de censur.

p. 2. c. 5. d. 3. dub. 12. *Lexana* t. 3. v. *Abortus*, n. 11. *Salm. de rest.* c. 2. *pauet.* 4. §. 3. n. 70. cum *Naldo*, et *Alph. de Leone*; eandemque tenet *Lugo Resp. Mor. dub. 4. n. 4.* (ait tamen hic standum esse usui communi, si iste aliter bullam explicuit), et non improbabilem vocat, imò enixè tuetur *Roncl. de 5. præc. c. 2. q. 6.* Tota hujus dubii resolutio pendet ex verbis bullæ *Effrænata* in præcedenti quæst. IV. enuntiatae *Sixti V.* in quâ prædicta excommunicatio inflicta est contra procurantes abortum. Dicunt DD. contrarii, in fulminatione excommunicationis præfatæ satis expressè comprehendi etiam prægnantes, quia in §. 1. bullæ dicitur: *Ac etiam prægnantes ipsas mulieres, quæ scienter præmissa fecerint.* Item in §. 5. Pontifex loquens de venenatis potionibus sterilitatis, inquit: *Ac mulieres ipsas, quæ eadem pocula sponse ac scienter sumperint.* Sed respondetur, in utroque paragrapho Pontificem patenter loqui (ut sedulo in bulla observavi) tantum de pœnis temporalibus contra homicidas statutis; nam, cum deinde Papa gradum facere voluit ad pœnas spirituales, præsertim ad præfatam excommunicationem infligendam, in §. 7. sic subdit: *Insuper, ut immanissimi hujus delicti gravitati non solum temporalibus, verum etiam spiritualibus pœnis prospiciamus, et consulamus, omnes et singulos, cujuscumque gradus, status, etc. qui, vel quæ uti principales, vel ut sociæ ad tale facinus committendum, opem, consilium, favorem, protectionem, vel alia medicamenta scienter dederint, etc.* Loquendo hic igitur Pontifex de pœnis spiritualibus, non nominat mulieres prægnantes, sed tantum eos; vel eas, qui, vel quæ dant opem, consilium, etc. Instant adversarii, et dicunt, saltem in hoc §. 7. comprehendi prægnantes, cum ibi dicatur: *Qui vel quæ uti principales, vel ut sociæ ad tale facinus committendum, etc.* sed rursus respondetur, hic sub nomine principales non quidem intelligi ipsas prægnantes, sed principales cooperatores, qui opem, vel consilium, aut medicamenta præbent, ad distinctionem sociorum, quæ ad abortum mediata concurrunt. Et reverà nullo modo hic intelligi possunt prægnantes, nam alias Pontifex non dixisset, qui, vel quæ, etc. Quomodo enim masculi possunt medicamentum sumere ad procurandum abortum mulierum? Rationem autem, ob quam Papa eximisse præsumitur prægnantes ab hac excommunicatione, verosimiliter opinantur eam

Lugo, et Salm. ibid. n. 71. cum aliis ut supra; quia fortè compassus est infirmitati foeminarum, quæ dum impulsæ à vehementi timore damni obventuri hæc medicamenta sumunt, et, dum à tanto facinore non abhorrent, facillè etiam excommunicationem parvipenderent, et ideo Pontifex, ad vitandum novum animæ laqueum, et alia pericula, præsertim sacrilegarum confessionum, eas noluit comprehendere. Saltem ait *Ronc. l. c.* cum dubium sit, an hæc excommunicatio lata sit etiam contra prægnantes, valdè probabiliter ipsæ ab ea excusantur, *juxta quæ dicemus l. 7. de censur. n. 67.*

596. — Quær. VI. An procurantes abortum irregularitatem incurrant in dubio, an foetus sit, vel non animatus?

Prima sententia affirmat, quam tenent *Salm. de censur. o. 7. punct. 3. num. 45. et de rest. c. 2. punct. 4. §. 2. n. 59. Viva in prop. 34. damn. ab Innoc. XI. n. 18. cum Sanch. Mol. etc. ap. Elbel de matr. n. 479.* Ratio, tum quia in omni homicidio dubio incurritur irregularitas, prout habetur ex *c. Ad audientiam, de homic. et c. Significasti, ac c. Petitio, eodem tit.*; tum quia in dubio foetus præsumitur masculinus. Hinc dicunt, quòd procurans abortum post 40 dies, habendus est ut irregularis; sic enim ajunt *Fill. et alii apud Tamb. l. inf. citando* judicari in foro externo, et sic etiam servari in S. Pœnitentiaria.

Secunda tamen verior sententia negat, eamque tenent *Tamb. Dec. l. 1. c. 3. §. 6. v. Irregularitas, et de censur. l. 10. c. 5. n. 18. cum Præpos. et Giballin. item Moya tr. 3. q. 6. cum Pell. March. Leand. et Verde, Elbel loc. cit. cum Spor. Diana, Bardi et aliis*; et idem sentit doctus Auctòr neotericus libelli, cui titulus: *Instruz. per li novelli Conf. part. 2. c. 18. n. 464. et 465.* Ratio convincens, quia irregularitas non incurritur, nisi expressa sit in jure, ut dicitur in *c. Is qui, de sent. exc. in 6. (Vide dicenda l. 7. n. 345.)* In hoc autem casu irregularitas nullibi habetur expressa; nam licèt in præfatis textibus imposita fuerit irregularitas aliquibus, de quibus dubitabatur, an ipsi fuissent, vel non, causa homicidii; homicidium tamen erat certè commissum. At in nostro casu, cum dubia sit animatio foetus, dubia quoque est patratio homicidii; hicque casus nullibi quidem est expressus in jure, et ideo procurans abortum non est habendus irregularis. Quid verò dicendum, si dubium esset, an ali-

quis suo consilio vel operâ ad mortem certam foetus jam certè animati cooperatus fuerit? Vide dicenda l. 7. n. 371. Nulla autem præsumptio esse potest (ut sine fundamento asserunt *Salm.*) quòd foetus sit masculinus; imò potius præsumi potest foemineus, quia ex frequentiori eventu, ut audiui, amplior est numerus foeminarum, quàm masculorum; saltem de hoc utrimque æquè dubium est. Addit, non improbabiler *Tamb. l. c. in Dec.* quòd possessio in hoc casu stat pro priori statu, prius enim foetus est inanimatus, quàm animatus. Hinc valdè probabile est, ex dictis suprâ in quæst. III, non censendum irregularem, saltem in foro interno, qui intra 80 dies à foetus conceptione abortum procuravit. Quod autem hic dicitur de irregularitate, dicendum etiam de excommunicatione, juxta dicenda l. 7. n. 67. et de aliis pœnis, ut benè ait *Elbel l. c.*

397. — Quær. VII. Quisnam pœnas pro abortu commemoratas valeat relaxare? Quoad excommunicationem pro abortu foetus animati, jam diximus ex bulla *Greg. XIV.* solos Episcopos, et alios, ab eis specialiter ad hos casus deputatos, posse ab ea absolvere. Sed dubium fit, an possint absolvere confessarii, qui generalem facultatem ab Ordinario habent absolvendi ab omnibus casibus ipsi reservatis? Negant *Salm. de rest. c. 2. punct. 4. §. 3. n. 67. Diana part. 7. tr. 5. r. 15. et 19. Ronc. de 3. præc. c. 2. q. 5. r. 1. et alii*, dicentes requiri deputationem specificam ad hunc casum abortus. Idque arguunt ex verbis præfatæ bullæ *Greg.* relatis à *Bon. tom. 3. d. 2. q. 2. p. 10. n. 15.* ubi dicitur: *Quilibet presbyter tam sæcularis, quàm cujusvis Ordinis regularis, ad Christi fidelium confessiones audiendas, et ad hos casus specialiter per loci Ordinarium deputatus, plenam et liberam in foro conscientiae tantum absolvendi habeat facultatem.* Sed valdè probabiliter affirmant posse absolvere idem *Bon. l. c. n. 16. ac Viva Opusc. de censur. q. 7. d. 1. n. 7.* et adhæret *Elbel de matr. n. 471.* ac non improbabile putat *Sporer de matr. c. 4. n. 720.* Ratio, quia verba illa, *ad hos casus specialiter deputatus*, non referuntur ad casum abortus, sed ad confessarium; ita ut non possit quidem quicumque confessarius ab hoc casu absolvere (ut falsò opinati sunt aliqui ap. *Dianam*), sed benè potest is, quem Episcopus specialiter deputat ad absolvendum fideles ab his casibus, vel speciatim exprimendo casum abortus, vel

generatim concedendo facultatem absolvendi ab omnibus casibus sibi reservatis. Et rectè ajunt *Bon. et Viva* usum receptum sic interpretasse prælatam concessionem, cum gratiæ largè interpretentur, et sic ipsemet firmè testor universè practicari in missionibus pro quibus, ad absolvendum ab hoc casu abortus, contenti sunt sacerdotes missionarii, quòd Episcopi generaliter eis facultatem impertiantur pro cunctis casibus, ipsis reservatis.

Pariter, præterea, dicit multò probabiliter *Elbel d. n. 471.* ab hac excommunicatione posse etiam absolvere omnes Prælatos majores regularium, jurisdictione quasi episcopali gaudentes; sed tantum subditos suos, pro quibus possint etiam alios deputare. Item addunt *Salm. tr. 6. c. 13. punct. 3. n. 52. in fin. cum Peyrin et Pell. Spar. p. 4. c. 4. n. 721. et Elbel ib.* (qui asserit, in hoc satis communiter DD. convenire) quòd omnibus confessariis Mendicantibus competat in foro interno facultas ab hac excommunicatione absolvendi; quia Pontifex, etsi negavit hanc facultatem confessariis ab Episcopo non specialiter deputatis, non censetur tamen eam voluisse denegare confessariis privilegiatis, quibus aliunde concessa est facultas in casus Papæ reservatos. Cæterum post prop. 12. damnatam ab *Alexandro VII.* certum esse debet (ut consentiunt idem *Elbel eod. l. et Cabass. T. J. l. 1. c. 11. n. 3.*) quòd, si alicubi Episcopus sibi reservavit casum abortus, vel homicidii voluntarii, nullus regularis poterit ab eo absolvere sine Episcopi licentia. *Vide dicenda l. 7. n. 99. in fin.*

Quòd ad irregularitatem autem pertinet, per se loquendo, solus Papa potest in ea dispensare, non verò Episcopi, etiamsi abortus esset occultus; quia in facultate eis concessa à Tridentino in *cap. Liceat 6. sess. 24.* expressè est exceptum homicidium voluntarium. Verum quoad alias pœnas in *Bulla Sixti* inflictas, scilicet privationis beneficiorum, et inhabilitatis ad ea, ad privationem requiritur quidem sententia condemnatoria, vel saltem declaratoria criminis, cum sit privatio juris acquisiti, ut diximus *l. 1. n. 148.* utque hic dicit *Elbel n. 478.* Quoad inhabilitatem autem dicimus, eam incurri ante omnem sententiam, juxta dicta *eodem n. 148.* et ut fusiùs dicemus *l. 6. n. 705.* (quidquid dicant *Sporer de matr. c. 4. n. 722. et Elbel loc. cit.*); quia inhabilitas non privat jure acquisito, sed acquirendo. An verò Episcopi possint in

hac inhabilitate dispensare? Concedunt *Elbel de leg. n. 642. et de matr. n. 674. ac Spor. p. 4. c. 4. n. 722.* et meritò censet non improbabile *Roncagl. de 5. præc. c. 2. q. 6. (contra Anacl.).* Ratio, quia in omnibus pœnis, à jure generaliter latis, et non specialiter Papæ reservatis, possunt Episcopi dispensare, ut genericè loquendo communissimè docent apud *Elbel S. Bon. Scot. et alii.* Idque colligitur ex c. *Nuper 29. de sent. excomm.* ubi, habito sermone de excommunicatione, dicitur: *Quia tamen conditor canonis, ejus absolutionem sibi specialiter non retinuit, eo ipso concessisse videtur facultatem aliis relaxandi.* Et ib. subdit Glossa: *Et hic est argumentum Episcopos posse dispensare, ubi specialiter dispensatio non est inhibita, et concessum videtur, quod non est prohibitum.* Vide dict. l. 1. n. 191. et vide insuper dicenda l. 6. n. 980.

398. — Ultimò oportet hic aliqua addere de homicidio casuali, multùm scitu necessaria. Duplè contingere potest homicidium casuale, vel dando operam rei licitæ, vel rei illicitæ. Unde has regulas dat *S. Th. 2. 2. q. 64. art. 8.* dicens: *Secundùm jura, si aliquis det operam rei licitæ, debitam diligentiam adhibens, et ex hoc homicidium sequatur, non incurrit homicidii reatum.* Et hoc etiamsi (ut ex comm. notant *Salm. de V. præc. c. 1. punct. 6. §. 1. n. 133.*) homicidium in causâ prævium fuerit. Si verò (prosequitur *S. Doctor*) *det operam rei illicitæ..., non evadit homicidii reatum.* Duæ igitur sunt regulæ, quæ in hac materia communiter assignantur: I. Quando quis dat operam rei licitæ, et ex ea per accidens sequitur homicidium, iste excusatur, etiamsi illud præviderit, modò non intenderit, et sufficientem diligentiam posuerit ad illud vitandum. II. Secus verò si dat operam rei illicitæ, et homicidium prævideat; quia tunc, licèt illud non intendat, et diligentiam adhibeat, ne sequatur, non excusatur. Sed advertendum, quòd ad imputandum huic homicidium, non sufficit quòd opus sit per se illicitum, sed requiritur ampliùs, quòd sit illicitum præcisè respectu ad homicidium.

Hinc quæritur, quodnam opus dicendum sit propriè illicitum respectu ad homicidium? Omissis diversis sententiis super hoc dubio, rectè distinguendum est cum *Salmanticensibus loco cit.*

Et dicendum I. Quòd si opus de se est frequenter perit-
Tom. III.

culosum, ita ut ex eo communiter mors accidat; tunc homicidium ei, qui illud ponit, semper imputatur, licet quamcumque diligentiam adhibeat ad damnum præcavendum. Unde rei homicidii sunt, qui calce percutiunt mulierem prægnantem, vel eam terrefaciunt, ex quo abortus evenit; parentes suffocantes infantem in lecto; hominem mactantes jaciendo lapides fundâ, causâ ludendi. *Vide Salm. cum aliis loc. cit. n. 136.* Hinc sancitum fuit in *c. fin. de hom. in 6.* irregularem effici, qui mandarit aliquem verberari, licet prohibuerit cum occidi, si mandatarius occidat.

Dicendum II. Quòd si opus illicitum sit quidem periculosum, sed rarò, ita ut rarò ex eo mors eveniat; tunc sufficit ad excusandum, si diligentia apponatur ad eam vitandam, saltem in foro conscientie. Hinc excusatur ab homicidio clericus, qui casu necaret hominem, dans operam venationi ferarum aliàs ei prohibitæ, si diligentiam debitam adhibuerit. Ita *Ronc. de cens. c. 3. qu. 5. n. 147. cum Pal. Bon. Henr. Medin. etc.*

Dicendum III. Quòd si opus non sit de se periculosum, quamvis sit illicitum, numquam imputatur homicidium illud exercenti, si casu ex eo mors eveniat. Putâ, si clericus tempore interdicti pulsaret campanam, et casu tintinnabulum cadens viatorem opprimeret. Item, si ex fornicatione commissa moriatur scemina partu. Adde, si adulter cum discrimine inculpatæ tutelæ virum adulteræ occidat. Ita *Less. l. 2. c. 9. d. 15. n. 13. Salm. ibid. n. 138. cum Suar. Pal. Cor. etc.* Hoc tantum certum est in ordine ad restitutionem.

In ordine verò ad irregularitatem, magna est inter DD. controversia, an evadat irregularis adulter, qui occidit maritum aggressorem, ob inculpatam suæ vitæ defensionem? Communiter DD. docent, quòd, si adulter possit fugere, et non fugiens occidit maritum, non excusatur ab irregularitate. Ita *Salm. de censur. c. 8. punct. 4. n. 51 et 52. et Sporer de V. præc. c. 2. n. 181.* qui asserit hoc certum esse apud omnes. Ratio (ut rectè dicunt *Salm.*), quia ipsi fugere in eo casu non est probrosum; et si fortè fuga aliquam ignominiam ei irrogaret, tenetur eam pati, cum ipse in tales angustias suâ culpâ se immiserit.

Sed quid, si non posset fugere sine periculo vitæ? Adsunt tres sententiæ.

Prima sententia absolute affirmat, cum adhuc irregularitatem incurrere. Ita *Nav. Man. c. 27. n. 238. et S. Anton. Mol. Gutt. ap. Laym. l. 3. de just. tr. 3. p. 3. c. 10. n. 2.* Et probant ex *c. Dilectus, de homic.* ubi dicitur, quòd dans operam rei illicitæ sit irregularis, si mors inde sequatur.

Secunda sententia opposita absolute negat eum incurrere; et hanc tenent *Sylvest. Bonac. d. 7. q. 4. Less. l. 2. c. 9. n. 106. cum Ban. Med. etc. item Avila, Sot. Tab. Leand. Dian. ac Henriq. apud Salm. l. c. n. 49.* Ratio, quia homicidium non provenit tunc ex adulterio, nisi per accidens; per se autem provenit tantum ex injusta invasione mariti, cujus vim licite potest adulter vi repellere ad suam vitam tuendam. Dicunt autem, præfatum textum in *c. Dilectus* intelligi, quando res illicita, cui datur opera, est proxime et per se periculosa homicidii, non verò, quando est periculosa per accidens et remota, ut esset in hoc casu adulterium, quod esset potius occasio, quàm causa homicidii, cum ex illo raro homicidium eveniat.

Tertia sententia, quam tenent *Suar. d. 46. sect. 1. n. 12. Laym. l. c. Spor. ut supra n. 182. cum Fill. Roncagl. de censur. c. 3. q. 4. et Salm. ibid. n. 50. cum Pal. Con. Vill. Cornejo, etc.* distinguit, et dicit, quòd si adulter prævidendo invasionem mariti, temerè accedat, et illum occidat, tunc fit irregularis; secus, si accedat clam; et cum debita cautela, ne à marito inveniatur. Et huic sententiæ me adjicio, si periculum invasionis prævideatur proximum et facillimum, ut benè exprimit *Roncaglia*; quia eo casu adulterium est proxime periculosum homicidii: secus, si periculum sit remotum, et adulter cautè accedat, juxta mox supra dicta. Et ita videntur omnes prædictæ sententiæ satis conciliari. Quid, si vir cognito adulterio, occidat uxorem, eritne adulter irregularis? Affirmant *Nav. et alii*, negant verò communius *DD. ap. Sporer num. 82.* Sed ipse *Spor. Laym. l. c.* eodem modo distinguunt, ut in præcedenti quæstione; eodemque modo ipsis consentio, si uxoris occisio proxima et facillima prævideatur; secus, si remota et difficilis.

DUBIUM V.

DE DUELLO, ET BELLO.

ARTICULUS I.

Quid sit, et an liceat duellum?

399 *Quid est duellum, et an umquam liceat ad illud provocare? Quid, si duellum esset fictum?*

400 *Quando liceat duellum accipere? Et an liceat illud indicere contra falsum accusatorem?*

401 *Quæ sint pœnæ duello impositæ?*

399. — **R**ESP. Duellum est duorum (vel subinde etiam plurium) certamen quod ex condicto, uno dicente, et altero acceptante, suscipitur, ita ut id non sit vitam defendere, sed exponere periculo. Quod, etsi communiter sit mortale peccatum, licitum tamen est ex justa causa, quæ semper est attendenda. *Vide Trid. sess. 25. c. 19. de Ref. Sanch. 2. mor. c. 59. Item de pœna duellantium. Vide infra n. 401.*

Unde resolves:

« 1. Duellum non est licitum ad indagandam veritatem vel justitiam, vel purgationem objecti criminis, aut litem terminandam: quia est fallax, imò superstitiosum medium ad eum finem, cum etiam innocens homicidium, et facere, et pati possit. *Trull. l. 5. c. 2. d. 13. n. 12.* » (*Et c. 1. et 2. de purg. vulgari cum Salm. de V. præc. c. 1. punct. 7. §. 2. n. 181.*)

« 2. Neque ob inimicitias, aut ad injuriam vindicandam, neque ob solam ostentationem virium, aut delectationem. »

Hic quæritur, an liceat suscipere duellum fictum ad vitandam infamiam? Affirmat *Tamb. l. 7. c. 2. n. 17. cum Escob. et Boss.* Sed omnino negandum cum *Bus. et Salm. ibid. n. 163. Elbel n. 135. Croix l. 3. p. 1. n. 840. Holzm. n. 604. cum communi.* Ratio, tum ob vitandum scandalum aliorum;

tum quia *Clemens VIII.* in *Constit. Illius vices*, ann. 1592. hoc prohibuit, vetando *duella etiam non fatalia*. Et ideo non licet ducibus permittere duella militibus, etiam contra hostes, ad ostensionem virium. *Sanch. Dec. l. 2. c. 59. num. 12. Salm. loc. cit. cum Nav. Bon. Pal. Caj.*

« 3. Nec item ad evitandam ignominiam : quia apud bonos ,
» et prudentes honorem non perdet : imò nec apud alios , si
» provocanti dicat , se eum non aestimare dignum , quocum
» congregiatur , contra leges divinas , et humanas. Interim
» iturum se indies liberè suas vias , paratumque semper fore ,
» et nunc esse , ut contra quemvis invasorem se tueatur.
Trull. l. c. n. 4. » (Ita etiam *Sanch. l. c. Salm. ibid. n. 163.*
cum Soto, Navarr. Azor. Caj. et aliis. Damnata autem fuit
propos. 2. ab Alex. VII. quæ dicebat : Vir equestris ad duel-
lum provocatus , potest illud acceptare , ne timiditatis notam
apud alios incurrat.)

400. — « 4. Duellum licet acceptare , vel offerre ad con-
» servandam aestimationem exercitus apud hostes , eosque
» debilitandos , vel ad terminandum bellum cum minore
» damno. Vide *Sanch. l. c.*

« 5. Acceptare item licet , si quis aliàs te occisurus conce-
» dat tamen arma , ut sic fortunam experiaris : quia est tan-
» tum defensio , posito , quòd aliter non possis evadere. »
(*Præterea P. Cuniliati probabiliter sentit tr. 4. c. 9. §. 3. n.*
3. quòd si vir nobilis provocatur ad duellum , licitè respon-
dere potest : Ego ut christianus non possum acceptare duel-
lum ; tamen paratus sum ad me defendendum contra inju-
stos aggressores.) « Similiter , si iudex duos ad mortem damna-
» tos vellet duello congredi : quia alter alterius esset consti-
» tutus minister justitiæ. *Trull. l. c.*

« 6. Denique , si vir nobilis in aula regia , vel militaris in
» castris , provocatus sisteret se , meræ defensionis gratiâ ,
» cum spe prævalendi , privandus alioqui , ob suspicionem
» ignaviæ , dignitate , officio , vel favore principis , non audet
» eum damnare *Laym. lib. 3. t. 3. p. 3. c. 3.* eundem excusant
» *Hurt. 2. 2. d. 170. sect. 8. §. 73. Less. c. 9. d. 8. Fill. cap. 8*
» *q. 6. Nav. c. 13. »*

Quær. igitur 1. an liceat viro nobili , vel militari acceptare
duellum , et adhuc illud offerre , si aliàs , honore amisso ,

certè privandus esset officio, quo se et familiam sustentat? Affirmant *Holz. de 5. præc. c. 3. n. 608. cum Pichler, et Anacl. item Spor. eodem tit. c. 2. n. 204. ac Elbel n. 118, et 128. cum aliis.* Ratio, ut dicunt auctores præfati, quia eo casu non solus honor defenditur, sed etiam bona ad vitam necessaria, quorum jactura certò supponitur non posse aliter reparari. Et huic sententiæ adhærent *Lessius l. 2. c. 9. n. 49. Sanch. Dec. l. 2. c. 59. n. 7. Pal. tr. 6. d. 6. p. 7. n. 9. cum Con. et Val.* dum dicunt, licetè posse acceptari duellum ad necessariam defensionem bonorum magni momenti, hocque probabile putant *Ronc. de 5. præc. c. 4. q. 2. r. 3. et Croix l. 3. p. 1. n. 836.* modò actu alter bona invadat, et actu pugnandum sit: non verò, si inposterum. Sed hodie hæ ambæ prædictæ opiniones amplius non sunt probabiles, ex prima et quarta inter quinque propositiones, quas *SS. P. Ben. XIV.* nuper damnavit in sua constitutione, quæ incipit, *Detestabilem*, edità die 10 Novemb. ann. 1752. Propositiones enuntiatae hæ sunt:

I. Vir militaris, qui nisi offerat, vel acceptet duellum, tamquam formidolosus, timidus, abjectus, et ad officia militaria ineptus haberetur, indeque officio, quo se suosque sustentat, privaretur, vel promotionis, aliàs sibi debitæ ac promeritæ, spe perpetuò carere deberet, culpâ et pœnâ vacaret, sive offerat, sive acceptet duellum.

II. Excusari possunt etiam, honoris tuendi, vel humanæ vilipensionis vitandæ gratiâ, duellum acceptantes, vel ad illud provocantes, quando certò sciunt, pugnam non esse secuturam, utpote ab aliis impediendam.

III. Non incurrit ecclesiasticas pœnas, ab Ecclesia contra duellantes latas, dux vel officialis militiæ, acceptans duellum ex gravi metu amissionis famæ, vel officii.

IV. Licitum est in statu hominis naturali acceptare et offerre duellum ad servandas cum honore fortunas, quando alio remedio eorum jactura propulsari nequit.

V. Asserta licentia pro statu naturali applicari etiam potest, statui civitatis malè ordinatæ, in qua nimirum vel negligentia, vel malitia magistratûs, justitia apertè denegatur.

Quær. 2. an liceat innocenti duellum indicare adversus

falsum accusatorem, quando aliud remedium non suppetit ad evitandam injustam sententiam mortis? Affirmant *Lugo d. 40. n. 184. Sanch. in Dec. l. 2. c. 59. n. 7. Bann. Caj. Azor, Nav. Trull. ap. Salm. de V. præc. punct. 7. §. 2. n. 167.* Ratio istorum, quia cuilibet licet vitam defendere contra injustum invasorem, prout existimatur hic iniquus accusator. Sed tenendum cum *Salm. ibid. n. 169. ac Suar. Arag. Hozes, etc. ap. eosd.* illicitum esse. Ratio, quia defensio hoc casu esset excessiva, ut probatur ex *S. Th. 2. 2. q. 64. art. 7.* dum mors non procederet tunc directè ex omissione duelli, sed ex injusta sententia judicis; et contraria videtur sanè fuisse reprobata ab *Alex. VII. in prop. 18.* quæ dicebat: *Licet interficere falsum accusatorem, falsos testes, ac etiam judicem, à quo certò imminet iniqua sententia, si alià vià non potest innocens damnum evitare.*

401. — Quær. hic 3. quænam sint pœnæ duello impositæ. Respond. tres esse ex *Trid. Sess. 25. cap. 19. de Ref. l.^a* Excommunicatio ipso facto incurrenda, et Pontifici reservata, quam etiam incurrunt patrini, consulentes (intellige efficaciter (1), secùs si non persuaserint, ut benè ait *Elbel de hom. num. 122.*); item favorem præbentes, domini dantes locum; ac etiam spectatores, non quidem illi qui obiter trans-eundo ibi reperiuntur, sed qui de industria spectant, et suâ præsentia quodammodò approbant, et animant duellantes, prout *Greg. XIII. et Clemens VIII.* explicant Tridentinum: *vide Elbel d. n. 122. II.^a* pœna est proscriptio omnium bonorum, cum perpetua infamia; hæc tamen pœna non videtur recepta in nostris partibus. *III.^a* est privatio sepulturæ ecclesiasticæ, si duellantes in ipso conflictu decedant. Excipiunt *Elbel n. 142. Tamb. Dian. etc.* si ipsi alibi moriantur, vel si ante mortem signum præbeant pœnitentiæ. Sed in præfata bulla, *Detestabilem*, etiam isti privantur sepulturâ ecclesiasticâ, quamvis (ut ibi dicitur) *Sacramentis muniti decesserint.* Istæ autem pœnæ incurruntur tantùm ob duellum strictè sumptum, scilicet convento loco, tempore, et armis; non verò ob conflictum improvisum, quamvis pugnantes ex eodem impetu rixæ, perrexerint ad aliquem locum idoneum.

(1) Confer l. 7 n. 220.

Ita valde probabiliter Elbel n. 152. cum Dian. Bonasp. etc. communissimè. Idemque probabiliter dicunt Tamb. Dec. l. 6. c. 1. §. 3. n. 11. Dian. p. 3. tr. 13. r. 39. ac Elbel n. 157. si quis alteri dicat : *tecum pugnabo prima vice*, quâ mihi obviaveris ; nam eo casu , postea etiam habito conflictu , isti non incur- runt pœnas , quia tunc deest designatio loci , et temporis.

ARTICULUS II.

An, et quousque liceat bellum ?

402 Quando licitum sit bellum ?

403 Quid debeat facere princeps , ut licitè bellum inferat ?

404 An possit inferri bellum cum sola opinione probabili ?

405 Ad quid teneantur principes ?

406 An liceat eis vocare in auxilium hæreticos et gentiles ?

407 Ad quid teneantur duces ?

408 An milites possint bellare cum dubio de justitia belli ?

402. — **R**ESP. Bellum defensivum , quo scilicet vis in-
 • justa repellitur , licet etiam privata auctoritate : offensi-
 • vum verò , quo vis infertur , ut liceat , tres condiciones
 • requirit : 1. Ut geratur auctoritate principis , vel magistra-
 • tûs , nullum agnoscentis superiorem : qualis est papa , im-
 • perator , reges , et quædam resp. v. gr. Venetorum , Ge-
 • nuensium , etc. 2. Ut adsit justa causa eaque gravis ; v. gr.
 • necessitas boni communis , et quietis conservandæ , recu-
 • peratio injustè ablatorum , coërcitio rebellium , defensio
 • innocentium , etc. Vide Laym. hic et Mol. t. 1. d. 114.
 • Dian. p. 6. t. 4. r. 3. » (Justa etiam causa est bellum in-
 • dicendi , si impediatur prædicatio Evangelii , ut Salm. tr. 21.
 • c. 3. p. 2. n. 10.) « 3. Ut fiat ex recta intentione , hoc est ,
 • non ex odio , sed ex amore boni communis , quamquam ,
 • si hæc ultima sola desit , non sit obligatio restitutionis.
 • Ita communiter cum D. Thom. 22. qu. 40. art. 1. Laym.
 • l. 2. t. 3. c. 12.

Unde resolves :

• 1. Si quis justum bellum gerat , non potest alter licitè
 • se defendere , quia circa eandem rem non possunt duo

habere contraria jura. Fieri tamen potest, ut neutra pars peccet ob ignorantiam invincibilem. *Fill. n. 185.*

403. — 2. Tenetur rex, antequam bellum incipiat, omni diligentia curare, ut certus sit de ejus justitia; et gravi causa. Ad quos sequentia conducent: 1. Ut curet habere non tantum peritos, sed etiam bonos consiliarios. 2. Ut attendat, an etiam à suis impediantur, vel intervertantur litteræ, aut instructiones ad ipsum. 3. Si non tantum à suis consiliariis, sed etiam à diversis theologis curet justitiam belli secundum leges evangelicas examinari, et liberè edici. 4. Si auditis omnibus, ipse quoque coram Deo illam examinet, statuaturque id, quod in puncto mortis se fecisse vellet. Denique, licet sufficiat opinio probabilis de justitia belli, si tamen justitia maneat æqualiter dubia, et alter sit in possessione, non licet ei bellum indicere, cum melior sit conditio possidentis. *Filliuc. tr. 29. c. 9. q. 4. Trull. l. 5. c. 2. d. 5.* ubi cum *Diana p. 4. tr. 4. r. 72.* docet, licere etiam principi concedere repressalia, servatis tamen conditionibus certis, quas vide apud *Pal. tr. 1. c. 6. disp. 3. p. 4.* et hic infra *art. seq.*

404. — Quæritur, an princeps cum sola opinione probabili pro se possit inferre bellum alteri, regnum bonâ fide possidenti?

Prima sententia affirmat cum *Sanch. Dec. l. 1. c. 9. n. 56. et Az. Fill. Trull. Escob. etc. apud Salm. tr. 21. c. 8. punct. 5. §. 1. n. 20.* et hanc sequitur *Sporer de V. præc. c. 2. n. 100.* Ratio istorum, quia princeps non debet inferioris esse conditionis, quam persona privata; si enim privatis conceditur facultas litem movendi super re ab alio possessa, quando habet pro se solam opinionem probabilem, quod sit sua; cur non concedenda est principi adversus alterum facultas indicendi bellum; saltem ad partem regni ab altero possessi vindicandam, cum non adsit iudex superior, qui inter ipsos valeat litem secundum jus decidere?

Secunda sententia tenet, quod, ut princeps, non possidens, possit bellum inferre, pollere debeat opinione saltem probabiliore. Ita *Suar. et Victoria*; saltem ad partem regni obtinendam, ut dicunt *Tourn. Bann. Prado, et Led. ap. Salm. loc. cit. n. 25.* Ratio, quia in eo casu potius est jus non

possidentis, et sicut ei, si esset persona privata, res à iudice adjudicanda esset, juxta sententiam, de qua loquimur l. 5. n. 210. v. Quær. I. ita princeps cum non possit iudicem competentem adire, bene potest bello rem sibi vindicare. Hanc probabilem vocat *Croix lib. 3. p. 1. n. 869.*

Sed *tertia sententia*, longè mihi probabilior, docet non posse principem adversus alterum bonâ fide possidentem bellum indicere, nisi certitudinem sui juris habeat: ratio potissima est, quia possidens (cùm possessio certum jûs ipsi tribuat rem retinendi, juxta dicta *lib. 1. n. 55. et 56.*) nequit umquam re possessâ expoliari, nisi constet, quòd illam injustè retineat. Ita *Pal. t. 1. tr. 1. d. 2. punct. 7. n. 5. Etbel de bello Conf. 6. n. 149.* qui nostram sententiam habet ut certam; *Holz. de V. præc. n. 602. Salm. l. c. n. 24. et 26. cum Vasq. Montesin. Villal. et Salas. Idem tenent Laym. l. 1. tr. 1. c. 5. §. 3. n. 25. et Tamburin. Dec. l. 1. c. 3. §. 4. n. 30.* dicens, hanc esse legem canonicam, etiam à regibus observandam, neminem posse expoliare alterum bonâ fide possidentem; nisi habeat certitudinem sui juris. Et putant opinionem contrariam improbabilem ex principiis intrinsecis. Mihi autem, licet secunda sententia satis probabilis, speculativè loquendo, etiam intrinsecè videatur, tamen multum arridet, quòd ait *Ronc. de charit. c. 5. q. 7.* cui adhærent *Salm. dict. n. 24.*: nimirum; quòd bellum communiter talia fert secum flagitia et damna religioni, innocentibus, honori mulierum, etc. ut practicè vix umquam justum vidèri possit, si ex solis probabilibus rationibus, et non certis inferatur.

403. — « 3. Perspecta justitia belli, debet ea proponi parti adversæ, quæ si offerat competentem satisfactionem, non debet bellum inchoari. Imò, ut probabilius est, si cœptum sit, debet si non ex rigore justitiæ, saltem plerumque ex charitate, mox finiri. Vide *Mol. suprâ d. 103. Trull. l. 5. c. 2. d. 3.*

« 4. Potest princeps pro satisfactione petere restitutionem ablatorum, et expensarum, item aliquid in pœnam illatæ injuriæ. *Duval.* Hinc potest victos privare bonis, etiam innocentes, tributa eis imperare, extruere arces, et cætera quæ ad securitatem sunt necessaria. *Con. Dian. p. 6. d. 4. r. 22.*

» 5. Principes tenentur stipendia solvere militibus, alioqui
 » tenentur compensare damna, tum ipsis militibus, tum aliis,
 » qui ab iis damnum acceperunt. *Con. Pal. Dian. p. 6. t.*
 » 4. r. 29.

» 6. Tenentur etiam aliquando principes catholici à bello,
 » alioqui per se justo, abstinere, si inde oriturum sit scan-
 » dalum, et spiritualis ruina multorum, ac detrimentum
 » Ecclesiæ. *Vide Pal. Dian. p. 6. t. 4. r. 7.*

406. — » 7. Etsi, per se loquendo, in bello justo liceat
 » advocare infideles in auxilium, per accidens tamen subinde,
 » imò plerumque non licet, ratione scandali, aut periculi
 » in fide, v. gr., ne subditi pervertantur, sacra profanen-
 » tur, etc. *Reg. t. 2. l. 21. n. 10. Fill. n. 81.*

» 8. Similiter licet alteri principi, etiam alterius fidei,
 » in bello justo auxilium ferre; nisi tamen sit periculum
 » scandali, incrementi hæreseos, et damni veræ fidei. *Vide*
 » *Con. tr. de char. d. de bello.* »

Quæritur, an liceat regibus catholicis in bello justo contra
 alium catholicum principem in auxilium vocare hæreticos,
 aut gentiles?

Prima sententia universè affirmat cum *Farinac. Themudo,*
Salcedo, Aponte, etc. ap. Salmant. de præc. Dec. tr. 21. cap.
8. punct. 3. §. 2. num. 32.

Secunda sententia tenet, hoc absolutè esse illicitum ex
Exod. c. 34. v. 12. ubi habetur: *Cave ne umquam cum habi-*
tatoribus terræ illius jungas amicitias, quæ sint tibi in
ruinam. Ita *Ramirez, Pizarrus, et alii plures, quos congerit*
Diana p. 10. tr. 2. Addit. Res. 2.

Tertia sententia verò dicit, per se licitum esse advocare
 hæreticos aut gentiles, sed plerumque per accidens esse illi-
 citum ob damna religioni imminencia. Ita cum *Bus. tenent*
S. Antonin. Sylvest. Suar. Coninch, Prado, Tapia, Pal.
et Bon. apud Salmant. ibid. n. 34. Hæc tertia sententia spe-
 culativè est quidem probabilis, sed secunda in praxi videtur
 omninò tenenda cum *Sporer n. 107. et Salm. ibid. n. 35.*
cum Mol. Con. Dian. Prado, Lorca, et Villal. Ratio, quia
 est moraliter impossibile, quòd, contractâ societate cum
 hostibus fidei, præfata damna religioni non obveniant.

407. — » 9. Duces, tribuni, centuriones, alique officiales
 » peccant, tenenturque ad restitutionem: 1. Si pauciores

444 *Lib. 4. Tract. 4. De quinto præcepto decalogi.*

» Habeant milites, quam in solutione stipendii existant. 2.
 » Quando debent ex officio commentum curare, et dare militibus cibum, vel potum corruptum, ex quo morbi oriantur. 3. Si in transitu per regiones accipiant pecunias à
 » variis pagis, ne istis pernoccant, aut morentur. 4. Si omni
 » militi dent plura syngrapha ad domos diversas. *Molin. Dec.*
 » *Dian. p. 6. t. 4. r. 27. et 28. 5. Si stipendium militibus*
 » subtrahentes, permittant eis, ut extorqueant ab innocentibus necessaria.

» 10. Miles, qui in bello, et iusto, et injusto, paratus est mereri stipendia, est in ipso statu, et incapax
 » absolutionis, nisi mentem corrigat; et quidem, si militet
 » in bello injusto, tenetur ad restitutionem damnorum; nisi
 » inculpabilis ignorantia excuset: tunc enim sufficit restitutio
 » eorum, quæ in specie habet, vel eorum, in quibus factus
 » est ditior. *Vide infra.*

408. — » 11. Si vocatus ad bellum sit subditus principis, qui bellum gerit, aut, ab eo ante conductos, non
 » tenetur inquirere de iustitia belli, quamdiu nulla vehemens suspicio occurrat in contrarium, quæ positivè reddat
 » dubium; quia potest præsumere pro suo principe, cui in
 » dubio debet obedire, ejusque auctoritas plerumque illi sufficit ad formandum etiam positivè iudicium probabile de
 » iustitia causæ, ne cum dubia fide operetur, *Vide C. Lugo*
 » *d. 18. de just. s. 1. n. 21. Si verò non sit subditus, tenetur*
 » prius inquirere, et postea saltem probabile formare iudicium, bellum esse justum. *Mol. d. 113. n. 171. Laym. l.*
 » *2. t. 3. c. 12. n. 8. Azor, Mald. Reg. contra quosdam apud*
 » *Dian. t. 2. tract. 3. misc. r. 96. et t. 3. r. 7. Card. de*
 » *Lugo l. c. Escob. e. 7. c. 8.* »

Quæritur, an milites bellare possint cum dubio de iustitia belli? Distinguendum cum *Bus.* si ipsi sunt subditi regis bellum inferentis: tunc, nisi certi sint de belli injustitia, possunt, imò tenentur obedire principi iubenti. Ita communiter *Sanch. Dec. l. 6. c. 5. n. 15. Spor. de V. præc. c. 2. num. 102. et Salm. de eod. V. præc. c. 8. punct. 3. §. 1. n. 29. cum Suar. Mol. Pal. Bann. Salas, et Villal.* Et habetur expressum in *can. Quid culpat, caus. 23. q. 1. ubi S. August.* sic docet: *Vir justus, si fortè sub rege, homine etiam sacrilego, militet, rectè potest illo iubente bellare, si, quod*

ubi jubetur, vel non esse contra Dei præceptum certum est, vel, utrum sit, certum non est. Ratio, quia subditi tenentur obedire, ubi peccatum non est certum; et insuper præsumere debent bellum esse justum, quoties contrarium non constat. Secus verò dicendum de non subditis, qui nequeunt militare, nisi prius certi fiant de justitia belli: ratio, quia, cum agatur de damno tertii, nequit illud inferri, nisi constet de injustitia possidentis. Ita comm. Cajet. 2. 2. qu. 169. art. 2. ad 4. Sanch. Sporer II. cc. et Salm. ibid. n. 30. cum Led. Mol. et Villal. contra aliquos apud Palaum.

De militibus autem alienigenis, stipendio conductis, idem dicendum, quod de subditis; intellige tamen, si reperiantur conducti ante bellum excitatum; nam alioquin, si post bellum indictum conducantur, etiam hi certificari debent de justitia belli. Ita Sporer, et Salm. II. cc. cum AA. citatis.

12. Miles intelligens bellum esse injustum, in quo est, non potest absolvi, nisi velit, quam primum potest, curare dimissionem, et interea abstinere ab actibus hostilitatis, v. gr., cæde, prædâ, etc. Vide Laym. l. 2, t. 3. c. 12. An autem talis possit occidere militem hostilem se invadentem, vide Escob. e. 7. c. 8.

ARTICULUS III.

Quid in bello justo liceat?

409. — **R**ESP. Etsi circa hostes in bello justo liceat ea omnia facere, quæ ad finem belli sunt necessaria; v. gr. occidere, spoliare, etc., innocentes tamen (quo nomine intelliguntur pueri, qui arma gestare non possunt, mulieres, senes, religiosi, clerici, peregrini, mercatores, et rustici) directè vitâ spoliari non possunt; bonis tamen externis possunt, si sint pars reip. hostilis, aliterque finis belli obtineri non possit. Mol. Bec. p. 2. c. 10. 11. et 12. Laym. Fill. n. 191. etc. Ratio est, quia cum sint pars reip. possunt propter hujus delicta puniri in iis bonis, quæ reip. dominio subsunt. (Dicit tamen Sporer de 5. præc. n. 122. quod, transacto bello, restituenda sint ecclesiasticis omnia ablata, nisi ea in usum justi belli absumpta sint).

Tom. III.

Unde resolves:

410. — « 1. Per accidens licet aliquando comburere etiam
» ecclesias, et hostes ex iis extrahere, in iis spoliare, et
» occidere, si v. g. ecclesia, velut castrum, ad repugnandum
» utantur. *Sylv. v. Bellum, n. 11. Sa, Bon. p. ult. §. 3.*

» 2. Contra hostem licet uti insidiis, et stratagematis,
» dummodò absint mendacia: etsi etiam hæc v. gr. quando
» exploratores se fingunt amicos, non sint mortalia. Ea verò,
» ad quæ cavenda nulla prudentia datur, v. gr., veneno
» inficere puteos, aquas, glandes, sunt contra jura belli,
» nec licent. *Mol. d. 3.*

» 3. Fides hosti data servanda est, nisi vel eoactus dede-
» ris, vel in grave detrimentum cederet reip. aut religionis,
» aut si hostes eam non servant: aut denique conditiones,
» ac circumstantiæ planè sint mutatæ. *Duval. Pal. Dian. l.*
» *c. r. 10. Vide etiam Laym. l. 3. t. 3. c. 42.*

» 4. Capti in bello, etiam ex parte capientium justo, nisi
» obstet scandalum, aut specialis promissio, possunt fugere.
» Capti verò in bello, ex parte capientium injusto, et fugere,
» et bona hostium secum auferre possunt. *Laym. l. 2. tr. 3.*
» *c. 12. n. 16. An obsides liceat occidere, vide supra dub. 4.*
» *casus 3.*

» 5. Potest quidem aliquando (rarò tamen, et nonnisi ob
» causas gravissimas) dari urbs in prædam: milites tamen
» privatâ auctoritate prædas agere, aut hostibus damna in-
» ferre non possunt, quia sunt executores tantum, et mi-
» nistri. *Vide Sa, verb. Bellum. Laym. hic tr. 3. c. 42. Fill.*
» *n. 198. Dian. p. 6. t. 4. toto. Dum autem urbs spoliatur*
» *injustè, gregarios milites tantum tenèri ad damnum, quod*
» *ipsi intulerunt, probabile esse docent Dian. l. c. r. 31. ex*
» *Sylv. Nav. etc. item p. 3. t. 3. r. 86. Vide infra tr. 3. c. 2.*
» *d. 3.*

» 6. Milites peccant cum onere restituendi, si à rusticis,
» obliisve, apud quos hospitantur, vel per quorum loca trans-
» eunt, auferant, aut invitis extorqueant, vel etiam donata
» accipiant (nisi constet, ea omninò liberè fieri: siquidem
» donationes illæ plerumque non spontaneæ, sed coactas,
» sunt); præter ea, quæ ex constitutione principis iis debent

» subministrare ; nisi tamen sint in extrema, vel saltem gravi
 » necessitate : *Mol. Con, Pal, Bec. etc. Dian. p. 6. t. 4. r.*
 » 21. » (*Milites tenentur etiam restituere omnia damna, quæ*
infrantur, ab hostibus, et ipsi non impediunt : ita Elbel n.
154. quia ipsi tenentur ex justitiâ damna reip. impedire. Pec-
cant item milites, si aufugiant, victoriâ adhuc non desperatâ,
vel si discedant à castris sine justâ causa ; secus, si disce-
dant ex gravi necessitate ob neglectum stipendium. Elbel n.
180. cum Pal. Laym. Sporer, etc.)

» 7. Repressalia licita sunt his conditionibus : 1. Ut mani-
 » festè constet, cives alterius reip. fecisse injuriâ, 2. Ut
 » superiores illorum, rogati recusent administrare justitiâ.
 » 3. Ut constet eos culpabiliter id recusare. 4. Ut princeps
 » supremus, causâ cognitâ, id concedat. 5. Ut non inferatur
 » plus damni, quàm justâ satisfactio requirit. 6. Ut non con-
 » cedantur in personas ecclesiasticas. *Mol. Dian. p. 4. t. 4.*
 » r. 72. ex 18. aliis.

411. — » Quæres. Ad quem pertineant bona hostibus
 » erepta ?

» Resp. 1. Immobilia cedunt principi, aut reipublicæ,
 » mobilia fiunt capientis, nisi consuetudo habeat ut pars
 » cedat principi, et communitati. 2. Jure cæsareo, nisi con-
 » suetudo sit contraria, bona ablata justo bello, qui ea in-
 » justè possidebant, fiunt capientium, postquam ea in sua
 » prædia deportârunt. *Valent. t. 3. d. 4. q. 3. Mol. d. 18. et*
Hurt. t. 2. d. 169. sect. 12. §. 119. ubi requirit, ut unâ
 » saltem nocte possederint. *Vide etiam Sylv. Bonac. loc. cit.*
 » de peccatis in bello committi solitis. *Trull. l. 2. d. 10. et*
 » seq. *Dian. p. 6. t. 4. r. 23. ubi contra Durand. docet, hanc*
 » sententiam esse in praxi tutam. »

CAPUT II.

DE SEXTO PRÆCEPTO ET NONO :

Non mœchaberis, et non concupisces, etc.

412. — « CONJUNGO hæc duo præcepta, quia utroque idem
 » explicitè, vel implicitè prohibetur, scilicet peccata impu-
 » dicitæ, et luxuriæ. Est autem luxuria inordinatus appeti-
 » tus. »

» tus, vel usus delectationis, seu sensus veneris, qui fit cum
 » commotione spirituum generationi servientium, circa par-
 » tes corporis venereas, ita ut appetitus, vel delectationes
 » aliæ, etsi etiam sensitivæ, aut sensitivarum, si tamen
 » non sint venereæ aut venereorum, nec ad ea ordinentur,
 » non spectent ad luxuriam. Porro actus, seu peccata luxu-
 » riæ distinguuntur in imperfectos in quibus non intervenit
 » ultimus terminus venereorum, quæ est decisio seminis,
 » ut sunt actus interni desideriorum, et oblectationum moro-
 » sarum, qui speciem sumunt ab objectis; et perfectos, ac
 » consummatos, qui terminum jam dictum habent adjun-
 » ctum. Qui rursus sunt duplices. Alii enim sunt naturales;
 » qui naturæ non repugnant, nec specie differunt in ra-
 » tione luxuriæ, (etsi per deformitatem superadditam ali-
 » quando specie differant) v. g. adulterium, incestus, etc.,
 » alii innaturales sunt, seu contra naturam, in quibus con-
 » ditiones à natura institutæ, v. gr. identitas speciei, vas
 » debitum, etc. non servantur. Et hi etiam in ratione luxuriæ
 » differunt specie, quæ in illis variatur secundum modos,
 » quibus committuntur, naturæ repugnantes. »

DUBIUM I.

An, et quanta peccata sint oscula, amplexus,
 tactus, verba obscæna, et similia extra ma-
 trimonium?

- 413 Quæ sit delectatio venerea, quæ sensitiva?
 414 Quomodo sit malus omnis actus venereus?
 415 An detur parvitas materiæ in re venerea?
 416 An detur in delectatione sensitiva?
 417 An oscula aliquando sint licita?
 418 Et quando excusentur à mortali?
 419 De tactu, et aspectu turpi proprii corporis, aut commixtio-
 nis brutorum.
 420 De tactu, et aspectu turpi corporis alieni; ac de tactu genita-
 lium brutorum.
 421 An sit semper mortale aspicere pudenda sexûs diversi? Vel
 pulchri adolescentis? Et an aspectus isti induant speciem
 objecti?
 422 An liceat aspicere partes honestas diversi sexûs?

- 423 *An sit mortale aspicere pectus, crura, etc. mulieris?*
 424 *An sit mortale aspicere picturas turpes?*
 425 *An liceat mulieri se ornare, et faciem fucare? Quid si delegat ubera, vel ulatur veste viriti? Remissivè ad l. 3. n. 52. et 54.*
 426 *Quando peccent graviter proferentes verba turpia?*
 427 *An semper graviter peccent audientes comœdias turpes? An ad eas cooperantes pecuniâ, vel plausu?*
 428 *An illas repræsentantes, et componentes?*
 429 *An liceat choreas ducere?*
 430 *An peccet mulier permittens se tangi? An mulier ad vitandos tactus impudicos teneatur clamare?*
 431 *An liceant tactus, etc. inter conjuges aut sponso?*

413. — **R**esp. Ad id dignoscendum, distinguenda est
 » imprimis intentio, et delectatio venerea, et venereorum
 » ab intentione, et delectatione sensitiva, et sensitivorum
 » aliorum, quæ consistit in quadam proportionem, et confor-
 » mitate rei tactæ cum organo tactûs. Deinde sciendum, in-
 » tentionem, et sensum venereorum esse mortalem, et ex-
 » cludere à regno cœlorum, secundum Apostolum ad *Gal.* 5.

Nunc ægrè materiam illam tractandam aggredimur, cujus vel solùm nomen hominum mentes inficit. Det mihi veniam, quæso, castus lector, si plures quæstiones, et circumstantias, à *P. Busembao* omissas, hic discussas, et declaratas inveniet: utinam brevius, aut obscurius explicare me potuissem! Sed cùm hæc sit frequentior atque abundantior confessionum materia, et propter quam major animarum numerus ad infernum delabatur, imò non dubito asserere, ob hoc unum impudiciæ vitium, aut saltem non sine eo, omnes damnari, quicumque damnantur. Hinc opus mihi fuit ad instructionem eorum, qui moralem scientiam cupiunt addiscere, ut clarè (licèt quo castissimè fieri potuit) me explicarem, et plurima particularia discuterem. Oro tamen studiosos, qui ad munus audiendarum confessionum se parant, ut hunc tractatum de sexto præcepto, quemadmodum et alium de debito conjugali, non legant, nisi cùm fuerint ad excipiendas confessiones jam proximi; legantque ob hunc unicè finem, omnem prorsus curiositatem abjicientes; atque eo tempore sæpius mentem ad Deum elevent, et Virgini immaculatæ se commendent, ne, dum aliorum animas Deo student acquirere, ipsi suarum detrimentum patiantur.

414. — Quamvis sub hoc præcepto non *mæchaberis* tantum exprimatur adulterium, quod propriè significat vox græca *mæchta*; nihilominus omnis actus venereus extra matrimonium eodem præcepto vetatur. Vide *Salm. de VI. præc. c. 1. punct. 4. n. 3.* qui fusè hoc probant cum *S. Aug. et S. Ambr.* Nam, etsi fornicatio minus sit malum quàm adulterium, attamen, quia à lege naturæ copula carnalis tantum ad matrimonium est ordinata, per quod proles non solum gigni, sed etiam benè educari possint, ideò in hoc præcepto Deus prohibuit omnem coitum extra matrimonium, et simul omnem actum venereum, qui ad generationem ordinatur. Præterquam quòd fornicatio jam alibi expressè vetita à Deo invenitur, prout *Lev. c. 19. x. 29. Deuter. c. 23. x. 17. et 1. Cor. c. 6. x. 9.*

« 1. Oscula, amplexus, aspectus, tactus, et similia, si » extra matrimonium fiant, ex intentione actus luxuriosi, » vel ob delectationem veneream, etiamsi non illam perfectam, » quæ est in seminatione, sunt tamen semper peccata mortalia : quia eo animo, extra matrimonium, sunt impudica, » et naturæ suæ talis delectatio tendit ad perfectam, *Fill. t. » 30. c. 9. n. 294. Less. lib. 4. c. 3. d. 8. Sanch. l. 9. d. 46.* »

415. — Quæres, an in genere luxuriæ detur parvitas materiæ? Prænotandum, quòd distinguunt DD. delectationem veneream sive carnalem; scilicet cum commotione spirituum genitalium, à delectatione sensitiva, sive naturali. Hinc duo dubia agitantur :

Dubium I. est, an detur parvitas materiæ in re venerea? *Sanch. de matrim. l. 9. d. 46. n. 9.* secluso periculo pollutionis, vel consensùs in actum carnalem, sentit, dari parvitatem materiæ, prout esset attrectare manum, vel pedem feminae, brachium premere, vellicare, seu intorquere digitos. Et idem tenent *Nav. Sotus, Salas, et plures apud Salm. de VI. præcept. c. 3. punct. 4. n. 79. ad 80.* Idem videtur etiam tenere *Tambur. Dec. de impud. c. 8. §. 1. n. 8. et 9.* Sed *Tamb.* aliâ viâ incedit; distinguit enim cum *Palao* (qui vocat hanc sententiam communissimam), et dicit, non dari quidem parvitatem materiæ in re venerea, in qua quævis parva delectatio graviter est mala; sed dari tamen in materia luxuriæ, quæ latius patet ad sensus tactus. Hinc dicit, tactum levem ex joco, vel cum delectatione non venerea, culpam venialem.

non excedere. His tamen non obstantibus, omnino tenendum est cum *Viva in Trut.* super prop. 40. damna. ab *Alex. VII.* et *Salm. ibid. n. 81.* ac *Moya, et Corella*, quod omnis delectatio carnalis sive luxuriosa, cum advertentia et deliberatione capta, sit mortale peccatum maximè post prædictam prop. 40, quæ dicebat: *Est probabilis opinio, quæ dicit, esse tantum veniale osculum habitum ob delectationem carnalem, et sensibilem, quæ ex osculo oritur, secluso periculo ulterioris consensûs, et pollutionis.* Si enim in osculis non detur materia levis, nec etiam danda est in aliis tactibus cum delectatione carnali. Ratio, quia quævis carnalis delectatio, sive commotio spirituum generationi deservientium est quædam inchoata pollutio, seu motus ad pollutionem. Meritò igitur *Cont. Tourn. de 6. dec. præc. art. 8. concl. 2.* et *Salm. ibid. punct. 3. §. 5. n. 65.* cum *Caj. Bon. Tamb. Lop.* actus suprà relatos, scilicet vellicare manum fœminæ, intorquere digitos, etc. damnant peccati mortalis, ob delectationem carnalem, quæ tunc habetur, vel saltem ob istius proximum periculum. Et meritò pariter *Croix l. 3. p. 1. n. 911.* rejicit opinionem *Arriagæ*, qui dicit non graviter peccare, qui sponte consentit in tales motus leves carnales, sponte obvenientes.

416. — Dubium II. est, an detur parvitas materiæ in delectatione sensibili, sive naturali, nempe, si quis delectetur de contactu manûs fœminæ, prout de contactu rei lenis, putà rosæ, panni seriei, et similis?

Prima sententia affirmat cum *S. Anton. Sylvio, Salas, Nav. Fill. Hart. Moya, et pluribus apud Salm. ibid. §. 3. n. 56.* et adhæret *Dus. infra n. 4. et Cont. Tourn. de 6. præc. art. 7. sect. 2. concl. 1. cum Comit. Baron. Sylvio, et alijs.*

Secunda tamen sententia negat cum *Cajetan. Diana, et alijs apud Salm. ibid. n. 58. ad 40.* Ratio, quia tactus, secundum quod sunt delectabiles juxta sensum tactûs puellæ, vel adolescentis, per se ad pollutionem ordinantur. Et hanc puto omnino tenendam, dum meritò dicunt *Salm. loc. cit. n. 48. cum Fill. Trull. Diana, etc. ac Roncag. de 6. præc. c. 1. q. 2.* primam sententiam non esse practicè probabilem, quia ob corruptam naturam est moraliter impossibile habere illam naturalem delectationem, quin delectatio carnalis et venerea sentiatur, maximè à personis ad copulam aptis, et maximè

si actus isti habeantur cum aliquo affectu, et mora, ut ait *Ebbel. de 6. præc. n. 186.* Hinc rectè dicunt *Sporer de matrim. c. 5. n. 687. cum Sanch. l. 9. d. 46. et communia, ac Croix l. 3. p. 1. n. 804.* regulariter primam sententiam non esse practicè probabilem, quia per se est mortale se exponere periculo consentiendi in delectationem veneream. Excipit tamen *Croix* aliquem, à quo abesset tale proximum periculum. Id verò tantùm admitterem cum *P. Holzmänn de 6. præc. c. 2. n. 706.* in aliquo casu raro, quo per longam experientiam quis esset moraliter certus nullum periculum consensûs sibi imminere; sed hic casus quando erit? Notandum verò aliud esse (ut benè distinguit *Cont. Tourn. de 6. præc. art. 7. sect. 1. concl. 3. Verùm.*) agere propter delectationem capiendam, aliud cum delectatione, quæ consurgit ex qualitatibus corporibus annexis, in qua benè potest dari parvitas materiæ, si delectatio sit merè sensibilis, sive naturalis; modò (addendum) non sistas in ea, sed in tactu delectationem detesteris, aliàs non ageres cum delectatione, sed propter delectationem; quod non potest esse sejunctum à periculo incidendi in delectationem veneream.

« 2. Tales actus sunt ejusdem naturæ cum perfectis, sive consummatis; ideoque in confessione explicandum, utrùm sint habiti cum simili sexu, an diverso; cum libera, an conjugata, cognata, persona sacra, etc. *Less. d. 15. Sanch. l. 1. c. 2.*

447. — « 3. Oscula, amplexus, compressiones manuum, et similia non obscœna, si fiant tantùm officii, » (ut *S. Thomas 2. 2. quæst. 154. art. 4.*) « aut moris patrii, aut moris honesti, vel benevolentiae augendæ causâ, etiamsi delectatio venerea suboriatur (modò in eam non consentiatur), non sunt peccata. *Less. Fill. l. c. n. 171.* » (Ita communiter *S. Anton. p. 2. tit. 5. c. 1. §. 10. et Cont. Tourn. de 6. dec. præc. art. 7. sect. 1. concl. 1. etc. cum Sylvio.*)

Rectè tamen notat *Croix l. 3. part. 1. n. 900.* quòd oscula, etiam habita ex more patriæ, si habeantur cum mora, vel ardore, ordinariè sunt mortalia. Idem ait cum *Sporer* de osculis in ore, vel si quis ore excipiat linguam alterius. Advertit è converso cum *Sanch. etc. n. 902.* quòd osculari pueros (intelligendum de valdè pueris), etiam cum sensibili delectatione, non est ordinariè nisi veniale, quia delectatio illa ordinariè non est nisi naturalis.

418. — « 4. Si verò ista fiant ex aliqua veniali vanitate, » joco, curiositate, levitate, petulantia, imò etiam sensualitate, sive affectu sensuali, ac naturali (dummodò non cum » delectatione venerea, nec ejus causà: et si præter intentionem suboriat, eà repulsà, ac tunc abstinendo ab illis), » venialem culpam non excedunt. *Vide Fill. hic, Less. Sanch. » loc. cit. Dian. p. 4. t. 3. r. 156. Contrarium tamen est » tutius. Vide Trut. l. 6. c. 4. d. 12. num. 8.* » (Sed vide dicta n. 416.)

419. — « 5. Idem dicendum de tactu et aspectu inhonestarum partium corporis proprii, aut commixtionis animalium, non cum animo venereo, sed ex curiositate tantum, » aut levitate, secluso tamen scandalo, et periculo consensus » veneri. » (*Tangere propria verenda ex levitate, aut curiositate per se non est mortale, ut dicunt Salm. de 6. præcep. c. 5. punct. 3. §. 5. n. 68. cum Sanch. et Bon. ac Cont. Tourn. l. c. sect. 2. concl. 1. v. Quæres. cum Sylvio et communi: modò absit turpis delectatio, aut ejus periculum: et fiat obiter, et non repetitis vicibus, ut bene advertit Cont. Tourn. l. c. quia aliàs jam adierit periculum. Hinc non excusatur à mortali, qui cum commotione spirituum, et sine justa causa propria pudenda tangeret. Hinc rectè ait Cont. Tourn. ibid. esse mortalem aspectum propriorum genitalium, si fiat studiosè, et morosè, absque necessitate (ut intelligendum); secùs si breviter, ut Sylvius, et Sanch. ibid. An autem conjux, seipsum voluptuosè tangens, peccet? Vide dicenda de matr. l. 6. n. 936. Morosè autem aspicere commixtionem animalium, periculosum est, ut bene notant Salm. n. 13. et Croix n. 903. Excusantur verò conjungentes equos, tauros, et similes ad procreandam prolem; modò absit animus libidinosus, ut bene ajunt Cont. Tourn. v. Quòd si. Tamb. l. 7. c. 8. §. 2. n. 5. Elbel n. 211. et Holzmann n. 711.) « Imò, si tactus talis, aut aspectus proprii corporis naturali aliquo, ac non malo fine fiat, » ne veniale quidem erit, ut v. gr. si frictione extingueret velis pruritum non venereum: dummodò tamen absit periculum pollutionis, aut consensus in eam, si improvisò » præter intentionem fortè obveniret. *Less. n. 63. Fill. n. 214. » Sanch. l. 9. d. 31.**

420. — « Tactus nudi, et aspectus partium inhonestarum » alterius corporis, maximè diversi sexus, aut concubitus

134 Lib. 4. Tract. 4. De sexto et nono præcepto decalogi.

» humani ex euriostate (nam de necessitate aliud est, etiam
 » secluso affectu venereo) videntur non posse excusari à mor-
 » tali propter gravem indecentiam, et periculum proximum
 » actûs venerei: nisi tamen aspectus fiat ex loco tam remoto,
 » et ita obiter, ut hæc absint. *Sanchez n. 28. et 29. Fill.*
 » *n. 218. Laym. etc.* » (cum *Tamb. et Salmant. loc. cit.*
punct. 1. n. 13.)

Notandum I. quoad tactus impudicos, quòd eos sola neces-
 sitas excuset; hinc medici tangentes, aut aspicientes ex neces-
 sitate pudenda personæ, etiam diversi sexûs, non peccant,
 esto per accidens involuntariam pollutionem patiantur. *Tamb.*
6. Dec. de impudic. c. 3. n. 49. ex communi, et Salm. ibid.
n. 12. et punct. 3. §. 5. n. 68. ex sanct. Thom. 2. 2. quæst.
134. a. 4. et Sporer de matrim. n. 674. Vide dicenda ex n.
481. Hoc speculative verum est: utinam tamen practice me-
diçi in his jugiter non peccarent! Non excusatur autem à
mortali, qui sine tali necessitate tangit alterius pudenda,
etiam personæ ejusdem sexûs, nisi fortè fiat per jocum, aut
ex petulantia, vel curiositate, ut cum Busemb. hic n. 7.
tenent Tamb. Dec. c. 8. §. 2. n. 4. et Croix n. 906. At rectè
Salm. ibid. §. 4. n. 50. hoc neque practice dicunt admit-
tendum, sed tantùm speculative, modò tactus ille fiat levi-
ter, et non ex proposito, neque per aliquod notabile tem-
poris spatium. Quid, si quis tangeret alterius verenda super
vestes? Croix n. 904. cum Sanchez, nec etiam excusat à mor-
tali, nisi faciat ex quadam petulantia, vel cum levi delecta-
tione non carnali. Et id meritò Salm. ibid. n. 49. practice
etiam damnant de mortali, si ita tangantur pudenda diversi
sexûs, etiamsi fiat per transennam, quia valdè periculosum
est. Croix autem n. 902. probabiliter excusat à mortali ancillas
tangentes pudenda puerorum, dum illos vestiunt, nisi cum
mora, aut carnali delectatione hoc agent.

Notandum II. tangere genitalia brutorum non esse ordi-
 nariè nisi veniale, ut dicunt *Croix l. 3. part. 1. n. 903.*
Sanch. de matr. l. 9. d. 46. n. 13. etc. Secùs probabilius
 dicendum, si fieret talis tactus usque ad pollutionem, ut
 dicunt *Croix l. c. Holzm. n. 711. Elbel de 6. præc. n. 211.*
Cont. Tourp. l. c. v. Nostro in fin. et Sporer de matr. c. 3,
n. 697. cum Bon. Salas, et Tamb. (contra Dian. et Sanch.
putantes, hoc non esse mortale). Ratio, quia, licèt hoc

fieret tantum levitatis causâ; tamen est actio per se vehementissimè excitans ad venerem.

Notandum III. cum *Bus. hic n. 7. et Salm. ibid. punct. 1. n. 13.* quoad aspectus, non esse de se mortale, citra periculum consensûs venerèi, aspicere pudenda personæ ejusdem sexûs, nisi aspiciens esset valdè propensus ad sodomiam, ut notant *Salm. loc. cit. cum Sanchez, et Filliue.* vel nisi, adderem, pulcher adolescens aspiceretur nudus.

421. — Sed quæritur 1. an aspicere pudenda personæ diversi sexûs, vel concubitum humanum cum voluntaria delectatione visûs, sit de se mortale? Negant *Caj. et Navar. apud Sanchez de matrim. l. 9. d. 46. n. 21.* quia, dicunt, delectatio ex visu non est talis, sicut ex tactu, ut ad venerea inducat; potest enim quis sistere in delectatione tantum naturali. Sed cum *Sanch. n. 22. et S. Antonin. Gers. Less. Fill. etc. ac Salm. de 6. præcept. c. 3. punct. 1. n. 7. 9. et 12.* omninò dicendum, esse mortale, nisi visio fieret à loco longinquo, et tempore brevissimo; ut *Salm. ibid. n. 13. et Ronc. c. 1. q. 1.* Ratio, quia talis turpis aspectus proculdubio valdè ad luxuriam excitat. Excusant tamen à mortali *Salm. cit. n. 12. in fin.* si absit periculum commotionis, ratione ætatis puerilis, vel etiam senilis, vel frigida complexionis; ad hoc nec admitendum puto, cum saltem ex visu turpi oriatur periculum concupiscendi. Dicunt item *Salm. ibid. n. 13.* virum aspicientem pudenda adolescentium non peccare mortaliter, nisi esset vehementer proclivis ad sodomiam. Sed ego difficulter excusarem à mortali quemcumque deliberatè aspicientem pulchrum adolescentem nudum.

Notant autem *Salm. cit. n. 13. in fine cum Sanch. et Fill.* quòd aspectus peccaminosi induunt, sicut tactus, eandem speciem objecti; et ideo dicunt explicandam esse in confessione qualitatem personæ, quæ fuit turpiter aspecta. Sed hæc doctrinæ veriùs contradicit *Croix l. 6. p. 2. n. 1030.* ubi ait, quòd, qui sine ullo desiderio personam venerèè aspicit, non tenetur dicere qualis fuerit persona: quomodo enim fœmina, aspiciendo turpiter sacerdotem nudum, committet sacrilegium, quod consistit in violatione personæ sacræ, cum ibi nulla violatio intercedat? Et quomodo quis, aspiciens turpiter consanguineam, committet incestum?

422. — Quær. 2. an sit aliqua culpa aspicere partes honestas

personarum pulchrae sensus directi? S. Anton. Less. Tol. Caj. Fill. Dic. de crim. Salm. ibid. n. 2. dicunt, hoc esse per se licitum, prout licitum est aspicere quaecunque res pulchras, ad visum à Deo creatas; idcirco tenent, nullam esse culpam per se, præcisâ curiositate, aspicere mulierem pulchram. Et idem sentit Cont. Tourn. de 6. præc. art. 7. sect. 2. in fin. loquendo de homine sæculari. Sed in praxi puto hoc rarò excusari à veniali, nisi fiat ex urbanitate debita, aut alia justa causa. Secus tamen meritò dicunt, si aspectus esset diuturnus, quia tunc excusari nequit à veniali, nec etiam à mortali, si proximum sit periculum turpis concupiscentiæ, vel morosæ delectationis, quæ procubuit adierit, quando in aspiciendo adest commotio spirituum. Ita Salm. ibid. n. 3. cum Less. Caj. S. Anton. Fill. etc. ac Holzm. n. 742. et Elbel n. 188. Imò valdè meritò ait Ronc. de 6. præc. c. 1. q. in praxi 1. diuturnum mulieris pulchræ aspectum, maximè, si quis inordinato amore erga ipsam afficiatur, non esse sine gravi peccandi periculo. Et idem meritò dicit de diuturno colloquio vano cum puella inordinate dilecta, cui valdè adherent Salm. ibid. n. 22. et eodem tr. 26. c. 7. punct. 2. n. 34. ac D. Thom. saltem propter proximum periculum labendi.

423. — Aspicere autem partes minùs honestas, sed hand turpes, mulieris, scilicet pectus, brachia, crura, secluso periculo lapsus, et modò aspectus non sit diuturnus, ut suprâ, de se non est mortale; ita Nav. in Sum. c. 23. n. 49. Sanchez de matr. l. 9. d. 46. n. 25. Cajet. v. Ornatus, et Salm. ibid. c. 3. punct. 4. n. 13. cum Armill. et alijs. Dictum est, de se, nam benè inquit Holzm. dñt. n. 742. id facillè mortale esso in aspiciente, valdè ad venerationem proclivi.

424. — Aspicere picturas obscenas, tantùm ex curiositate, non est mortale, ut didit Tamb. Dec. c. 8. §. 5. n. 1. si delectatio turpis, et ejus periculum absit. Sed, in praxi, virum morosè aspicientem pudenda mulieris depictæ difficulter puto excusari à mortali, quia difficulter se liberare hio poterit à delectatione turpi, vel ab ejus probabili periculo, ut Elbel n. 198; nisi aspiceret per brevissimum tempus, et in magna distantia, ut benè ait Ronc. c. 1. q. 1.

425. — Quer. 3. an liceat mulieri se ornare? Respondetur affirmativè, si ornet se pro decencia sui statûs, vel juxta morem patriæ. Salm. de VI. præc. c. 3. punct. 1. n. 16. Et

idem, si hoc faciat, ut viro suo placeat, vel ut sponsum reperiat, ut docet *S. Th. 2. 2. q. 169. art. 2.* Mulier autem, quæ sine recto fine se ornaret, eorū peccaret, et quidem graviter, si hoc faceret ad provocandos viros, ut ipsam concupiscant; leviter verò, si faceret tantum ex levitate, aut vanitate. Ita *Caj. Less. Sylv. etc. cum Salmo. l. cit. n. 15. et S. Th. cod. loc.* Et idem dicendum de muliere se suo pingente, ut *Salmo. ibid. n. 16. cum S. Th. dict. art. 2. ad 1. et 3.* qui excusat pariter mulierem, quæ fucaret faciem, ad suam turpitudinem tegendam. Vide alia dicta de scandalo *l. 3. n. 33.* ubi diximus, quod mulier, juxta consuetudinem loci suo se pingens, aut aliquantulum ubera detegens non peccet graviter, per se loquendo, si fortè inde in generali alii scandalizentur. Dubium est, si sciat aliquem in particulari scandalum pati. Vide dicta *cod. l. 3. n. 34.* Mulier autem, utens veste virili, ex se non peccat graviter; sed non raro erit mortalis. Vide *ibid. n. 32. vers. 2. Si femina.*

« 7. Aspectus verò, et subinde etiam (rarius tamen propter
 » periculum adjunctum) tactus ex petulantia, vel curiositate,
 » partium inhonestarum ulterius corporis, ejusdem tamen
 » sexus, citra affectum, et periculum consensūs venerei,
 » excusari posse à mortali, ut v. gr. quando simul aliqui
 » natant, vel se lavant, docent *Laym. l. 3. sect. 4. ex Sanch.*
 » *l. 3. mor. c. 6. n. 12. 13. et n. 27. 28. Trull. d. 12. n. 15.* »
 (Vide det. num. 420.)

426. — « 8. Verba turpia, lectio obsecenorum, spectatio
 » comædiarum turpium, cantiones inhonestæ, gestus, liæteræ,
 » et dona amatoria, si tantum flunt ex curiositate, vel vano
 » solatio, non sunt mortalia; secus tamen, si fiant, vel
 » animo inhonesto; sive venereo, vel cum periculo ruinæ
 » spiritualis sui, vel aliorum. *Sanch. d. 46. q. 3. Fill. t. 30.*
 » *c. 10. q. 3.* »

Quær. 4. an sit peccatum mortale verba turpia proferre?
 Quidquid in hoc puncto diversè DD. sentiant, dicendum:

I. de se non esse malum verba turpia proferre, aut audire
 (idem enim dicitur de proferente, quod de audiente); sed hoc
 pendet ex bono, vel malo fine, quo verba proferuntur. Ita
Sanch. de matr. l. 9. d. 46. n. 34.

Dicendum II. quod loqui turpia ob vanum solatium, sive
 jocum, de se non est mortale. Ita cum *Bus. hic*, et *S. An-*

tonin. p. 2. tit. 3. c. 1. §. 8. ac Sanch. n. 35. cum S. Antonin. Nav. etc. Tamb. c. 8. §. 4. n. 2. nisi audientes sint ita debiles spiritu, ut scandalum patiantur, ut Sanch. n. 36. cum Nav. etc. aut, nisi verba sint nimis lasiva, ut addunt Salm. tr. 26. c. 3. punct. 1. n. 19. Hinc notant num. 20. cum Dicast., dictoria turpia, quæ proferuntur à messoribus, vindemiatoribus, et mulionibus, non esse mortalia, quia ludricè dicuntur, et audiuntur. Ita etiam loquitur S. Anton. l. c. dicens: *Ubi talia verba turpia dicuntur ex quadam levitate ob solatium, quamvis de se non sint mortalia, ... tamen potest esse mortale ratione scandali, ut, cum audientes sint debiles spiritu, ut verba essent multum lasciva. Idem dicendum de facientibus, vel cantantibus cantilenas plenas lasciviis.* Sic etiam dicunt cum Bus. Sanch. n. 44. Tamb. §. 3. num. 1. et Spor. de matr. n. 693. de se esse tantum veniale legere libros turpes ex curiositate, sine turpi delectatione, vel ejus proximo periculo (Sed sedulo satagant confessarii, ut hoc prohibeant, quantum valent, juvenibus, qui ex hujusmodi lectionibus universè magnam animæ ruinam hauriunt). Et idem dicendum de audiente prædicta verba ob vanum solatium, ut Sanch. n. 38. cum Caj. Rectè autem advertit S. Antonin. l. c. quòd audiens turpia cum delectatione deliberata illius turpitudinis, non videtur posse excusari à mortali, sicut qui morosè delectatur in turpi cogitatione, nisi fortè hæc forent inter conjuges.

Dicendum III. cum eodem Sanch. n. 39. esse sine dubio mortale dicere turpia ob delectationem, captam ex cogitatione ipsarum rerum turpium, vel cum periculo talis delectationis, ut rectè addit Tamb. l. c. sive cum periculo gravis scandali, quod frequenter adest, cum talia proferuntur coram juvenibus vel puellis, ut benè advertit Elbel n. 194. Hinc tenent Salm. cit. n. 19. non excusari à peccato gravi, qui nominat pudenda, aut modum copulandi, maxime coram adolescentibus et mulieribus juvenibus honestis. Nominare autem pudenda sui proprii sexûs, coram aliis sexûs ejusdem, puto, communiter loquendo, non esse grave.

Mortaliter etiam utique peccant, qui ob jactantiam narrant sua turpia peccata: et tunc peccant non solum peccato scandali propter audientes, sed facillimè etiam peccato complacentiæ de ipsis peccatis, ut rectè dicunt Salm. cum Dic. ibid. n. 21. Et ideo in confessione explicare debent speciem pec-

cati, de quo se jactârunt. Colloqui autem honestè cum puellis extraneis, de se non est nisi veniale; sed ratione periculi, maximè in conversatione diuturna, potest esse grave, ut diximus n. 422. in fin. cum *Salm. loc. cit. n. 22. Rom. c. 1. reg. 2. in praxi.*

427. — Quæres 2. an sit mortale audire comœdias turpes? Respondetur, quòd si comœdia non sit notabiliter turpis, illam audiens non peccat mortaliter, nisi qui expertus sit suam fragilitatem. Ita *Sanch. de matr. l. 9. d. 46. n. 42.* Si verò in comœdia repræsententur res notabiliter turpes, vel modo turpi, mortale quidem esset illam spectare ob delectationem consurgentem ex ipsis rebus turpibus; veniale autem ob curiositatem tantùm, aut ob vanum solatium, secluso periculo consensûs in turpem delectationem. Ita *Sanch. d. n. 41. et Tamb. §. 5. n. 1. cum Diana, Rodr. Larca, etc.* quidquid sit (ut ait *Tamb.*) de cooperatione (de qua mox agendum) quam quisque afferret suâ pecuniâ, concurrens ad talem repræsentationem.

Nûm autem graviter peccent omnes, qui pecuniâ, vel plausu ad hujusmodi comœdias notabiliter turpes concurrunt, etiamsi sine ipsis comœdia repræsentaretur? Negant *Turrian. Bald. et Baldel. ap. Croix l. 2. n. 259.* Et huic opinioni olim adhæsi. Sed meliùs nunc censeo affirmandum cum eodem *Croix, et Holzm. de charit. c. 4. n. 242.* Ratio, quia isti, etsi materialiter, tamen positivè cooperantur ad actionem graviter peccaminosam; quæ cooperatio non est licita, nisi fiat ex gravi causa necessitatis, vel utilitatis. Et idem rectè dicit *Holzm.* de iis, qui ex officio impedire tenentur, vel etiam qui aliàs impedire commodè possunt. Non damnarem verò de mortali simplices spectatores, præciso periculo turpis delectationis, ut suprà, sine quibus comœdia etiam fieret; isti enim neque essent causa illius turpis repræsentationis, quia non positivè in illam influerent; neque occasio, quia (ut supponitur) etiam sine ipsis comœdia ageretur. Excipe clericos, et religiosos, qui non possunt ibi interesse sine gravi laicorum scandalo. Sic enim rectè docet *Bened. XIV. de Synodo l. 11. c. 10.* Et excipe etiam laicos, sine quibus comœdia non fieret. Nullo autem modo à mortali excusarem adolescentem, qui, absque necessitate, vellet curiositatis causâ hujusmodi comœdiis interesse, nisi quis esset

valdè timoratus, et insuper pluries esset expertus, se, illas spectando, numquam lethaliter peccasse; modò suo exemplo aliis adolescentibus occasionem non præberet hujusmodi turpibus representationibus assistendi.

428. — Certum est autem, repræsentantes, seu componentes has comœdias, notabiliter turpes, nullo modo excusari posse à peccato gravi; ob scandalum aliorum, quamvis non intentum. *Sanch. l. c. n. 42. cum S. Anton. Sylv. Ang. etc.* Nec lucrum quamvis magnum eos excusare potest, ut rectè notat *Tamb. ib.* Nota autem hîc id quod docet *D. Th. 2. 2. q. 168. art. 3. ad 3.* nempe: *Ad omnia autem quæ sunt utilia conversationi humanæ, deputari possunt aliqua officia licita. Et ideo etiam officium histrionum, quod ordinatur ad solatium exhibendum hominibus, non est secundum se illicitum: nec sunt in statu peccati, dummodò moderatè ludo utantur, id est non utendo aliquibus illicitis verbis vel factis, (id est turpibus, vel quæ vergunt in proximi nocumentum, ut explicat in corp.) ad ludum, et non adhibendo ludum negotiis, et temporibus indebitis.... Unde illi, qui moderatè eis subveniunt, non peccant....; si qui autem.... sustentant illos histriones, qui illicitis ludis utuntur, peccant, quasi eos in peccato foventes.* Idem docet *D. Anton. p. 2. tit. 23. §. 14.* ubi explicando verba illa *D. Thom.*, *illicitis verbis aut factis*, dicit: *Si cum verbis turpibus, vel actibus turpia repræsentantibus, tunc est illicitum et mortale.* Vide alia dicta de scandalo *l. 3. n. 56.*

429. — « 9. Choreæ, nisi malo fine fiant, aut cum periculo alios aut seipsum incitandi ad libidinem, vel cum alia circumstantia mala, secundum se non sunt malæ, nec actus libidinis, sed lætitiæ. Quando verò sancti patres eas interdum valde reprehendunt, loquuntur de turpibus, et earum abusu. Vide *Caj. v. Choreæ. Fill. n. 223.* » (*Choreæ, ut docet S. Anton. p. 2. tit. 6. c. 6. per se licitæ sunt, modò fiant à personis sæcularibus, cum personis honestis, et honesto modo, scilicet non gesticulationibus inhonestis.* Idem dicunt *Salm. de 6. præcep. c. 3. punct. 1. n. 17. et 18. cum Azor, Cajet. Fill. Bon. etc.* In choreis autem leviter apprehendere manum fœminæ, vel non erit culpa, vel ad summum venialis, ut notat *Caj. ib. Sum. v. Choreæ: et consentit probabiliter Sporer de matr. c. 3. n. 694. Velitum*

autem fuit clericis à Trid. sess. 24. de Reform. c. 12. choreis illicitis assistere, saltem illas ducere. Vide Salm. ib.

• 10. Exhibentes comœdias turpes, item facientes libros aut picturas (1), incitantes ad libidinem, peccant mortaliter, quia sunt ruina proximi; cum moraliter certum sit, multos inde ad peccatum incitandos. Fill. n. 241. Similiter magistratus, qui permittunt, ut exhibeantur turpes comœdiæ, peccare mortaliter docet Hurl. et concedit Bald., si auctoritatem illis præstent, eas approbent, vel foveant: addit tamen, eos posse aliquando excusari, si ad majus malum impediendum non puniant, et tantum tolerant. Vide Diana p. 5. t. 15. r. 82.

450. — « 11. Persona soluta, permittens se tangi ab alia, tactu, qui vulgò censetur pudicus, ut prehensio, con-trectatio manûs, amplexus, et oscula juxta morem patriæ, non peccat, nisi ei constet fieri pravo affectu; huic enim cooperari non licet. Docet tamen Filliucci, etiam tunc admitti posse, ne tangens infametur. » (Sive, ne suspicionem infamiæ ingerat, vel ne alii scandalizentur. Ita Cont. Tourn. de 6. præc. art. 7. sect. 1. concl. 4. R. ad 2. cum Sylvio et Salm. loc. cit. punct. 5. §. 5. n. 62. cum Sa, Azor, Caj. Bon. Tenetur tamen resistere, si tactus fiant clam, et certum sit malitiosè fieri. Salm. ibid. Tamb. §. 4. n. 25. Croix lib. 2. n. 249.) « Admittens autem tactus impudicos (ut mamillarum et obscœnarum partium) vel oscula furtiva » (ut dicunt etiam Salm. d. n. 62.) « et morosa, vel indecentia, peccat: quia præsumitur affectus malus. Vide Fill. tr. 50. n. 169. et suprâ lib. 2. c. 4. dub. 2. »

Utrùm autem mulier, vi oppressa, ad vitandos impudicos tactus alterius, teneatur etiam clamare, si oporteat? Affirmant Salm. ibid. n. 63. cum Caj. ex communi, ut asserunt; et probant ex Deut. c. 22. v. 24, ubi damnatur ad mortem puella, quia non clamavit, cum esset in civitate. Sed valdè probabiliter dicit Nav. Summ. cap. 16. n. 1. Soto de just. l. 5. q. 1. art. 5. et Bon. de VI. præc. q. un. n. 10. cum Reg. non tenèri mulierem ad clamandum cum peri-

(1) « Et idem, inquit S. Alphonsus in Hom. Ap. tr. 9. n. 8 puto dicendum de iis, qui eas domi retinent expositas omnium aspectui. »

culo notabilis damni, sive infamiæ, vel nimis verecundiæ; quia tunc, si aliter jam resistat quantum potest, non tenetur cum tanto suo incommodo vim repellere (1). Excipe, si adsit periculum proximum consentiendi. Nec obstat textus Deuteronomii supra relatus; nam præceptum illud erat præceptum judiciale, pertinens quidem ad iudicium externum, in quo damnari præcipiebatur puella quæ violata fuisset, et non clamasset, *cum esset in civitate*; quia præsumebatur ipsa (ut commentatur *Corn. à Lap.*) *stupro consensisse, et ideo non clamasse*. Et idem sentiunt *Menoch. et Gordon. cum Philone apud Calmet*, super textu citato. Præterea nemo dubitat, quin omnia præcepta judicialia veteris legis jam omnino cessaverint per præcepta judicialia perfectiora legis evangelicæ, ut probat doctus *Frassen. t. 6. de leg. d. 3. art. 2. q. 4. concl. 1. in fine*. Non negandum tamen, quod, si mulier sit in periculo proximo consentiendi in copulam, ob experientiam antea actam, vel ob sui cognitam fragilitatem, teneatur utique clamare ad se liberandam ab illo congressu. An autem mulier oppressa teneatur potius pati mortem, vi repellendo invasorem suæ pudicitiae, quam permittere copulam? Duplex est sententia, *ut diximus n. 568*. At negativa, quam tenent *Sôt. Nav. Tolet. et alii*, potius speculative, quam practice est probabilis.

451. — « Quæres, an, et quatenus liceant tactus, et aspectus, etc. inter conjuges, vel sponsores?

» Resp. 1. Conjugibus licent, si referantur ad copulam, ad hanc enim licitè se excitant. Alio autem fine, v. gr. voluptatis causâ si fiant, sunt peccata venialia: quia matrimonium eos cohonestat, ac defectus debiti finis non est mortalis; nisi tamen habeantur cum periculo pollutionis: quæ, cum iis sit illicita, eo casu erunt mortalia, regulariter saltem. » *Sanct. l. 9. d. 46. n. 7. Fill. n. 357. et alii. (Vide l. 6. n. 952. ad 936.)*

» Resp. 2. Sponsis tactus impudici non licent; pudici verò in partibus honestis licent, si ex iis tantum intendant delectationem sensitivam; secus, si veneream; *Sanct. l. c. n. 50. etc. Bonac. p. 9. num. 6. etc.* » (*Sed vide dicenda l. 6. n. 854.*

(1) Contraria tamen sententia, ut tutior est consulenda, ex *Hom. Ap. tr. 9. n. 6.*
Edit.

DUBIUM II.

Quæ sint species luxuriæ consummatæ naturales.

- 432 *An fornicatio sit velita de jure naturæ?*
 433 *An peccet mulier non resistens turpi congressui ob metum mortis si non consentiat?*
 434 *An permitti possint meretrices?*
 435 *Circa concubinatum quæritur I. An possit absolvi, qui nequit ejicere concubinam sine infamia?*
 436 *Quær. II. An absolvi possit promittens, se concubinam ejecturum?*
 437 *Quær. III. An possit absolvi concubina ob necessitatem non discedens?*
 438 *Quær. IV. An qui est in proxima occasione, causâ exercendæ artis? Quid verò, si is, adhibitis remediis, semper eodem modo recidat?*
 439 *Quær. V. An famula peccans cum domino?*
 440 *Quær. VI. An uxor peccans cum viro?*
 441 *Quær. VII. An tollenda occasio etiam cum gravi damno?*
 442 *Quæ sint pænæ pro concubinatu, præsertim pro clericis?*
 443 *An stuprum sit speciale peccatum?*
 444 *Ad quid teneatur raptor?*
 445 *Quid de adulterio?*
 446 *An sit adulterium copula sodomitica inter conjuges?*
 447 *An copula habita inter desponsatos?*
 448 *Circa incestum quæritur I. An omnes incestus sint ejusdem speciei?*
 449 *Qu. II. An differant incestus cum affinibus?*
 450 *Qu. III. An incestus cum cognatis spiritualibus?*
 451 *Qu. IV. An sit speciale peccatum copula confessarii cum penitente? Quid, si sit ejus parochus?*
 452 *Qu. V. An committant incestum propinqui copulantes post dispensationem?*
 453 *An soli tactus incestum constituent?*
 454 *Quomodo committatur sacrilegium per peccatum turpe?*
 455 *Circa sacrilegium personale quær. I. An sacerdos simul religiosus, lædens castitatem, committat duo sacrilegia?*
 456 *Qu. II. An copulans cum alia persona sacrata?*
 457 *Qu. III. An committat sacrilegium habens votum castitatis si inducat alterum ad turpia? Quid, si morosè delictetur, de peccato alterius?*
 458 *Circa sacrilegium locale, qu. I. An sit sacrilegium copulæ occulta, vel maritalis in ecclesia?*

164 *Lib. 4. Tract. 4. De sexto et nono præcepto decalogi.*

459 *Qu. II. An sint sacrilegia tactus impudici habiti in ecclesia?*

460 *Quæ comprehendantur per locum sacrum?*

461 *Qu. III. An verba et aspectus lascivi, habiti in Ecclesia, sint sacrilegia?*

462 *Qu. IV. An cogitationes turpes?*

463 *Circa sacrilegium reale quæritur, quando committatur?*

432. — **R**ESP. Eæ dicuntur, in quibus fit commixtio
» eo modo, quo natura instituit: v. gr. quando servantur
» sexus diversus, species eadem, vas, et modus naturalis, etc.

*Unde resolvitur, tales esse has sequentes, quæ ideo in
confessione sunt exprimendæ.*

» 1. Est fornicatio, quæ est concubitus soluti cum soluta
» (hoc est, quæ sit libera à voto, matrimonio, religione) ex
» mutuo consensu. Ad hanc reducitur: 1. Concubinatus, qui
» est fornicatio continuata. Unde concubinarius (sicut et mere-
» trix) ordinariè non debet absolvi, nisi dimissâ concubinâ,
» aut muliere suspectâ cujus retentio scandalum daret, licèt
» cum ea non peccaret. *Sanch. lib. 1. mor. cap. 8. Nav. cap.*
» *5. Fill. tr. 50. c. 2. n. 56. 2. Congressus cum alterius sponsâ,*
» quæ est fornicatio intra eandem speciem gravior, et in
» confessione aperienda; saltem respectu sponsæ, ut docet
» *Rodr. tr. 5. c. 109. Sanch. de matr. t. 1. l. 1. dub. 2. num.*
» *6. Fag. t. 1. l. 4. c. 3. Fill. l. 2. tr. 50. c. 2. num. 52. contra*
» *Covarr. Vivald. Led. Azor, quorum sententiam (etiam re-*
» *spectu sponsæ) probabilem, et in praxi tutam censet Dian.*
» *p. 1. tr. 7. resp. 5.*

Attende hic prop. 23. damn. ab *Alex. VII.* quæ dicebat:
Qui habuit copulam cum soluta satisfacit confessionis præ-
cepto, dicens: commisi cum soluta grave peccatum contra
castitatem, non explicando copulam.

Deinceps notandum, proculdubio fornicationem vetitam
esse de jure naturæ, cum natura ordinet copulam tantum
ad matrimonium, quo non solum proles generari, sed etiam
benè educari possit. Ideo fornicatio semper est intrinsecè
mala licèt aliquando per accidens à fornicario proles benè
educaretur. Ratio, tum quia in hoc ob magnum periculum

hallucinationis, causâ nimiae delectationis facillimè errari potest; tum quia natura considerat, quæ communiter non quæ per accidens eveniunt; tum quia de se est contra jus naturæ carni rationem subijcere, ut accidit in fornicatione ob delectationem actûs. In matrimonio autem, esto eadem delectatio interveniat, Deus tamen speciali providentiâ disponit, ut talis deordinatio absit. *Vide Ronc. de VI. præc. c. 1. q. 2.*

453. — Quæritur hic 1. an peccet graviter mulier non resistens turpi congressui alterius ob metum mortis, quamvis non consentiat? Alii omnino affirmant, quia talis immobilitas esset quædam cooperatio voluntaria, cum possit se agitando congressum aliquo modo impedire. Ita *Lugo de just. et jure disp. 10. n. 197. Ronc. ib. q. 3. cum Fill. Azor*, quos saltem in praxi puto sequendos. Alii verò negant. *Vide dicta n. 568.*

454. — Quær. 2. an permitti possint meretrices?

Prima sententia probabilis affirmat, eamque tenent *Salm. de 6. præcept. c. 2. punct. 4. n. 84. cum S. Thom. Cov. Trull. Led. etc.* huicque clarè adhæret *S. Aug. l. 2. de ord. c. 4.* Ratio, quia demptis meretricibus, pejora peccata evenirent, nempe sodomiae, bestialitatis; mollitierum, præter prævaricationem mulierum honestarum; ideò *S. Aug. loc. c.* ait: *Aufer meretrices de rebus humanis, turbaveris omnia libidinibus.*

Verùm *secunda sententia*, practice probabilior, negat; et hanc tenent *Ronc. de 6. præc. c. 2. q. 6. Nav. man. c. 17. n. 195. cum Cornel. Gutt. et aliis ap. Salm. ibid. n. 83.* Ratio, quia per meretrices hæc mala graviora non evitantur, eò quòd in hominibus luxuriosis ex facili et frequenti cum meretricibus congressu libido altiores figit radices; et ideò, cum hoc vitium frequentia magis augeatur, ipsi non desinunt committere pollutiones, et peccata nefanda, saltem cum ipsis meretricibus, nec ideo se abstinere à sollicitandis fæminis honestis. E converso, permissione meretricum innumera alia mala superaddunt, nempe plures puellæ prostituuntur, adolescentes parentes parvipendunt, bona dissipant, studia scientiarum negligunt, rixas excitant honestas nuptias respuunt. Cæterum, benè advertit et probat *P. Sarnelli in suo Opusculo de abusu meretricii*, quòd, licet in vastis urbibus meretrices permitti possint, nullo tamen modo in aliis locis permittenda sint.

43. — Concubinatus autem propriè est concubitus soluti cum soluta (impropriè verbò cum uxorata vel uxorato); dummodò habeantur invicem uxorio modo, sive in unamet domo, sive in alia, ut constat ex stylo Curiae Romanae, et ex concilio Tridentino sess. 24. c. 8. de Ref. matrim. Nota hic, ante omnia, prop. 41. proscriptam ab Alex. VII. quæ dicebat: *Non est obligandus concubinarium ad ejiciendam concubinam, si hæc nimis utilis esset ad oblectamentum concubinari, vulgo regalo, dum, deficiente illa, nimis ægrè ageret vitam, et aliæ epulæ tædio magno concubinarium afficerent, et alia famula nimis difficile inveniretur.* Item nota alias tres prop. damnatas ab Iann. XI. 61. *Potest aliquando absolvi, qui in proximâ peccandi occasione versatur, quam potest, et non vult omittere, quin imò ex proposito quærit, aut ei se ingerit.* 62. *Proximâ occasio peccandi non est fugienda, quando causa aliqua utilis, aut honesta non fugiendi, occurrit.* 63. *Licetum est quærere directè occasionem proximum peccandi bono spirituali, vel temporali nostro, vel proximi.*

Hinc quæritur I. An aliquando possit absolvi concubinarium, qui concubinam ejicere è domo non posset sine scandalo, aut infamia? Communiter loquendo non est absolvendus, ut cum Bus. dicunt Salm. tr. 26. c. 2. punct. 2. §. 1. n. 27. Ratio, quia in diuturno concubinato est moraliter impossibile, rem aliis non fieri notam. Non negant tamen Salm. ib. in aliquo casu rarissimo cum posse absolvi; putà (ut ait Spor. de pœn. n. 329. cum Gob.) si aliter non possit vitari grave damnum famæ, vel fortunarum, juxta dicenda de pœnit. n. 435. Sed eo casu dico; omninò expedire, ut saltem differatur absolutio, donec experimento probetur continentia pœnitentis; nisi casus esset, quòd pœnitentis (satis aliàs dispositus, ut supponitur) non ampliùs redire posset ad peccata confitendum; vel si immineret necessitas communicandi, ad vitandam positivam infamiam.

436. — Quær. II. An, extra prædictum rarissimum casum infamiæ, aut scandali, possit absolvi concubinarium, antequam concubinam dimittat, si sedulò se eam dimissurum promittat? Alii concedunt pro prima, vel secunda vice, ut Diana, Sancius, Megala, et F. Ant. à Sp. S. apud Salm. ibid. n. 28. Alii omninò negant etiam pro prima vice,

quando occasio est proxima. Ita Nav. Pal. Azor, Tol. Fill. etc. cum Diana, se revocante ap. Salm. *ibid.* n. 31. Alii denique, ut Salm. *loc. cit.* n. 32. cum Trull. Sylv. Rodr. Lop. distinguunt sic: Si concubinarius est publicè notus, minimè est absolvendus, etiamsi det signa magni doloris; nisi concubinam dimittat, aut nisi postquam (concubinâ extra domum degente) per aliquod tempus notabile ad eam non accesserit. Ratio, tum quia scandalum pareret, vidère eum, qui adhuc domi concubinam retinet, vel ejus domum frequentat, ad Eucharistiam accedere; tum quia publicus peccator non debet absolvi, nisi etiam publicè pœniteat, et scandalo satisfaciat. *Vide dicenda lib. 6. num. 312.* Si verò concubinarius est occultus, nec etiam absolvi potest; nisi in aliquo casu raro: puta, si vir nobilis doleat profusis lacrymis, vel post terribilem concionem auditam, vel si confiteatur territus morte socii, vel si magnum periculum mortis evaserit. Ita Lugo de pœn. d. 10. sect. 10. n. 131. et Salm. *ibid.* n. 54. cum Pal. Laym. Dic. Trull. etc. Hoc tamen tantum admittendum puto, quando est moraliter impossibile, quòd concubina ante absolutionem brevè dimitti possit; vel quando urget necessitas communicandi ob vitandam magnam infamiam, juxta mox dicta n. 455. in fine. Nam aliàs semper absolutio est differenda; quia experienciâ nimis constat, quòd, obtentâ absolutione, difficulter occasio postea auferitur, et sic facillimè reditur ad vomitum. *Vide dicenda l. 6. n. 456.*

437. — Quæritur III. An concubina, quæ à concubinario sustentatur, possit absolvi, antequam à domo illius discedat? Rectè negant Salm. tr. 26. c. 2. punct. 2. §. 2. n. 43. Excipiunt tamen *ibid.* n. 44. primò, si ex discessu ei grave eveniret damnum, puta infamiae, vel aliorum scandalum. Secundò, si fœmina nequiret manuum labore se alere, aut in alia domo deservire, aut mendicare sine dedecore, aut alio gravi incommodo. Emendicare autem illi, quæ non est ad id assueta, semper magnum incommodum afferre videtur, ut ait Hurt. apud Salm. *loc. cit.* Sed in his casibus regulariter semper etiam est differenda absolutio.

438. — Quæritur IV. An possit absolvi, qui, causâ artis licitæ exercendæ, est in proxima occasione peccandi? Probabiliter respondent Suar. t. 4. in 5. p. d. 32. sect. 2. Cajet.

v. *Periculum, et Salm. ibid. n. 46. cum Cand.* posse quidem absolvi, si ille esset moraliter impotens ad officium suum deserendum, et peccaret, non ex vi occasionis, sed ex propria fragilitate, et inde ostenderet signa veræ poenitentiae, cum proposito occasionem cavendi, quantum potest. Hinc communiter possunt excusari à deserenda occasione, qui, ratione officii, cum foeminis versando peccant, ut dicunt *Nav. c. 3. n. 8. ac Graff. Jann. Hurt. Lopez, etc. cum Salm. loc. cit. num. 47. et Milant. in prop. 61. Innoc. XI.* Idem dicitur de chirurgis, qui, foeminis medendo, sunt in occasione peccandi. *Salm. ib. cum Sanch. Nav. Hurt.* Idem de parcho, qui, in audiendis foeminarum confessionibus, voluntariè se polluit: hi possunt absolvi, quin officium deserant; secus tamen dicendum de confessario simplici, qui tenetur abstinere à confessionibus excipiendis, nisi forte ex hoc infamiam subiret. *Salm. ibid. n. 48. cum Pal. Nav. Hurt. etc.* Potest etiam absolvi foemina, quæ vivit hospitando, et peccat occasione hospitandi, et ideo cadit cum diversis; et etiam cadit cum aliquo particulari, modò proponat inde evitare sola cum solo conversari. Ita *Salm. ibid. n. 49. cum Nav. et Trull.* Si tamen adhuc, remediis adhibitis, peccans eodem modo relabitur, nulla apparente probabili spe emendationis, tunc nullo modo absolvenda, nisi occasionem deserat, vel specialia signa doloris exhibeat, juxta dicenda de poenit. l. 6. n. 437.

439. — Quær. V. An possint absolvi famulae cum heris peccantes, si etiam antea cum eis peccaverint? Si illæ bis, vel semel tantum peccaverint, et post admonitionem confessarii occasionem tollere curaverint, tunc absolvi possent rectè dicunt *Salm. tr. 26. c. 2. punct. 2. §. 2. n. 50.* Secus, si occasionem removere neglexerint. *ib.* Quare numquam eas absolverem, si peccatum fuerit frequens; nisi in casu gravis necessitatis, proposito suprà in quæst. III. Ac ipsæ essent sufficienter dispositæ, juxta dicenda l. 6. n. 439. Et etiam in eo experimentum quærerem.

440. — Quær. VI. An possit absolvi uxor, si ipsa est in occasione proxima peccandi cum suo viro, qui eam contra naturam cognoscat, vel prostituat? Respondetur negativè cum *Salm. ibid. n. 52. cum Sanch.* Tenetur enim tunc di-

corium facere; sed hoc intelligendum, nisi ad hoc sit moraliter impotens, ut dictum est in *qu. IV. ut supra.*

441. — *Quer. VII.* An quis teneatur tollere occasionem proximam peccandi cum concubina; etiam cum suo gravi damno temporalis; puta, si amasius debitor esset concubinae in magna summa? Negant *Tancred. Sanctius, et Anton. de Sp. S. apud Salm. ibid. n. 57.* Sed contrarium omnino tenent *Salm. loc. cit. n. 58.* quia damnum spirituale magis quam temporale, praecavendum est. Verum haec ratio, si hic valeret, valere deberet etiam pro casibus supra allatis *quest. III. et IV. ubi idem Salm. probabiliter excusant aliquando eos, qui ad grave damnum evitandum occasionem non deserunt.* Quapropter primam sententiam probabilem censeo, si amasius non posset solvere sine magno detrimento suae famae, vel sui status, ita ut ille in gravem necessitatem redigeretur; *vide dicenda lib. 6. n. 455.* Sed in omnibus his casibus expedit omnino, ut differatur absolutio usque ad emendationem; *vide eodem lib. 6. n. 456.*

Plura hic adduntur scitu utilia in hac materia.

442. — *I. A Concil. Trid. sess. 14. c. 8.* indicta fuit pro concubinatu poena excommunicationis ferendae post tertiam monitionem, et insuper poena electionis extra oppidum, vel diocesim, implorato brachio seculari. *II.* In crimine hoc, cum sit mixti fori, procedi potest tam a laicali, quam ab ecclesiastico iudice. *III.* Clericus concubinarius ex Conc. Trid. sess. 25. c. 14. post primam monitionem privatur tertia parte fructuum beneficii; post secundam vero privatur pensionibus, et beneficii administratione; deinde post tertiam omnino beneficio expoliatur; denique excommunicatur, et tunc potest etiam curiae saeculari ab Episcopo tradi. *Vide Salm. c. 2. n. 60.* Probabiliter autem non privatur tertia parte fructuum (ut dictum est) clericus, qui etiam post monitionem tantum semel peccaverit. *Salm. ibid. punct. 3. n. 64.* Notandum autem 1. nomine fructuum non comprehendi distributiones quotidianas, ut a S. C. fuit decisum apud *Salm. ibid. n. 66.* Notandum 2. poenas pecuniarias hujus criminis ad pios usus ab Episcopo applicandas esse. *Salm. eodem loc. n. 67. in fin.* Notandum 3. quod clericus non privatur fructibus beneficii, nisi post sententiam. *Salm. ibid. item. 68.*

Utrum autem clerici concubinarij publici, sint etiam ipso jure suspensi? Affirmant *Barbos. S. Apton. Nav. Sylv. etc. apud Salm. loc. cit. n. 70.* dicentes, ipsos incurrere talem suspensionem tam ab officio, quam à beneficio *ex c. Sacerdotes, dist. 50. et sic declaratum esse à S. C. Concilii.* Sed negant probabiliter *Sot. in 4. d. 5. q. 5. a. 6. Fill. tr. 27. cap. 7. n. 124. ac Trull. Suar. et Fag. ap. Salm. ibid.* qui huic sententiæ adhærent. Ratio, quia de tali suspensione non constat; imò potius probatur oppositum *ex Trid. l. cit. ubi dicitur, quòd si clericus concubinarius secundæ monitioni non paruerit, ab Episcopo suspendatur ab administratione beneficii; ergò supponit concilium, nullam esse suspensionem antè ipso jure latam.* Ad declarationem autem S. C. respondent, eam non esse authenticam, et, etiamsi esset authentica, aliam non habere auctoritatem, quàm sententia probabilis doctorum, juxta dicta *l. 1. n. 106,*

443. — « 2. Stuprum, hoc est defloratio virginis, ipsa » invitâ; quia, si consentiat, erit tantum fornicatio simplex, » nec circumstantia in confessione aperienda, ut probant » *Less. et Sanch. l. 7. dis. 42. contra Nav. Azor, et alios.* » *Et cum Bus. et Sanch. consentiunt Salm. de VI. præc. c. 4. punct. 1. n. 4. et Ronc. c. 5. q. 2. cum Barb. Bon. etc. Dicunt autem Bon. et Salm. ibid. n. 13. cum Less. Fill. Diana, quòd fornicatio cum virgine consentiente potest esse aliunde speciale peccatum, scilicet ratione infamiæ, vel mœroris parentum, vel rixarum, odii, etc.* Vide dicenda de sponsalibus, l. 6. n. 487.

444. — « 3. Raptus, cum scilicet persona aliqua (sive » masculus, sive fœmina, sive nupta, sive innupta) libidi- » nis causâ abducitur, illatâ vi, sive abductæ, sive iis, » quorum potestati subest. » (*Scilicet parentibus, aut tuto- ribus, aut viro; non autem si sint fratres, et mulier sit sui juris. Ronc. q. 5. cum Mol.*) « Si quæ tamen spontè discedat » cum amasio, in sciis parentibus, non erit propriè raptus, » sed fuga, non addens malitiam specie distinctam forni- » cationi. *Lug. d. 16. n. 137. Filliuc. n. 10. Vide Bon. Idem dicit Diana p. 1. tom. 7. r. 37. ex Lessio, lib. 2. cap. 19. d. 1. Sanch. de matr. l. 7. d. 4. num. 5. etc.* »

Ex Tridentino Sess. 24. cap. 6. raptor tenetur mulierem

ducere, aut dotare; nisi mulier sit meretrix, aut malæ famæ. Quando tamen adest raptus cum violentia mulieris invitæ, matrimonium semper est nullum; etiamsi cum rapta sint sponsalia contracta. Constituunt raptum etiam preces importunæ. Num autem etiam dolus? *Vide Salmant. ibid. punct. 3. num. 28. Vide alia de matrim. lib. 6. n. 1107. et 1108.*

445. — « 4. Adulterium, cum scilicet uterque, vel alteruter coeuntium est conjunctus matrimonio, etiamsi adulterantis conjux sit contentus: esto enim tunc illi non fiat injuria, fit tamen ipsi statui, sacramento, et huic præcepto. Quod si femina adulterans sit conjugata, gravius habetur, quam si vir, propter incommoda graviora, v. gr. damnum hæredis, prolis incertitudinem, etc. Si verò uterque sit conjugatus, adhuc gravius est, quia sunt duæ injuriæ in utriusque conjugem, in confessione ex-primendæ. *Fill. t. 26. c. 4. n. 85. et 89.* »

(*Nota hic prop. 50. damn. ab Innoc. XI. quæ dicebat: Copula cum conjugata, consentiente marito, non est adulterium; adeoque sufficit in confessione dicere, se esse fornicatum.*)

446. — Qui sodomiticè uxorem cognoscit, probabilius etiam adulterium committit, quia est contra bonum datæ fidei, ut *Sanch. de matrim. lib. 9. d. 18. n. 4. Ronc. c. 4. q. 3. cum Azor, etc. Salm. de VI. præc. cap. 3. punct. 2. num. 13. cum communi contra paucos.* Et debet explicari, sodomiam commissam esse cum propria conjugē; ut *Salm. ibid. n. 17.*

447. — An verò sit adulterium, copula habita cum desponsata per verba de futuro? Probabilius negatur cum *Sanch. de matr. lib. 1. d. 2. n. 2. Salm. d. cap. 3. n. 11. Ronc. ibid. q. 3. Censent autem Ronc. et Salm. de matr. cap. 1. punct. 1. n. 11.* quod si unus ex sponsis cum alia persona fornicetur, debet aperire in confessione circumstantiam sponsalium, tamquam mutantem speciem, ratione injuriæ alteri illatæ. Probabile verò satis est cum *Trull. Pont. Dian. Covarruv. Lugo, Sanch. et Laym.* esse tantum circumstantiam aggravantem, cum sponsus per sponsalia nullum acquirat jus in corpus alterius. *Vide hoc de matr. l. 6. num. 847.*

448. — « 5. Incestus, hoc est congressus cum consanguinea, vel affine, usque ad quartum gradum, eo gravius peccatum, quo gradus est propinquior, quem proinde in confessione exprimere, saltem securius est, ut habet *Nar. c. 6. C. Lugo disp. 16. n. 512.* sicut etiam multò gravior est incestus cum consanguinea, quàm cum affine in eodem gradu, v. gr. cum matre, quàm cum noverca; cum sorore propria, quàm cum sorore uxoris; et rursus gravior est cum affine, quàm cum cognato spirituali, vel legali. Addi verò debet, si in primo gradu fuerit, utrum cum matre, an cum filia, an sorore, *C. Lugo loc. cit. et Escob. de actibus humanis, e. 2. c. 6.* ubi ex *Hurlad. d. 9. de pœnit. diss. 4.* probabile dicit, incestum in eodem gradu, et linea ejusdem esse speciei (eò tamen graviorem, quò gradus est vicinior stipiti), et satis esse dicere, habui rem cum consanguinea in linea recta. Ad hanc speciem revocatur, tamquam analoga, fornicatio cum filia confessionis; cum propriè non sit cognatio spiritualis, quam tamen circumstantiam in confessione exprimendam esse probant *Sanch. l. 7. de matr. d. 55. Con. d. 32. Fagund. et cæteri* probabiliter contra *Sa, v. Confessio, et Dian. Vide Lugo n. 555.* »

Ad majorem horum claritatem,

Quæritur I. An omnes incestus quoad gradus sint ejusdem speciei? *Vide dicenda de Sacr. pœnit. lib. 6. n. 470.* ubi hoc sat probabiliter affirmatur (excepto tantum primo gradu consanguinitatis in linea recta) cum *Caj. Sot. Lug. Bon. etc. cum D. Thom.*

449. — Quær. II. An incestus cum consanguinea differat specie ab incestu cum affine? utraque sententia est probabilis.

Prima cum *Croix l. 6. p. 2. n. 1075. Caj. Lugo, Dian. ex S. Th.* negat, quia in utroque casu contra reverentiam conjunctis debitam pariter peccatur.

Secunda sententia cum *Vasq. Dic. et aliis ibid.* affirmat; ratio istorum, quia videtur totaliter diversa reverentia debita ob sanguinis conjunctionem, quàm ob conjunctionem affinitatis. *Vide dicenda l. 6. n. 469.*

450. — Quær. III. An incestus inter cognatos spirituales sit diversæ speciei, quàm inter consanguineos, et affines? Absolutè affirmandum cum *Salm. tr. 26. c. 5. punct. 5. n.*

59. et S. Th. qui 2. 2. q. 154. art. 10. ad 2. docet, per copulam inter cognatos spirituales committi sacrilegium ad modum incestus. An autem tunc sit explicandus gradus cognationis? Affirmant Salm. ib. n. 40. sed probabilius negat Croix n. 1078. Pariter incestus inter cognatos legales, nempe ratione adoptionis, est diversæ speciei ab aliis enuntiatis, et explicari debet. Vide Salm. ib. n. 41.

451. — Quær. IV. An confessarius, rem habens cum filia spirituali occasione confessionis, debeat hoc explicare in confessione?

Prima sententia affirmat, quia pater cum filia spirituali contrahit quandam extraordinariam familiaritatem, et obligationem ducendi illam ad salutem, et ideo videtur specialis turpitudine illam trahere ad perditionem. Ita Salm. ibid. n. 45. cum Sot. Sanch. Fag. etc.

Secunda tamen probabilior sententia negat cum Fill. tract. 50. n. 105. Spor. de matr. cap. 3. n. 620. Elbel de 6. præc. n. 141. Holz. eod. tit. n. 669; item Vasq. Bon. Pont. Dic. Dian. Trull. Leand. etc. apud Salm. ibid. n. 42. Idem sentit Cont. Tourn. de 6. Dec. præc. art. 4. v. Quær. 1. ex c. ult. de Cogn. Spir. in 6. Ubi: Ex datione aliorum sacramentorum (præter baptismum, et confirmationem) cognatio spiritualis nequaquam quiritur. Ratio, quia nec est incestus, dum inter illos nulla intervenit cognatio; neque est sacrilegium (intellige quoad hanc circumstantiam) dum nulla sacramento injuria irrogatur. Rectè verò advertit Elb. l. c. cum Henno, parochum peccantem cum tali pœnitente, peccare etiam contra justitiam, cum ex justitia teneatur suas oves pascere, ex Trid. non solum verbo, sed etiam exemplo.

452. — Quær. V. An propinqui, obtentâ dispensatione ad matrimonium contrahendum, si ante matrimonium fornicentur, incestum committant? Affirmant probabiliter Majer, et Callego ap. Croix lib. 6. part. 2. n. 1077. quia impedimentum propinquitatis non censetur auferri per dispensationem, nisi tantum, ut ipsi conjuncti possint matrimonium contrahere, non autem fornicari. Sed non minùs probabiliter contradicit Sanch. de matr. l. 7. d. 67. n. 9. cum Caj. Arm. et Vega, et idem sentit Lugo de just. d. 3. n. 13. Ratio, quia dispensatio non concedit quidem fornicationem, sed tollit prohibitionem matrimonii; ubi autem matrimonium non est vetitum, ibi

non est incestus; ergò, cessante matrimonii prohibitione, cessat, tamquam accessoria, prohibitio specifica fornicationis.

433. — Nota hic, quòd omnes tactus inter consanguineos, saltem primi, et secundi gradus, sunt incestus, juxta receptam sententiam. *Vide dub. seq. n. 469.*

434. — « 6. Sacrilegium, hoc est violatio rei sacræ per actum venereum. Res autem sacræ, quæ sic violantur, sunt locus, et persona. Unde sacrilegium est 1. Omnis actus luxuriosus exterior (qualis est v. gr. pollutio, et probabilitèr etiam tactus impudici. *Vide Lugo n. 464.*) in loco sacro, hoc est, templo, vel cœmeterio; nisi tamen fiant à conjugibus ex necessitate, v. gr. ad vitandam incontinentiam. 2. Omnis actus luxuriosus, tam interior, quam exterior in persona, vel cum persona voto castitatis consecrata, circa quem tamen probabile est, non opus esse exprimere, utrùm fuerit votum solemne, an simplex: sicuti neque, si duplici titulo sit sacrata, v. gr. quia est sacerdos, et religiosus: quia est moraliter una numero malitia: *Sanch. de matr. l. 7. d. 27. n. 27. Henr. et cæteri, quos citat Dian. et sequitur p. 1. t. 7. r. 3. Vide Card. Lug. d. 16. de pæn. s. 4. Bon. q. 4. p. 17. Esc. E. 8.* »

Pro clariori intelligentia, quæstiones super hoc puncto segregatim exponam, quoad sacrilegium, circa personam, circa locum, et circa res.

435. — I. Circa personam, quæritur I. An sacerdos, qui sit etiam religiosus, peccans contra castitatem, duo committat sacrilegia?

Prima sententia affirmat, quia talis, ut religiosus, debet servare castitatem ratione voti: ut sacerdos autem, ratione præcepti Ecclesiæ. Ita *Less. l. 4. c. 3. dub. 12. n. 87. Con. Ledes. etc.*

Sed negant verius Sanch. de matr. lib. 7. disp. 27. n. 31. et 38. Pal. Azor, Trull. etc. cum Salmant. de VI. præc. c. 6. punct. 2. n. 7. Ratio, quia, quamvis ex duplici præcepto talis sacerdos maneat obstrictus voto castitatis, attamen contra idem præceptum, et ex eodem motivo peccaret, dum sacerdos, non jam ex ecclesiæ constitutione, ut isti censent sed tantum ratione voti, sacris ordinibus annexi, ad castitatem obligetur, juxta probabiliorem sententiam. *Vide de Ord. l. 6. n. 808.* Præterea, etiamsi obligatio castitatis in sacerdote immediatè esset tantum ex Ecclesiæ præcepto, is

tamen, lædendo castitatem, etiam peccaret contra religionem, juxta communem DD. sententiam *ibid.* allatam, quia Ecclesia ex solo motivo religionis, ob reverentiam sacri Ordinis, cœlibatum suis ministris imponit. Rectè enim Ecclesia potest efficere, ut materia alicujus sui præcepti sit materia alicujus virtutis, ut probat *Croix lib. 3. p. 1. n. 57. cum Suar. et Card. Vide de hoc l. 6. n. 470. circa fin.*

456. — Quær. II. An persona sacra, rem habens cum alia sacrata, duplex sacrilegium committat? Quidquid dicat *Sa*, omninò est affirmandum cum *Less. lib. 4. c. 4. n. 84. Elbel de 6. præc. n. 248. Salm. ibid. n. 5. cum Fill. Bon. et communi*, quia is dupliciter religionem offendit, scilicet peccato proprio, et peccato alterius, cui cooperatur.

457. — Quær. III. An habens votum castitatis sacrilegium committat, si alterum suo consilio inducat ad carnale peccatum? Affirmant probabiliter *Lug. Leand. Perez, Salmant. ibid. punct. 3. num. 10.* Ratio, quia (ut isti dicunt) non induceret ille alios ad castitatem lædendam, nisi ipse ad libidinem positivè affectus esset, ideoque ipse quoque castitatem offendit. Sed satis probabiliter etiam negant *Sanchez dec. t. 2. lib. 5. cap. 6. num. 11. et Dis. etc. apud Salm. loc. cit. n. 9.* quia castitatis votum emittens, non alienam, sed tantum propriam castitatem respicit. Attamen prima sententia mihi certò probabilior videtur, si ille ex positivo affectu ad libidinem alterum ad peccandum induceret; secùs, si ex alio pravo fine. Omninò autem tenendum cum *Salm. ibid. num. 15. et 14.* contra paucos, sacrilegium utique committere religiosum, qui morosè delectaretur de peccato carnali alterius, vel qui alterum suis manibus pollueret, etiam sine sua delectatione.

458. — II. Circa locum, quæritur I. An copula maritalis, aut occulta, habita in ecclesia, aut sine alia culpa, sit sacrilegium? Prænotandum, quòd ex *c. un. de consec. Eccl. in 6. et ex c. Ecclesiis 20. de consec. dist. 4.* prohibetur sanguinis aut seminis voluntaria effusio, per quam (modò effusio certè sit peccatum mortale, et sacrilegium) Ecclesia remanet polluta, donec iterum benedicatur. Sed dubium est, quænam effusio ad id sufficiat? Adsunt tres sententiæ, omnes satis probabiles, ut rectè ajunt *Salm. de matr. c. 15. punct. 5. n. 61. in fine.*

Prima sententia tenet, præciso scandalo, numquam esse

sacrilegium copulam maritalem, si puti nec sanguinis effusionem ob defensionem factam; quia prædicta lex, cum sit poenalis, strictè est intelligenda, nimirum de sola effusione illicita. Ita Glossa in d. c. Ecclesiis, 20. v. *Semina*, dicens hoc esse secundum Hyginum Papam in c. 19. antecedenti, ubi: Si homicidio, vel adulterio Ecclesia violata fuerit; expurgetur. Pontius de matr. lib. 10. cap. 10. n. 15. Sa v. Ecclesia n. 14. item Alensis, Rosell. ac Henriq. et probabile putant Sotus, Dic. etc. apud Salm. l. c.

Secunda sententia distinguit, et dicit committi quidem sacrilegium, et Ecclesiam pollui per sanguinis aut seminis effusionem publicam, non verò per occultam, scilicet nemini notam; aut tantum duobus, aut tribus. Ita Glossa in cit. c. un. de consecr. in 6. v. Si polluit, ubi: Si pollutio fuerit occulta, Ecclesia non debet reconciliari; dicunt enim theologi, quòd ideò reconciliatur Ecclesia ut videntes Ecclesiam lavari, cogitent, quantum pro lavatione peccatorum sit laborandum. Item Pontius l. c. n. 9. (vocans communem) Tolet. l. 15. c. 8, Sa v. Ecclesia, n. 19. Nav. c. 27. n. 230. Azor, t. 1. l. 10. c. 26. q. 5. et Vasq. Coninch. Rodr. etc. apud Salm. d. c. 15. n. 63. et 64. Ratio, quia, ut isti inquirunt, talis effusio non est sacrilegium de jure divino, sed tantum de jure ecclesiastico, quo sola publica effusio prohiberi videtur, dum tantum per istam aufertur in opinione hominum reverentia, loco sacro debita; et saltem ob tantorum DD. auctoritatem hanc sententiam probabilem benè putant Salm. ibid. n. 63. Notant tamen, quòd, ut effusio dicatur jam publica, sufficit, si manifestetur verbis, aut si vir, et femina in eodem toro cubare cernatur.

Tertia sententia probabilior dicit, adhuc per copulam maritalem occultam committi sacrilegium, et ecclesiam pollui, nisi fiat ex morali necessitate. Ratio, quia textus citati universè loquuntur de quacumque effusione, et sic rectius intelligendi, dum etiam per copulam occultam, et licitam Ecclesiæ gravis injuria irrogatur; et ipsa etiam probabilius polluitur; quamvis tamen, cum sit crimen occultum, non sit obligatio à divinis officiis abstinere. Ita Sanch. de matr. l. 9. d. 15. n. 12. Bon. de matr. q. 4. p. ult. n. 6. Holzm. de 6. pr. n. 667. Croix l. 6. p. 2. n. 1071. Salm. ib. n. 63. et 66. cum Suar. Less. Sylv. Opinantur autem illi DD. tunc conjuges in

moralis necessitate esse, quando sunt in periculo incontinentiæ, vel quando diu in Ecclesia permanere deberent, nempe per 10 dies, ut aliqui censent: alii per 20, alii verò per mensem. Et casu, quo conjuges judicarent, se per mensem in Ecclesia esse mansuros, etiam ab initio copulari possunt. Ita *Santh. loc. cit. et Salm. ibid. n. 67. et 68. cum aliis.*

459. — Quæritur II. An autem soli tactus impudici, habiti in Ecclesia sint sacrilegia? Negant plures DD. ut *Santh. de matr. l. 9. d. 13. n. 21. cum Caj. Nav. et Bon. Fag. Zan. Dian. Cand. Leand. etc. apud Moya*; dummodo absit periculum pollutionis; ratio, quia talibus tactibus non violatur Ecclesia, aded ut impediuntur divina officia, ideoque cessat ratio sacrilegii. Sed probabilius contradicunt *Elbel de sacril. n. 576. Holz. de 6. præc. n. 721. Item Sylvest. Cordub. Lop. et Manuel. apud Santh. l. c. n. 13.* Ratio, quia tactus inhonesti eandem malitiam habent, quam ipsa copula, et ideo sunt sacrilegi, non ob violationem Ecclesiæ, statutam fieri tantum per pollutionem, sed ob gravem irreverentiam, quæ loco sacro irrogatur: non ideo enim pollutio est sacrilegium, quia polluitur Ecclesia; sed ideo polluitur Ecclesia, quia pollutio est sacrilegium.

460. — Per locum autem sacrum comprehenditur omnis locus ab Episcopo benedictus, et depulatus ad officia divina, aut ad mortuos sepeliendos à tecto usque ad pavementum. Non autem comprehenduntur cellæ, claustrum, sacristia, dormitorium, tectum supra Ecclesiam, janua extra limen Ecclesiæ, atrium. Ita *Salm. loc. cit. n. 69. et 70. et de VI. præc. c. 6. punct. 4. §. 2. n. 27. et seqq. cum Santh. Dic. Bos.* Nec etiam veniunt oratoria privata, nisi sint erecta auctoritate Episcopi, ut fieri solet in hospitalibus, quia tunc sunt veræ Ecclesiæ, et ibi omnes missam audire possunt, ut *Salm. de privil. tr. 18. cap. 3. punct. 3. §. 1. n. 87. cum Pal. Suar. Fag. etc.* Secus autem, si sint merè privata, quamvis ibi dicatur missa ex concessione Papæ, vel Episcopi, juxta dicenda de sacr. *Euch. l. 6. n. 557. et 559.*

461. — Quæritur III. An verba, et aspectus lascivi in Ecclesia habiti sint sacrilegia? Tres pariter adsunt sententiæ.

Prima dicit, omnes actus externos, etiam leviter turpes, in Ecclesia habitos, esse sacrilegia. Ita *Sylv. et Cordub. apud Salm. de VI. præc. c. 6. punct. 4. §. 1. n. 20.*

Secunda sententia damnat ut sacrilegia, tantum actus externos graviter turpes. Ita *Sanch. de matr. l. 9. d. 15. n. 20. Salm. ib. n. 21. cum Suar. Mol. Dec. etc.*

Tertia sententia, quam tenent *Tol. Con. Vasq. Basil. Dian. Valent. etc. apud Salm. loc. cit. n. 19. Holzm. de 6. præc. n. 721.* vocans communem, et ut certam alibi sequuntur *Salm. de matr. c. 15. punct. 5. n. 68. in fine* (licet hic sibi contradicant) negat, tales actus, aut leviter, aut graviter turpes, esse sacrilegos. Ratio, quia hujusmodi colloquia, aut aspectus turpes, sive etiam oscula libidinosi (secluso semper periculo pollutionis) licet sint mortalia, et mortaliter deformia, non tamen continent per se gravem deformitatem physicam contra reverentiam loco sacro debitam. Hoc tamen non obstante, puto, secundam sententiam absolute probabiliorē.

462. — Quæritur IV. An sint sacrilegia cogitationes turpes habitæ in Ecclesia? Rectè distinguunt *Salm. de VI. præc. c. 6. punct. 4. §. 1. n. 24. cum Soto, Nav. Azor, Suar. etc.* Affirmant, si desideria sunt deliberata peccandi externè in Ecclesia, etiamsi illa extra Ecclesiam habeantur, juxta dicta hoc *l. 4. n. 43. cum Salmantic. etc.* communiter. Secus dicendum, si desideria sint peccandi extra Ecclesiam, contra *Medin.* Si verò consensus sit peccandi intrâ Ecclesiam, sed occultè, sacrilegium est, juxta nostram sententiam allatam mox *n. 458.*

463. — III. Circa *res sacras*; est etiam sacrilegium abuti rebus sacris ad turpiter peccandum, idè sacrilegium quidem committit, qui indutus ad missam se polluerit etc. ut *Dian. et Tancred. apud Salm. ibid. punct. 5. n. 37.*

Dubitatur, an sacerdos gestans Sacramentum Eucharistiæ, peccando externè, vel internè contra castitatem, committat aliud sacrilegium? Affirmant communiter *Tamb. de Sacram. pæn. l. 2. c. 7. n. 12. et Sanch. c. 6. n. 36. cum aliis.* Ratio, quia sancta sanctè tractanda. *Sed vide dicenda l. 6. n. 35. in fin. v. Valdè.* Sic pariter dicunt *Salm. cit. n. 37. cum Lug. Tambur. etc.* non posse excusari à sacrilegio, qui se polluerit statim post communionem, scilicet post mediam horam circiter.

Non autem committit sacrilegium, qui peccat gestando reliquias, aut agnos cereos; neque, si illas daret amaciæ titulo donationis. Secus, si daret in pretium peccati; nam esset tunc sacrilegium, et simonia. *Salm. loc. cit. n. 38. et 39. cum Azor et Fill.*

An autem sit sacrilegium peccatum carnale, commissum diebus festis? Affirmant aliqui; sed probabilius negatur cum *Salm.* de 3. præc. c. 1. p. 11. §. 1. n. 218. quia finis præcepti non cadit sub præcepto. Vide dicta hoc l. 4. n. 46, et 273.

DUBIUM III.

Quæ sint species luxuriæ consummatæ contra naturam?

464 Quid de congressu innaturali?

465 Quid de mollitie?

436 Quæ sit sodomia imperfecta, et quæ perfecta?

467 An pollutio, habita tangendo puerum aut mulierem, sit diversæ speciei?

468 An in sodomia sit explicandum, si quis fuerit agens, vel patiens?

469 An sodomia inter conjunctos addat speciem incestus?

470 Quæ sint pœnæ sodomitarum?

471 Quid requiratur ad eas incurrendas? Et an clerici patientes illas incurrant?

472 An pœnæ incurrantur ante sententiam?

473 An eas incurrat clericus exercens bestialitatem?

474 Quid de peccato bestialitatis?

475 De peccato cum dæmone. Quid si dæmon representat personam nuptiam, sacram, etc.

464. — **R**ESP. Cum contra naturam esse dicantur eæ, in quibus fit seminatio modis repugnantibus institutioni naturæ, ita ut juxta tales modos species varientur, hinc resolvitur, tales species esse sequentes:

“ 1. Est congressus inordinatus, hoc est innaturalis, sive indebitus concumbendi modus, cum scilicet servetur quidem identitas speciei, diversitas sexus, et debita naturæ organa, sed inordinato tantum modo acceditur: v. gr. cum vir succumbit, vel aversè accedit more pecorum, vel à latere, vel stando, aut sedendo, aliæve ratione insolitæ; quod est contra naturam mortale, quando inde periculum est impediendæ generationis, aut effundendi seminis: aliàs, si hoc periculum caveatur, aut non sit, eò quòd matrix foeminae satis attrahat semen, et retineat, ut fit plerumque, non contra, sed præter naturam erit, et veniale grave,

» imò nullum, si gravis causa adsit, v. gr. quia mulier est
 » prægnans, vel quia corporis dispositio, sive utriusque, sive
 » alterutrius conjugis aliter fieri non patitur. *Fill. tract. 50.*
 » *cap. 8. q. 8. n. 137.* » (*Vide dicenda de matr. l. 6. n. 917.*)

465. — « 2. Mollities, sive pollutio, et est cum, absque
 » congressu, seu copula, voluntariè procuratur fluxus semi-
 » nis, sive ut foràs effundatur, uti in maribus, sive intus
 » diffluat in matricem, ut in fœminis. Et hoc peccatum,
 » præter propriam malitiam, sæpè aliam habet adjunctam,
 » v. gr. fornicationis, adulterii, incestus, etc. cum quis
 » nimirum simul imaginatur, ac desiderat congressum ali-
 » cujus personæ libere, conjugatæ, etc. quod proinde, si
 » fiat, in confessione aperiendum est. Plura de mollitie
 » *vide sequenti dubio.*

466. — « 3. Sodomia imperfecta, et est congressus cum
 » debito quidem sexu, maris nempe cum fœmina, sed extra
 » vas naturale. Põtest etiam simul habere alias malitias, v. gr.
 » adulterii, si fiat cum conjugata; incestus, si cum consan-
 » guinea. *Bon. q. 4. de matr. p. 11. n. 1. Fill. l. c. n. 158.*

« 4. Sodomia perfecta, et est congressus duorum ejusdem
 » sexus, ut maris cum mare, vel fœminæ cum fœmina,
 » et potest etiam habere alias malitias adjunctas, v. gr.
 » incestus; quo casu cognationis gradum non necessario
 » explicandum docet *Escob. de act. hum. e. 2. c. 6.* sed satis
 » esse dicere, coïvi cum consanguineo, vel affine; quia
 » nec miscetur caro, nec contrahitur affinitas, nec linea
 » variat speciem. Ita ille: explicandum tamen esse, fuerisno
 » agens, an patiens, dicit *C. Lugo d. 16. n. 423. contra*
 » *Dian. tom. 2. t. 4. de sacr. r. 159. et p. 6. t. 6. r. 36.* »

Quæstio magna est, in quonam actu consistat sodomia?
 Alii tenent consistere in concubitu ad indebitum vas? alii in
 concubitu ad indebitum sexum. Utraque sententia est proba-
 bilis, et in utraque sententia cernitur specialis deformitas,
 quam habet sodomia contra naturam, quæ requirit utrumque
 servari ad generationem, id est debitum vas, et debitum sexum.

Primam autem sententiam, quòd sodomia sit in con-
 gressu ad indebitum vas, tenent *Trull. Reg. Henr. Cov.*
Lez. Leand. Llamas, et communiter juristæ apud *Salm. de*
VI. præc. cap. 7. punct. 5. §. 1. num. 81. Hinc dicunt,

eum veram sodomiam committere, qui onit in vase præpostero cum persona etiam sexus diversi.

Secunda verò *sententia* probabilior, et communis theologorum, tenet eam consistere in congressu ad indebitum sexum. Ita *S. Thom.* 2. 2. q. 154. art. 11. in corp. *Less.* l. 4. c. 5. dub. 13. n. 89. *Holz.* de 6. præc. n. 676. *Elbel* n. 263. ac *Salm.* *ibid.* n. 82. cum *Sm.*, *Azor*, *Bon. Caj.* et aliis pluribus. Ratio, quia vera et propria sodomia committitur in accessu ad personam, quæcum nullo modo generatio fieri potest. Hinc insertur I. esse veram sodomiam coitus scemine cum femina, ut dicunt *S. Thom.* loc. cit. *Ronc.* de 6. præc. c. ult. q. 1. *Holz.* loc. cit. *Spor.* de malr. c. 5. n. 626. *Salm.* *ibid.* n. 80. cum *Caj.* etc. Quamvis non improbabiler sentiat *Elbel* l. cit. cum *Fel. Pot.* de 6. præc. n. 2171. hujusmodi concubitum, etiam cum affectu ad vas præposterum, non videri nisi sodomiam impropriad, cum inter sceminas non possit dari copula perfecta. Insertur II. esse veram sodomiam quæcumque concubitum, sive corporum conjunctionem, habitam cum persona ejusdem sexus, sive in vase præpostero, sive in alia parte; semper enim adest tunc, regulariter loquendo, affectus ad indebitum sexum, ut tenent *Tamb.* in meth. *Conf.* c. 7. n. 64. *Ronc.* l. c. *Cont. Tourn.* de 6. dec. præc. art. 6. sect. 2. *Croix* lib. 3. p. 1. n. 940. et l. 6. p. 2. n. 1032. *Salm.* loc. cit. n. 81. Hinc dicunt *Ronc.* *Tamb.* n. 70. et *Salm.* *ibid.* n. 87. in fine, contra *Graff.*, non esse necessariò in confessione explicandum, si pollutio fuerit intra, vel extra vas (1). sufficit enim confiteri, *peccavi cum puero*, ut confessarius judicet adfuisse sodomiam cum pollutione. Si verò non adfuerit pollutio, deberet explicari. Insertur III. cum *Salm.* *ibid.* n. 82. ac *Caj.* *Sm.*, *Bon.* *Tamb.* et communiori, coitum viri in vase præpostero mulieris esse sodomiam tantum imperfectam, specie distinctam à perfecta, ut ajunt *Cont. Tourn.* vide loc. cit. et *Tamb.* num. 74. Qui notat n. 64. cum *Fill.* et rectè consentiunt *Holz.* n. 720. et *Spor.* n. 336. cum communi, ut asserit, quòd, si vir coiret inter crura, brachia, aut alias

(1) « Quamvis ad incurrendum casum reservatum, requiritur seminatio intra vas, ut ait *P. Mazzotta.* *Hom. Ap. tr.* 9. n. 24.

partes mulieris, esset quædam copula inchoata, saltem in affectu. Unde, juxta hanc doctrinam, vir concumbens cum virgine extra vas, duo committit peccata, contra eandem quidem castitatem, sed diversæ speciei, unum fornicationis in affectu; alterum contra naturam in effectu. Dicunt autem præfati *Spor. Holzm. et Tamb. n. 77. cum Angel.* quòd confessarius, intelligens mulierem cognitam fuisse extra vas naturale, vel præposterum, non debet quærere, in quo loco, vel quomodo. An autem pollutio in ore sit diversæ speciei, affirmat *Sporer n. 637. cum aliquibus apud Dian.* et hoc peccatum vocant irrumationem. Sed probabilius dicunt *Holzm. loc. cit. et Fill. tr. 50. n. 155. cum Cajet. Graff. etc.* quòd, si vir polluitur in ore fœminæ, erit copula inchoata, ut suprâ: si verò in ore maris, erit sodomia. Quale verò peccatum sit coïre cum fœmina mortua? Dicendum cum *Holz. num. 720. Salm. num. 74. Spor. num. 639, cum Tamb. etc. communiter,* non esse fornicationem, quia fit cum cadavere; nec bestialitatem, ut quidam volunt; sed esse pollutionem, et fornicationem affectivam.

467. — Dubitatur 1. an pollutio habita tangendo puerum, aut mulierem dormientem, aut doli incapacem, aut puellenda bestiarum; sed absque concubitu, sit diversæ speciei à simplici pollutione?

Prima sententia affirmat, et dicit talem pollutionem cum puero esse sodomiam, cum fœmina verò esse copulam inchoatam. Ita *Spor. n. 655. et Dic. et Diana ap. Salm. de 6. præc. c. 7. punct. 2. n. 9.*

Secunda sententia verò cum *Caj. 2. 2. q. 154. art. 11. Azor, l. 3. p. 3. c. 23. qu. 1. Bonac. de matr. q. 4. p. 10. n. 15. et Salm. n. 10. cum Trull. Mach. Sayr. Fill. Bassæo, etc.,* tenet, esse simplicem pollutionem. Ratio, quia quando abest concubitus, dicunt de materiali se habere, quòd fiat pollutio tactibus propriis, vel alienis. Sufficit tunc confiteri, *habui pollutionem tactibus alienis.* Quando enim non adest concubitus, non adest affectus ad sexum, sed ad pollutionem: et hæc est probabilior. Notat idèò *Ronc. de VI. præc. c. 7. q. 6. cum Bon. Trull. et Fill.* quòd, si quis polluitur tactibus alienis, non oportet, ut explicet, an tactibus viri, vel fœminæ; quia ~~etiam~~ tantum pollutio tunc intendatur, etiam de materiali se habet, si tactibus viri, vel

foeminae illa eveniat. Secus tamen dicendum, si facta sit tactibus conjugatae vel votum castitatis habentis.

468. — Dubitatur 2. an in peccato sodomiae explicandum sit, si quis fuerit agens, vel patiens? Negant *Salm. eodem tr. c. 7. punct. 5. §. 1. n. 87. cum Dian. etc.* quia, dicunt, taliter coeuntes communiter ambo polluantur. At verius explicandum est, secundum *Holzm. n. 678. Cont. Tourn. l. c. n. 2. Mazz. t. 1. p. 13. et Tamb. Leand. Lugo etc. apud Salm. ibid. n. 86.* Quia in agente multò facilius adest pollutio, quàm in patiente.

469. — Dubitatur 3. an sodomia inter consanguineos, aut affines addat speciem incestus? Tres sunt sententiae.

Prima universè negat cum aliquibus apud *Diana*, qui eos sequi videtur; quia dicunt, incestum committi tantum, et quando adest coitus in vase debito cum mixtione sanguinum. Sed hæc non videtur satis probabilis.

Secunda sententia, quam tenent *Bon. de matr. p. 4. punct. 44. n. 40. et 44. item Azor, Cand. etc. apud Salm. tr. 26. c. 7. punct. 5. §. 2. n. 90.* dicit, coitum sodomiticum inter propinquos in 1. et 2. gradu esse quidem incestum, cum hic sit vetitus de jure naturali, non verò coitum inter propinquos in 3. et 4. gradu, qui prohibetur tantum à jure positivo inter marem, et foeminam in ordine ad matrimonium; quare dicunt, coitum sodomiticum, qui non dicit ordinem ad Matrimonium, non esse vetitum inter tales propinquos de jure positivo, præcisè ratione propinquitatis.

Tertia sententia, quam probabiliorem puto cum *Lug. de pæn. d. 16. n. 345. ad 351. Cont. Tourn. l. c. art. 4. quær. 2. Ronc. c. ult. q. 2. Croix l. 6. p. 2. n. 1082. cum Sylv. et Grass. item Leand. Dic. etc. cum Salm. ibid. n. 92.* docet, omnem coitum, sive naturalem, sive innaturalem, inter propinquos usque ad 4. gradum, sive sint consanguinei, sive affines, sive sint cognati legales, sive spirituales, induere malitiam incestus. Ratio, quia ex lege Ecclesiae jam debetur his omnibus reverentia, et pietas, quæ si deturpetur coitu naturali, tantò magis coitu innaturali. Sic etiam dicunt *Salm. loc. cit. n. 94.* incestum committere, qui polluitur tactibus alicujus conjuncti in quarto gradu. Idemque dicendum de aliis tactibus impudicis, in quibus explicanda

est species personæ complicitis, an sit consanguinea, conjugata, etc. cum *Cont. Tourn. l. c. art. 7. sect. 1. v. Hic. ir. fin. et Viva, ac Salm. ib.*, qui asserunt, esse commune. Notandum verò, ut certum, explicandum esse in confessione, si sodomia sit habita cum violentia, vel cum persona ligata voto castitatis: et insuper, si cum conjugata; quia fides matrimonii postulat, ut conjux nullo concubitu carnem suam cum aliis dividat. *Sanch. Trull. cum Salm. ibid. ex num. 98.*

470. — Quoad pœnas autem hujus criminis, sciendum, sodomitas à lege civili damnari pœnâ mortis, et combustionis, à jure autem canonico ex Bulla S. Pii V. apud *Salm. tr. 26. c. 7. punct. 6. §. 1. n. 107.* tam clericos, quàm laicos religiosos, hoc dirum nefas *exercentes* (verba Bullæ) *omni privilegio clericali, officio, beneficio præsentis canonis auctoritate privari.* Et insuper præcipit S. Pontifex, ut ii potestati sæculari tradantur.

471. — Hic plures quæstiones agitantur, circa quas, brevitatæ gratiâ, dicimus probabilius esse, ad prædictas pœnas incurrendas requiri: I. Ut sodomia sit consummata cum pollutione intra vas, ut (contra *Laguna*) tenent *Ronc. de VI. præc. c. ult. q. 3. Bon. de matr. q. 4. p. 11. n. 2. Holzm. c. 3. n. 749.* item *Suar. Nav. Fill. Azor, Barb. cum Salm. ibid. §. 2. n. 109. et communi*; nam lex pœnalis semper exigit, ut crimen sit perfectum, et consummatum. II. Ut sodomia sit maris cum mari; nam coïtus sodomiticus maris cum fœmina, non est vera sodomia, ut *Bon. loc. cit. n. 3. et cum Azor, Hurt. Dic. et communiori* tenent *Salm. ibid. n. 111. contra Less. et Garcia.* Hinc probabiliter notant *Salm. ibid. n. 112. cum Bon. etc.* quòd sodomia cum fœmina non comprehenditur sub reservatione sodomie. Secus verò, si sit reservatum peccatum contra naturam. An autem, sub reservato peccato contra naturam, comprehendatur pollutio? Videtur de se comprehendi; sed *Salm. loc. cit. n. 115. in fine cum Hurt.* negant, quia Episcopi, ut dicunt, communiter pollutiones in hujusmodi reservatione comprehendere non intendunt. III. Quod ad pœnas clericorum pertinet, ut actus sodomie sit frequentatus, sive usu continuatus, ut ait *Navarr.* Hoc enim importat verbum *exercentes*, ut supra in Bulla expressum. Ita *Bon. num. 2. et Salm. ibid.*

n. 121. cum Barb. Suarez, Hurt. Henr. et communi, contra Lop. Farinac. etc. Hinc excusatur, qui semel, vel bis peccaret.

Sed magis dubitatur 1. an clerici, sodomiam patientes, pœnas incurrant? Negant *Hurt. Graff. etc. apud Salm. ibid. n. 116.* quia dicunt, verbum *exercentes* propriè significare actionem, non passionem, et hæc satis probabilis videtur. Contrariam verò meritò tenent esse probabiliorem *Salm. loc. cit. n. 117. cum Dian. Bon. Barb. etc.* quia patientes etiam sunt veri sodomitæ; pari modo ac sceminæ à pœnis adulterorum, licèt sint tantùm patientes, non excusantur.

472. — Dubitatur 2. an prædictæ pœnæ ante sententiam incurrantur?

Prima sententia affirmat, quia Pontifex dicit: *Præsentis Canonis auctoritate privamus.* Ita *Az. Dic. Far. Garc. etc. ap. Salm. tr. 26. c. 7. punct. 6. §. 3. n. 124.*

Secunda sententia tamen verior et communior negat cum *Nav. c. 27. n. 249. Suar. de cens. t. 3. d. 31. sect. 4. n. 22. Bon. de matr. q. 4. p. 14. n. 3. Less. l. 2. c. 29. n. 63. et Salm. ibid. n. 125. cum Barb. Fill. Trull. Dian. Hurt. etc.* Ratio, quia (ut probant *Salm. tr. 11. c. 2. punct. 3. §. 2. ex n. 59.*) nulla pœna, privans aliquo jure acquisito, incurritur, nisi post sententiam, quamvis in lege exprimatur pœna ipso facto incurrì. Imò, etsi ibi dicatur: *Nulla expectatà judicis sententiâ*: tunc enim saltem requiritur sententia declaratoria criminis. Ratio, quia nimis dura esset lex, quâ per se ipsum quis pœnas exequi teneretur, priusquam per sententiam damnaretur. *Vide dicta l. 1. n. 148.*

473. — Dubitatur 3. an clericus, bestialitatem exercens, pœnas sodomitarum incurrat? Affirmant *Quaranta, Ledes. Rodriq. etc. apud Salm. cit. tr. 26. n. 128.* Quia, ut dicunt, etiam lex pœnalis extendi debet de casu ad casum; quando currit eadem ratio, et crimen est gravioris malitiæ, ut esset in hoc casu. Sed opposita tenenda est cum *P. Concina c. 3. Salm. ibid. n. 129. cum Barb. Bon. Dian. etc.* quia ratio primæ sententiæ currit in lege præceptiva, quæ omninò pendet à ratione legis; non verò currit in lege pœnali, quæ pendet non solum à ratione legis, sed etiam à voluntate legislatoris; ideòque in ea non valet argumentum à pari.

474. — « 5. Bestialitas, quod est gravissimum inter omnes, et est congressus, in quo non servatur identitas speciei; v. gr. si homo coëat cum bestia, sive ejusdem sexus sit, sive non. » (*Bestialitas est gravius peccatum, quam sodomia; quia non solum ibi non servatur debitum vas, aut sexus, sed neque debitum genus. Salm. ibid. punct. 7. n. 139.*) « Neque opus est explicare, quilibet, sive cujus speciei fuerit: quia est differentia tantum materialis, et in genere entis; non autem formalis, et in genere moris. » *Escob. e. 2. cap. 6. Fill. t. 2. tr. 30. c. 7. n. 131.* » (*Hoc est commune cum Salm. ibid. num. 140. et Elbel n. 260. cum Henno, etc.*)

Sed dubitatur, an opus sit explicare, an bestia illa fuerit mas, aut foemella? Affirmant *Croix l. 3. p. 2. Elb. n. 261. Holz. n. 681.* quia (ut dicunt) moraliter diversa est deformitas congressus cum bestia mari, et cum foemella. Sed communiter (id fatetur idem *Elbel*), et probabilius negant *Cont. Tourn. de 6. Dec. præc. art. 6. sect. 2. n. 3. Fill. tr. 30. c. 8. n. 161. Tamb. Dec. l. 7. c. 8. §. 5. n. 1. Felix Pot. de 6. præc. n. 2182. Azor, l. 3. c. 22. q. 3, Renzi de 6. pr. c. 8. q. 16. cum Graff. et de Januar.* Ratio, quia tota essentialis deformitas hujus facinoris consistit in accessu ad diversam speciem; unde circumstantia sexus omnino accidentalis est, nullamque in genere moris differentiam involvit. Tactus autem impudici cum bestia, licet non sint propriè peccata bestialitatis, tamen habent aliquam specialem turpitudinem, ut ait *Elbel l. c.* saltem venialem.

475. — « Ad bestialitatem autem revocatur peccatum cum dæmone succubo, vel incubo: cui peccato superadditur malitia contra religionem; et præterea etiam sodomiae, adulterii, vel incestus, si affectu viri, vel mulieris, somnitico, adulterino, vel incestuoso cum dæmone coëat. » *Vide Bon. de matr. q. 4. p. 12. n. 3. Fill. num. 162.* »

Benè ait *Busemb.* quod congressus cum dæmone reducitur ad peccatum bestialitatis, ut dicunt etiam *Tamb. l. c. Elbel n. 262. cum Bonac. Fill. et Salmant. loc. cit. n. 141. cum Cajet. Azor et Trull.* Præter autem crimen bestialitatis addit scelus superstitionis. An autem, qui coit cum dæmone apparente in forma conjugatæ, monialis, aut consanguineæ, peccet semper affectivè peccato adulterii, sacrilegii, aut in-

cestus? Videtur universè affirmare *Bussamb. cum aliis ut sup.*; sed valdè probabiliter negandum, si concubens delectetur de muliere, illa à dæmone repræsentata, non quâ nuplâ, aut maritali, sed quâ pulchrâ, juxta sententiam *Lugonis, Pal. Vasq.* et aliorum plurium, qui valdè probabiliter docent, quòd delectatio morosa non involvat speciem objecti, de quo aliquis delectatur; nisi circumstantia personæ intret in delectationem. Vide l. 2. n. 15.

DUBIUM IV.

An aliquando liceat procurare pollutionem?

- 476 *An pollutio sit vetita de jure naturæ?*
 477 *An distillatio voluntaria sit mortalis?*
 478 *An liceat expellere semen corruptum?*
 479 *An teneamur impedire pollutionem incaptam?*
 480 *An liceat ob finem honestum pollutionem optare, vel de ea gaudere?*
 481 *Quid, si prouideatur pollutio secutura ex re honesta? Quid, si ex re illicita?*
 482 *Est certè mortalis pollutio, orta ex causa turpi in eam graviter influente.*
 483 *Quid, si actio ponatur ex justa causa? puta I. ad medendum, ad audiendas confessiones, ad alloquendum juxta morem, etc. II. ad abigendum pruritus. III. ad equitandum. IV. ad decumbendum aliquo situ. V. ad moderatè edendum, etc. Quid, si chirurgus, aut parochus in iis aliquoties consenserint in pollutionem? Quid de simplici confessario? Et quid, si quis serè semper reciderit?*
 484 *An sit mortalis pollutio, orta ex causa in eam leviter influente? Quid, si causa sit in eodem genere luxuriæ? et si lapsus fuerit frequens? Quid, si causa sit in alio genere? An saltem sit veniale eam ponere?*
 485 *De pollutione secuta in somno. An mutua pollutio habeat diversam malitiam?*

476. — « **R**ESP. Auctoritate Scripturæ, quæ molles à regno cœlorum excludit 1. Cor. 6. docent omnes, nullo casu licitum esse intendere, vel procurare directè mollicitem, ne causâ quidem sanitatis, ac vitandæ aliæ certæ

» mortis. Causam dat *Sanch. l. 9. d. 17.* quòd natura admi-
 » nistrationem seminis extra matrimonium, in omni eventu,
 » homini denegarit, cò quòd adeò vehemens sit in ea re
 » sensus voluptatis, ut homines, passione excecati, passim
 » sibi facillè persuaderent, habere se justam causam irritandi
 » seminis, unde plurima, gravissimaque vitia contra bo-
 » num commune, et in impeditione generationis emer-
 » gerent. »

Adverte hic 1. ante omnia prop. 49. damnatam ab *Innoc. XI.* quæ dicebat : *Mollities jure naturæ prohibita non est : unde, si Deus eam non interdixisset, sæpè esset bona, et aliquando obligatoria sub mortali.* Hæc meritiò est damnata ; si enim fornicatio est mala, quia est contra educationem pro-
 lis, pejor est pollutio, quæ est contra proles generationem. Adverte 2. quòd pollutio spadonum, et puerorum (licèt illi semen perfectum non habeant) nihil differt à pollutione adul-
 torum. Adverte 3. quòd omnes pollutiones secundùm se sunt ejusmodi speciei, quocumque modo fiant, si fiant sine concubitu, ut dicunt *Azor. p. 3. l. 3. c. 21. Bonac de matr. q. 4. p. 10. n. 15. Anaclet de 6. præc. n. 49. vide dicta n. 467.* Dicitur secundùm se, quia ratione circumstantiæ possunt ei adjungi aliæ malitiæ, specie distinctæ, putà, si polluitur sacerdos, additur sacrilegium ; si conjugatus, adulterium ; si cum desiderio peccandi cum alia persona, additur malitia juxta qualitatem personæ concupitæ ; item additur alia malitia, si quis polluitur se delectando de concubitu imagi-
 nato cum aliqua persona mari, vel fœmina nuptà, vel solutà, juxta dicta *l. 2. n. 15.* Item si polluitur tactibus alienis.

477. — « 1. Distillatio, quæ est fluxus humoris quasi medii
 » inter urinam, et semen (quocum coloris, et viscositatis
 » similitudinem gerit) sine ingenti illa delectatione, non est
 » vera pollutio, et si proveniat sine omni commotione sen-
 » sùs venerci, ut quandoque fit, de ea non magis laboran-
 » dum, quàm de sudore, dicit *Cajetan.* Si verò fiat cum
 » sensu carnis, et commotione spirituum generationi servien-
 » tium, tunc ei coöperari vel causam præbere, non est, vel
 » est peccatum ; idque veniale, vel mortale, ad eundem mo-
 » dum, quo de pollutione dicetür. *Sanch. l. 9. d. 45. n. 52.*
 » *Laym. l. 3. t. 4. n. 18.* »

Quæritur, utrùm distillatio voluntaria sit peccatum mor-

tale? Distinguendum; si ipsa contingat cum notabili commotione spirituum, proculdubio est peccatum mortale; quia talis notabilis commotio est pollutio inchoata. Et idem dicendum, si distillatio sit in magna quantitate, quia talis notabilis distillatio non potest esse sine notabili carnis rebellionem; unde, sicut graviter peccat qui notabilem commotionem procurat, ita etiam qui magnam procurat distillationem. Ita *Sanch. de matr. l. 9. d. 17. n. 17. et d. 43. n. 41. Sporer eod. tit. n. 639. Elbel de 6. præc. n. 239. Holzm. eod. tit. n. 692. Tamb. Dec. l. 7. c. 3. §. 3. n. 53. et alii communiter*. Hinc tenemur sub gravi obligatione, non solum huiusmodi distillationem directè evitare, sed etiam indirectè, vitando omnes causas proximè in eam influentes, pari modo, ac dicemus de pollutione *inf. num. 484*. Si verò distillatio sit in modica quantitate, et sine delectatione, et commotione, tunc sine peccato possumus illam permittere, ut dicunt *Cajet. et Marg. apud Sanch. l. 9. d. 43. n. 2. Salm. de 6. præc. c. 7. punct. 2. n. 33. cum D. Thom. Sayr. Bon. et aliis communiter*; quia de tali fluxu non est magis curandum, quàm de emissionem cuiuscumque alterius excrementi, de quo natura se exonerare solet: *De quo* (ita *Cajet. Opusc. 22. q. 1. §. Animadvertite*) *nisi cum rebellionem carnis veniret, non magis curandum quàm de sudore videtur*. Item ait *Cont. Tourn. de 6. præc. art. 6. sect. 1. v. Hic obiter, cum Henr. à S. Ignat. Imò Holzm. Tamb. Sporer, et Elbel ll. mox cit. dicunt, id permitti etiam cum levi carnis commotione*. Rectè verò advertit *Sanch. ap. Salm. d. n. 53. in fine, et consentit Bon. de matr. q. 4. p. 8. n. 17. quòd directè, et datà operà procurare quaecumque distillationem, etiam levem, nullo modo potest excusari à peccato mortali; quia reverà quaecumque distillatio semper, vel ut plurimum, secum fert aliquam commotionem, et aliquantuli seminis effusionem*.

478. — «2. Si semen iudicio medicorum transivit in materiam venenosam, licet eum medicamentis expellere, etsi
» præter intentionem sequatur aliqua veri seminis emissio.
» *Sanch. de matr. l. 9. d. 17. n. 16. Fill. tr. 30. c. 8. n. 130.*
» *Trull. l. 6. c. 1. d. 8. §. 1.*»

Hanc sententiam non admittunt *Salm. ibid. n. 27. et Ronc. eod. tit. c. 7. q. 3. tum quia* (ut dicunt) *impossibile est semper corruptum expellere, quin verum semen simul emittatur; tum*

quia non desunt alia remedia ad medendum semini corrupto, quin opus sit illud ejicere. Sed communius DD. hanc sententiam nostri *P. Bus.* amplectuntur. Ratio, quia medicamenta illa per se directè solum tendunt ad expulsionem seminis corrupti; effusio autem aliqualis veri seminis sequitur per accidens, et præter intentionem, quod non potest dici illicitum, cum omnes concedant, licitum esse remediis alios expellere humores nocentes, quamvis per accidens sequatur pollutio, sicut etiam licet pharmacum sumere ad morbum expellendum, etsi indirectè expellendus sit fœtus inanimis (juxta pariter communem sententiam, relata *n. 394. Quær. I.*). Ita *Sanch. l. 9. d. 17. n. 13. et d. 43. n. 9. Spor. de matr. n. 643. Tamb. l. 7. c. 7. §. 2. n. 8. Anacl. de 6. præc. n. 47. Bon. de matr. q. 4. p. 10. n. 12. Dian. p. 2. tr. 19. r. 55. Croix l. 5. p. 1. n. 926. cum Laym.* Hanc secundam sententiam satis probabilem censeo, modò tamen 1. semen certò sit corruptum, non verò si dubiè. 2. Expulsio seminis corrupti possit fieri sine sensu libidinis, ut benè advertit *Anacl. 5.* Alia non sint remedia ad semen corruptum medendum: numquam tamen est licitum tactu semen corruptum expellere, etiamsi absit periculum consensùs; sic tenendum omninò cum *Sporer n. 643. Croix l. c. n. 926. cum Laym. Fill. et communi (contra Bon. l. c. et Tamb. d. §. 2. n. 8.)*. Ratio, quia licèt permittatur remedium, eò quòd illud solum tendat de se ad expellendum semen corruptum, nullo modo tamen est permit-tenda confricatio; quia ista tendit de se ad commovendos spiritus carnalès; et semen verum expellendum, quod numquam est licitum. Hinc sapientissimus et piissimus *Sanchez*, quamvis contrarium priùs tenuerit in *tr. de matrim.*, tamen in *Dec. l. 5. c. 6. n. 12* non dubitavit se retractare. An autem liceat sumere medicamentum ad semen verum corrumpendum, et postea ejiciendum resolutum in sanguinem, aut alium humorem? Negat *Sporer d. n. 643. cum Diana*, quia (ut dicit) id repugnat seminis institutioni. Sed probabiliter id concedunt *Sanch. l. 9. d. 17. n. 13. Bon. p. 10. n. 12. Anacl. n. 47. Ronc. q. 5. etc.* Ratio, quia natura non obligat ad conservandum semen cum periculo vitæ: si enim (ait *Sanch.*) licet amputare testiculos ad tuendam vitam, quamvis homo sine illis omninò impotens reddatur ad generandum; cur non licebit semen corrumpere?

479. — « 3. Non tenetur quis (modò tamen absit periculum consensus in voluptatem, nec voluntariè promoveat) impedire pollutionem sponte suâ evenientem, aut jam coëptam, v. gr. in somno reprimere, sed potest sanitatis causâ sinere, ut natura se exoneret: quia id non est procurare, sed pati, ut effluat, quod, aliàs corruptum, sanitatem læderet. Unde idem admittit *Sanch.* etiamsi orta esset priùs ex culpa, modò de ea doleat; et consensum ulteriorem abstrahat, additque plerumque expedire, munire se cruce, et, sine alio attactu, quietis manibus, rogare Deum, ne permittat lapsum in delectationem. *Sanchez d. 17. num. 17. Trull. l. 6. c. 1. d. 10.* »

Quando pollutio incipit in somno, et emissio contingit in vigilia semiplena, tunc, si homo aliquam experitur delectationem, non plenè deliberatam, non peccat quidem nisi venialiter, ut benè notant *S. Ant. p. 2. tit. 6. c. 5. in fin. Navarr. c. 16. n. 8. v. Non est. Salm. de 6. præc. c. 7. punct. 4. n. 74. ac Concina n. 48.* et patet ex dictis *l. 2. num. 5. et 5.* Quando verò omissio incepta in somno, sed postea consummatur in plena vigilia, eo casu (modò absit consensus in delectationem, vel proximum consensus periculum ex præterita experientia) non tenetur homo illam cohibere; tum quia difficillimum est avertere exitum seminis jam è lumbis elapsi, ut communiter dicunt DD. cum *Salm. l. c. in fin. Nav. Azor, Trull. etc.* tum quia non tenetur persona, cum periculo morbi ex semine corrupto retento, effusionem illam impedire, ut docent *Sanch. de matr. l. 9. d. 17. n. 16. Conc. l. c. Spor. de matr. n. 637. Holzm. de 6. præc. n. 688. Tamb. l. 7. c. 7. §. 2. n. 17. et alii communiter*; tunc enim illa pollutionem non vult, sed merè patitur. Benè tamen monet *Gerson, Alph. 38. l. 5. prop. 9.* quòd eo casu *pro executione virtutis, et evitatione periculi, videtur expediens, ut homo conetur prohibere, quantum sentit, et commodè fieri potest.* Saltem (dicendum cum *Sanch.*) tunc expedit signo crucis se munire, atque, mentem ab illa turpi delectatione avertendo, ac nomina sanctissima Jesu et Mariæ invocando, eos ferventer precari, ne ullum lapsum permittant.

480. — « 4. Licitum est ob finem honestum, v. g. minuendæ tentationis, sanitatis, tranquillitatis animi, optare simplici affectu spontaneam et naturalem exonerationem

» naturæ; modò desiderium illud non sit causa efficax pollutionis. » (Et hanc probabiliorē censent Salm. *ibid.* n. 73. cum S. Anton. Trull. Fag. Dian. etc.) « similiter licet » etiam de ea gaudere, viâ naturali, et sine peccato factâ : » quia objectum istius desiderii et gaudii non est malum ; » (Et ita S. Anton. p. 2. tit. 6. c. 5. in fin. modò, intellige, (ut notat Ronc. c. 7. in Reg. prax. n. 40.) pollutio non sit orta ex somno turpi, vel ex tactu proprio, ut diximus l. 2. n. 20. Semper autem licet delectari non de causa, sed de effectu secuto, scilicet de exoneratione ; vide *ib.*) « quamquam ejusmodi » desideria simplicia inutilia esse, nec periculo carere, quidam benè observant. Less. d. 14. num. 13. Laym. num. 17. 481. — » 5. Si quis, facturum rem aliquam necessariam, vel licitam, et honestam, prævidet, inde naturaliter secuturam pollutionem (idque multò magis valet de distillatione) quam tamen ille nullo modo velit, nec intendat : tunc, modò absit periculum consensûs in delectationem, non tenetur abstinere à tali actione, quia prosequenti suum jus non imputatur effectus per accidens, et præter intentionem secutus. Hinc, non obstante periculo pollutionis, licet audire confessiones mulierum, studere casibus conscientie, tangere se ex necessitate, sæminas cautè, et cum necessitate alloqui, osculari, amplecti juxta morem patriæ, si alioqui incivilis habendus esset. Quòd si tamen periculum esset consentiendi in delectationem (quod colligitur inde, si sæpiùs ex simili occasione mortaliter sit lapsus) à causa illa, quantumvis licita, abstinendum esset ; proindeque confessarius tali casu teneretur relinquere officium. Fill. Sanch. l. 9. d. 43. Nav. c. 16. Laym. n. 16. Monet autem Laym. eum, qui in actionibus honestis, et utilibus talem miseriam experitur, faciliùs liberari contemnendo, quàm æstimando, quia imaginatione et timore augetur. 482. — » 6. Si pollutio secutura prævideatur ex re illicita, otiosa, vel minùs necessaria, et hæc sit causa propinqua, ac naturâ suâ ad venerem ordinata, ut sunt actus luxuriosi, tactus, aspectus, lectio, auditio, locutio turpis, mortale est ab illa non abstinere : quia in eam consentiens, moraliter in effectum consentire censetur. Quòd si res illa sit causa tantùm remota, per accidens tantùm ad pollutionem concurrens, qualis est verbi grat. à esus, aut potus calido-

» rum, equitatio, confabulatio inutilis, crapula, ebrietas
 » etiam mortalis, (modò pollutionem non intendas, et absit
 » periculum venerei consensûs) secuta pollutio non est mor-
 » tale: quia in talem rem consentiens, non idcò velle cen-
 » setur effectum. *Fill. tr. 30. c. 8. q. 6. n. 152. Sanch. l. c.*
 » *Less. l. 4. c. 3. d. 14. Vide Dian. p. 5. tr. 13. r. 4.* Addunt
 » quidam DD. hanc regulam, pollutionem in causa volitam
 » tantum esse peccatum, quantum est ipsa; uti, si causa sit
 » peccatum mortale, etiam ipsam fore mortalem: si sit ve-
 » niale, venialem: si verò causa nullum sit peccatum, nec
 » ipsam fore (secluso semper periculo consensûs); hinc venia-
 » lem v. gr. esse illam, quæ provenit ex lectione curiosa, vel
 » aspectu per se non mortali. *Trull. l. 6. c. 1. d. 9. ex Lopez,*
 » *Henr. Vusq. Bon. de matr. p. 10. Vide Diana p. 1. t. 2.*
 » *misc. r. 56.* »

Clariùs et distinctiùs hæc omnia explicare et discutere hic
 operæ pretium est. Si causa pollutionis est in ipsam graviter
 influens, et homo non abstinet à causa sive actione illa po-
 nenda, patet, quòd pollutio imputatur ad peccatum, etiamsi
 non fuerit intenta, modò saltem in confuso sit prævisa. Hu-
 jusmodi autem causæ sunt proculdubio omnes illæ, quæ per
 se sunt graves culpæ in genere luxuriæ, nempe tactus vel
 aspectus pudendorum, alieni aut proprii corporis, cum dele-
 ctatione turpi et deliberata; aspectus concubitûs humani et
 cogitationes morosæ de rebus venereis. Omnes igitur pollutio-
 nes, ex his causis provenientes, certè sunt mortalia, ita
S. Th. 2. 2. q. 154. a. 5. et alii communiter. Et tunc actus
 ille turpis, qui est causa pollutionis, habet specialem mali-
 tiam contra naturam, ut ait *Sanch. de matr. l. 9. d. 43. n.*
21. et certum est apud omnes. Idem rectè dicit *Sporer de matr.*
n. 647. de pollutione ortâ ex actionibus, quæ, licèt sint
 veniales per se, et ex objecto, evadunt tamen mortales ra-
 tione periculi proximi consentiendi in ejus turpem delectatio-
 nem. Hinc dicendum, eum non excusari à malitia pollutio-
 nis, qui polluitur ex diuturno colloquio cum puella, à se
 inordinatè dilecta, saltem ob periculum consensûs, ut benè
 inquit *Petroc. de 6. præc. c. 4. et Salm. de 6. præc. c. 7.*
punct. 2. n. 54. cum S. Th. Opusc. 65. c. de Fluxu libid.
 ubi expressè id docet.

485. — Excipitur tamen, si præfatæ actiones ponantur ex
 Tom. III.

causa necessaria, vel utili, vel convenienti animæ aut corpori; tunc enim pollutiones ex ipsis provenientes, adhuc prævisæ, non sunt peccata, dummodò absit consensus, vel ejus periculum. Ita communiter *Sylv. 2. 2. q. 134. a. 11. ad 2. Tourn. l. c. art. 6. sect. 1. concl. 2. cum Henr. d. S. Ignat. et communi, Salm. ibid. punct. 2. §. 2. n. 48. et 46. Croix l. 3. p. 1. n. 925. Ronc. de 6. præc. c. 7. qu. 9. et alii ex D. Th. l. c.* Ratio, quia tunc homo potius patitur, quam agit; dum pollutio non ex sua malitia, sed ex infirmitate naturæ procedit, ut loquitur *D. Gregorius in can. Testamentum, distinct. 6. et juxta D. Thomam, Quando unius causæ est duplex effectus æquè immediatus, unus bonus, alter malus, et bonus æquivalet malo, nihil prohibet, bonum intendi, et malum permitti.* Hinc etiam prævisâ pollutione involuntariâ, licet I. parochis, et etiam aliis confessariis, audire confessiones mulierum, ac legere tractatus de rebus turpibus; chirurgis aspicere, et tangere partes sceminæ ægrotantis, ac studere rebus medicis: licet quoque aliis alloqui, osculari, aut amplexari mulieres juxta morem patriæ, servire in balneis, et similia. Ita *S. Th. p. 3. q. 80. a. 7. Sanch. diet. d. 45. ex n. 4. usque ad 8. Bon. de matr. q. 4. p. 10. n. 6. Sporer l. c. n. 650. Anacl. de 6. præc. n. 53. P. Holz. cod. tit. n. 690. Salm. loc. cit. n. 45. in fin. item Petrocor. tom. 2. de Temp. p. 245. cum Navarr. Cajet. et S. Anton. p. 2. tit. 6. c. 4. in fine, ubi sic ait: Sed ubi pollutio sit omnino involuntaria, contra intentionem, non est peccatum, sicut, cum quis audit in confessione turpia, aut loquens cum mulieribus ex causa honesta, et inde sequitur pollutio.* Et idem docet *Nav. c. 16. n. 7. II.* Licet alicui, qui magnum pruritum patitur in verendis, illum tactu abigere, etiamsi pollutio sequatur. Ita *Bus. supra n. 449. in fin. Bon. l. c. n. 8. Laym. l. 3. sect. 4. n. 13. Sanch. Fill. tr. 30. n. 150. Sporer, n. 650. Croix n. 926. cum March. Salm. ibid. n. 49. cum Trull. et Diana; item Cajet. Navarr. Vill. Led. Zanard. Bass. ap. Moyam.* Fortè dices, posse accedere, ut pruritus ille proveniat ex ipso ardore libidinis, unde extinctio pruritûs, quæ per fricationem fit, venerea delectatio potius censeri debeat. Sed respondetur, rationabilius judicandum, quòd talis pruritus, quando est valdè molestus, oriatur ex acrimonia sanguinis, quàm ex ardore luxuriæ. Saltem, in dubio, possidet libertas se liberandi ab hujus-

modi molestia per tactum de se licitum, dum licet quisquis potest tactu pruritum corporis abigere; et si accidit pollutio, absque periculo consensûs, per accidens, et involuntariè, ac proinde inculpabiliter accidit: ut autem iste ab eo tactu abstinere teneretur, probandum pro certo esset, pruritum illum à libidine procedere. Cæterum sapienter monet *Croix loc. cit.* eos, qui puritatem amant ut abstineant (intelligi quantum moraliter est possibile) ab hujusmodi tactibus. Idque absolutè, et meritò prohibet *Ronc. loc. cit.* si pruritus non sit valdè molestus; permittit tamen eo casu poti aliquam commotionem, si quis non habeat virtutem illum tolerandi. (1) III. Sic etiam licet, etiam prævisâ pollutione, equitare causâ utilitatis. *Bonac. n. 7. Sanch. n. 7. cum Nav. Armill. Vasq. Lop. etc. Salm. tr. 26. c. 7. punct. 3. §. 2. n. 53. cum Less. Azor. et Dic.* Etiam causâ recreationis, ut *Spor. n. 650. Anacl. n. 53. item Laym. Pal. Sanchez, etc. apud Croix n. 925. ac Henno et Holz. n. 690. cum Pichler, et communi*, ut asserit. IV. Licet decumbere aliquo situ ad commodiùs quiescendum. *Salm. ibid. n. 53. Spor. n. 650. Sanchez, Pal. Laym. etc. apud Croix n. 925. Holz. n. 690. cum aliis communiter.* V. Cibos calidos aut potus moderatè sumere, et honestas choreas ducere. *Sporer n. 650. Salm. loc. cit. cum S. Anton. Tol. Less. Holzm. d. n. 690. cum Pichler etc. communiter.*

Quid, si chirurgus in scæminis medendis aliquoties miscrè consenserit in pollutionem, an teneatur officium derelinquere? Probabile est, quòd non teneatur, modò proponat debitis mediis se munire, ut dicunt *Navarr. Summ. c. 3. in fine ex Salm. ibid. n. 47. cum Hurt. Anton. à Sp. S. etc. Vide dicta in l. 2. n. 63. v. Quæritur.* Idem dicitur de parocho, qui in eandem miseriam pluries lapsus fuerit in excipiendis confessionibus; secùs verò de simplici confessario, qui, sine gravi detrimento famæ vel facultatum, exercitiùm deserere possit audiendi confessiones, ut *Salm. loc. cit. n. 48. cum Palao, et aliis cit.* At quid, si hujusmodi personæ semper, vel ferè sem-

(1) Nihilominus non facîle credatur quibusdam puellis quæ tactibus se polluerent, prætextu hujusmodi ardoris; nam si diligenter examinentur, cognoscetur ille pruritus multoties potiùs excitatus fuisse vel à pravis cogitationibus prahabitis vel ab habitu pravo contracto se tan-gendi. *Hom. Ap. tr. 9. n. 34.*

per lapsæ fuerint et nulla rationabilis spes affulgeat emendationis? Tunc dicimus; eos teneri cum quacumque jactura officium deserere, juxta dicta hoc *l. 4. n. 438.* et fusius *l. 6. num. 437.*

484. — Quæstio autem hic magna agitur, an sit mortalis pollutio prævisa, quæ involuntariè sequitur ex causis leviter in eam influentibus? Plures diversæ adsunt sententiæ.

I. Sententia affirmat esse mortales omnes pollutiones prævisas et non impeditas, etiamsi causæ aliæ sint licitæ. Ita *Val. Medin. Manuel, etc. apud Sanch. l. 9. d. 43. n. 10.*

II. Sententia quam tenet *Armillæ apud eundem Sanch. n. 11.* dicit, quaecumque causam, etiam venialiter illicitam efficere pollutionem mortalem.

III. Sententia, quam sequuntur *Soto, Ang. Gerson, Lopez etc. apud Sanch. n. 12.* tenet omnem causam, quæ in se est peccatum mortale, constituere etiam mortalem pollutionem, quæ ex illa sequitur. Et pro hac sententia videtur stare *S. Th. 3. part. quæst. 80. a. 7.* ubi ait *Quandoque verò (pollutio nocturna) est cum peccato; puta, cum provenit ex superfluitate cibi, vel potus. Et hoc etiam potest esse peccatum veniale, vel mortale.*

IV. Sententia communis et probabilior docet, pollutionem non esse mortalem, nisi proveniat ex causa per se mortali, in genere luxuriæ. Ita *Less. l. 4. c. 3. dubit. 14. n. 102. Sylvius 2. 2. quæst. 154. art. 11. ad 2. Sporer de matrimonio c. 3. n. 647. Croix l. 3. part. 1. n. 922. Sanch. de matrim. l. 9. d. 43. n. 16. cum Sylvest. Abul. Sa, Ang. Turr. Henr. etc. Item Ronc. c. 7. q. 9. r. 2. Elbel de 6. præc. n. 237. Anacl. eod. tit. n. 54. Holzm. n. 690. Bonac. q. 4. p. 10. n. 3. Salm. tr. 26. c. 7. punct. 3. §. 2. n. 52. et 54. cum S. Anton. Suar. etc.* Ratio cur causa debeat esse per se mortalis, est, quia, cum pollutio non sit volita in se, sed tantum in causa, eo gradu mala erit, quo mala est ipsa causa. Ratio autem, cur debeat insuper esse mortalis in eodem genere luxuriæ, est, quia, cum causa leviter ad pollutionem concurrat, non est gravis obligatio causam illam vitandi, ob pollutionem, quæ præter intentionem accidit.

Hinc inferitur *I.* non esse nisi venialem pollutionem, quæ oritur ex colloquio non diuturno cum puella, vel levi aspectu, aut curiosa lectione venialiter turpi; quia, ut dictum

est, cum causæ istæ leviter influant, pollutio subsequens potius à causa naturali, quàm ab illis procedit. Ita *Sanch. dict. d. 43. n. 18. Salm. ibid. n. 50. cum aliis ut suprâ.* Idem sentit *P. Cuniliati tract. 2. c. 2. n. 13.* dicens: *Peccat mortaliter ponens actiones turpes, de se proximè excitantes ad pollutionem, seu commotiones. Secus si causa sit remota, ut equitare, cubare, comedere cibos calidos, loqui cum mulieribus, etiam si ponatur sine fine virtutis, peccabit tantum venialiter.* Idem de pollutione involuntariè ortâ ex lectione turpi facta ob curiositatem, sine pravo animo, aut periculo se delectandi de ipsis rebus obscænis, dicunt *Less. l. 3. c. 3. n. 102. cum Sa, Bon. quæst. 4. p. 10. n. 9. cum Vasq. Tamb. §. 2. n. 8. Sporer n. 648. cum Sanchez.* Sed in praxi id numquam concederem, et tantò minùs, si ob lectionem turpem, solius curiositatis causâ, frequenter acciderit pollutio, rectè enim dicunt *Salm. n. 48. et consentit Roncaglia quæst. 7. n. 11.* non excusari à mortali eum, qui frequentem pollutionem expertus sit ex aliquibus causis in eodem genere luxuriæ, quæ vehementius ad pollutionem influunt, et illas voluntariè, ac sine necessitate ponit, quamvis ipsæ per se non pertingant ad mortalia, uti sunt nimirum curiosa lectio, turpis aspectus picturæ obscæne, vel coïtus animalium, tactus propriorum verendorum, aut alterius ex levitate, et similia: ratio, quia respectu istius personæ, ob suam pravam dispositionem, talis causa non leviter influit. Secus verò dicunt, si pollutio ex huiusmodi causis rarò eveniat, ut *Salm. loc. cit.* Et secus etiam, si causæ sint omninò leves, prout essent visus partium honestarum mulieris, lectio leviter turpis, colloquium cum fœmina non diuturnum, vel leviter obscænum: ratio, quia hominibus est quasi moraliter impossibile omnes has causas communiter evitare. Ita *Sanch. num. 18. et Salm. ibid. num. 50.*

Insertur II. non esse mortalem pollutionem, quæ, præter intentionem, accidit ex causis illicitis, adhuc mortaliter in alio genere, quàm luxuriæ, putâ ex ebrietate, vel ex comestione carnis nimis immoderata, aut in die vetito. Ita cum *Busemb. Sanch. n. 20. Nav. c. 16. n. 8. Suar. 3. part. tom. 3. quæst. 80. art. 7. Bonac. p. 10. num. 6. Less. l. 4. c. 3. n. 99. Salm. loc. cit. n. 54. cum Vasq. Dicast. etc. Sporer n. 649. cum Laym. et aliis, citatis suprâ n. 484.* Idèò *S. Greg. in can. Testamentum, dist. 6.* loquens de pollutione ortâ ex super-

fluitate cibi vel potûs, dixit tantum aliquem reatum contrahi: Cum vero (verba Pontificis) *ultra modum appetitus in sumendis alimentis rapitur,.... habet exinde animus aliquem reatum.* Quod verbum *aliquem* explicans Glossa inquit, *id est veniale peccatum.* Tanto magis non erit mortalis pollutio, quæ oritur ex causis venialibus in alio genere, ut ex equitâta, esu calidorum, situ, et aliis similibus actionibus. Sed hic controvertitur, an sit saltem veniale peccatum, ponere has causas leviter illicitas in alia materia, sine rationabili motivo, quando ex illis aliquis prævidet pollutionem se passurum? Negant *Holz. de sexto præcepto cap. 1. num. 690. Croix lib. 2. part. 1. num. 924. cum Arriaga; et Rodr.* quia (ut dicunt) tunc pollutio oritur potius ex naturæ infirmitate, quàm ex causa illa, quæ non nisi per accidens et remotè ad pollutionem concurrat. Sed probabilius affirmant *Sanch. num. 21. Less. c. 3. n. 99. Ronc. q. 7. Sporer d. n. 649. Bonac. p. 10. n. 6. Salm. tr. 26. cap. 7. punct. 3. §. 2. num. 52. cum S. Gregor. S. Antonin. Nav. Suar. et Dic.* Ratio, quia sine causa rationabili permittere pollutionem, semper videtur aliquid indecens et inordinatum. Sed ab hoc veniali excusat quidem quævis causa rationabilis necessitatis, utilitatis, aut convenientiæ, ut cum *Laym. l. 3. sect. 4. n. 12.* docent communiter DD. citati *n. 485.* Et hoc, etiamsi causa illa esset venialiter illicita in eadem materia luxuriæ, ut communiter dicunt *Salm. ibid. n. 54. et §. 3. n. 63. Ronc. q. 7. r. 3. Sporer. n. 650. Holz. n. 690.* ut mox suprâ dictum est (1).

485. — « 7. Pollutio in somno facta est mortalis, 1. Si antè » directè, vel formaliter sit procurata, et causa non sit retracta.

(1) Denique sedulò hic advertendum, inquit *S. Alphonsus in fine tr. 9. n. 34.* » quòd in hac materia sexti præcepti oportet, quantum possibile est, omnem » adhibere severitatem, cum in re tam labili nulla cautela unquam nimia exi- » stimari debeat, et plures opiniones, quæ speculativè loquendo sunt pro- » habiles, in praxi improbabilis evadunt. Hinc confessarius ubi periculum pœ- » nitentium inspicit, licèt actionem, quam illi vellent perpetrare de certo » peccato mortali damnare non valeat, tamen nullo modo permittat. Hoc me- » dici animarum est, præsertim respectu eorum qui in vitio turpi habitum » in præterito habuerunt; his enim non solum proximas occasiones vitare, » sed etiam remotas opus erit; aliàs ob fragilitatem contractam semper in » idem recident, cum in hac materia, ad quam homines naturaliter sunt » pròni, de facili à minoribus ad ulteriora mala ipsi progrediuntur. » Confer. *l. 1. n. 84 et l. 6. n. 605.*

- » 2. Quando post somnum placuit, et approbata est propter
- » delectationem venercam; aliàs non. *Fill. q. 3. n. 148. Trull.*
- » *loc. cit. n. 9.* » (*Sed vide de hoc l. 2. n. 20.*)
- » Quæres, an mutua pollutio, inter marces, vel feminas
- » procurata, sit mollities tantum, an sodomia?
- » Resp. Si fiat ex solo affectu ad venercam libidinem sine
- » concubitu, esse tantum mollitiem: si verò fiat ex affectu
- » ad personam illam indebiti sexus (præsertim si adsit ali-
- » qua conjunctio, et commixtio corporum) est quoad mali-
- » tiam sodomia. *Fill. t. 50. c. 8.* Plura de tota hac materia
- » vide *suprà lib. 2. cap. 1. d. 2. art. 2.* de peccato in gene-
- » re, et auctores citatos. » (*Vide de hoc *suprà* dub. anteced.*
- num. 467.*) ■

TRACTATUS V.

DE SEPTIMO PRÆCEPTO :

NON FURTUM FACIES.

« **C**um hoc prohibeatur omnis injusta damnificatio in
 » bonis proximi , quæ sit , 1. per furtum , et rapinam , 2. per
 » omissionem reparationis damni illati , 3. per iniquitatem
 » contractuum , de his tribus hic agendum. »

TRACTATUS PRÆAMBULUS.

DE JUSTITIA , ET JURE.

486 *Qualiter dividatur justitia , et qualiter jus ?*

487 *Quid sit dominium , et ususfructus ?*

488 *Quot sint peculia filiorum familias ?*

489 *Quot sint bona uxorum ?*

490 *Quot bona clericorum ? Et præsertim I. Quæ sint patrimonialia ? II. Quæ industrialia ? III. Quæ parsimonialia ? IV. Quæ ecclesiastica ?*

491 *Hinc quær: I. An clericus teneatur necessariò pauperibus succurrere ? Qu. II. Qui veniant nomine pauperum ? Qu. III. An præferendi pauperes loci ? Qu. IV. An superflua possint reservari ? Qu. V. An clericus , habens sua , possit vivere ex bonis beneficii ? Qu. VI. An etiam pensionarii teneantur superflua erogare in usus pios ?*

492 *Qu. VII. An beneficiarii malè expendentes redditus , teneantur ad restitutionem ? Qu. VIII. An peccent graviter , qui malè accipiunt superflua à beneficiario ?*

493 *Quot modis acquiratur dominium ? I. Occupatione.*

494 *II. Nativitate.*

495 *III. Alluvione.*

496 *IV. Specificatione.*

497 *V. Accessione.*

498 VI. Confusione, vel commixtione.

499 *An idem, quod currit in mixtione pecuniæ, currat in mixtione aliarum rerum?*

500 VII. Ædificatione.

501 VIII. Plantatione.

502 IX. Perceptione fructuum.

503 X. Traditione.

504 *De præscriptione, et conditionibus requisitis ad præscribendum; et I. De bona fide.*

505 *II. De titulo justo; et an sufficiat titulus coloratus, vel estimatus?*

506 *III. De continuata possessione, et de tempore requisito ad præscribendum, usque ad num. 310.*

511 *Quando præscriptio interrumpatur?*

512 *An hæres possessoris malæ fidei possit præscribere?*

513 *An possit præscribi libertas à solvendo debito, aut mulctæ?*

514 *Quibus detur restitutio in integrum, circa bona præscripta?*

515 *IV. Conditio ad præscribendum est, ut res sit apta præscribi.*

516 *Decisio quatuor Aularum facta Neapoli circa præscriptiones.*

517 *An in consentiæ res præscripta possit retineri, etiam ubi lex præscriptionis non viget.*

486. — **A**NTEQUAM aggrediamur tres hos perdifficiles sequentes tractatus de furto, restitutione, et contractibus, ad melius intelligenda ea, quæ dicentur, alia quædam generalia de justitia et jure expedit prænotare.

Justitia dividitur communiter in legalem, distributivam, et commutativam. *Legalis* respicit jura legum, et poenas. *Distributiva* respicit personarum merita, quoad præmia, et honores. *Commutativa* autem respicit æqualitatem valoris rerum, juxta hominum æstimationem, ut tantum domino reddatur, quantum ab eo surreptum, vel quantum damnum ei illatum est.

Jus autem dividitur in *jus in re*, et in *jus ad rem*. *Jus in re* est, quando res ipsa habetur obligata, et ideo tribuit rei vindicationem, seu actionem in rem ipsam, v.gr. Venditor, qui tradidit rem, actionem in ipsam rem habet pro pretio: beneficiarius per collationem habet jus in beneficium, et similia. *Jus ad rem* est, quando res nondum est obli-

gata, sed tantum jus habetur ad eam acquirendam. Ideo jus ad rem tribuit tantum actionem personalem contra impediens acquisitionem rei.

487. — Deinde jus in re dividitur in *dominium*, et *usufructum*. *Dominium* aliud est *jurisdictionis* erga subditos, ut habet pater erga filios, Episcopus erga diocesanos etc; aliud *proprietas* erga res, sive servitutem. Idem *dominium* aliud est *directum*, ut habet princeps in feudis, et dominus in prædio, dato ad emphyteusim; aliud est *utile*, quod habet feudatarius, et emphyteuta. (1)

Ususfructus autem est jus utendi, et fruendi aliqua re, fructus ex ea percipiendo. Hic notandum, ab usufructuario differre usurarium, qui alicujus rei usum habet, v. gr. horti, ex quo colligere potest fructus pro sua familia, et suis hospitibus; non autem potest illos alienare, *l. Plenum. ff. de usu etc.* Ita pariter habens domus usum, potest eam habitare, sed non locare, nec alteri concedere usum, si ipse eam non habitet. Notandum præterea, quod usufructuario incumbit solvere expensas pro fructuum perceptione, et tributa, seu collectas super rem impositas, ut ex *l. Hactenus, ff. de usuf.* Deinde tenetur rem bene colere, arbores novas mortuis substituere. Ad magnas autem expensas non tenetur ipse, sed proprietarius. (2)

(1) Confer notam infra ad n. 868. positam.

(2) Quæ cod. civ. de usu et usufructu statuit, his præcipuis, quos ob frequentiore usum in tract. de jure et justitiâ ac contractibus opus est adducere, articulis continentur:

Art. 578. Ususfructus est jus rebus alienis utendi et fruendi ut ipse proprietarius, salvâ earum substantiâ.

Art. 579. Ususfructus aut lege aut propriâ voluntate,

Art. 580. Aut simpliciter aut ad tempus definitum vel quâdam cum conditione,

Art. 581. Super re quâcumque sive mobili sive immobili constitui potest.

Art. 582. Usufructuarius jus habet percipiendi fructus omnes rei sive naturales, sive industriales sive civiles.

Art. 583. Fructus naturales vocantur, quos terra suâ sponte producit; quæ ex animalibus nascuntur aut increscunt pariter fructus naturales dicuntur. Qui cultu fundi obtinentur, fructus industriales sunt.

Art. 584. Lucra ex domorum locationibus ac mutuâ pecuniâ, reliqua pensionum annuarum (gall. *arrérages des rentes*) et lucra ex prædiorum locationibus (gall. *baux à ferme*) inter fructus civiles referuntur.

Art. 585. Fructus naturales et industriales pendentes à ramis vel radicibus ipso, quo tempore usufructus inchoatur, usufructuarii sunt. Qui verò in eodem statu versantur, ipso temporis momento, quo usufructus finitur, proprietarii sunt, ex neutrà tamen parte compensatione cultionis aut seminum

488. — Filiusfamilias dominium habet peculii castrens,.

facta sine damno et coloni partiarü, si quis erat tempore capti aut finiti usufructus, qui jam partem fructuum acquisiverit.

Art. 586. Civiles censentur quotidie usufructuario acquiri pro ratâ durationis usufructûs.

Art. 587. Si usufructus comprehendit res usu consumptibiles, ut pecunia, frumentum, liquidum, potest usufructuarius iis uti, sed sub finem restitui debet æquivalens in quantitate, qualitate, valore vel æstimatione.

Art. 589. Si usufructus comprehendit res, quæ non consummuntur, aut usu paulatim deteriores sunt, ut lintes, supellectilia, usufructuarius earum usum habebit, ob quem commodatæ fuere, obligatus, expirante usufructu, ad eas reddendas in eo, in quo inveniuntur statu, licet deteriores, modo absque dolo aut sua culpa.

Art. 594. Arbores fructiferae demortuæ, etiam casu ejectæ cedunt usufructuario sub onere plantandi rovas earum loco.

Art. 595. Usufructuarius ipse jure suo uti poterit vel illud alii locare, aut vendere, aut donare. In locatione autem tum quoad diuturnitatem ejus, tum quoad tempus, quo renovanda est, servet regulas definitas pro locatione bonorum uxoris à marito, titulo *de contractu matrimoniali et juribus conjugum*.

Art. 597. Gaudet juribus servitutum, viarum et generatim iis omnibus, quibus ac quomodo ipse fruitur proprietarius.

Art. 599. Pariter usufructuarius, cessante usufructu, nullam exigere poterit compensationem impensarum ad rem. meliorem reddendam factorum, etiamsi ipsis rei valor creverit. Ipsi tamen aut hæredibus auferre licebit specula, imagines aliave ornamenta, modo omnia in pristinum restituat.

Art. 600. Usufructuarius qualem rem invenerit, tali fruetur, eâ tamen frui non valebit, nisi præsentem proprietario, aut ipso saltem legaliter vocato, inventarium rerum mobilium et immobilium in usumfructum transeuntium confici prius curaverit.

Art. 601. Cautionem præstare tenetur, se re domini in modo boni patrisfamilias fructuram, nisi in constitutione usufructus aliter conventum sit. Excipitur pater et mater pro usufructu legati bonorum suarum prolium; item reservans sibi usumfructum rei à se venditæ vel donatæ.

Art. 605. Usufructuarius eas tantum reparationes præstare tenetur; quæ ad rem integram servandam necessariæ sunt. Ad majores reparationes obligatur ipse proprietarius, nisi earum necessitas ex negligentia usufructuarii contingat.

Art. 606. Majores sunt reparationes grossorum parietum, fornicum, trabium, tecti totius; item integrorum aggerum et murorum sustinentium vel sepientium. Reliquæ omnes reparationes ad rem conservandam esse censentur.

Art. 607. Neque proprietarius, neque usufructuarius tenetur reædificare, quod vetustate aut casu fortuito collapsum est.

Art. 609. Usufructuarius ad universa onera annua prædii tenetur, qualia sunt tributa aliave quæ pro re frugiferâ deberi censentur.

Art. 609. Quoad tributa, tempore usufructûs proprietati imposita, proprietarius ea solvere tenetur, quorum usuræ (gall. *intérêts*) solvendæ sunt ab usufructuario. Si verò ipse usufructuarius istis tributis satisfecerit, in fine usufructûs summam pecuniæ expensam repetere poterit.

Art. 614. Si quis tempore usufructûs injustè dominium quocunque ratione invaserit, huic eum usufructuarius deferre tenetur; quod si non fecerit pro-

204 *Lib. 4. Tract. 3. De septimo præcepto decalogi.*
et quasi castrensis. (1) In quo notandum, quòd peculium filio-

prietarium pro omni damno indemnem præstabit, ac si ipsemet rem deterio-rem reddidisset.

Art. 615. Si animal in usumfructum datum absque culpa usufructuarii perierit, hic nec aliud substituere, nec ejus pretium solvere tenetur.

Art. 616. Si totus pecorum grex casu fortuito aut morbo sive culpa usufructuarii interierit, hic domino tantum corium aut ejus pretium solvet, si verò non grex integer interierit, pro demortuis alia substituat capita ad numerum capitum, quæ ex fortibus proveniant.

Art. 617. Usufructus amittitur morte naturali vel civili usufructuarii; finito tempore, pro quo constitutus erat; per non usum 30 annorum; si usufructuarius evadat propriarius; si res tota usufructus pereat.

Art. 618. Amittitur quoque per abusum, rem deteriorando, vel reparatione negligendo.

Art. 619. Usufructus qui non singularibus personis concessus fuit, est tantum triginta annorum.

Art. 620. Usufructus ad certam usque ætatem alicujus tertii concessus valet usque ad hoc tempus definitum, licet ille prius obiverit.

Art. 621. Venditione rei jura usufructuarii minime immutantur, nisi ipse usufructui expressè renuntiaverit.

Art. 622. Quam renuntiationem creditores nullam reddere valent, si ipsorum detrimento facta sit.

Art. 623. Si solum pars rei usufructuariæ pereat, usufructus permanet in restante.

Art. 624. Si constitutus sit super edificio, hæcque incendio, casu, aut vetustate pereat, non continuatur in fundo vel materia. Secus si super fundo, cujus edificium pars erat, constitutus sit.

Art. 625. Jus usus et habitationis eo, quo usufructus constituitur, et amittitur modo.

Art. 627. Usuarii et habitator re utantur ut bonus paterfamilias.

Art. 628. Jura usus aut habitationis determinantur aut extenduntur iis, quibus titulus constituuntur.

Art. 629. Si ex titulo ipso non constat quam latè hæc jura pateant, statuuntur sequentia:

Art. 630. Usuarii ex fructibus fundi solummodo exigere poterit, quod ipsi ipsiusque familiæ nec non proli, quam à tempore usus actus est, necessarium erit.

Art. 631. Non potest jus suum cedere aut locare.

Art. 632. Poterit habitare domum tota cum sua familiâ, licet non fuerit matrimonio junctus, tunc cum jus habitationis acquisivit.

Art. 633. Jus habitationis definitur ex eo, quod ad habitandam domum toti familiæ necessarium est.

Art. 634. Jus habitationis nec cedi nec locari poterit.

Art. 635. Si usuarius omnes fructus absorbeat, vel totam domum occupet, tenebitur ad impensas culturæ et reparationum, nec non ad tributa, sicuti usufructuarius; si partem solum, tenebitur pro ratâ.

Edit.

(1) Qui ex codic. civ. Filiifamilias ac Majores aut Minores quasque ipsorum sunt jura in bona, definiuntur hisce articulis:

Art. 312. Proli in matrimonio conceptæ pater est ipse maritus.

rumfam. sit quadruplex, *castrense, quasi castrense, profectitium, et adventitium*. Et I. *Castrense* dicuntur bona illa, quæ filius acquirit in castris et in militia, sive hæc sint debita, ut stipendia, sive hæc sint acquisita donatione à præfectoris militiæ, vel à parentibus, aut ab aliis occasione militiæ, ut *Less. l. 2. c. 4. n. 7. Lugo d. 4. n. 15.*

H. *Quasi castrense* dicuntur bona, quæ filius acquirit in officiis publicis, judicis, advocati, lectoris, medici, etc. Istorum duorum peculiorum pertinet ad filium plenum jus quoad proprietatem, et usumfructum. Et hoc etiamsi merces exigatur à privatis. *Lugo n. 16. cum Sylvest. Mol. etc.* Idem ait *Lugo n. 17. cum Nav. Mol.* de notariis, sive publicarum causarum, sive privatorum contractuum. Pro aliis verò artificibus, etsi publico inserviant, eorum tamen merces non pertinet ad peculium quasi castrense; excipit tamen *Sanct. op. Lugo n. 18.* architectos principis, vel communitalis. Omnia

Art. 331. Proles extra matrimonium nata, si excipiat incestuosa aut adultera, legitima fieri poterit matrimonio subsequenti genitorum.

Art. 333. Proles matrimonio subsequenti legitima facta iisdem gaudebit juri-
bus ac nata esset ex ipso matrimonio

Art. 488. Majoritas est ad 21 annos completos.

Art. 388. Minor est, qui 21 annos non complevit.

Art. 478. Minor emancipatur ipso jure per matrimonium.

Art. 477. Poterit etiam emancipari voluntate patris aut matris si pater deficiat, cum 15 annos natus sit.

Art. 384. Stante matrimonio pater; eo verò soluto, pater aut mater superstes habebit usumfructum bonorum filiorum, usquequæ 18 annos compleverint aut ante hanc ætatem emancipati fuerint.

Art. 385. Usumfructum bonorum filiorum habens tenetur;

1.º ad ea, ad quæ tenentur usufructuarii;

2.º ad alimenta, cultum atque educationem filiorum juxta statum;

3.º ad annuas pensiones vel lucra sortis solvenda;

4.º ad impensas funeris, morbiq; ultimi faciendas.

Art. 386. Quo usufructu non gaudebit ille conjugum, contra quem lata est sententia divortii, desinetque etiam mater eo frui ob secundas nuptias.

Art. 387. Jus usufructus, quo pater vel mater donatur, non se extendit ad bona, quæ suo proprio labore aut sua propria industria filii sibi compararunt, neque ad ea, quæ ipsis fuere donata aut legata sub conditione patrem et matrem usufructu privante.

Art. 730. Parentes (ex lege indigni) bonorum filius ex hæreditate advenientium usufructu privati existunt.

Art. 389. Stante matrimonio jus administrandi bona personalia minorum penes patrem est, qui et de proprietate et redditibus bonorum, quorum usufructu caret, sed de solâ proprietate eorum, quorum usufructu ex jure gaudet, reddenda rationi obnoxius est.

l. ult.

Tom. III.

18

autem bona, donata intuitu exercitii prædictorum officiorum, sunt quasi castrensia. *Lugo n. 19.* Hujusmodi sunt omnia, quæ acquiruntur à filiosam. ex officio clericali, ex *L. Præsbyteros, 6. c. de Episc. et cler.* Imò idem dicitur de omnibus, quæ clerico adveniunt ex quocumque titulo. *Lugo n. 21. cum Mol. Sanch. et communi.* Hocque rectè dicit *Lugo n. 22.* contra aliquos de clericis etiam tonsuratis, cum textus cit. exprimat etiam cantores.

III. Peculium autem *profectitium* sunt bona, quæ proficiuntur de rebus paternis, et filius lucratur in ipsis negotiando; peculium hoc totum pertinet ad patrem quoad fructum, et proprietatem. Etiam dicuntur bona *profectitia* illa, quæ donantur filio intuitu patris: secus verò, si donantur filio intuitu suiipsius, etsi occasione patris filius cognitus sit à donante. *Lugo n. 37.* In dubio autem, an aliquid sit donatum intuitu patris, vel filii, erit totum filii, si ipse bonâ fide inceperit possidere; aliàs dividendum pro rata dubii. Bona verò donata filio à patre in patrimonium ad suscipiendos ordines sacros, non sunt numeranda inter *profectitia*, sed benè sunt conferenda cum aliis fratribus, cum ille hæreditatis portionem exposcit, ut *Lugo loc. cit. cum Mol. et ut dicemus n. 936.* Dubium fit 1. an, quod lucratur filius ex bonis paternis, sit totum et semper *profectitium*? Affirmant *Sylv. Azor, etc. apud Lugo n. 40.* Dicunt verò *Gom. Bart. Tab. Ang. etc. ib.,* esse partim *profectitium*, partim *adventitium.* *Lugo* autem cum *Mol.* tenet esse *profectitium*, si filius nomine patris negotietur, *adventitium* verò si nomine suo, putà, si ipse furatus sit pecuniam à patre, vel si pecunia otiosa erat apud patrem. Certum autem est, ut docet *Lugo dict. n. 40.* quòd, si filius negotietur extra domum patris ex aliis bonis quàm paternis, lucrum non sit futurum *profectitium.* In dubio tamen, an lucrum provenerit ex bonis patris, vel alterius, tùm tantum *profectitium* præsumitur, cum filius administrabat bona paterna. *Lugo n. 41. cum Gom. Bart. etc.* Dubium fit 2. an filius, pro labore præstito in beneficium patris, possit stipendium exigere? Affirmant *Nav. Less. Ang. Lop. ap. Sanch. l. 1. c. 2. d. 8. n. 1.* et probabile putant *Laym. lib. 5. tr. 4. c. 8. n. 6. et Bus. infr. n. 544.* Negant verò *Molin. et alii plures cum Sanch. loc. cit. et Croix lib. 3. p. 1. n. 1054.* Rectè autem distinguit *Lugo d. 5. n. 42.* et ait, quòd si filius

extra domum patris habitet, nec à patre alatur, id, quod lucratur, est adventitium; profectitium verò, si in domo paterna degat, et à patre alatur, necnon obsequia illa sint patri debita: quæ si tamen excedant, benè potest filius petere stipendium. Sed hic dubium fit 3. utrùm, si prædicta obsequia fuerint excedentia, et filius non petierit stipendium, præsumatur illud remisisse? Omnino affirmant *Mol. d. 254. et Sanch. loc. c. n. 4.* quia hoc præstat bono communi, ut inter parentes et filios frequentia jurgia vitentur. Sed probabilius docet *Lugo dict. n. 42. cum Nav. Less. Ang. etc. ut supra*, quòd, dum filius, si potest, non petat, rationabiliter remisisse censeatur. Secus, si renuat poscere ex paterna reverentia; debet tamen eo casu detrahare alimenta à patre percepta. *Vide etiam dicenda num. 544.*

IV. Peculium tandem *adventitium* sunt bona, quæ filiis. proveniunt aliunde, quàm ex bonis paternis, vel intuitu patris acquisitis. Horum bonorum filius proprietatem habet, pater verò acquirit usumfructum, etiamsi sint bona majoratus. *Lugo d. 3. n. 30.* Quandoque tamen filius etiam talem usumfructum acquirit, nempe I. Quando præcisè ususfructus donatur filio, vel donatur aliquid filio, patre contradicente. II. Si filius unà cum patre succedit in hæreditatem fratris, vel sororis. Ita *Less. l. 2. c. 3. num. 9. 10 et 11. et Lugo d. 3. n. 25. cum aliis.* III. Addit *Lugo ibidem*, si filius accipit dotem. patre se non obligante: *vide alia apud Lugo.* Exceptis autem his casibus: filius de bonis adventitiis non potest disponere sine consensu patris, nec testari, etiam cum ejus consensu, nisi ad pias causas, ex c. *Licet 4. de sepult. in 6.* Potest tamen universè testari de castrensi peculio, ut *ibid.* Ususfructus autem peculii adventitii erit patris, quamdiu vivit, etiamsi filius exierit à patria potestate; nisi filius electus sit ad Episcopatum, vel ad magnam dignitatem, scilicet, si fiat Cardinalis, præfectus Urbis majoris, consiliarius regius, magister militum; tunc enim totus ususfructus pertinet ad filium, ut *Lugo n. 24. Salm. tr. 12. c. 2. punct. 10. §. 1. n. 128. Holzm. p. 4. n. 274.* Si verò pater emancipet filium, dimidia pars ususfructus erit patris, et dimidia filii. *Lugo, et Holzm. ib.* Hoc intelligitur tamen, si emancipatio fuerit voluntaria patris; nam, si filius emancipetur ratione matrimonii, ex jure Hispanico, tunc ususfructus erit totus filii: si verò ratione

status religiosi à filio assumpti, ususfructus erit totus patris. *Lugo ibid.* Hic notandum I. quòd si pater permittat filio, ut discedat è sua domo, non censeatur remittere prædictum ususfructum, nisi filius dimittatur ad quærendum sibi victum; vel nisi filius, vidente et tacente patre, fructus expendat, ut *Lugo n. 27. ex l. Cum oportet. c. de bonis quæ liber.* Notandum II. quòd si bona sint usu consumptibilia, tunc pater possit de illis disponere, cum obligatione reddendi filio tantumdem. *Lugo n. 35. et Mol.*

489. — Bona uxoris alia sunt *dotalia*, alia *paraphernalia*, (1)

(1) Ex cod. civ. Conjuges ratione honorum sub triplici regimine conatui possunt: 1.º Sub regimine communitatem bonorum includente; 2.º Sub regimine bonorum communitatem excludente; 3.º Sub regimine dotali. Varia sunt pro hac diversitate regiminis jura varique conjugum obligationes. Insuper alia legalis, alia conventionalis est communitas in qua bona communia et propria conjugum distinguuntur.

I. *Art. 1400.* Communitas legalis locum habet cum sponsi matrimonium ineunt sine ulla conventionione aut simpliciter declarant, se sub regimine communitatis bonorum contrahere.

Art. 1387. Conjuges bona sua semper ad normam legis civilis disponere censentur, nisi speciales de iis fecerint pactiones, minimè tamen bonis moribus contrarias.

Art. 1528. Communitas conventionalis in omni re sequitur leges communitatis legalis, nisi huic implicite vel explicitè derogatum sit.

Art. 1401. Inter bona communia referuntur:

1.º Omnia mobilia, quæ conjuges primo die matrimonii possiderunt, aut postea hereditate vel donatione acceperunt donatore non contrarium statuente.

2.º Omnes qualescunque fructus, redditus, fœnora, pensionesque annuæ, quæ conjugibus obveniunt, tempore matrimonii et ex bonis jam primo die matrimonii ipsorum propriis, aut postea quocunque titulo acceptis.

3.º Omnia immobilia in matrimonio acquisita.

Art. 1404. Immobilia verò, quæ conjuges jam ante matrimonium possiderunt aut in matrimonio hereditate acquisivèrunt, nequiquam inter communia referuntur.

Art. 1405. Pariter immobilia alterutri conjugum tempore matrimonii donata, minimè in communitatem allata censentur, sed spectant ad donatarium, nisi donator declaraverit, rem numero bonorum communium esse.

Art. 1406. Immobilia à patre vel matre aut alio ascendente alterutri conjugum, ut ipsi aut donatoris creditoribus satisfiat relicta, non sunt communia, salva compensatione aut indemnitate.

Art. 1409. Inter debita communia referuntur:

1.º Debita, quibus mobilia conjugum jam primo die matrimonii gravata existebant, aut quibus gravatur hereditas in matrimonio oblenta.

2.º Debita, quæ tum ex sorte, tum ex pensionibus annuis et usuris sunt, tempore communitatis à marito, aut cum hujus consensu ab uxore contracta.

3.º Debita, quæ solummodo ex pensionibus et usuris sunt ob res alienum, aut proprium conjugibus.

quæ sunt res, quas uxor attulit, vel sibi reservavit ultra dotem. Bonorum *paraphernalium* uxor habet plenum dominium, et usum, *l. Hac lege, c. de pactis*. Bonorum *dotialium* proprietas spectat ad uxorem, ususfructus verò et plena administratio ad maritum, *l. 2. ff. de jure dotium*. Hinc uxor, post mortem viri, omnibus creditoribus personalibus præfertur. Et adhuc vivente viro, si ipse vergit ad inopiam, potest uxor dotem repetere *ex eodem l.* Deinde notandum, quòd si dos consistat in pecunia, vel rebus usu consumptibilibus, tunc dominium dotis plenè transit ad virum, cum obligatione tantumdem restituendi, matrimonio soluto, *l. Res in dotem, ff. de jure dotium*. Deinceps notandum, quòd si bona

4. Debita ob reparationes usufructuarias immobilium non communium.

5. Debita ob alimenta conjugum, educationem et cultum filiorum ac ob quæcumque alia onera matrimonii.

Art. 1421. Solus maritus bona in communitatem allata administrat, quæ absque uxoris consensu vendere, alienare et oppignorare poterit.

Art. 1428. Marito jus est administrandi bona uxoris propria, necnon instituendi actionem ad res mobiles et litigiosas uxoris consequendas. Attamen immobilia uxoris non consentientis alienare non poterit; quòd si ipsius culpa status honorum uxoris deterior factus sit, ad restitutionem tenetur.

Art. 1426. Actiones civiles, quas uxor sine consensu mariti, etiam cum judicis auctoritate exercet, bona communia efficere nequeunt, nisi ratione mercaturæ, quam publicè et separatè facit.

Art. 1437. Quod si ex bonis communibus pecuniæ summa expensa fuit pro solvendis alterutrius conjugum debitis, uti pretium integrum aut partiarium rei immobilis propriæ aut redemptio servitutis, vel pro recuperandis, conservandis reparandisque bonis propriis ac generatim quoties unus conjugum lucrum proprium è re communi fecerit, ab eo compensatio debetur.

II. *Art. 1529.* Cum sponsi, quin se sub regimine dotali constituent, matrimonium inire intendunt cum clausulâ communitatem excludente, aut separationem honorum includente, hisce se subjiciunt legibus:

Art. 1530. Matrimonio inito cum clausulâ bonorum commun'tatem excludente, uxor nec sua bona administrare, nec ipsorum fructus percipere poterit; quod jus penes maritum est ad onera matrimonii sustinenda.

Art. 1531. Sed soluto matrimonio, aut separatione honorum ex sententiâ judicis factâ, ea integra uxori reddenda.

Art. 1532. Si quæ ex mobilibus ab uxore in dotem allatis aut ipsi in matrimonio obvenientibus usu consumptibilia inveniuntur, ipsorum fiat æstimatio in contractu matrimoniali, aut inventarium tempore quo obvenierunt, juxta quòd à marito pretium restituendum.

Art. 1533. Maritus ad omnia onera ususfructus tenetur.

Art. 1534. Nihil tamen impedit, quin statuatur, quòd uxor quotannis partem suorum reddituum ad usum proprium accipiat.

Art. 1535. Immobilia in dotem allata, de quibus præsens est paragraphus, alienari possunt, non tamen sine consensu viri, aut si hic nolit, sine judicis auctoritate.

dotalia, etiam stabilia, dentur viro æstimata, animo, ut æstimatio venditionem constituat, tunc vir etiam eorum dominium acquirit, et, soluto matrimonio, non tenetur, nisi ad pretium reddendum, *l. Quoties, ff. de jure dotium*. Et in prædictis duobus casibus, si pereunt dicta bona, viro pereunt, *l. Res in dotem*.

490. — Clericorum bona quadrupliciter distinguuntur, videlicet : I. In bona *patrimonialia*, quæ dicuntur ea, quæ

Art. 1536. Matrimonio autem inito cum clausulâ separationem bonorum includente, uxor mobilium et immobilium administrationem, nec non usumfructum habet.

Art. 1537. Uterque conjux ad onera matrimonii ferenda concurrit juxta conventionem; hæc autem deficiente, uxor pro tertia parte suorum reddituum concurrit.

Art. 1538. Nullo in casu nullaque ex causa uxor immobilia alienare poterit absque consensu mariti, hocque renitente sine judicis auctoritate.

III. *Art. 1392.* Regimen dotale instituitur per expressam conjugum declarationem, se velle sub hoc regimine contrahere; nec ad id sufficit constitutio dotis vel communitatis exclusio, neque etiam bonorum separatio.

Art. 1541. Quæcunque uxor in dotem constituit, aut in contractu matrimoniali accipit, bona dotalia sunt, nisi extet conventio contraria.

Art. 1542. Maritus ipse bona dotalia administrat, ac debitores et detentores eorum in judicio persequendi, fructus et usuras atque sortis representationes percipiendi jus habet. Attamen in contractu matrimoniali conditio apponi potest, quâ uxori partem suorum reddituum ad proprium usum quotannis percipere liceat.

Art. 1551. Dotis integræ aut partis ex mobilibus, quorum pretium in contractu fixum est, maritus possessor existit (nisi declaretur æstimationem non habere rationem venditionis) obligatus ad reddendum solum pretium statutum.

Art. 1552. Attamen rei immobilis in dotem constitutæ æstimatione, maritus nullo modo dominium acquirit, nisi contrarium statuatur.

Art. 1554. Bona immobilia in dotem constituta alienari vel hypotheca gravari non possunt durante matrimonio, neque ab uxore, neque à marito, neque ab utroque simul, exceptis casibus in lege definitis.

Art. 1562. Maritus ratione bonorum dotalium iisdem, quibus tenetur obligationibus usufructuarius; rationem reddet de præscriptionibus aut rei depravationibus, quibus causam negligentia suâ dedit.

Art. 1563. Si dos periclitetur, uxor in judicio separationem bonorum exigere poterit.

Art. 1574. Bona, quæ ab uxore in dotem allata non fuere, paraphernalia sunt.

Art. 1575. Quod si alia non forent uxoris bona quàm paraphernalia, ipsa ad onera matrimonii pro tertia parte reddituum concurret, nisi alia extet stipulatio.

Art. 1576. Uxor et administrationem et usumfructum paraphernalium habet: ea tamen alienare aut de eis litigare non poterit absque mariti consensu aut hoc renitente, judicis auctoritate.

Edit.

ipsi obveniunt ex quacumque causa profana. II. In bona quasi patrimonialia seu industrialia, et dicuntur ea, quæ clerici acquirunt ex ecclesiasticis functionibus sine beneficio, ut ex concionibus, missis, etc. III. In bona merè ecclesiastica, et sunt illa, quæ acquiruntur ex beneficiis. IV. tandem in bona parsimonialia, quæ sunt illa quæ clericus ex redditibus ecclesiasticis subtrahit de sua sustentatione, vivendo parcius, quàm honestè vivere potuisset.

491. — I. Quoad bona patrimonialia certum est, quòd clerici plenum eorum dominium habent, ut patet ex c. *Relatum* 12. de testam. II. Idem est de bonis industrialibus, ut communiter docent DD. cum *Sanch. Cons. l. 2. c. 2. dub. 55. et 45. Less. de just. l. 2. c. 4. dub. 6. Lugo de just. d. 4. sect. 3. n. 23. Anacl. tr. 7. d. 4. q. 3. Viva Opusc. de benef. q. 3. art. 1. n. 5. Salm. tr. 12. c. 2. punt. 11. §. 1. n. 158. cum Pal. Conin. etc.* Ex quo infert *Anacl. n. 27. cum Less. et aliis*, quòd si clericus vivat, aut expendat de bonis his, vel propriis in pias causas, possit tantundem accipere de bonis ecclesiasticis, et de eis ad libitum disponere; quia, cum jus habeat vivendi ex beneficio (ut infra videbimus in quæst. V.), non tenetur vivere ex bonis propriis; unde, si de his vivat, potest uti compensatione. Hoc tamen non admittendum puto, si clericus non habeat superfluum de bonis ecclesiasticis, atque hic et nunc teneatur de bonis propriis pauperi subvenire. Secus autem, si hic et nunc non teneatur ad eleemosynam; habeat tamen intentionem compensandi. An verò distributiones quotidianæ canonicorum computentur inter bona industrialia? Negant *Nav. de Redit. eccles. q. 1. n. 74. Sanch. l. c. dub. 46.* quia (ut dicunt) distributiones verè sunt partes reddituum beneficii, et ideo eandem naturam ac onus sortiuntur, quàm alii beneficii fructus. Sed probabilius affirmant *Lugo d. 4. n. 25. et Salm. ibid. n. 140. cum Azor, Sylvest. Angel. Bon. et Covarr.* Ratio, quia præfatæ distributiones, licèt ex titulo beneficii proveniant, non tamen dantur immediatè pro titulo, sed pro servitio personali, tamquam personæ stipendium.

III. Idem, quod de bonis patrimonialibus, et industrialibus, dicitur de parsimonialibus, ita ut possit clericus ad libitum de eis disponere, ut docent *Navar. de Redit. q. 1. Mon.*

50. Less. c. 4. n. 39. Cabass. Th. jur. l. 2. c. 16. n. 8. Anact. n. 28. Mazz. tom. 2. p. 420. et Less. dict. c. 4. n. 39. cum Sot. Covarr. et alijs (contra Petroc. l. 4. de Benef. c. ult. q. 7. et alios paucos). Et idem expressè docet S. Th. 2. 2. qu. 185. art. 7. ubi ait : *De his autem, quæ sunt specialiter suo usui* (scilicet clerici) *deputata, videtur esse eadem ratio, quæ est de proprijs bonis.* Ratio, quia præfata bona non dantur ut fructus beneficii, sed ut stipendia laborum iis, qui Ecclesiæ inserviunt. Nec obstat textus in c. *Episcopi*, caus. 12. q. 1. quem opponit Petr. ubi legitur : *Quidquid verò de provisione suæ Ecclesiæ fuerit, sive de agris, sive de fructibus, omnia in jure Ecclesiæ reservare censuimus.* Nam respondetur ex prædictis, bona parsimonialia non esse de provisione Ecclesiæ, sed de provisione, seu stipendio laborum ministri, ut sancitum fuit in conc. Agath. Can. 56. ubi dictum fuit : *Clerici omnes qui fideliter Ecclesiæ deserviunt, stipendia, tantis laboribus debita, secundum servitii sui intuitum vel ordinationem canonicam, à sacerdotibus seu Episcopis consequuntur.*

IV. Major difficultas est de bonis merè ecclesiasticis, quæ propriæ sustentationi supersunt, an de iis possint clerici, sine injustitia, malè disponere? Certum est, quòd beneficiarii tenentur sub mortali relictus superfluos suæ sustentationi in usus pios, aut in pauperes largiri. Ita S. Th. 2. 2. qu. 185. art. 7. Lugo d. 4. sect. 4. n. 9. Sanch. Cons. l. 2. c. 2. dub. 58. Salm. tr. 12. c. 2. punct. 11. §. 2. n. 141. et 144. cum Mol. Con. Pul. et communi. An verò ad id teneantur virtute justitiæ, vel religionis, infra dicetur. Illic autem sedulò notandum : quòd in hoc, ut materia censcatur gravis, requiritur quantitas multò major, quàm in furto, ut dicant Lugo n. 42. cum Mol. Henr. Holz. de just. n. 204. et alii ex D. Th. l. c. qui requirit multum excessum ad malam fidem clerici constituendam. Quænam autem sit ista notabilis quantitas? Coninchius, Palaus, et alii apud Mazz. t. 2. p. 419. requirunt quartam, vel quintam partem superfluatorum. Sed verius sufficit pars vigesima ad materiam gravem constituendam, ut ait idem Mazz. et tenent Lugo d. 4. n. 44. ac Croix l. 4. n. 1358. qui cum Haunoldo meritò sententiam Coninchii reprobant. Hic obiter advertatur, Benedictum XIV. in sua Bulla 20. Universalis Ecclesiæ, edita die 20. Aug. 1741. declarasse, quòd

si beneficiarius fructus beneficii vendat per totam suam vitam; sive unâ, sive pluribus solutionibus, contractus est nullus.

Sed quær. I. An clericus teneatur ex superfluis necessariò pauperibus succurrere? Negant Azor, p. 2. lib. 7. c. 11. q. 2. cum Nav. et Viva Opusc. de benef. q. 2. a. 4. n. 12. qui dicit cum Vasq. et communi, posse clericum superfluum erogare, sive in pauperes, sive in alios pios usus pro suo libitu, quia sufficit illud applicare in Dei cultum, et non dissipare, ut loquitur Trid. sess. 25. cap. 1. de ref. Sed excipiendum omninò mihi videtur cum Lugo d. 4. n. 15. et 59. ac Less. c. 4. num. 47. si adsint pauperes, in gravi necessitate temporali vel spiritali constituti; tunc enim non potest clericus superflua in alios usus pios expendere, quia tunc urget præceptum naturale charitatis, ex quo, si habet bona propria superflua statui, jam tenetur sub gravi iis illa elargiri. Et hic advertit Viva l. c. cum Vasq. pastores, ut Episcopos et parochos, tenèri insuper inquirere hujusmodi pauperes, non tamen beneficiarios non pastores.

Quær. II. Qui veniant nomine pauperum? Veniunt quidem, non solùm ostiatim mendicantes, sed etiam ii, qui aliter nequeunt suum statum conservare. Veniunt etiam consanguinei, si verò pauperes sint, ita ut aliàs non possint proprium statum sustinere, ut Sanch. Cons. l. 2. cap. 2. dub. 58. n. 21. Laym. l. 4. tr. 2. c. 3. n. 3. Croix l. 4. n. 904. cum Azor, Pal. et communiter. Et patet ex Trid. sess. 25. c. 1. de Ref. ubi interdicitur beneficiariis, ne ex redditibus ecclesiasticis consanguineos familiaresve suos augere studeant..... Sed, si pauperes sint, iis ut pauperibus distribuunt. Hos autem consanguineos indigentes potest clericus præferre aliis pauperibus, etiam graviùs egentibus (quidquid dicat Laym. l. c.). Ratio, quia, ut benè advertit Viva loc. cit. art. 2. n. 2. cum Mol. et communi, subventio propinquorum egentium pertinet etiam ad proprium statum clerici servandum, cum illorum paupertas in ipsius dedecus redundet. Unde Tol. lib. 5. c. 4. Concl. 3. sic scripsit: *Episcopus, subtractis quæ ad decentem victum pertinent, et subtractis his, quæ gratia pietatis (nota) et charitatis potest in alios consanguineos indigentes aut famulos distribuere, tenetur residuum dure pauperibus sub mortali.* Idque expressum habetur in decreto iudicò à Cardinali Polo, Legato apostolica ann. 1566. apud

Thomassin. de eccl. discip. t. 5. p. 3. cap. 52. quo præceptum fuit beneficiariis Angliæ (prout etiam olim præceperat *S. Gregor.* instruens *Augustinum* Anglorum apostolum): *Ne sumptuum moderatio avaritiæ tribuatur; quidquid ex fructibus ecclesiarum, deductis iis, quæ earum muneribus sustinendis, et ipsis atque ipsorum familiaribus necessaria sunt, supererit, id omne juxta illa, quæ B. Greg. Papa Augustino de fructibus Ecclesiæ dispensandis rescripsit, ad pauperes Christi alendos distribuant.* Hinc dicit *Croix lib. 4. n. 904.* cum *Azor, Pal. etc.* quod sub nomine victus beneficiario debiti veniunt omnia necessaria ad se et familiam sustentandam; adque familiam spectant parentes, fratres, nepotes, et alii consanguinei. Item advertunt *Laym. lib. 4. tract. 2. cap. 3. n. 3. Ronc. Conc. 6. n. 6. et Viva loc. cit. cum aliis*, quod, si beneficiarius statum suum mutet ex assumptione ad beneficium, tunc potest subvenire consanguineis, saltem proximioribus, ut ipsi quodammodò decenter vivant juxta suam dignitatem. Hoc tamen, rectè ait *Roncaglia loc. cit.*, procedere pro Episcopis, aut assumptis ad similem dignitatem, non verò pro parochis.

Quær. III. An in distributione præferendi sint pauperes loci, in quo est beneficium? Dicunt *Salm. tr. 12. c. 2. punct. 11. §. 2. n. 144. et Holzm. p. 4. tr. 1. n. 210.* quod, licet congruentius sit, bona distribui pauperibus loci, de hoc tamen non est obligatio; nisi ibi sint pauperes, extremâ, vel etiam gravi egestate laborantes. Sed *Azor. p. 2. l. 7. c. 11. q. 2. Bonac. de benef. d. 4. p. 2. n. 5. et Mol. d. 145. cum Navarr.* hanc limitationem negant, et censent, satis esse, si bona superflua in quosvis pauperes (intellige æquè egentes) erogentur; etsi testatores oppositum expresserint, vel saltem tacitè significarint. Ratio, quia canones (præcisè in *cap. Sancimus 31. caus. 12. quæst. 2.*) indistinctè præcipiunt, ut eleemosyna fiat, sive in cives, sive in externos. Et hoc videtur satis probabile, quia pauperes loci non habent, saltem non constat eos habere peculiare jus ad illa bona. Excepit *Mol.* si aliud exigat bonum commune illius diocesis, putà, si subveniendum sit collegio educandorum, etc.

Quær. IV. An beneficiarii possint superflua reservare in futurum ad usus pios? Negat *Navarr.* dicens, ea statim esse distribuenda. Sed verius docet *S. Thom. 2. 2. q. 185. art. 7.*

ad 4. (quem sequitur *P. Holzm. part. 4. n. 207. cum aliis*) dicens : *Si quis , necessitate non imminente providendi pauperibus , de his quæ superfluum ex proventibus Ecclesiæ possessiones emat , vel in thesauro reponat in futurum utilitati Ecclesiæ et necessitatibus pauperum , laudabiliter facit.* Bene tamen advertit *Holzmann loc. cit.* quòd eo casu cautio adhibenda sit , ne , morte adveniente , tales redditus fortè à consanguineis diripiantur.

Quær. V. An clericus , qui habet ex suo , unde vivat , possit se sustentare ex redditibus beneficii ? Negant aliqui pauci ; sed affirmandum cum *Habert de just. t. 4. c. 21. in fin. Petrocor. de benef. cap. ult. q. 8. Fagnan. cap. Si quis , de pecc. cler. Anacl. q. 5. n. 27. Holzm. n. 208. etc. communiter.* Rectè enim ait *Fagn.* quòd primis Ecclesiæ sæculis nulli clerici admittebantur , nisi qui , relictis omnibus propriis bonis , de solis fidelium oblationibus vivere volebant. Secundo autem tempore , si id servare nolebant , permittebatur eis vivere ex proprio patrimonio ; modò nihil de oblationibus exigent. Tertio demùm tempore , scil. postquam clerici portionem suam à mensa Episcopali separatam habère cœperunt , et beneficia fuèrunt illis credita , mos inolevit , ut ipsi , separato patrimonio , Ecclesiæ bonis viverent. Et hoc sanè est rationi naturali omninò consonum ; justum enim est , ut , qui altari servit , de altari vivat , juxta illud : *Quis militat suis stipendiis umquam ? Ap. 1. Cor.* Fortene divites qui reipublicæ inservientes stipendia habent , injustè accipiunt ? Per accidens autem est , quòd sint divites , vel pauperes. Et hanc sententiam expressè tenet *D. Thom. 2. 2. q. 185. art. 7. ad 5.* Rectè verò limitat *S. D.* , si casus occurreret , quòd aliquis pauper esset in gravi necessitate ; nam tunc ait : *In tali necessitate peccaret clericus , si vellet de rebus Ecclesiæ vivere , dummodò haberet patrimonialia bona , de quibus vivere posset.* Ratio patet , quia tunc jam habens superfluum statui , pauperi graviter egenti succurrere tenetur.

Quær. VI. An , sicut beneficiarii erogare tenentur superflua in usus pios , ita etiam pensionarii ? Affirmant *Sanct. Cons. lib. 2. cap. 2. dubium 47. Mazzott. t. 2. p. 421. et Salm. tr. 12. cap. 2. punct. 11. §. 2. n. 147. cum Mol. et Pal.* modò pensio sit ecclesiastica , aut detur ecclesiasticis : secus , si sit merè laicalis ob titulum merè sæcularem , et detur laicis

ob obsequiū præstita, puta principibus, equitibus, etc: aut si detur clericis ob aliquod munus temporale, nempe cantoris, procuratoris, etc. Ratio, quia cum hæc obligatio sit annexa redditibus beneficii, pensio illa ecclesiastica, ex fructibus beneficii detracta, transit cum eodem onere. Satis tamen probabiliter negat *Lug. d. 4. n. 32. cum Vasq. Gigas; Cov. etc.* et ita decisum habetur in Rota Rom. ap. Azor, Ratio, quia, dum Pontifex justam ob causam extrahit pensionem ex fructibus beneficii, jam eosdem fructus applicat in usus pios; unde fructus isti non ferunt secum obligationem, ut iterum piè applicentur. Idem ait *Mastrius d. 14. q. 2. a. 3. n. 69. cum Bon. etc. contra Nav. Azor, etc.* de equitibus commendataris S. Jacobi Calatravæ, Alcantaræ et S. Stephani Florentiæ, etc. quibus à *Gregor. XIII.* jam concessum est testari.

492. — Queritur VII. an beneficiarii, expendentes redditus superfluos beneficii in usus profanos, teneantur ad restitutionem? Hæc questio magnoperè inter DD. agitur, et ideo in ejus discussione diutius immorabor.

Prima sententia probabilis, et valdè communior inter recentiores, negat. Hanc tenent *S. Antonin. t. 2. tit. 2. cap. 3. §. 3. Less. de just. lib. 2. cap. 4. dub. 6. n. 43. Mol. tom. 1. tr. 2. d. 145. Cabass. Theor. Jur. lib. 2. cap. 26. n. 7. Sporer de 7. præc. c. 1. n. 113. Azor, p. 2. lib. 7. c. 9. Viva Opust. de benef. q. 2. a. 3. n. 2. Mazzot. tom. 2. pag. 419. Sunch. l. 2. Cons. cap. 2. d. 37. n. 2. Anacl. tract. 7. d. 4. quæst. 3. n. 34. Holzm. p. 4. de just. n. 196. Salm. tract. 12. cap. 2. n. 155. cum Pal. Con. etc. Lugo de just. d. 4. sect. 1. n. 2. cum Soto, Gers. Abul. Vasq. Adrian. Tab. Covarr. Cordub. Arag. etc.* Auctores hujus sententiæ diversis rationibus utuntur. Major pars eorum sic ratiocinatur: Omnes clerici antiquitus in communi vivebant, et bona ecclesiastica singulis distribuebantur, prout opus erat ad cujusque sustentationem; reliquum verò applicabatur fabricæ Ecclesiarum, et pauperum subventioni. Sed *Simplicius Papa*, qui creatus est an. 465. in *can. de redditibus 28. caus. 12. quæst. 2.* eo quòd, frigescente charitate, fortè Episcopi non tam fideles essent in tali distributione, fructus bonorum ecclesiasticorum in quatuor partes divisit, primam applicando Episcopis, secundam clericis, tertiam fabricæ Ecclesiarum, quartam pauperibus. Idque

confirmavit *Galasius in cap. Concesso 26. et Gregorius in cap. Cognovimus 29. dict. caus. 12. quæst. 2.* Hinc dicunt, quòd, licet ante hanc divisionem nullus clericorum ad ea bona jus haberet, post divisionem tamen eorum dominium ipsi adepti sunt, cum illa ab Ecclesia ad proprium usum fuerint eis deputata. Idque confirmant ex concilio Trid. sess. 24. c. 12. de *Reform.* ubi præcipitur, quòd beneficiarius, omittens recitationem horarum, *privetur dimidiâ parte fructuum, quos ratione etiam præbendæ ac residentie fecit suos.* Ergò, ut arguunt, concilium supponit, clericum verè dominium ipsorum fructuum acquisivisse. Ex quibus concludunt, obligationem, quam habent beneficiarii erogandi superflua pauperibus, non oriri ex justitia, sed ex virtute religionis, quæ non obligat ad restitutionem.

Cabassutius verò l. c. cum *Azor*, aliâ viâ incedens, hanc sententiam tuetur; dicit enim, hanc obligationem beneficiariorum erogandi superflua in usus pios non esse de lege naturali justitiæ, quia fundatores beneficiorum liberè, et sine ullo pacto donant clericis eorum fructus; sed esse tantum de lege Ecclesiæ, quæ intendit ipsos obligare virtute religionis, vel charitatis, ad applicandos hujusmodi fructus superfluos in usus pios, tamquam bona dicata Deo, et ex pietate donata. Nec obstat, quod ait *Navar.* hanc obligationem restitutionis oriri ex præsumpta mente testatorum, qui videntur bona reliquisse cum tacito pacto, quòd clerici, detractâ suâ sustentatione, reliqua in pios usus expenderent. Respondet enim *Cabassutius*, noluisse quidem testatores, ut sua bona luxui clericorum deservirent, sed non censendum, voluisse eos adstringere ad illam obligationem; quemadmodum quicumque testator minimè intendit, ut hæres suus bona relicta dissipet, si tamen ille dissipabit, non idem peccabit contra justitiam, quia illa testatoris intentio non fuit in pactum expressè deducta. Et pro hac sententia non potest negari fuisse etiam *D. Th.* non jam in *Summa 2. 2. q. 183. art. 7.* ut censent *Salm.* quia ibi loquitur tantum de iis, quæ *specialiter sunt suo usui* (scilicet beneficiarii) *deputata*, id est assignata suæ necessariæ sustentationi, ut contrarii explicant. Sed expressè id docet in *Quodlib. 6. art. 12. ad 3.* ubi distinguit bona ecclesiastica assignata pauperibus, ab illis, quæ assignantur clericis, prout sunt præbendæ, de quibus ait, ipsos

nullam debere restitutionem. Hæc S. Doctoris verba : *Aliter ergo dicendum est de illis ecclesiasticis bonis, quæ principaliter sunt attribuenda necessitatibus pauperum, et ex consequenti necessitatibus ministrorum, sicut sunt bona hospitallium, etc. et aliter de illis bonis, quæ principaliter sunt attributa usibus ministrorum, sicut sunt præbendæ clericorum, et alia hujusmodi. Nam in primis bonis peccatum committitur non solum ex abusu, sed etiam ex ipsa rerum conditione, dum alius in suos usus assumit, quod est alterius : et ideo tenetur ad restitutionem, tamquam defraudator rei alienæ. In secundis verò non committitur peccatum, nisi per abusum : sicut et de bonis patrimonialibus dictum. Unde non tenetur quis ad restitutionem, sed solum ad pœnitentiam peragendam.*

*Secunda verò sententia tenet, beneficiarium obligari ad restitutionem ; ita sentiunt Nav. tract. de rediv. eccl. q. 1. n. 4. Laym. l. 4. tr. 4. cap. 3. n. 3. Bon. de benef. d. 4. p. 2. n. 9. Petrocor. tom. 4. eod. tit. c. ult. q. 7. Habert de just. cap. 21. Concina tom. 2. diss. 6. c. 18. Roncaglia de præc. VII. c. 6. Reg. in praxi cum Petr. Soto, Archidiaç. Comit. et Tanner. item Panorm. Armill. Angel. Major. Hostiens. et alii apud Lugo de rest. d. 4. n. 1. Dicunt autem hi, quòd ante suppositam divisionem clerici minimè quidem erant domini bonorum ecclesiasticorum, cum omnia tunc erant communia ; unde, quidquid ipsi præter necessariam sustentationem sibi vindicabant, restituere tenebantur. Probari igitur deberet divisio præcepta per *Simplicium* ; sed de hac divisione nullum probatur vestigium, quinimò (ait *Habert loc. cit.*) multa suadent divisionem hanc non fuisse peractam. cum nullibi videatur sua portio pauperibus, aut fabricis Ecclesiarum assignata. Saltem (dicunt) de hoc non constat, et usque dum non constat, pauperes jus primævum retinent ad illa bona ecclesiastica, tenenturque beneficiarii ex justitia superflua ipsis ministrare.*

Nec reverà probabile videtur id, quod adstruit *Cabassutius*, nempe, quòd testatores intenderint bona sua in dominium clericorum relinquere ; potius enim præsumendum, ipsos relinquere voluisse ea in manus Ecclesiæ, ut ipsa postmodum per suos prælatos ministris bona illa committeret, ut ex eis ipsi sustentarentur, et superfluum pauperibus erogarent. Et quòd hæc fuerit intentio fundatorum, testatur con-

cillum Aquisgranense ann. 816. ubi in *Can. 116.* dicitur : *Fideles ob animarum suarum remedium suis facultatibus sanctum locupletem fecerunt Ecclesiam, ut his et milites Christi alerentur, Ecclesiae exornarentur, et pauperes recrearentur.* Unde plures AA. ut *Fill. Petroc. Thomassin. et Natal. Alexander,* constanter sentiant, numquam beneficiarios dominium adeptos esse fructuum beneficiorum. Sed quidquid sit de voluntate testatorum, de qua non constat, prout utique etiam constare deberet, ut certè dici posset, eos dominium talium bonorum in clericos transtulisse : saltem Ecclesia, quæ bonorum ecclesiasticorum (ut omnes fatentur) supremum dominium habet, noluit suos ministros eorum aliud acquirere dominium, nisi limitatum, cum onere scilicet superfluum reddendi pauperibus, ut valdè probabiliter ex Tridentino l. c., ut *suprà*, tenent *Ronc. Bon. Laym. cum Palud.* et non dissentit *Habert.* Prout enim, si alicui dentur centum aurei ad peregrinationem agenda, cum pacto, ut, quod superest, pauperibus eroget, iste acquirit dominium centum aureorum, sed gravatum, ita ut teneatur ex justitia superfluum pauperibus largiri, ita et beneficiarius. Quòd autem Ecclesia reverà hoc dominium, si concessit, limitatum quidem concesserit beneficiariis, cum onere certo superfluum distribuendi pauperibus, pluribus probatur testimoniis. *Gratianus in Causa 12. q. 1. post c. 25. et 27.* quærit, an mensa communis scindi potuerit in plures præbendas? Respondet affirmando, eò quòd, sicut superflua mensæ communis olim erant pauperibus eroganda, sic hodie superflua cujusque præbendæ; quo *Gratianus* ostendit, quòd, sicut antiquitus ecclesiastici onus justitiæ habebant superfluum bonorum communium pauperibus distribuendi, sic etiam habent, posteaquam præbendas incepterint possidere. Ita et præbendæ Ecclesiasticorum (verba *Gratiani*) eadem charitate manente piè et religiosè possunt distribui; nec tunc rebus Ecclesie ut propriis, sed ut communibus utilitatibus deservituræ. Ex quo patet, præbendas non jam institutas fuisse, ut essent totaliter propriæ clericorum, sed eis reale onus aliorum piorum usuum annexum esse. Item in concilio Mediol. 1. ann. 1565. sub *D. Carolo Borromæo*, p. 59. sic dicitur : Si verò, qui beneficia ecclesiastica obtinent, quorum fructus ad eos sunt attributi, si uberiorès sint, quàm ad tuendam vitam requiratur, dui-

tare non debent, ad eum finem hanc copiam illis esse attributam, ut præter ea, quæ ad victum satis essent, suppeterent etiam quibus pauperum inopia sublevaretur. Et idem sancitum fuit de Episcopis in capitularibus *Capoli Magni l. 6. c. 58. in conc. Gall. t. 2. p. 429.* ubi: *Episcopus ecclesiasticarum rerum potestatem habeat, ad dispensandum erga omnes qui indigent; participet et ipse quibus indiget.* Item *D. Petrus Damianus* apud *Baronium* an. 1055. sic quemdam Episcopum monet: *An, ignoras, quia ad hoc Ecclesiis prædia conferuntur, ut ex eis pauperes sustententur.* Deinde subdit, quod prioribus sæculis agri Ecclesiæ donati, vendebantur, et pretium distribuebatur pauperibus: sed postea, procedente tempore Ecclesiarum rectoribus visum est, ut ipsa potius prædia traderentur, ut scilicet non modò clericos Ecclesia pasceret, sed et refrigerii stipem indigentibus ministraret.

His tamen non obstantibus, nequit negari, primam sententiam esse satis probabilem, præsertim ex auctoritate *S. Thomæ* (juxta ejus verba, suprà relata) qui supponit, et asserit pro certo, factam fuisse prælatam divisionem bonorum, et idè absolute ipse eximit clericum à restitutione, si bonis ecclesiasticis abutitur. Præterquam quòd, ut scribit quidam doctus Neotericus, non jam *Papa Simplicius* divisionem illam introduxit, sed ipsam introductam invenit, et dumtaxat ipse executionem ejus præcepit, prout clarè eruitur ex illius *Epistola*, scriptæ ad *Florentium*, aliosque Episcopos, adversus Episcopum *Gaudentium*, qui præter portionem propriam, tres alias partes sibi usurpaverat: unde Pontifex præcipit auferri ab eo omnem talium bonorum administrationem, ipsumque teneri ad restituendum portiones, quas per triennium exegerat. Simul etiam (verba sunt *Simplicii*) *de redditibus Ecclesiæ, vel oblatione fidelium, quid deceat nescienti, nihil licere permittat: sed sola ei ex his quarta portio remittatur....* Cui etiam hoc specialiter præcipimus imminere, ut tres illas portiones, quas per triennium dicitur sibi tantummodò vindicasse, restituat. *Ep. Simplicii ad Florent.* etc. scripta an. 475. apud *Harduin.* in *Collect. Conc. tom. 2. pag. 804.* Quapropter non incongruè fautores primæ sententiæ concludunt ex divisione executâ, bona clericis attributa jam transisse in eorum dominium. Quod videtur confirmari à *Tridentino*, ut suprà sess. 24. c. 12. de *Ref.* verbis illis, *fructuum, quos ratione*

etiam præbendæ, ac residentie fecit suas. Insuper ex conc. Lateranensi V. sess. 9. §. Statuimus, ubi dictum fuit, quod beneficiarius officium post sex menses à possessione beneficii omittens, fructus suos non faciat; ergo si officium non omittit, jam facit suos.

Quer. VIII. An, dono accipiens à beneficiario hæc bona superflua, peccet graviter, et teneatur ad restitutionem? Quod ad restitutionem pertinet, cum tenèri negant omnes AA. qui in præcedenti questione censent, beneficiarium non obligari ex justitia ad talia bona in pios usus eroganda. Nos tamen distinguendum putamus. Si beneficiarius ob talem donationem non reddatur impotens ad satisfaciendum præfatæ suæ obligationi, nihil tenetur restituere accipiens, cum valde sit probabile, ut docent *Laym. Bon. Palud. et Ronc.* ut supra retulimus, quod beneficiarius benè habeat dominium fructuum superfluum, etsi gravatum onere illos in pios usus elargiendi. Ergo, si eos donat, suum donat, et aliunde jam poterit satisfacere; quod si non faciat, id proveniet ex sua malitia, non ex acceptance donatarii, ut rectè ait *Lug. d. 4. n. 48.* Si verò per talem donationem clericus redditur impotens, dicimus probabilius accipientem tenèri ad restitutionem, juxta nostram sententiam, quâ tenuimus, beneficiarium obligari ex justitia dare superflua pauperibus; tunc enim donatarius accipiendo verè influit in damnum pauperum, qui jus habent ad illa bona, prout in simili casu diximus *n. 112.* et fusiùs probabimus *de contract. n. 722.* Dixi *probabiliùs*; non enim nego, posse accipientem excusari à restitutione propter probabilitatem contrariæ sententiæ, intellige quoad partem juxta proportionem talis probabilitatis, (1) si accepit cum dubia fide; quod si verò in bona fide acceperit, probabilius est non tenèri eum ad aliquid restituendum, juxta dicta *lib. 1. n. 35.*

Sed admissâ sententiâ contrariâ tamquam probabili; scilicet, quod absit peccatum contra justitiam, nunc dubium occurrit, an accipiens peccet cooperando peccato donantis contra religionem aut charitatè; ut supponunt præfatæ sen-

(1) *Ex Hom. Ap. tr. 10. n. 8.* debet majorem partem pauperibus restituere, cum ipsi auctori partè majoris probabilitatis esse videatur sententia, quod beneficiarius ex justitia obligetur dare superflua pauperibus.

tentis auctores? Affirmant *Mazzot. tom. 2. pag. 419. et Sanch. Cons. c. 2. d. 38. n. 14. citans Navarr. Sylv. etc. communiter* ut asserit. Ratio, quia accipiens verè cooperatur ad consumptionem peccati donantis, concurrèdo ad translationem dominii rei donatæ, quod non transfertur, nisi per acceptationem. Sed probabilius (juxta illam sententiam) dicimus cum *Lugo d. 4. sect. 3. n. 49. Busemb. l. 4. n. 183. Holzm. p. 4. de just. n. 221. et Salm. tract. 12. c. 2. punct. 11. §. 2. n. 143.* accipientem non peccare, neque contra religionem, neque contra charitatem, nisi petat, vel inducat ad donandum. Non contra religionem, quia tunc ipse minimè cooperatur peccato donantis; licèt enim dominium rei non transferatur sine ejus acceptione, tamen peccatum donantis jam per ipsam oblationem, etiam externè, omninò consummatum est; per accidens autem se habet, quòd oblatio effectum habeat vel non, per acceptionem vel refutationem donatarii; prout nihil minuit, vel addit ad peccatum homicidæ, quòd ex vulnere lethali, ab ipso inflicto, mors vulnerati sequatur, vel non. Neque contra charitatem ratione damni, quod ex illa donatione pauperibus obvenit, quia charitas non obligat hominem, ut cum suo æquali incommodo alienum nocumentum evitet, prout ait *Lugo loc. cit. num. 50. cum Less.* Semper intellige, si acceptet cum bona fide, ut mox suprà limitavimus.

An autem regulares, facti Episcopi, possint liberè disporre de bonis ecclesiasticis, et patrimonialibus? Probabilius negatur. *Vide dicenda l. 5. de statu Relig. num. 2. ubi Salmant. cum aliis secùs dicunt de bonis patrimonialibus.*

DE ACQUISITIONE DOMINII.

493. — Tribus modis dominium acquiritur: 1. Jure naturali, seu gentium. 2. Jure civili aut canonico, scilicet per præscriptionem, et usucapionem. 3. Voluntate privata hominum, per contractus. Addi posset alius modus, jure belli; sed iste magis pertinet ad jus gentium. Jure autem gentium pluribus modis dominium acquiritur. (1).

(1) Qui in cod. civ. acquirendi dominium modi statuuntur, differunt nomine et etiam sæpius re à jure romano. Si excipias occupationem et traditionem,

Et I. *Occupatione* (1), ex §. *Fertè Instit. de rerum divisione*, ubi sic dicitur: *Quod enim antè nullius est, id naturali ratione occupanti conceditur*. Quid de thesauris inventis? *Vide infra n. 602*. Quid de venatione, et piscatione? *Vide n. 604. et 614*. Certum autem est omnia bona inventa restituenda esse domino certo, si iste inveniat. An verò post inquisitionem, domino non invento, sit obligatio restituendi res inventas pauperibus? *Triplex odest sententia. Vide Dub. §. n. 603*.

494. — II. *Aquiritur dominium Nativitate* (2), per quam nostra sunt, quæ nascuntur à propriis animalibus, ex §. 1. *Item cap. eod. loco Instit.* Hinc ad usufructuarium spectant partus ovium, equorum, etc. salvo semper numero matrum.

495. — III. *Alluvione* (3), quæ, si aliquid latenter et insen-

reliqui modi omnes, qui hic à S. Alphonso recensentur, in jure novo nomine accessionis notantur. Sunt etiam juris gall. regulæ generales, quæ tum specificationi, tum accessioni, tum etiam commixtioni antiqui juris conveniunt.

En cod. civ. dispositiones de acquisitione domini generatim:

Art. 711. Dominia rerum acquiruntur et transferuntur hereditate, donatione inter vivos et testamento necnon contractibus.

Art. 712. Item accessione et præscriptione.

Art. 546. Quodcumque è re mobili aut immobili natum aut ipsi sive ex natura, sive ex industria superadditum fuit, jure accessionis ad dominum rei pertinet.

(1) *Art. 589.* Bona nullius aut personarum siue hærede decedentium aut quarum hereditas fuit derelicta, ad rem publicam pertinet.

Art. 713. Bona, quæ domino carent, cedunt fisco.

Art. 714. Dantur res nullius, quarum usus communis est.

Art. 564. Columbæ, cuniculi, pisces transeuntes in alterum columbarium, stagnum, vivarium, cuniculare sunt domini hujus, nisi arte vel fraude allecta fuerint. —

Notandum, de art. 559. et 713 consuetudinem, necnon art. 714 derogasse, ita ut jamjam pisces, aves, animalia sylvestria aliæve res mobiles, quæ dicuntur nullius, primi fiant occupantis. —

(2) *Art. 547.* Fructus naturales et industriales terræ necnon civiles ac pecoris proventus ad dominum rei jure accessionis spectant.

(3) *Art. 556.* Quæ terra paulatim et insensibiliter ripæ fluvii amniæve adjicitur, alluvio audit atque ad fluvii accolam pertinet.

Art. 557. Pariter si alveus insensibiliter ad aliam partem diverterit, ripa derelicta ad accolam fluminis spectat, quin accola alterius ripæ fundum amissum exigere possit.

Art. 558. Jus alluvionis non obtinet in lacus et stagna.

Art. 559. Quòd si vis repentina de tuo fundo partem notabilem detraxerit et vicini prædio attulerit, pars detracta tua manet, modò infra annum eam repetas.

Art. 560. Insula quæcumque in flumine, quod navibus ac ratibus vehendis

sibiliter tuo fundo adjiciatur, tibi acquiritur. Secus autem, si patenter adjiceretur pars de prædio alterius, tunc enim ipsa ad eundem pertineret, ex §. *Proterea eod. loc.* Statutum etiam est *ibid.* quod si alveus fluvii divertat ad aliam partem, novus alveus sit publicus, aut alterius, si isto esset fluvii dominus; antiquus autem alveus accrescet iis, qui agros utrimque habent.

496. — IV. *Specificatione* (1), quando forma datur in alienam materiam, v. gr. si bona fide ex aliena lana vestem tibi conficias, dominus illius efficeris, domino lanæ pretium solvendo, §. *Cum ex alien. eod. loc.* cum limitationibus tamen ibi expressis. Idem, si facias pretiosam picturam, vel scripturam in vili tabula, vel tela aliena, ut ait *Tamb. ex §. 34. ibid.* Secus tamen esset, si de alienis uvis vinum faceres: illud enim ad dominum uvarum pertinet; ita *Tamb.* Sed contradicit *Croix l. 3. p. 2. n. 121.* Dicit etiam *Croix n. 125.* quod, si ex alieno frumento farinam facias, farina sit tua. Et idem dicit, si de aliena quercu facias navem, *n. 124. cum Hau-noldo.* Secus verò, si navem facias de asseribus alienis, quia

est, nata ad rempublicam spectat, nisi adsit titulus aut præscriptio in contrarium.

Art. 561. Insula verò nata in flumine, quod navibus et ratibus vehendis impar est, ejus est fluvii accolæ, ex cujus parte formata fuerit; est autem utriusque ripæ incolæ, cum in neutram partem vergat.

Art. 562. Quod si flumen novo alveo fluens agrum vicinum præcidat efficiatque ex eo insulam, hæc prioris domini erit, sive fluvius sit navibus ac ratibus vehendis par sive impar.

Art. 563. Alveus qualiscunque fluminis relictus pro rata parte et compensationis causâ iis accrescit, quorum agri per novum alveum invaduntur.

(1) *Art. 570.* Si quis ex materiâ alienâ rem novam effecerit, hæc dominus materiæ semper repetere poterit, dummodo pretium operæ restituat.

Art. 571. Quod si forma rei ipsâ materiâ multò pretiosior sit, illam utpote principaliorem opifex servare poterit, modò pretium materiæ domino restituat.

Art. 572. Si quis opus fecerit, partim ex propriâ, partim aliena ex materiâ, adeo ut utraque maueat integra, quin tamen divelli possit, illud commune erit.

Art. 575. Cum res inter utrumque dominum materiæ communis fiat, ad licitationem plurimo dicenti adjudicetur.

Art. 576. Cum dominus, si ipso inscio nova rei propriæ species inducta fuit, eam repetendi jus habeat, liberum ipsi erit, vel totam in eadem naturâ, quantitate, mensurâ, bonitate ac pondere, vel ipsius solum pretium exigere.

Art. 577. Si quis ex materiâ alienâ rem novam confecerit, ad damna quæ emersere reparanda damniari poterit.

Edit.

tunc navis adhuc in primos asseres reduci posset. Probabilius autem addit *Croix* n. 123. cum *Gloss.* ad §. 25. *Instit. et Haunolde contra alios*, ad acquirendum dominium per specificationem, bonam fidem requiri.

497. — V. *Accessione* (1), quando alicui rei accedit ornamentum, licet pretiosius, puta, si vesti tuæ intextetur purpura aliena, vel tuo auro aliena gemma, purpura, et gemma à te acquiritur, §. Si tamen, eod. loc. Limitant DD. nisi ornamentum facile divelli posset. *Croix* ibid. num. 126. cum *Lug.*

498. VI. *Confusione, vel commixtione* (2). *Confusio* est quando duo corpora liquida, aut liquefacta (ejusdem, sive alterius speciei) ita coeunt in unum, ut post confusionem nulla pars assignari possit, quæ de utroque non participet: utpotè, si miscetur vinum cum vino, aurum cum auro, vel argentum cum stanno, etc. *Commixtio* autem est, quando miscentur solida, ut nummi cum nummis, frumentum cum frumento, ita ut de quovis grano separato dici non possit, quòd illud sit utriusque materiae. *Croix* l. 3. p. 2. n. 116. His positis, sciendum quoad *confusionem*, quòd si confusio consensu dominorum, vel casu sit facta, tunc res erit communis, et judicis arbitrio dividenda, ex §. Si duorum 27. eodem *Inst.* Vide *Tamb. Dec. l. 8. tr. 3. c. §. 4. n. 11. cum Palao*, *Croix* l. 3. p. 2. n. 117. Si verò confusio altero nesciente, vel invito sit facta, tunc dominium rei tibi acquiri-

(1) *Art. 566.* Res per accessionem unitæ, licet sint separabiles, pertinent ad dominum rei principalioris, modò solvat pretium rei minoris.

Art. 567. Res principalior ea est, cui altera accedit solius usus, ornamenti aut complementi gratiâ.

Art. 568. Quòd si tamen res addita multò pretiosior est re principaliore, dominus illius semper exigere potest, ut divellatur à re principali.

Art. 569. In dubio, quid sit in rebus per accessionem unitis principale, videndum, quæ res alteram valore aut saltem volumine superet: hæc erit principalis.

(2) *Art. 573.* Quæ confusione commixta fuere, quorum tamen nulla pars principalis distingui posse videtur, separentur, si sint separabilia, exigente domino, quo inscio confusio aut commixtio facta fuerit. Si verò separari nequeant, possessio rei confusæ autmixtæ communis evadit, habita ratione quantitatis, qualitatis et valoris rei singulæ.

Art. 574. Quòd si res una alteram quantitate aut pretio multò superet, dominus rei principalioris, totum repetere poterit, modò alteri solvat pretium rei propriæ.

tur, si operâ tuâ facta sit confusio, et ampliùs sît tua ~~major~~ materiæ pars; tenêris tamen rei alienæ pretium solvere, ex dicto §. 23. Ratio, quia tunc aliena res habetur ut accessoria ad rem tuam. Non verò, si tua pars esset modica. *Tamb. ibid. cum Azor.* Quòd si res sint æquales, tunc tota materia erit communis. *Tamb. eod. loc.* Quoad commixtionem autem, si hæc sit pecuniæ, habetur lex expressa, quòd miscens alienam cum pecunia sua, animo dominium totius habendi, tantius sit dominus, etiam altero inscio, vel invito: nam in *l. Si alieni, ff. de solutionibus*, sic dicitur: *Si alieni nummi, inscio vel invito domino, soluti sunt, manent ejus, cujus fuerant. Sed si mixti essent, ita ut discerni non possent, ejus fieri qui accepit, in libris Cui scriptum est, ita ut furti actio domino cum eo, qui dedisset, competere.* Hinc etiam quando mixtio, quæ discerni non potest, facta sit mala fide, nummi fiunt accipientis, sive furis. Hoc tamen intelligendum, quando major pars pecuniæ sit miscentis; secùs si minor, vel æqualis, quia tunc totus cumulus communis erit, ut *Lugo, Mol. Vasq. et Dic. ap. Croix lib. 3. p. 2. num. 118.* Et idem esset, si commixtio casu, vel consensu dominorum facta fuisset, ut diximus; vide dict. §. 27. et 28. Quòd si, *eod. Instit.*

499. — Quæritur autem, an idem, quod in nummis, currat in mixtione aliarum rerum, frumenti, leguminum, etc.? Negant Glossa in *d. l. Si alieni, Anact. Theol. Mor. tract. 7. d. 3. q. 3. n. 28. et 29. cum Henn. ap. Croix ibid. n. 119.* quia dicunt, id tantùm de pecunia statutum fuisse ob specialem rationem, quoniam pecuniæ sunt in quotidiano hominum commercio, cui valdè officere posset, si earum dominium, cùm miscerentur, incertum maneret. Sed *Lugo de just. d. 6. n. 64. et Dicast.* affirmant, omnes res, quæ post mixtionem discerni nequeunt, à miscente acquiri, ob generalem rationem, quam assignat Glossa in *d. l. Si alieni*, scilicet quòd mixtio æquivalet rei consumptioni. Et hanc *Tamb. d. l. n. 17.* asserit esse communem cum *Less. Sylv. Vasq. et aliis, ex l. Idem Pomponius, ff. de rei vindic.* Quandoquidem, ut advertit *Tamb. n. 18.* miscens habet animum acquirendi dominium; vel saltem contrariam voluntatem non habeat; et pars sua sit principalior.

Notandum autem, quòd si res extat in cumulo permixta

sive apud furem, sive apud alium, domino illius prout habenti jus in re, retinentique dominium unâ cum fure; pro sua parte præ omnibus creditoribus est satisfaciendum; imò potest ipsemet ex cumulo accipere quantum suum est. Ita *Less. l. 2. c. 20. n. 157. et Salm. de contr. c. 3. punct. 12. n. 110. cum Pal. et Trull.* Et probant ex *l. 3. §. Pomponius, ff. de rei vindicat.* ubi sic: *Si quid, quod ejusdem nature est, ita confusum est atque mixtum, ut separari nequeat, non totum sed pro parte vindicandum.* Hoc quidem probabile est; sed non minus probabile est, ut dicunt *Lugo de just. d. 6. n. 66, et d. 20. n. 172. Sanch. Dec. l. 1. c. 23. n. 34. et Tamb. de rest. cap. 3. §. 3. n. 26.* (qui cæterum probabilem censet sententiam *Less.*) quòd fur per commixtionem devenit absolutus dominus totius cumuli, ita ut jure possit dominium illius in alium transferre, cum onere aliunde restituendi debitum. Tantùm ait *Pal. de just. d. un. p. 21. num. 3.* quòd dominus rei permixtæ habebit actionem implorandi à judice, ut ex cumulo illo partem suam ei adjudicet.

300. — VII. *Ædificatione* (1), ex §. *Cum in suo, eod. Instit.* ubi statuitur, quòd si tu ædifices in solo tuo de aliena materia, omne cedat solo, sed tenearis reddere duplum pretii illius materiæ: et si ædificium ruat, possit dominus materiam illam sibi vindicare. *Vide Croix l. cit. n. 128.* E converso in §. 50. statuitur, quòd si ædifices scienter ex materia tua in solo alterius, ædificium illius est, et tu materiæ dominium amittis. Ex quo colligitur, in eo casu ne pretium quidem illius te posse repetere, quia præsumptio fit, te donare voluisse. Secus autem, si constet, te noluisse donare, ex *l. 2. c. de rei vindicat.* Tunc enim, diruto ædificio, potes tuam materiam vindicare, et interim etiam pretium repetere ex

(1) *Art. 554.* Possessor fundi si in solo suo ex alienâ materiâ ædificium opusve aliud construxerit, tenetur pretium illius materiæ (quam dominus ipse vindicare nequit) reddere, necnon, latâ judicis sententiâ, reparare damna.

Art. 555. Constructiones ac plantationes aliave opera, quæ facta sunt manu et materiâ alienâ, ad possessorem fundi spectant, qui ea servandi aut ut tollantur exigendi jus habet. Si dominus soli ut tollantur exigit, expensis construendis id fiat; si verò ea servare voluerit, construenti pretium materiæ et laboris solvat. Nihilominus, si quis bonâ fide ita plantaverit opusve construxerit, dominus fundi instare nequit, ut quæ constructa fuere tollantur, sed vel materiam et laborem, vel summam pecuniæ pro valoris augmento, quod inde fundus suscepit, solvat.

Edit.

æquitate, juxta utilitatis æstimationem, ut *Croix num. 130. cum Illsung. et Haun. ex l. 38. ff. de pet. hered.*

501. — VIII. *Plantatione* (1), ex §. 51. ubi statuitur, quòd si tu ponas alienam plantam in solo tuo, illa tua fiat: sic è converso, si ponas tuam in solo alterius, planta illius erit, si jam radices egerit. Et ibi pariter statuitur, quòd planta, posita prope confines fundi alieni, quæ in illum radices jecerit, sit communis. *Vide Croix l. c. num. 132.* Notandum hic autem, non licere arboris, in alieno fundo positæ, succidere radices, aut ramos, porrigentes in agrum proprium, nisi alter, monitus, eos tollere nollet, ut dicunt *Schneider et alii apud Croix d. n. 132.* Idem quod dictum est de planta, statuitur de frumento sato, quod etiam solo cedit, ex §. 52. Et qui seminaverit malâ fide, neque expensas repetere potest, ut *Croix dict. n. 132. cum Haun.* Pariter in §. 53. statuitur, ut litteræ, licèt aureæ, cedant chartis: sed hodie ex consuetudine, asserit *Croix n. 134. cum Illsung., Haun. et Tamb.* contrarium vigere.

502. — IX. *Perceptione fructuum* (2), si facta sit bonâ fide, et fructus sint consumpti. §. *Si quis à non domino, eod. Instit.*

503. — X. *Traditione* (3), per quam dominus vult in alterum alienare suæ rei dominium. §. *Per traditionem, eod. Instit.*

504. — Jure autem *positivo civili, seu canonico* acquiritur dominium per *præscriptionem, seu usucapionem*, quæ proprius dicitur de rebus corporalibus fieri. Ad *præscriptionem*

(1) *Art. 671.* Arborea altæ plantandæ sunt in distantia legibus aut consuetudine stabilitâ, secus distent duobus metris à limite ac dimidiâ tantum metro, si non sint altæ aut sepes vivæ.

Art. 672. Si quæ arbores aut sepes in minori distantia plantentur, accola jus urgere poterit, ut tollantur aut rami in alterius fundum protensi succidantur: quinimò ipse radices, quas in suo fundo egerint, succidere valebit.

Art. 673. Arborea sitæ in sepe communi communes sunt, uterque sepi possessor instare poterit, ut tollantur.

(2) *Art. 549.* Possessor bonæ fidei suos fructus facit, si verò malæ fidei est, rem et fructus domino reddet.

(3) *Traditio* non est modus acquirendi in jure novo. Jus rom. statuens principium: *Traditionibus dominia rerum, non nudis pactis transferuntur*, emptionem, donationem etc. non ratam habebat, quamdium res non verè fuerit tradita, non ita jus gall. ex art. 711, 712, 938, 1138, 1586. *Edit.*

quatuor requiruntur conditiones: I. Bona fides. II. Titulus justus. III. Continuata possessio. IV. Ut res illa præscribi possit.

I. Igitur conditio est *bona fides*, ex *reg. 2. jur. in 6.* quâ quis prudenter, non jam ex ignorantia crassa, credat rem esse suam. Hinc qui ab initio dubitat, an res sit sua, nequit inchoare possessionem. Si verò ad possessionem bonæ fidei dubium supervenit, præscriptio non interruptitur; modò interim diligentia adhibeatur ad veritatem inquirendam. Idem tenet *Anaclet. d. 6. quæst. 2. n. 12.* tamquam communius et probabilius. Vide dicenda n. 511.

505. — II. Conditio est *titulus justus*, (1) putà emptionis, donationis, etc., saltem rationabiliter, sive probabiliter, præsumptus, etsi reverà non intervenerit. Notandum tamen, quòd titulus non semper requiritur, sed tantùm, quando præsumptio est contra possessorem, ut mox dicemus. Ad præscribendum autem sufficit titulus coloratus. *Croix l. 3. p. 2. n. 498. cum communi.* Sufficit etiam titulus existimatus, putà si existimes rem patri tuo fuisse donatam. Vide *Croix n. 499.*

506. — III. Conditio est *continuata possessio* per tempus à jure definitum (2). Si enim adsit titulus, res usu consum-

(1) *Art. 2267.* Non admittitur titulus laborans vitio formæ substantialis.

Art. 2279. In rebus mobilibus possessio tenet locum tituli. Qui tamen rem perdidit casu aut furto, potest eam evincere intra tres annos, salvâ actione possessoris in eum, à quo rem accepit.

Art. 2280. Si autem empta est in nundinia, foro mercatorio, auctione publicâ vel à mercatore similium, non potest repeti, nisi restituatur pretium, quod pro eâ datum fuerat.

Art. 2262. Omnes actiones sive reales sive personales præscribi possunt 30 annis absque titulo.

(2) *Art. 2229.* Ut præscribatur, requiritur possessio continua, non interrupta, pacifica, publica, non æquivoca, nomine proprio sive titulo proprietarii.

Art. 2236. Qui possidet pro alio, nullo tempore præscribit,

Art. 2237. Nec hæres ejus.

Art. 2230. Qui possidet, præsumitur possidere pro se, nisi probetur, quòd cœperit possidere pro alio.

Art. 2231. Qui cœpit possidere pro alio, præsumitur semper possidere eodem titulo, nisi contrarium probetur.

Art. 2265. Omnis res immobilis bona fide acquisita cum justo titulo præscribi potest tempore 10 annorum, si proprietarius habitet in territorio

ptibiles, seu mobiles, triennio præscribuntur, ex *l. un. Cod. de usuc. et §. 1. Institut. de usuc. ubi: cautum est, ut res quidem mobiles per triennium usucapiantur. Bon. tamen de restitut. quæst. ult. p. 2. §. 2. dicit, hoc esse inter præsentēs, sed inter absentes requiri quatuor annos: sed hanc distinctionem nec textus agnoscit, nec cæteri DD.; nam Less. l. 2. c. 6. n. 22. cum communi, Verde Inst. Civ. l. 2. de usucap. Lemma 8. n. 451. Anacl. l. c. n. 21. indistinctè ibi dicunt, sufficere triennium ad mobilia præscribenda. Idem dicit Croix l. 3. p. 2. n. 529. Et adhuc pro rebus spectantibus ad Ecclesiam, ut Mol. Laym. Pal. Sanch. Lugo, ib. (contra Sylv. Covar. Less. etc.) Busembaum autem de restit. n. 610. circa fin. cum Trull. et Salon. dicit, quòd ad præscribendos fructus collectos sufficit biennium inter præsentēs, et quadriennium inter absentes.*

507. — Debita ex rebus mobilibus, sicut etiam fructus, pari modo ac mobilia præscribuntur, Croix lib. 3. p. 2. n. 522. cum Dicastill. et pluribus: quia accessorium sequitur principale. Aliæ verò actiones non præscribuntur, nisi per 30 annos. Vide Croix n. 539.

Si quis per triennium possedit beneficium ecclesiasticum, vel ipsius fructus, jam præscribit ex regula Cancellariæ relata in extensum apud Croix l. 4. n. 689. Etiam si titulus fuerit nullus, ut Croix n. 716. cum Nav. Sot. Sa, Less. etc. contra alios: modò absit ingressus simoniacus, vel intrusio, ut dicitur in regula prædicta Cancellariæ. Ingressus autem simoniacus est, si quis sciens simoniam à se vel ab alio tertio commissam, ingrediatur beneficium. Croix n. 709. Vide dicta de simon. n. 111. Secùs verò, si fuerit à tertio, ipso contradicente, ac deinde ignorante simoniam, ut dictum est n. 111. utque dicit Croix ibid. cum Less. Suar. Sanch. Pal. Luca, etc. Vel, si post simoniam supervenerit titulus coloratus. Croix cum Gom. et Chok. contra Lugo n. 710. Ad excludendum autem beneficiatum, simonia debet esse utrimque completa, Croix n. 712. Vide dicta n. 106. Intrusio deinde intelligitur, si

eiusdem curiæ regiæ, in quo res sita est; si autem habitet in territorio alterius curiæ, requiruntur 20 anni.

Art. 2260. Si partim intrà partim extrà habitaverit, tempus absentiae duplicari debet ad complendum decennium.

Edit.

ipse se immittit in beneficium sine verâ collatione, aut institutione, aut confirmatione, aut expeditione litterarum pontificiarum; vel si post excommunicationem, suspensionem, aut amotionem, per sententiam saltem declaratoriam, etc. *Vide Croix ex n. 713.* Possessio decennalis majores favores habet. *Vide ibid. n. 715.*

508. — Res verò immobiles non præscribuntur, nisi per spatium 10 annorum inter præsentem, et 20 inter absentes. Ita ex communi *Bon. ib. Anac. n. 22.* Notandum autem, quòd *præsentem* dicuntur, qui in eadem provincia, *absentes*, qui in diversis provinciis habitant, sive res sita sit in eadem provincia, sive alibi, ut *Anac. ait n. 23. ex l. ul. c. de longi temp. etc.* Sed *Lug. de justitia et jure disput. 7. n. 76. cum aliis* dicit, censeri absentes etiam eos, qui, esto in eadem provincia, in diversis tamen degunt locis, qui proprium gubernatorem habent, licet eidem principi, vel senatui subditum. Si quis autem partim fuerit præsens, et partim absens, anni absentiae sunt duplicandi, v. gr. si fuerit præsens octo annis, et duobus absens, hi duo duplicandi sunt, et inde 12 anni ad præscriptionem requiruntur. *Anac. n. 24.*

509. — Quando autem non adest titulus, ad præscribenda, sive mobilia, sive immobilia, requiruntur 30 anni. Est commune cum *Anac. et Bon. ex l. Sicut in rem. Cod. de præscr. 30 vel 40 an.* Idem ait *Tamb. Dec. l. 8. tract. 1. c. 4. §. 1. n. 3. cum Mol. et Lessio*, qui notat deinde, quoad mobilia sine titulo præscribenda, nihil in jure esse constitutum; Unde videntur etiam 30 anni requiri.

510. — Ad præscribenda bona Ecclesiae, vel locorum piorum, requiruntur 40 anni, ex *Auth. Quas actiones. Cod. de Sacr. Eccl.* Imò, quoad bona Ecclesiae Romanæ requiritur præscriptio centenaria, ut *Anac. n. 25.* Dubitatur autem, utrum res mobiles Ecclesiarum etiam triennio præscribantur? Affirmant *Bon. l. c. Less. l. 2. c. 6. n. 12. cum Laym. et aliis pluribus ap. Anac. n. 27.* Et probant ex dict. *Auth. Quas actiones.* Negant verò *ib. Ostiens. Panorm. cum Anac.* probantque ex *c. 1. de integr. Rest.* eò quòd, ut isti dicunt, concessio locis piis facta à jure canonico, ut non præscribantur eorum bona nisi spatio 40 annorum, non distinguit mobilia ab immobilibus. Utraque est satis probabilis.

511. — Dicitur autem possessio continuata; (1) nam præscriptio interruptitur vel *naturaliter*, si præscribens amittat possessionem, aut ei superveniat mala fides; vel *civiliter*, si ab altero lis super rem intimetur; nisi alter injustè hoc faciat ad interrompendam præscriptionem. *Less. n. 49. Anac. n. 39. cum aliis.*

Si verò bonâ fide possidère incepisti, et supervenit dubium, teneris inquirere, an res sit aliena. Quod si non comperias, potes pergere ad eam possidendam, et præscribendam. Ita *Croix l. 3. part. 2. n. 482. Lugo d. 7. n. 17. Less. Mol. et communiter (contra Adrian.)* Et favent c. *Si virgo, caus. 34. quæst. 1. et c. finali de præscr.* Dicitque *Croix n. 548.* quòd pro litis contestatione non interruptatur præscriptio triennalis. Notat etiam *Dicastill. ibid.* posse quemque præsumi bonâ fide incepisse possidère; et hoc valere pro foro interno, etiamsi bona fides sit ex ignorantia juris manifesti, dicunt *Lugo, Less. Pal. et alii apud Croix n. 484.*, quia leges idèò tunc improbant præscriptionem, quoniam non præsumunt perfectam bonam fidem. Sed tamen probabilior videtur sententia contraria, quam tenet *Croix ibid. cum Dicastill. Molin. etc.* Ratio, quia ad præscriptionem non tantùm requiritur fides theologicè, sed etiam civiliter bona, cùm tantùm ex vi legum dominium acquiratur. Ait autem *Lugo apud Croix n. 489.* quòd si fides tua sit solùm venialiter mala, potes præscribere; et id deducitur ex conc. *Carth. in c. fin. de præscript.* ubi damnatur sola fides cum peccato mortali.

512. — Hæres possessoris malæ fidei probabilior non præscribit, ut ex communi tenent *Mol. disp. 63. et Croix n. 490. cum Dic. etc.* Excipiunt *Less. Pal. Cov. Grotius et alii ib.* si præscribens sit hæres hæredis; sed hoc probabilior etiam negat.

(1) *Art. 2242. Præscriptio interruptitur naturaliter aut civiliter;*

Art. 2243. Naturaliter, si à legitimo proprietario vel etiam ab alio res possideatur per temporis spatium longius anno.

Art. 2244. Possessio civiliter interruptitur, cùm possessor, in cujus favorem currit præscriptio, ante tribunal citatur aut in ejus bona manus injiciuntur.

Art. 2246. Etsi ad judicem non legitimum citatur; præscriptio interruptitur;

Art. 2247. Si in jus vocatio laboret vitio formæ substantiali, si actor à petitione desistat aut vadimonium deserat vel judex petitionem rejiciat.

Edit.

Croix cum Lugo etc. Secus verò dicendum de successore particulari, ut emptore, legatario, etc. *Croix n. 491.*

513. — Per bonam fidem potest quisque præscribere libertatem à solvendo debito, si invincibiliter illud ignoret. *Lugo d. 7. n. 49. et Croix n. 493.* Et sic etiam præscribet libertatem à solvenda mulcta, si intra certum tempus non exigatur, etsi sciat illam se debere. *Croix n. 494. cum Mol. Cov. etc.* Notandum autem, quòd si quis possessionem dimittat, ut alter eam habeat, si hic non acquirat, prior retinet, quia semper inest conditio, ut alter acquirat. Ita ex *l. 34. ff. de acq. poss. Croix n. 517.* Possessio autem nequit dimitti, nisi animus sit manifestatus, ut *Lug. d. 23. n. 59. et Croix ib. cum Suar. et Dic.* Ratio, quia, cum possessio consistat in facto externo, non nisi alio externo facto amittitur.

514. — Sedulò insuper advertendum (1), quòd aliquibus personis privilegiatis datur restitutio in integrum per quatuor annos post præscriptionis tempus, ad recuperanda ea, quæ præscriptione amiserunt, prout minoribus, et Ecclesiis, aut aliis locis piis; item mulieribus, et rudibus, ut probabile putant *Palaut, Less. etc. apud Croix l. 3. p. 2. n. 558.* Item uxoribus quoad bona dotalia; item iis, qui probent, ut alii opinantur, ideò se non interrupisse præscriptionem, quia invincibiliter ignorarunt; sed hoc negant *Haunold. Fachinæus*, et meritò *ibid.* de hoc dubitat *Croix cum Dic.* Alioquin sic jurgia etiam sæpissimè manerent, et facile frustraretur lex præscriptionis.

(1) *Art. 2252.* Præscriptio non obtinet in minores et interdictos, exceptis excipiendis.

Art. 2253. Neque obtinet inter conjuges.

Art. 2254. Obtinet verò in uxorem quoad bona, quorum administrationem maritus habet, salvà ipsius in hunc actione.

Art. 2255. Attamen non obtinet tempore conjugii quoad alienationem bonorum dotalium.

Art. 2256. Præscriptio suspenditur in matrimonio :

1^o Quoties uxori non est jus actionis, nisi optione instituta de acceptande aut recusanda communitate.

2^o Quoties vir bonorum, quæ uxoris sunt propria quæque ipse illa in scia vendidit, sponsor existat oportet ac semper quoties uxor in virum agere va et.

Edit.

20..

515. — IV. *Conditio est, ut res sit apta præscribi (1); nam res furtivæ, aut vi possessæ numquam præscribuntur à fure. Res autem, quas bonâ fide tertius possessor à fure accepit, non præscribuntur adhuc cum titulo, nisi spatio 30 annorum inter præsentés, et 40 inter absentes. Si verò titulus non adsit, res furtivæ numquam à quocumque præscribuntur, ut notat Verde l. c. et annuit Anacl. n. 18. Res fisci tantum præscribuntur per 40 an. Quædam autem res numquam præscribi possunt, ut sunt res publicæ, jura spiritualia, prout jus decimarum, jus conferendi beneficia, non autem jus patronatus, Anacl. num. 17.*

516. — Probabile autem censet *Verde l. c.* quòd hæres cum bonâ fide ritè possit præscribere rem, quam testator malâ fide possedit. Sed, ut diximus suprâ n. 512., id probabilius negant *Mol. Croix etc.* communiter. Imò notandum, hoc Neapoli reprobatum esse ex recenti decisione Quatuor Aularum, edita an. 1738. Quamvis cæterum admittatur ibi præscriptio legitima 30 an. à die natæ actionis (deductis temporibus de jure deducendis) in tertio possessore, in quo sancitum est præsumendam esse bonam fidem, nisi mala fides apertis argumentis (non tantum præsumptionibus) ab actore probetur. Item decisum fuit, advocatos, et procuratores litium, post biennium, non posse agere pro suis laboribus: notarios pro scripturis, copiâ non traditâ, non posse agere post biennium; copiâ autem traditâ, omnem actionem eis interdici: pharmacopolas contra principalem, post biennium; contra hæredes autem, post duos menses: fabros, post annum: famulos, et similes, post duos menses. Notandum tamen, hæc locum habere, ut ibi statuitur, *nisi scripturæ publicæ vel privatæ producantur*; et insuper ibi dicitur hæc decerni *non ope præscriptionis, sed vi præsumptæ solutionis*; quare infertur, quòd debitor, qui certus esset solutionem non esse factam, ex dicta decisione minimè ab obligatione solutionis eximitur.

(1) *Art. 2226. Non potest præscribi res, quæ non cadit sub commercium.*

Art. 2227. Fiscus, instituta publica et municipia subjiciuntur iisdem ac frui possunt præscriptionibus, quibus privati.

Art. 2232. Actus meræ licentiæ vel tolerantie non fundant possessionem, quæ præscriptionem operari possit.

347. — Communis autem est sententia apud jurisconsultos et theologos, quod etiam in foro conscientiae per praescriptionem acquiritur dominium, ut habetur apud *Croix l. 3. p. 2. n. 470.* et eam tenet, et fuse probat *Lugo de just. d. 7. ex n. 4. cum Cajet. Sot. Cov. Mol. Less. Sylv. etc. communiter*, contra aliquos paucos. Id probat praesertim *Lugo n. 1. ex Conc. Lat.*, relato in *c. final. de praescript.* ubi tantum reprobat praescriptio malae fidei, et clare approbatur praescriptio bonae fidei, his verbis: *Unde oportet, ut, qui praescribit, in nulla temporis parte habeat rei alienae conscientiam.* Ratio autem est, quia bene potest lex humana transferre dominium de uno in alium ob bonum commune, ad vitanda jurgia, et ne dominia rerum remaneant incerta. Sed quaestio hic maxime utilis agitur apud *Tamb. Dec. l. 6. tr. 1. c. 4. §. 2.* an in locis, ubi lex praescriptionis non viget in foro judiciali, possit quis illa uti in foro conscientiae? Et primo loco ait *Tamb.* videri negandum, cum is tantum ex lege possit jus accipere rem retinendi. Enixe tamen tenet *n. 8.* talem bene uti posse praescriptione de jure communi, saltem ante sententiam, ubi jus commune praescriptionis lege municipali non sit explicitè abrogatum, prout Neapoli expressè in decisione relata statutum est illud, quod haeres testatoris, mala fide rem possidentis, numquam praescribere possit. Caeterum, quoad alias praescriptiones, à jure communi statutas, nihil verè in nostro regno derogatum expressè invenitur; imò *Verde l. c. Lemma 4. n. 424. cum Staib. Gallup. Prado, et Amato, contra Ursil. et Rovit.* tenet, in regno servari quidem praescriptionem: *Juri enim standum* (ait *Verde*), *cujus oppositum non invenitur in regno sancitum.* Quare concluditur (prout etiam me docuit doctissimus Episcopus Torni) licitè nos uti posse in conscientia praescriptionibus juris communis in regno, et in omni loco, ubi oppositum per municipalem legem expressè sancitum non habetur.

CAPUT I.

DE FURTO.

DUBIUM I.

Quid sit furtum , et quale peccatum.

518 *Quid est furtum ?*519 *An liceat aliquando auferre alienum ob bonum finem ?*

520 *An ob necessitatem ? Quær. I. An captivi apud Turcas possint alienum surripere ad se liberandum à captivitate ? Quær. II. An pauper extremè indigens possit accipere , antequam petat ? Quær. III. An possit accipere rem magni valoris ? Quær. IV. An fur teneatur restituere , si consumpserit rem ablatam , in extrema necessitate ? Quær. V. An surripienti in extrema necessitate , teneatur ad restitutionem , si fiat dives ? Et hic quæritur , an dives satisfaciat suæ obligationi , si det mutuo rem pauperi ? Quær. VI. An dives , non subveniens , teneatur postea ad restitutionem ?*

521 *Quando liceat creditori facere compensationem ?*522 *An famuli possint sibi compensare salarium pro suis operibus ? Sequitur idem n. 523. et 524.*525 *An christiani possint auferre res Turcarum ?*

518. — « **R**ESP. Est occulta et injusta rei alienæ ablatio ;
 » invito rationabiliter domino. Quòd si res sit sacra , dicitur
 » sacrilegium , de quo suprà. Si apertà vi fiat , est rapina ,
 » à furto specie distincta. Licèt autem furtum , cæteris pari-
 » bus , quàm rapina , levius sit , et ex genere suo minimum
 » inter ea , quæ circa proximum committuntur , est tamen
 » mortale ; si quantitas sit notabilis. Ita communiter omnes.
 » *Vide Bon. d. 7. q. 8.*

Unde resolves :

519. — « 1. Qui alienum accipit joco , vel ob bonum , aut
 » commodum illius , à quo accipit , non furatur : v. gr. si
 » uxor auferat à marito pecunias , ne ludis , aut commessa-
 » tionibus eas prodigat ; aut vinum , ne inebrietur , aut
 » librum hæreticum , ne cum legat ; aut famulus det eleëmo-

» synam non nimis magnam valdè indigenti , de qua domi-
 » nus rationabiliter non sit invitus , à quo tamen ob vere-
 » cundiam , vel aliam causam non audeat petere. Vide Less.
 » l. 2. c. 12.

§20. — « 2. Qui pro se , vel alio , in extrema necessitate
 » constituto , alienum accipit , quantum necessarium est ,
 » nec furatur , nec tenetur restituere postea sic absumptum ,
 » siquidem re et spe indigens fuerit. Idem docent Lessius ,
 » l. c. d. 4. Malderus etc. de necessitate gravi. Verùm id
 » probabilius alii negant , cum Laym. l. 3. t. 3. p. 1. c. 1.
 » n. 7. ex S. Thom. 2. 2. q. 66. art. 7. Sylv. Ang. Vide Dian.
 » t. 4. p. 2. t. misc. r. 20. C. Lugo d. 16. s. 7. » (*Adverte*
hic prop. 36. damnatam ab Innoc. XI. Permissum est fu-
rari , non solum in extrema necessitate , sed etiam in gravi.)

Certum est , eum , qui est in extrema necessitate constitu-
 tus , posse alienum surripere , quantum sufficit ad se à tali
 necessitate liberandum. Ita communiter DD. cum D. Th. 2.
 2. quæst. 66. a. 7. Ratio S. Doctoris , quia in tali casu omnia
 sunt communia ; jus enim gentium , quo divisio facta fuit
 bonorum , non potest derogare juri naturali , quod cuique
 competit , sibi providendi , dum extrema necessitate laborat.
 Idem dicitur , quando necessitas est proxima extremæ , aut
 illi æquivalens , in tali enim necessitate , quæ vocatur aliàs
 gravissima , seu quasi extrema , potest etiam quis sibi pro-
 videre mediis ordinariis , non autem exquisitis et extraordi-
 nariis. Ita communiter Lugo de just. d. 16. sect. 7. n. 154. Less.
 l. 2. c. 12. dub. 12. n. 74. Spor. tr. 3. c. 3. n. 103. Salm.
 de restitut. cup. 3. punct. 3. §. 2. n. 38. cum Navarr. Sot.
 Cajet. Prad. etc. Viva in prop. 36. damn. ab Innoc. XI. n.
 14. cum Sylv. Azor. Croix l. 3. p. 1. num. 957. cum Card.
 Haunold. et Tamb. qui vocat sententiam certam. Talis autem
 gravissima necessitas putatur , quando quis est in probabili
 periculo incurrendi mortem , ut Ronc. de char. c. 2. q. 3.
 Holzm. eodem tit. n. 172. ac Vasq. Val. Nav. Moya , Dic.
 etc. apud Croix l. 2. n. 195. Aut verò in periculo amittendi
 membrum aliquod principale , aut aliquem sensum , putà
 oculum. Pal. Dic. et Tamb. apud Croix ib. Item quando
 quis est in proximo periculo incidendi in perpetuam captivi-
 tatem , sive pœnam triremium , vel gravissimum aut per-
 petuum morbum , vel infamiam. Lugo l. c. Sporer tr. 3. c. 3.

n. 88. *Ronc. l. c. Elbel de rest. n. 271.* Non enim opus est, ut dicunt *Lugo*, et *Elbel ex D. Th. et aliis*, quod huiusmodi mala actu inferantur, sed sufficit, quod proximè et moraliter certò immineant; imò ait *Holzm. l. c.* quòd de eis adsit periculum certò probabile. Sed dubitatur, an putetur eadem necessitate laborare pater, qui ob inopiam est in periculo constituendi filiam? Affirmat *Bon. et consentit Mazzot. l. c. cum Cajet. Suar. etc.* Sed probabilius contradicunt *Salm. ibid. n. 59.* quia nulla necessitas potest cogere aliquem ad peccandum, cum possit alià vià, saltem mendicando, suæ necessitati subvenire. Sed quid, si aliquem virum honoratum valdè pudret mendicare, vel laborare, an potest ex alienis sibi providere? Negant *Salm. cit. n. 59. cum Soto et Prado*, dicentes, hæc potiùs judicari necessitatem gravem, quàm extremam, cum bona temporalia tantum ordinentur ad vitam, non ad honorem servandum. Affirmant verò *Viva l. c. n. 3. Ronc. l. c. Mazzot. t. 2. p. 373. ac Less. Pal. et Dicast. apud Croix l. 3. p. 1. n. 952.* item *Bann. et Serræ apud Salm. loc. cit.* Hocque probabilius mihi videtur, si pudor mendicandi esset tantus, ut potiùs ille mortem subire vellet, quàm mendicare.

Sed hic plures quæstiones occurrunt. Quær. I. An dicantur esse etiam in tali necessitate gravissima ii, qui sunt captivi apud Turcas, ita ut liceat ipsis alienum surripere ad se redimendum? Quæstio hæc pendet ab alia, an divites teneantur redimere tales captivos? Negant *Hurt. in 2. 2. d. 239. sect. 5. §. 21. et Spor. tr. 3. c. 6. n. 59.* quia dicunt, hos non esse in extrema necessitate, cum libertas non requiratur ad vitam, et aliàs requireretur magna summa ad ipsos redimendos, et faciliè pretium redemptionis augetur. Excipiunt tantum, nisi quis captivus esset interiturus ex tristitia, vel aliis ærumnis. Item addit *Sporer*, quòd si captivus petat eleemosynam, tenetur dives saltem aliquid dare pro ejus redemptione. E converso dicunt *Fill. tr. 28. c. 3. n. 76. et Az. t. 2. l. 12. c. 8. q. 5. cum Caj. et Major*, quòd divites tenentur ad redimendum vicinum, quem scient captivum esse. Cæterum, si absolutè ajunt DD. ut suprà, et ipse *Spor.* fatetur, quòd quisque possit alienum surripere ad se liberandum à perpetua captivitate, vel etiam ab ejus periculo, cur non tenebitur dives ad eum liberandum aliquo saltem

mediocri subsidio? et cur non poterit ille alienum auferre, si nullam aliunde probabilem spem habeat suæ redemptionis? Sed generaliter loquendo, hic adijcere libet iudicium perdocti P. Concinae, qui, disserens de dubio, an divites teneantur hujusmodi captivos redimere? t. 2. d. 6. c. 9. n. 7. sic ait: *Captivitas ex se grave malum est, ad quod tollendum plus minusve divites adstringuntur pro majori, aut minori divitiarum abundantia. Si captivitati junctum sit aliquod grave periculum amittendæ Fidei, aut vitæ, si captivus utilis sit reip.; tum gravior est divitum obligatio, quando hæc omnia illis perspecta sunt. Si captivorum redemptio maximam divitiarum summam exigeret, non auderem cuique diviti onus imponere similes captivos in libertatem redigendi. Hoc quippe onere divitibus injecto, possent infideles extremis malis captivos torquere, christianorumque opes brevi expilare. Spectandæ ergo sunt circumstantiæ omnes, et juxta illarum diversitatem divites plus minusve obligantur.* Attamen in hoc dubio, quod mihi ingentem confusionem ingessit, et in quo DD. tam obscure loquuntur, ipse nihil decidere audeo. Sufficit utriusque partis momenta proposuisse. Sapientiores decernant.

Quæritur II. An pauper in extrema necessitate possit occultè alienum surripere, antequam petat? *Coninchius d. 27. de char. dub. 10. n. 158.* censet, pauperem peccare mortaliter, si surripiat non petendo; quia non dicitur extremè indigere, qui petendo sibi subvenire potest. *Lessius verò l. 2. c. 12. Laym. l. 3. tr. 1. c. 1. num. 7. et P. Concina tom. 2. d. 6. c. 9. n. 11.* dicunt, eum tenèri ad petendum, sed non peccare nisi venialiter, si non petat; quia dominus tunc non est invitus quoad substantiam, cum pauper jus habeat ad illa bona, sed tantum quoad modum, ordinem invertendo, quod non est amplius, quam veniale. Sed melius distinguendum cum *Lugo d. 16. n. 140.* qui dicit: si res illa. peculiaris non est absolutè necessaria ad inopiam pauperis sublevandam, pauper peccabit mortaliter clam illam surripiendo; nam aliàs omnes mendici possent impunè accipere aliena non petita, eò quòd perirent, nisi eis ab alio subveniretur, quod falsum est. Si verò pauper peculiari illa re extremè indigeat, ita ut dominus teneatur omninò eam dare, quia ipso non dante, pauper periret; tunc iste,

ut ait Lugo, occultè accipiendo non preest inertilitur, imò nec venialiter dico, cum ille habeat eo casu absolutum jus ad rem illam accipiendam, juxta S. Th. 2. 2. q. 66. art. 7.

Quæritur III. An pauper extreme indigens possit accipere rem magni valoris, et illa sit absolute necessaria ad suam vitam servandam?

Prima sententia negat; hanc tenent Croix l. 5. p. 4. num. 983. Conc. t. 2. d. 6. c. 9. n. 6. et probabilem vocat Spor. de charit. c. 6. n. 54. (Croix autem citat Lugo d. 46. n. 147. sed non benè, quia Lugo loquitur tantum de obligatione divitis, dicens, ipsum non tenèri extraordinariam summam expendere ad pauperem sublevandum; in quo dispar datur ratio, ut infra videbimus). Ratio autem hujus sententiæ est, quia charitas, ex qua solum tenetur dives ad elemosynam, ut supra diximus, non obligat cum tanto dispendio. Et quamvis in extrema necessitate pauper habeat jus ad bona aliena, non tamen habet jus ad bona extraordinaria, sed tantum ad ea, quæ ordinariè sufficiunt ad vitam sustentandam.

Secunda sententia tamen verior affirmat, eamque tenet Sporer de char. c. 6. n. 154. consentitque Lugo loc. cit. num. 146. dummodò dives per talem ablationem non constituitur in æquali necessitate, et Croix l. c. putat practicè probabilem. Ratio, quia reverà in extrema necessitate, cum omnia fiant communia, pauper jus habet ad accipiendum omne id, quod est necessarium ad suam vitam servandam, ita ut (sicut docet D. Th. 2. 2. q. 66. art. 7. ad 2.) per talem necessitatem efficiatur suum id, quod quis accipit. Nec distinguit S. Doctor inter rem parvæ vel magni momenti. Non autem obstat communis doctrina, quam tradunt Lugo d. 46. n. 150. Laym. l. 2. t. 3. c. 6. n. 4. Spor. de charit. c. 6. num. 54. Ronc. eod. tr. c. 2. q. 3. r. 3. Dian. p. 3. tr. 8. r. 6. cum communi, et consentit P. Conc. l. c. num. 6. nempe, quòd dives non tenetur permagnam summam erogare ad proximum liberandum à morte, maxime, si ipse deberet è suo statu decidere; eò quòd charitas non obliget eum tanto incommodo; unde ajunt Lugo l. c. et Pal. Con. ac Tamb. ap. Croix l. 2. n. 201. neminem obligari pro vita alterius expendere ter, quater mille aureos, etiamsi non excideret è

suo statu : mihi (accipiunt *Sporer et Croix cum Tamb. H. ca.*) pauper esset persona conjunctissima, pater pater, vel filius. Nam respondetur, quod, licet hæc sententia et ratio sit vera respectu divitis, diversa tamen currit ratio respectu pauperis; recte enim discurrit *Lugo n. 143.* et dicit, quod, sicut ab initio ante divisionem bonorum, omnia erant communia, unde quisque poterat ex eis accipere, quantum erat ei necessarium; sed nullus quidem tenebatur ipsi ex justitia bona dare: sic etiam in casu extremæ necessitatis, cum omnia tunc fiant communia, potest utique pauper accipere bona divitis, sed non tenetur dives ex justitia dare. Quapropter casu, quo pauper est in extrema necessitate alicujus rei magni valoris, justè potest eam accipere, quia jus habet ad illam arripiendam; non ideo tamen dives tenetur dare, cum ipse tantum ex charitate obligatur, quæ non obstringit eum tanto incommodo. Quod autem dicit *Spor. eod. n. 54.* scilicet, quod eo casu dives etiam impediendo, quominus pauper rem accipiat, non peccaret contra justitiam, mihi non videtur probabile: quia pauper habet jus ad rem accipiendam, et consequenter, ne alter ab ea accipienda ipsum impediat.

Quer. IV. An fur, consumens rem ablatam in extrema necessitate, teneatur semper ad restitutionem?

Prima sententia negat, quam tenet *Pal. t. 1. tr. 7. d. 2. p. 10. n. 5. cum Con. et R. Nav. Diana t. 8. tr. 7. r. 14.* et æquè probabilem vocat *Sporer de 7. præc. c. 5. n. 102.* satisque probabilem putant *Less. l. 2. c. 16. n. 7. et Tamb. l. 8. tr. 2. c. 6. §. 2. n. 3.* Ratio, quia, cum in extrema necessitate omnia fiant communia; fur, sicut habet jus accipiendi bona aliena, sic habet consumendi, non secus ac de novo surripiendi.

Secunda sententia verò, gravissima, et communior affirmat; et hanc tenent *Less. l. c. Sylv. v. Furtum, q. 5. Armil. eod. v. n. 10. Azor. l. 12. c. 7. et P. Conc. tom. 4. de furto c. 5. q. 4.* Ratio, tum quia obligatio jam contracta ex injusta acceptione non extinguitur ex superveniente necessitate; tum quia necessitas furis non tribuit ei dominium rei alienæ, sed tantum dat jus eâ utendi, et obligationem suspendit restitutionis. His tamen non obstantibus, non puto improbabilem primam sententiam, quia pauper in tali necessitate, ut docet *D. Th. l. supra cit.* surripiens alienum, suum efficit.

Obligatio autem restitutionis eo casu non solum suspenditur, sed etiam verè extinguitur consumptione rei, quia dominus teneretur consentire consumptioni, si adhuc res apud ipsum inveniretur. Hoc tamen limitandum dico, 1. Si ille sit pauper, non tantum re, sed etiam spe, ut dicemus in qu. sequenti. 2. Si pauper absolute indigeat re illà peculiari, nec aliter possit sibi subvenire, ut dixi in quæst. præcedenti.

Quær. V. An surripiens rem alterius in extrema necessitate, hac cessante, teneatur illam restituere? Hæc quæstio ab illa alia pendet, utrum dives satisfaciat suæ obligationi, si pauperi extremè indigenti rem, quâ ille eget, mutuet, aut donet sub pacto restitutionis, si deveniat ad meliorem fortunam? Adest triplex sententia.

Prima affirmat, et hanc tenent *Tol. l. 5. c. 14. Nav. in Man. c. 17. n. 61. item Less. Vasq. Cov. Adrian. ap. Croix l. 2. n. 207.* et probabilem putat *Lugo d. 16. n. 167.* casu, quo res data sit magni momenti. Ratio quia charitas, ex qua præcedit hoc eleëmosynæ præceptum, obligat tantum ad subveniendum proximo indigenti, ergò sufficit, ut aliquo modo ei subveniat, quo ille à sua necessitate eximatur, quin res absolute donetur.

Secunda sententia negat, eamque tenent *Azor. t. 2. l. 12. c. 9. q. 1. Sot. de just. l. 4. q. 7. ar. 1. ad 4. Sanch. Cons. p. 1. c. 5. dub. 5. n. 56.* (cum communi, ut asserit) item *Suar. Bonac. Pal. Bann. etc. apud Salm. tr. 21. c. 7. punct. 1. §. 1. n. 8.* Ratio, tum quia dives ex præcepto naturali tenetur eleëmosynam dare extremè indigenti, obligatio autem dandi eleëmosynam involvit obligationem donandi; cum verò datur res ad mutuum, non fit donatio, sed una obligatio mutatur in aliam. Tum quia in extrema necessitate omnia sunt communia, unde dives tenetur ex justitia rem tradere pauperi, cum ille justè possit eam surripere, etiam invito domino, et suam facere, ut docet *S. Th. 2. 2. q. 66. art. 7.*

Tertia sententia longè communior, et verior, quam tenent *Pal. tr. 6. d. 2. p. 4. n. 9. P. Holzm. de charitate c. 5. n. 182. Sporer de 7. præc. c. 5. n. 99. Croix loc. cit. cum Val. qui vocat certam, et Bann. qui primam sententiam putat falsissimam, ac Salm. ibid. n. 9. et 10. cum Reg. Med. Trull. Villal. Dian. et omnibus aliis AA. citatis pro secunda sententia, distinguit et docet, quòd si pauper tempore necessitatis est abso-*

lutè pauper, tunc dives tenetur omninò gratis ei succurrere, quia tunc absolutè obligatur ad præstandam eleēmosynam. Secùs, si alter habeat aliunde bona, aut spem moralem, sive probabilem habendi; tunc enim sufficit rem ipsi mutuare, quia tunc ille non est absolutè pauper, nec posset rem alterius absolutè arripere, et suam facere. Et hanc sententiam expressè tenet *D. Th. Quodlib. 5. art. 17.* ubi supponens, quòd pauper non sit carens bonis propriis, ut in *resp. ad 1.* sic inde ad 2. docet: *unusquisque tenetur ad liberandum proximum à morte secundum suam conditionem; et hoc quidem convenienter implevit, qui pecuniam mutuavit; non autem tenetur condonare in casu, quo ille poterat per mutuum liberari.*

Sic igitur pariter dicendum in quæstione primo loco proposita de surripiente bona aliena in extrema necessitate: Nihil tenetur ipse restituere, si tempore necessitatis erat absolutè pauper, ut dicunt *Lugo d. 16. n. 171. et Salm. de rest. c. 5. punct. 3. §. 1. n. 33. (contra Laym. l. 3. tr. 3. p. 1. c. 1. n. 7. ac alios ap. Salm. ib.).* Ratio, quia, ut docet *D. Thom. l. c.*, qui est absolutè pauper, potest licitè ex rebus alienis sibi subvenire, et efficit suum id, quod accipit. Rectè autem excipiunt *Salm. l. c. n. 33.* si res accepta, cessante necessitate, existat in propria specie; tunc enim dicunt, quòd tenetur eam restituere. Ratio, quia, cum illius rei solus usus erat ei necessarius ad suam necessitatem sublevandam, non poterat illius dominium sibi adjudicare. Pauper autem, qui aliunde bona habuit, vel spem habendi, ut suprà diximus, benè tenetur restituere rem acceptam, et consumptam in necessitate, quia, quando rem accepit, non fuit absolutè pauper.

Quær. VI. An dives non subveniens pauperi tempore, quo ille erat in extrema necessitate, teneatur postea ad restitutionem?

Prima sententia affirmat, et hanc tenent *Carden. in 1. Crisi. d. 26. n. 76. cum Hurt. Laym. l. 3. tr. 3. p. 1. c. 1. n. 7.* item *Prado et Arag. ap. Salm. ibid. n. 33.* eamque putat probabiliorem *P. Concina de eleēm. c. 9. quæst. 10.* Ratio, quia pauper in extrema necessitate habet verum jus ad bona divitis, et ideò, si dives illa non tradat, peccat contra justitiam, et tenetur restituere. Aliàs si non peccaret contra justitiam, sed tantum contra charitatem, posset ipse sine injustitia etiam impedire pauperem, quominus in tali necessitate suum arriperet; nec teneretur ad restitutionem da-

innorum obvenientium filiis pauperis, qui ex illa impeditio-
tione mortem subiret; quod nemo dicit. Hinc inferunt, quòd
si dives sive impedit, sive negligit dare eleēmosynam in eo
casu, tenetur, adhuc sublata necessitate, resarcire omnia
damna pauperi illata.

Secunda sententia verò probabilior, quam tenent *Less. l. 2. c. 12. n. 25. Lug. d. 16. ex n. 145. Holzmann. de charit. c. 3. n. 182. cum communi*, ut asserit, et *Salm. l. c. n. 34. cum Suar. Con. Ban. Sanch. Vasq.* negat tenēri divitem ad restitutionem damnorum, si negligit dare eleēmosynam. Ratio, quia talis obligatio est ex præcepto charitatis, quæ ad restitutionem non obligat. Et quamvis pauper in extrema necessitate habeat jus ad bona divitis apprehendenda, cū illa eo casu fiant communia, non acquirit tamen eorum dominium; tunc enim, non quoad dominium, sed tantū quoad usum bona aliena communia evadunt. Sed dices: si dives non obligatur ad subveniendū pauperi ex justitia, quomodo poterit pauper justè rem ejus surripere, ipso invito, vel nesciente? Respondeo cum *Lug.* eodem modo, ut diximus in *Qu. III.* ante divisionem bonorum omnia erant communia et quisque poterat ex eis accipere sibi necessarium, sed nullus tenebatur ipsi ex justitia dare. Idem dicendum in casu extremæ necessitatis, cū omnia tunc fiant communia, potest pauper accipere bona divitis, sed dives non tenetur ea dare ex justitia. Cū autem pauper habeat jus ad accipiendum, peccat proculdubio dives contra justitiam, si illum impediat ab accipiendo, et tenetur ad omnia damna, filiis aliisque hæredibus necessariis ex tali impeditioe obvenientia. Si verò non impedit, sed tantū negligit dare, ad nihil postea tenetur. Unde concluditur, quòd pauper possit justè bona divitis accipere, sed dives non teneatur ea ex justitia dare.

Ultimò hic notandum, quòd in sola gravi necessitate prohibetur surripere rem alienam ex *propos. damn. 56.* mox suprà relata. Excipit *Viva in dict. prop. 56. n. 10.* quando pauper ad levandam suam non levem miseriam, quamvis non extremam, aliquid leve surriperet, probabiliter judicando, dominum opulentum ex pietate non esse invitum, saltem quoad substantiam. Rectè tamen advertit, hujus epikejæ usum non debere esse facilem, nec in materia gravi, quia divites in hoc etiam, quoad substantiam, sunt rationabiliter inviti.

521. — « 3. Nec item furatur, qui accipit in compensationem justam, si aliter sibi debitum accipere nequeat, v. gr. si famulus justum stipendium non possit aliter obtinere, vel iniquè inductus sit ad serviendum iniquo pretio. Vide Laym. l. c. et Tol. l. 5. c. 15. »

Nota quoad *compensationem*, I. Quòd compensatio potest fieri etiam in alia specie, si non possit fieri in eadem. Croix l. 3. p. 1. n. 967.

Nota II. quòd compensatio regulariter peti debeat per iudicium; sed hoc omittere est tantum veniale peccatum, ex Salm. de rest. c. 1. punct. 19. §. 2. n. 515. in fin. cum Lug. etc. Viva in prop. 37. Innoc. XI. n. 1. ac Croix n. 965. Tamb. et aliis, imò nullum, si alias timeantur inimicitiae, amissio expensarum, et similia, ut rectè docet Laym.

Nota III. quòd licèt ad compensationem requiratur certitudo crediti, ex communissima apud Croix n. 962. quamplures tamen et graves auctores ap. Salm. ibid. n. 521. admittunt, posse fieri compensationem cum credito tantum probabili, in tribus casibus, scilicet, quando compensatur fama cum pecunia; infamia cum infamia data; et legatum relictum in testamento non solemni. Sed vide quæ de his diximus de conscientia l. 1. num. 55. in nota. (1).

522. — Nota hic propos. 37. Innoc. XI. quæ dicebat: Famuli ac famulae domesticæ possunt occultè heris suis surripere ad compensandam operam suam, quam majorem judicant salario, quod recipiunt. Salm. de IV. præc. c. unic. punct. 7. §. 5. n. 156. cum aliis, loquentes de hac prop. damn., dicunt I. quòd, si famulus sine necessitate liberè conveniat cum domino de stipendio inferiori, postea nihil poterit sibi compensare; secùs, si ex necessitate, ad levandam nimirum suam miseriam, conveniat de salario notabiliter minori justo. Ratio, quia decreta pontificia non intelligunt obligare famulum contra iustitiam. Ita Salm. de rest. c. 1. punct. 9. §. 2. n. 517.

(1) Ad licitam compensationem occultam tres requiruntur conditiones: 1. Ut non fiat cum damno debitoris; 2. Ut creditum sit certum et liquidum; 3. ut satisfactio alio modo obtineri non possit; quare creditor debet prius in iudicio postulare; quamquam si hoc negligitur, non erit peccatum grave, imò nec leve, si via judicialia sumptus, odia aut alia damna subcunda essent. Homo Ap. tr. 10. n. 21.

Edit.

21..

et *Viva in dict. prop. 37. n. 12. cum Less. Suar. Mol. etc. contra Croix lib. 3. p. 2. n. 975.* qui ait, nihil penitus posse famulum surripere post pactum, quia jam cessit juri suo; sed respondetur, quod famulus cum cogitur ad sic conveniendum suâ paupertate, tunc non cedit juri suo spontè, sed coactè; et ideo ipsius paupertas nequit excusare herum, ut non solvat ei saltem infimum stipendium. Quando autem famulus, coactus necessitate, convenit pro parvo pretio, poterit sibi compensare usque ad pretium infimum, ut ait *Viva dict. n. 12. cum Less. Suar. Mol. et Dic. et aliis* (ut ait) *communissimè.* Hoc tamen currit, nisi dominus alios famulos pro eodem parvo pretio jam justè invenisset; vel, nisi ipse famulus de se oblatus fuisset, et dominus ex pietate sive indigentia ipso uteretur. *Viva dict. n. 12. in fin. et Salm. de IV. præc. c. unic. punct. 7. §. 3. n. 136. cum Mol. Sot. Nav. Vill.*

523. — Dicunt II. *Salmanticenses*, quod si famulus ex electione propria augeat operas debitas, nihil potest surripere, quia tunc censetur operam suam condonare ad conciliandam sibi domini gratiam; secus autem, si ex voluntate domini expressâ, vel tacitâ, quia tunc servanda est regula illa, nempe, quod quivis operarius dignus est mercede suâ. Ita *Salm. cit. n. 136. et de rest. cap. 1. punct. 19. §. 3. n. 318. cum Mol. Sot. Vill. Nav. Dian. Fagund. Bass. et ita etiam Corrella cum Filguera, Toresil. Lastra, et Hozes super dict. prop. 37.* Consentitque huic *Croix lib. 3. p. 2. n. 976.*

524. — An autem famulus, si evidenter sibi constet de justitia sui stipendii, possit tunc ex proprio judicio facere sibi hujusmodi compensationem? Negant *Croix lib. 3. p. 2. n. 976. Carden. sup. prop. Innoc. XI. Diss. 23. c. 2. art. 3. n. 62. et 63. et Viva in dict. prop. 37. n. 1.* Et dicunt, quod famulus, sive quicumque alius mercenarius, non debet sibi compensare, nisi ex judicio communissimo peritorum, aut viri valdè docti, et in re morali versati; ideoque inquirunt, ad hoc non sufficere judicium confessarii mediocriter docti. Attamen *Salm. de IV. præc. punct. 19. §. 3. n. 137.* dicunt, famulum posse etiam ex proprio judicio sibi compensare suam operam, si ipse certè judicet, se majus stipendium mereri. Quod sanè videtur satis probabile mihi et aliis doctis recentioribus, si hic famulus, vel quicumque alius mercenarius, sit vir prudens, timoratus, et verè aptus ad rectè judicandum, ac

certus sit de justitia compensationis, remota omni hallucinationis periculo. Sed hæc rarissimè evenient. Nee obstat supradicta prop. 37. damnata, quæ meritò proscripta fuit, quia nimis generaliter loquebatur.

525. — Quæritur hic obiter, utrùm christiani possint licitè surripere res Turcarum? Resp. si christiani sint in locis Turcarum captivi, certum est, posse eos surripere à dominis quantum sufficit, ut redimantur, et ad patriam redeant, in compensationem injustæ servitutis, et damnorum, quæ ratione servitutis patiuntur. Ita habetur ex decreto. Congr. SS. Off. die 23. Aug. 1630. ap. *Peyrin. de Priv. Minim. t. 3. c. 4. n. 29.* ubi sic fuit declaratum: *Qui captivi injustè detinentur ab infidelibus, possunt à dominis particularibus accipere sine injustitia, quantum sufficit ad congruam compensationem, etiam pro sufficientia redemptionis, ab illis, vel ab aliis, qui sunt partes reip. sive Judææ, sive Turcæ.* Dubium fit, an quilibet christianus possit surripere bona Turcarum? Negant Azor t. 1. l. 8. c. 24. q. 12. et Fill. tr. 22. c. 3. n. 123. Sed affirmant probabiliter Mol. tom. 1. tr. 2. d. 37. lit. d. cum Caj. 2. 2. q. 66. art. 8. item Victorel. Naldus, Duval. Rebell. Velasq. Covarr. et alii apud Dian. p. 3. tr. 13. r. 98. qui probabile putat. Ratio, quia sic rectè præsumi potest ei concedi à principibus christianis, qui jus habent spoliandi Turcas omnibus bonis, ac locis ab ipsis usurpatis. Consentit etiam Felix Pot. de 7. præc. n. 2933. modò (rectè limitat) non adesset inter Turcas tempus treugæ, vel salviconductûs; vel nisi aliquis Turca degat in locis christianorum, sive liber, sive servus, maximè si adsit ut publicus negotiator sub fide regia.

DUBIUM II.

Quæ sit quantitas notabilis ad mortale peccatum?

526 *Quæ sit quantitas gravis respectu ad diversa genera personarum, vel ad diversas circumstantias?*

527 *Id clarius elucidatur.*

528 *Conclusio et probabilior sententia.*

529 *Quid de furto rerum expositarum, nempe fructuum, et lignorum?*

530 *Quæ quantitas sit gravis in furtis minutis?*

531 *Quid, si sit animus restituendi brevi tempore, vel partem complementem materiam gravem?*

532 *An sit mortale furari parvam reliquæ sacræ?*

526. — **V**ARIÆ eâ de re sunt sententiæ. *Nay.* nimis scrupulosè statuit medium Regalem; alii nimis laxè 10 Aureos; moderatiùs *Tol. Med. Less. etc.* duos Regales, etsi minus sufficiat, si notabiliter noceat.

« *Resp.* Ea non mathematicè, sed moraliter metienda est, non tantùm ex valore rei ablatae, sed etiam ex circumstantiis personæ, cui auferitur: si nimirum ei grave damnum inferatur, aut saltem charitas christiana graviter laedatur, quomodo respectu valdè divitis, imò etiam regis, unus, vel alter Aureus notabile quid videtur: respectu verò mediocriter divitum, quatuor circiter Regales, sive medius Imperialis: respectu mechanicorum duo; respectu pauperis unus. Ita nunc plerique cum *Bon.*

Unde resolves:

« 1. Grave peccatum est auferre rem parvam domino valdè proficuum, v. gr., sartori acum, quam unicam habet, nec habere aliam potest, quâ se alat. *Less. l. 2. c. 12. d. 8.*

« 2. Grave item est (etsi non in specie furti) si fur sciat ex jactura rei parvæ domino secuturam valdè magnam molestiam, v. gr. quia valde ad eam afficiebatur, nec similis recuperari potest: nisi tamen res sit nullius prorsus momenti. *Vide Bon. d. 2. q. 8. p. 1.* »

527. — Quoad hoc punctum, tam ad praxim scitu necessarium, nempe, quænam sit materia gravis in furto, operæ pretium est plura hic elucidare. Quidquid aliqui dicant, commune est apud DD. et non videtur posse negari, quòd, ad determinandam hujus materiæ gravitatem, non possit absolutè pro omnibus eadem quantitas assignari, sed ipsa demetiendi sit respectivè ad circumstantias personæ, rei, loci, et temporis; cum enim furti gravitas consistat in quantitate damni, quod proximo infertur, facilè nocumentum, quod respectu unius leve erit, respectu alterius erit grave. Ideò enim *S. Th. Opusc. de erud. princ. lib. 7. cap. 8.* dixit: *In amissione unius gallinæ plus pauper gravatur, quam unius*

multum dives gravaretur in mille marcis. Ideo etiam ait Laym. lib. 3. tr. 3. p. 1. c. 1. cum Nav. Bus. et communi, quod auferre acum sartori poterit aliquando esse grave fur-tum, si ille, eâ carens, nequiret sibi de victu providere. Cæterum ad justam dimensionem faciendam hujus gravitatis, rectè dicunt Salm. de rest. c. 3. punct. 2. §. 1. n. 13. magnopere conferre judicia sapientum, quorum major auctoritas, in hoc puncto, mihi videtur majorem constituere probabili-tatem. Quapropter diversas doctorum sententias sedulò hic congerere curavi; et ne pluries citationes eorum repetam, omnes AA. quos observavi, hic simul refero. Ili sunt vide-licet Less. de just. lib. 2. cap. 12. ex n. 51. Lugo eod. tit. d. 16. n. 27. et 28. Laym. lib. 3. tract. 3. p. 1. cap. 1. num. 3. Bon. de rest. d. 2. qu. 8. p. 1. n. 7. Fill. tract. 31. cap. 10. n. 239. Salm. loc. cit. Habert tom. 4. p. 2. cap. 8. §. 3. P. Concina t. 4. cap. 3. Sporer de 7. præc. cap. 5. ex num. 31. Holzm. eod. tit. c. 1. n. 752. Rone. eod. tit. c. un. qu. 4. Anacl. tr. 9. d. 5. qu. 1. n. 8. Elbel Conf. 10. n. 288. Wi-gandt tract. 9. ex 3. qu. 2. Croix lib. 3. p. 1. n. 987. Mazzot. t. 2. pag. 597. Tamb. Dec. lib. 8. tr. 2. cap. 2. n. 2. Viva de rest. q. 7. art. 3. n. 3. Tol. l. 3. c. 16. n. 3. Fel. Potesta de 7. præc. c. 3. n. 2618. Et quoniam auctores isti, in assignanda materia gravi, diversis pecuniæ nominibus utuntur; ideò hic opus est referre plures pecuniæ species, quas ipsi nomi-nant, et earum æstimationem, ut eam iidem DD. explicant. Pazius sive Paceus juxta Laym. valet quatuor vel quinque asses, sive grana nostratiâ. Regalis juxta Tamb. valet tarc-num unum, ac quinque grana monetæ siculæ; et ad eum-dem valorem vel circiter reducitur Julius, Argenteus, sive Carolenus noster. Florenus, juxta Lessium, et Anacl., valet quatuor Regales, juxta Lugonem valet quinque; juxta verò Fill. sex Regales. Imperialis juxta Bus. valet octo Regales. Aureus juxta Tamb. et Potesta valet 12 vel 13 Julios; et ad idem reducitur, vel circiter, Scutus, sive Ducatus no-ster (1).

(1) Majoris claritatis causâ opus est dicere: Regalem seu Julium seu Ar-genteum seu Carolenum circiter æquiparari monetæ gallicæ: 1½ franc; monetæ verò germanicæ: 14 kreuzer (Rhein-Fuss) aut 12 kreuzer (Conven-tions-Münz).

Communiter DD. dicunt, in furto illam esse gravem materiam, quæ alicui juxta suam conditionem in die sufficeret pro sui suæque familiæ sustentatione; in qua, ut benè advertit *Croix n. 983. cum Spor. Gom. et aliis*, non solum computatur victus, sed etiam vestitus, et habitatio. Sed regula hæc, cum sit valdè obscura et confusa, nec universè possit pro omnibus valère, idcirco afferemus DD. qui pro diversis personarum generibus gravem materiam assignant. Et I. Respectu *pauperum mendicantium* assignant pro gravi materia paucos nummos *Habert, Elbel, Spor. et Holzm.* Alii verò communiùs assignant unum Regalem, et aliquando etiam dimidium (sed in casu raro, ut dicunt *Salm.*) Ita *Bus. Less. Bon. Viva, Anacl. Escob. Renzi, Mazzot. Wigandt cum Bann. et Serra*; item *Nav. Reg. ac Diana apud Lugo.* II. Respectu *pauperum laborantium*, generaliter loquendo, dicunt *Laym. et Lugo*, eam esse gravem materiam, quæ pertingit ad valorem victus diurni, sive ad mercedem mediocrem, quæ datur fossori pro uno die. Alii tamen distinctiùs loquuntur; *Ronc. et Habert* assignant pro materia gravi unum Julium. Alii verò communiùs dicunt, esse duos Regales, tam pro fossoribus, quàm pro artificibus, sive mechanicis; ita *Laym. Less. cum Medin. Bonac. Viva, Wigandt, Conc. Renzi, Escob. Mazzot. Tamb. Bus. Holzm. Serra apud Salm. et Nav. Reg. ac Diana apud Lug.* Verumtamen pro artificibus *Sotus, et P. Nav. ap. Less.* requirunt pro materia gravi plus quàm duos Regales, et idem dicunt *Elbel, et Potesta*; *Filliuccius* requirit tres Julios, *Lugo* autem quatuor Argenteos. Hinc probabiliter dico, pro fossoribus sufficere duos Regales, pro artificibus autem requiri ad materiam gravem saltem duos Regales cum dimidio, si similem aut majorem mercedem ipsi quotidie lucrentur. Rectè tamen advertit *Habert*, quòd si quis operarius vix sustentaretur lucrando septem vel octo asses singulis diebus, pro hoc talis summa esset gravis. III. Respectu *communiter sive mediocriter divitum*, qui vivunt propriis redditibus, *Conc. et Ronc.* assignant pro materia gravi tres Julios; *Laym.* 12 vel 13 *Pazios*, id est sex Regales vel circiter; communiùs verò *Bus. Less. Bonac. Gordon. Habert, Viva, Anacl. cum P. Navarr. Elbel. Tamb. Holz. Potest. Wigandt, cum Bann. item Serra, Reg. Dian. cum Salm.* dicunt, pro his materiam gravem esse

quatuor Regales, sive Julios. Imo *Fill. Escob. Mazott. Renzi, et Tamb.* extendunt usque ad quinque Regales. Hoc tamen rectè advertit *Viva*, non intelligendum, de illis, qui, licèt vivant propriis redditibus, tam strictè vivunt; pro his enim certè puto tres Regales gravem materiam, imò etiam minùs pro eis, qui nimis miserè se et familiam sustentant. E converso pro persona absolutè opulenta *Sporer* requirit unum florenum; *Lugo* verò 6 vel 7 Argenteos. Quoad mercatores autem tenuis fortunæ puto esse materiam gravem duos Regales cum dimidio. Pro aliis autem mediocris fortunæ, puto cum *Elb. Viva, Anacl. et Croix* esse quatuor Regales. Pro mercatore verò valde divite *Croix n. 987.* requirit unum Imperialem, sive octo Regales; *Tamb. Renzi, et Potesta* requirunt unum Aureum; *Laym.* autem, *Elb. Holz. et Ang. Sylvest. Rod. Arag. Cordub. ap. Salm.* requirunt tres florenos. IV. Respectu magnatum ditissimorum, *Sylvest. Ang. Arag. Cordub. Rodr. ap. Salm.* requirunt pro materia gravi plus quàm duos Aureos; *Viva* autem, *Elbel cum Sporer, et Croix* requirunt saltem duos Aureos. Communiùs verò sufficere ad materiam gravem unum Aureum dicunt *Bon. Gordon. Mazzott. Fill. Anacl. Tamb. Lugo cum Nava. Reg. et Diana, Less. cum Sot. et P. Nav. Ronc. Holz.* Et hoc procedere, etiam respectu regum, dicunt *Filliuc. Ronc. Holzm. et Lugo*; quia, licèt respectu ipsorum unus Aureus videatur levis materia, reverà tamen (ut ajunt) gravis est, spectatis regum oneribus et muneribus. *Salm.* dicunt, saltem sufficere pro regibus unum Aureum cum dimidio. Alii verò probabiliter, dicunt requiri saltem duos Aureos, ut *Croix, Bonac. Busemb. Sporer, Mazzot. Elbel, Tamb. Viva, et Serra ap. Salm.* Imo *Potestà* pro regibus requirit plus, quàm duos Aureos, et plurimi alii extendunt usque ad tres Aureos, ut *Wigandt cum Bann. et Serra, ac Layman. cum P. Nav. Ang. Sylvest. Sot. Arag. Rodr. Corduba, et communi*, ut asserit *Laym.* V. Respectu tandem alicujus communitatis censent *Sanch. et Cardenas ap. Croix l. 3. p. 1. n. 1012.* unum Aureum semper esse materiam gravem. Sed *Croix* probabiliter dicit, quòd si communitas esset valde opulenta, posset materia gravis ulteriùs extendi, modò duos Ducatos non excedat.

528. — Ex his omnibus concludo, quid probabilius mihi videatur. Et quidem 1. Respectu mendicantium puto, esse

materiam gravem unum Julium, seu Carolinum, et minus, si aliquis pauper minus quotidie elemosynis laetetur. 2. Respectu *fossorum*, et similium operantium, communiter loquendo, duos Julios; pro *artificibus* verò duos Julios cum dimidio. 3. Respectu *communiter*, sive *maliciose* *divitum* quatuor Julios, et minus pro iis, qui ex propriis miserè vivunt, verum pro *absolutè* *divitibus* quinque, vel sex Julios, et idem censeo pro *mercatoribus* valde opulentis. 4. Respectu *magnatum* ditissimorum, unum Aureum. Et idem puto pro *communitate* valde opulenta; saltem pro hac dico sufficere ad gravem materiam Aureum cum dimidio. Respectu autem *regum* duos Aureos.

« 3. Plus requiritur ad notabilem quantitatem in rebus, quæ ultrò proveniunt, et sunt valde expositæ, v. gr. fructus » ad viam publicam. *Vide Less. loc. cit.* »

329. — Quer. L. An cadentes ligna in sylva velita peccent, et teneantur ad restitutionem (1)? Centum est, licitum esse cuilibet communitati prohibere sub aliqua poena etiam incolas suis, ob bonum publicum, ne illa dissipentur, ut communiter docent *Molina t. 1. tr. 2. d. 58. Soto l. 4. de just. q. 6. art. 4. Lug. de just. d. 6. n. 85. et Sanch. Cons. l. 1. c. 5. dub. 1. n. 4. cum aliis*. Hoc tamen intelligendum dicunt, modò aliunde possit oppidani commodè ligna asportare, ut *Mol. ibid. et Sanch. n. 5. ex Soto, et Led. Item communiter DD. docent*, quòd si nemo est totius communitatis, incolæ illius, qui contra prohibitionem ligna cadunt, non peccant saltem graviter (imò nec venialiter, juxta *Sanch. n. 22. cum Soto, Salon. Angles, Corduba, etc.*), et nihil tenentur restituere, nisi magnam faciant stragem, sed tantum tenentur ad poenam post sententiam; talis enim prohibitio censetur purè pœnalis juxta dicta *lib. 1. n. 145. Ita Molina l. c. Soto v. Dubium autem, Lug. n. 85. Laym. de just. cap. 5. n. 18. Bue. infra n. 614. v. 2. Qui in loco, et Sanch. n. 19. cum Arag. Bann. Man. Galac. et aliis pluribus*. Ad hoc autem, ut strages dicatur magna, dicunt *Soto l. c. et Sanch. n. 25. cum*

(1) Jus novum (*Code Forestier*) distinctione facta sylvas privatas et publicas, varias pro magnitudine et numero lignorum ablatorum in fraudulenter lignantes multas statuit adjungens, præter pœnas semper locum dari restitutioni.

Salon. Lop. et Men. quod non sit attendenda gravitas materię in re, sed respectu ad damnum, quod communitati inferatur unde dicit *Sanch.* cum *Henriq.* non peccare scindentem unicam sarcinam singulis diebus pro usu proprio, nec duas singulis hebdomadis ad vendendum; quod enim dives (ait *Sanch. n. 25. cum Salon. et Mercado*, et approbat *Lugo n. 89.*) accipit ad usum proprium, pauper accipit ad vendendum, ut inde vivat. Idem dicendum ajunt *Sot. l. c. Mol. Concl. 4. et Sanch. n. 20. cum Led. Salon. Lop. et aliis*, si adsint duo oppida propinqua, et oppidani soleant ligna cædere ex sylva alterius. Quod etiam expressè approbat *Bon. de rest. d. 1. q. 3. p. 7. n. 26. cum Valent. Rebell. Sayr. Pill. Turrian. et Arag. (contra La Croix n. 254. qui perperam citat pro se Bonac.)* Adduntque *Eugo num 91. et Dicast. Burg. et Illsung. apud Croix l. c.* nec tenèri ad restitutionem, nec peccare graviter, sed tantum tenèri ad pœnam qui scindit ligna è nemore propinquo communitatis, etiamsi nulla sit inter illa oppida communicatio, quia tales communitates videntur esse contentæ pœnis, quas à cædentibus exigunt: quod sic præsumendum ait *Bonac. num. 27. cum Vasq. Molin. Vill. Reg. Turrian. et aliis*, si communitas læsa taceat, nec curet restitutionem. Quid verò, si nemo sit alicujus privati, vel alterius communitatis non propinque? Sentit *Sanch. n. 53. cum Navarr. Salon. Bonn. Henriq. et aliis*, satis esse probabile, quod cædentes non teneantur nisi ad pœnam. Quia (ut ait) respublica transferens sylvam in communitatem, aut personam, non majus dedit jus, quam ipsa respublica habebat; at, quando sylva erat reipub., cædentes tantum tenebantur ad pœnam; ergò sic etiam, si sylva translata est. Sed huic rectius contradicunt *Mol. dicta disp. 58. Soto art. 4. v. Dubium, Bonac. cum AA. citatis dicto n. 27. et alii plures apud Sanch. ibidem.* Ratio, quia dominus habet jus strictum ad sylvam illam, ita ut possit liberè eam vendere, aut locare arborum scissionem. Hinc benè dicunt *Croix n. 253. cum Ills., et Lugo n. 88. cum aliis*, quod si communitas sylvam vendat, aut locet alicui privato, scindentes tenentur ad restitutionem cujuscumque damni, etiamsi sint illius communitatis partes; quia tunc communitas, ac proinde singuli cives illius, ex quorum mandato sive consensu administratores vendunt, aut locant, totum jus suum in illum

transferunt. Quod autem dictum est de sylvis quoad sci-
sionem arborum, dicitur etiam de agris quoad pascenda ani-
malia, ut dicit *Lugo* n. 93. et *Sanch.* n. 5. cum aliis.

Quær. II. An liceat in vinea aliena comedere uvas? Affir-
mant *Covarr. Valer. Ripa*, etc. apud *Lugo* d. 16. num. 33.
modò quis uvas foràs non asportet adducuntque illud *Deuter.*
c. 23. v. 24. et 25. ubi dicitur: *Ingressus vineam proximi
tui, comede uvas, quantum tibi placuerit: foràs autem ne
offeras tecum. Si intraveris in segetem amici tui, franges
spicas, et manu conteres: falce autem non metes.* Et idem,
quod dicitur de uvis et spicis, ait *Abulensis* apud *Cornel. &
Lap.* intellige de pomis, ac alijs fructibus. Idque *Josephus*
hebræus, et plerique alii apud *Calmet* in loco cit. dicunt
intelligi non solum de incolis, sed etiam de omnibus viato-
ribus, quibus hoc permitti ajunt ad refocillandas vires. Sed
P. Holzm. de 7. præc. n. 758. (cui adhæret *Lugo* loco cit.)
sentit ex *Lyrano* in dict. loc. *Deut.* illud concessum fuisse
tantum Hebræis ex speciali Dei permissione vel solis vini-
toribus, qui in vinea laborant. Et huic ultimæ interpreta-
tioni favent versio Chaldæa, et Arabica apud *Calmet*, ac
etiam Hebræa, quæ verba illa, *foràs tamen ne offeras tecum*,
sic legit; et non ponas in vas tuum, id est in chalatum
tuum, ut *Calmet* explicat. Cæterum probabiliter ait *Lugo*,
de jure naturæ licere comedere unum vel alterum uvarum
racemum (id est unam, vel alteram uvam); parique modo
concedit, ut comedatur ex pomario alieno unum vel alte-
rum pomum: id enim prohibere, videtur durissimum, et
contra humanitatem. Et huic secundæ sententiæ videtur ac-
cedere *Hugo* Cardinalis, qui prælatum textum sic explicat:
*Hoc non servatur hodie ad litteram, sed in contrarium di-
spensatum est propter malitiam hominum.* His tamen non
obstantibus satis probabilis videtur prima sententia: nam,
quòd promissio illa fuerit pro solis Hebræis, nullo valido
videtur niti fundamento. Quòd autem fuerit pro solis vini-
toribus, huic obstat 1. auctoritas aliorum, ut supra, et
maximè *Josephi* Hebræi, quæ in hæc materia multum valet,
cùm ipse præ aliis melius noscat Hebræorum mores. Obstat
2. verba textus, *ingressus vineam proximi tui*, quæ magis
propriè intelliguntur de viatoribus, quàm de in vinea labo-
rantibus. Obstat 3. factum Apostolorum *Lucæ* c. 6. v. 1. qui

juxta hanc legem, cum transirent per sata; tellebant... spicas et manducabant confricantes manibus. Ipsi autem ob-
jurgati fuerunt à Phariseis, non, quia hoc illicitè facerent;
sed quia facerent die Sabbati; at Christus Dominus eos om-
nino excusavit.

550. — « 4. Plus item, si quis à diversis, vel ab uno,
» interpolatim parva, et plura furetur. Vide Less. loc. cit.
» num. 46. »

Docent Less. Trull. Vill. apud Salm. de restitut. cap. 3.
punct. 2. §. 2. n. 19. in furtis minutis requiri ad materiam
gravem duplo majus; nempe, si materia gravis sit per se
v. gr. quatuor Julii, per furta minuta ad materiam gravem
requiruntur octo Julii. Eandem quantitatem requirit P.
Holzm. de 7. præc. n. 745. si hæc furtula fiant diversis;
atque si fiant per notabilia intervalla, requirit triplum. Mihi
tamen æquius videtur, ut dicunt alii ap. Elbel, de 7. præc.
Conf. 11. n. 325. quòd si furtula fiant eidem per intervalla,
aut diversis eodem tempore, requiritur, et sufficit ad mate-
riam gravem simplum eundem dimidio, v. gr. sex Julii. Si verò
utrumque concurrat, nempe si fiant à diversis, et disconti-
nuatim, censeo requiri duplo majus, scil. octo. Hoc tamen
intelligitur cum Less. et Lugo d. 16. n. 51. modò furta non
fiant per partes ex industria, et modò inter furta non inter-
ponatur magnum intervallum. Addunt Laym. Bonac. Lug.
etc. ibid. furta minuta non coalescere, si fiant à pluribus,
et magno intervallo intercedente, videlicet anno. Imò Sanch.
Dec. lib. 7. c. 21. n. 10. Ronc. Viva prop. 29. Alex. VII. n.
17. cum Trull. etc. (contra Rebell. et Croix lib. 3. p. 1. num.
1041.) excusant à restitutione sub gravi, etsi furtula acci-
piantur ab uno, anno interjecto. Rejiciunt autem Viva et
Ronc. c. un. qu. 5. opinionem Fill. Dian. Salaz. Vidal. Tol.
etc. ap. Salm. loc. cit. qui excusant, si adsit intervallum 15
dierum; vel mensis, ut admittit Nav. ap. Sanchez. Nisi;
excipit Viva, materia sit valdè modica. Hinc magis mihi
arridet, quod sentit Ronc. ib. scilicet, saltem requiri inter-
polationem duorum mensium, dum agitur de materia, quæ,
licèt non sit gravis, tamen proxima est materiæ gravi.

551. — Non est mortale, per se loquendo, surripere quam-
cumque summam cum animo restituendi statim, v. gr. intra
quadrantem. Croix lib. 3. p. 1. n. 1002. cum Less. Lugo,

Vasq. etc. Idem est, si intra illud breve tempus quis velit restituere tantum illam ultimam partem complementem materiam gravem, aut si ad breve tempus restitutionem differat. *Croix ib. cum Vasq. Sanch. Reb. Reg. Sayr. et aliis plurimis.*

532. — Quæritur hic, an sit mortale furari parum reliquiae sacrae? Nulli dubium, quin in districtu Romano sit mortale, cum *Clemens VIII.* et *Paulus V.* excommunicationem indixerint contra eos, qui, invitis rectoribus Ecclesiarum, furantur reliquias etiam minimas. Secus, probabiliter ait *Croix lib. 5. p. 1. n. 1003. cum Sanch. Bon. Castrop. Dian. et Baldell.* si quis furetur extra districtum aliquid minimum, ipsam reliquiam non deformans, neque minuens illius æstimationem; nisi sit aliqua reliquia insignis, aut rara, ut putà Sanctæ crucis, Capillorum B. Mariæ V. etc.

DUBIUM III.

Quando graviter peccet, qui multa minuta furtiva committit?

533 *Quid, si qui furatur, non habeat animum dilescenti? Quid, si habeat?*

534 *An furtula facta à diversis coalescant? Et an tunc restitutio possit fieri pauperibus?*

535 *Quid, si plures furentur parva, altero alterum nesciente?*

536 *Quid, si mutuo sciunt, et eodem tempore furentur?*

537 *Quid, si unusquisque moveatur exemplo alterius?*

538 *An sit mortale furari quid leve, post completam materiam gravem?*

« **R**ESP. Hic quoque quantitas læsionis, vel damnificationis, quæ fit proximo, et quam fur intendit, est mensura quantitatis peccati. *Vide Less. loc. cit. Sanch. l. 7. c. 21.*

Unde resolves :

533. — « 1. Si quis ex occasione tantum furatur, sive uni, sive pluribus, modicum, non intendens notabile aliquid acquirere, nec proximo graviter nocere singulis furtis, non peccat graviter, neque ea simul sumpta unum mortale

» constituunt; postquam tamen ad quantitatem notabilem
 » pervenerit, eam detinendo, mortaliter peccare potest. *Less.*
 » d. 7. *Sanch. lib. 7. c. 21. Bon. q. 8. p. 2.* » (*Etsi numquam*
advertat ad culpam gravem, ut Tamb. Croix, Carden. etc.
communiter. Vide dicenda n. 553.) » Verum et hoc mortale
 » evitabit, si vel tunc restituere non possit, vel animum
 » habeat paulò post restituendi ea saltem, quæ tunc accipit.
 » *Gran. Dic. p. 5. t. 6. r. 25.*

» 2. Si autem per plura parva furta, uni, vel pluribus facta,
 » habeat intentionem paulatim ditescendi, vel inferendi grave
 » damnum, peccat graviter eâ intentione; ac, licet executio
 » singulorum sit tantum venialis ex se, ut tamen substat tali
 » intentioni, est continuata executio peccati mortalis. *Less., l.*
 » 2. c. 12. d. 7. *Sanch. l. c.* quia nocent graviter reip. et pra-
 » xis illa valde perniciosa est societati humanæ, v. g. si ea. tor
 » particulam panni à diversis surripiat; si mercatores utantur
 » brevioribus ulnis, etc. » (*Nota autem hic prop. 38. damn.*
ab Innoc. XI. Non tenetur quis sub pœna peccati mortalis
restituere, quod ablatum est per pauca (aliàs parva) furta,
quantumcumque sit magna summa totalis.) » Interim hi ex-
 » cusantur subinde à gravi peccato. 1. Ex eo, quod dictum est
 » casu primo. 2. Si id faciant, ut se servant indemnes, vel
 » quia aliàs non lucrarentur, vel pretium augere deberent,
 » et tunc non invenirent emptores. *Rosella, v. Emptio.* 3. Si
 » aliàs non habeant, unde se vel suos alant. »

554. — Hic quæritur I. An furtula, facta diversis personis,
 coalescant, et gravem obligationem pariant restitutionis? Ne-
 gant *Ang. Med. et P. Navar. apud Sanch. Dec. lib. 7. cap. 12.*
n. 10. et probabile putat *Croix l. 3. p. 1. n. 1013. cum Esp.* nisi
 fur magnam quantitatem auferre intendisset; vel nisi domini
 læsi unam communitatem constituerent. Sed meritò dicit *Lugo*
de just. d. 16. n. 48. hanc opinionem ab omnibus rejici, eum
 contraria sit communis et tenenda cum ipso *Lugone, et Sanch.*
loc. cit. n. 15. Salm. de rest. c. 5. punct. 2. §. 2. n. 19. Croix
ib. et aliis. Et verius videtur cum *Salm. loc. cit. et Milante*
in dict. prop. 38. oppositum expressè damnatum, cum præ-
 fata propositio genericè loquebatur. Ratio patebit ex quæ-
 stione sequenti, quam apud nullum Auctorem discussam
 inveni.

Quær. II. Si furtula, quæ simul ad magnam quantitatem

perveniant, sint facta diversis dominis certis; an fur teneatur sub culpa gravi eis restitutionem facere? vel an satisfaciatur, debita illa pauperibus distribuendo? Ex una parte videtur dicendum, sub gravi restitutionem faciendam esse dominis, nisi excuset periculum famæ amittendæ, vel gravissimum damnum aut incommodum. Ratio, quia licet domini non sint graviter læsi, fur tamen certè non potest sibi retinere magnam quantitatem ablatam; nam (ut dicunt *Sanch. Dec. lib. 7. c. 12. n. 13. et aliqui alii apud Lugo d. 16. n. 40.* etsi in alio proposito) præceptum *non furandi* non solum prohibet, ne quis alios graviter lædat, sed etiam, ne ditescat notabiliter ex ære alieno. Quapropter, cum fur certè ad restitutionem teneatur, non videtur satisfacere, si restituat pauperibus; quia his restitutio facienda est tantum, quando creditores sunt incerti; non verò quando sunt certi: propterea quòd, restituendo pauperibus, cum restitutio sine magno incommodo possit fieri ipsis dominis, non videtur fur restituere ablatum personis debitis, sed alienis, ad quas nullum jus spectat; et ideò non videtur suam obligationem implere. Sed probabilius mihi et aliis doctis junioribus dicendum videtur, quòd hujusmodi fur non peccet graviter, si non restituat dominis certis, cum commodè possit, et satisfaciatur suæ gravi obligationi, si debita pauperibus distribuat. Ratio, quia, ut docet *Lugo l. c. n. 5.* et consentit *Sanch. l. c. cum Vasq. Val. P. Led. et Reb.* præceptum *non furandi*, non tam intendit vitare emolumentum proprium, quàm damnum proximi. Si ergò singuli domini non fuerint graviter læsi, fur non tenetur sub gravi obligatione eis restitutionem facere. Attamen, cum ipse, notabiliter ditescendo ex bonis alienis, grave intulerit damnum reipublicæ, ideò reip. damnum restituere debet. Eo igitur casu sub gravi tenebitur reip. restitutionem facere; dominis verò tantum sub levi. Unde videtur, quòd sufficienter fur satisfaciet suæ gravi obligationi ex præsumpto consensu reip. si restituat pauperibus, aut locis piis, qui sunt egentiores reip. partes. Sed dicet: Numquam præsumitur resp. velle, quòd fur restituat pauperibus cum culpa veniali, à qua ipse nullo modo excusari potest, dum sine suo gravi incommodo debitum dominis restituere posset. Respondeo: cum in hoc non censeatur graviter invita resp. ad quam (ut diximus) principalius tunc pertinet jus rei

ad latrē, si restituatur pauperibus; idēo probabilit̃ videtur dici posse, quōd fur semper excusabitur à mortali, si pauperibus restituat; et etiam à veniali, si rationabilis causa adest.

535. — « Si plures simul, vel successivē plura furtiva parva » alicui faciant, quæ, simul sumpta, graviter illi noceant; tunc, » si alter de altero non sciat, nullus peccat graviter: v. gr. si » viatores ex vinea unam, alteramve uvam rapiant, et comedant, etsi hoc licēre dicant *Cov. Val. et Ripa*; » (*Vide dict. num. 529.*) « contra *Dian. p. 3. t. 6. r. 30.* Si autem singuli » conspirent, singuli graviter peccant. Si denique de se mutuo sciant, nullus tamen alteri sit causa furti, probabilius » est, non esse mortale, ut docent *Less. Tan. etc. contra Suar. Vasq. Vide Bon. l. c.* »

536. — Probabilissima est hæc sententia *Bus.* scilicet, si plures modica furantur, neminem peccare graviter, etsi mutuo sciant, grave damnum domino fieri, nisi ex communi consilio faciant. Ita etiam tenent *Habert t. 4. cap. 7. §. 3. qu. 6. Lugo d. 16. sect. 3. num. 55. Salm. de rest. c. 5. punct. 2. §. 3. n. 28. cum Less. Sanch. etc.* Et hoc, etiamsi singuli eodem tempore furentur, ut cum *Bus.* censet *Less. c. 12. n. 52. de justit. cum Sot. et Sanch. Dec. lib. 7. c. 21. n. 24 (contra Lugo)*, Ratio, quia tunc nemo est causa damni, quod per accidens ab aliis domino evenit.

537. — Si autem plures plura parva furentur, ita ut unusquisque moveatur exemplo alterius, quamvis sine communi consilio, *Laym. Ovied. Steph. etc. ap. Croix l. 3. p. 1. n. 1009.* dicunt omnes peccare contra justitiam. Sed probabilius *Less. Lug. Salm. et Tamb. ibid.* tenent, peccare tantum contra charitatem (et graviter, si materia sit gravis) ratione scandalii, non verò contra justitiam: quia exemplum non est causa positiva influens in damnum alienum, ut diximus *l. 3. n. 43. communiter cum Sanch. Salm. Mol. etc.*

538. — Si quis, post completam materiam gravem, furatur adhuc aliquid aliud leve, *Lugo d. 16. n. 43. et Croix l. c. n. 1007. cum Spor. Dic. etc.* tenent, esse peccatum mortale, toties, quoties aliquid surripiatur. Sed *Lessius cap. 12. n. 44. et Salm. loc. cit. §. 2. n. 25. cum Tapia, et Diana*, hujusmodi furtum leve dicunt non constituere peccatum mor-

tale, nisi pertingat ad aliam novam quantitatem gravem; et hoc *Bon. de rest. d. 2. q. 8. p. 2. n. 5.* meritò putat valde probabile.

DUBIUM IV.

Quid sentiendum de furtis domesticorum, vel amicorum?

539 *Quid de furto uxorum et virorum?*

540 *An uxor possit dare eleemosynas, etc.*

541 *An aliquando possit expendere?*

542 *An liceat ipsi subvenire parentibus, etc.*

543 *Quale furtum filiorum sit grave?*

544 *An filius possit à patre mercatore surripere mercedem pro opera sua?*

545 *Quid de furtis famulorum in esculentis, etc.?*

546 *De restitutione, facienda ab uxore et filiis.*

539. — **R**ESP. Licet verè furtum sit, si uxor, liberi, amici, servi patrifamilias invito quid auferant, plerumque tamen major quantitas requiritur, ut sit mortale, cum plerumque hic dominus aut non rationabiliter invitus, aut saltem minùs invitus sit, ut ab his, quàm ab aliis, auferatur: vel, etsi valde invitus sit, sæpè tamen id fiat, non tam ratione rei acceptæ, quàm modi accipiendi clam, aut ratione finis, ob quem accipiunt, v. gr. ad ludendum, potandum, etc. *Vide Cajet. v. Furtum. Less. c. 12. n. 76.*

Unde resolves:

» 1. Uxor graviter peccat, si notabilem summam accipiat, invito marito, etiam ex dote, vel bonis communibus; quia, licet media pars ad eam spectet, maritus tamen habet usumfructum illius partis, ideoque tenetur ad restitutionem. *Trull. lib. 7. cap. 6. d. 8. n. 7. etc.*

» 2. Similiter peccat graviter maritus contra justitiam, cum obligatione restituendi, si aliquid notabile uxori surripiat, sine ejus consensu, ex bonis ipsius paraphernalibus,

» vel aliis propriis, si quidem libera eorum administratio
 » ipsimet uxori competat, quia par est ratio mariti, et ux-
 » ris, quoad bona propria. *Vide Villalob. t. 2. d. 15. Trull.*
 » l. 6. c. 1. d. 9.

540. — » 3. Uxor potest dare eleēmosynam, et munera,
 » secundum consuetudinem aliarum mulierum illius loci,
 » et conditionis; etiamsi maritus eleēmosynas omnes illi pro-
 » hibeat, quia consuetudo hoc jus ei tribuit, quo maritus
 » eam privare non potest. » (*Ita Lugo d. 16. n. 64. commu-*
niter cum Molin. Less. Con. Bon. Reg. etc. ap. Diana t. 1. p. 2.
tr. 1. res. 33. Et hoc, etiamsi uxor habeat bona propria, ut
Lugo, Bonacin. Gob. etc. Croix l. c. n. 1025.) « Ibid. n. 13.
» Dian. p. 1. t. 3. r. 22. et p. 5. t. 8. r. 34. ubi cum Mol.
» et 10 aliis docet, posse eam, in seculo marito, dare vigesi-
» mam partem annui censūs, vel lucri: eo quod hoc perti-
» neat ad decentiam statūs, et maritus irrationabiliter sit
» invitus. » (Sed hoc ita universaliter dictum reprobat Lugo
d. 15. n. 16. Sporer, et Tamb. cum Croix eod. l. c. n. 1021.
Idem autem Tamb. Dec. lib. 8. tr. 1. cap. 2. §. 3. num. 14.
tantum admittit, quando divitiæ non multam excedunt)
 » Hinc etiam potest cum *Abigail* moderatas eleēmosynas dare,
 » ut mariti conversionem impetret, vel ne Deus illum pu-
 » niat. *Vasq. Bon. Regin. et alii 10. contra Con. etc. Vide*
 » *Dian. p. 2. t. 16. r. 25. et p. 5. t. 8. r. 34.*

541. — » 4. Uxor potest bona expendere, marito absente,
 » vel fatuo: quia tunc ad illam spectat administratio domūs:
 » item, quæ acquirit sua industria » (dempto tamen labore,
 » quem præstare debet familiæ, ut benè advertit *Croix ibid. n.*
4018.) « item paraphernalia, hoc est bona, quæ, præter dotem
» marito allatam, sibi reservavit. Trull. loc. cit. et cæteri
» comm. » (Item potest uxor liberè disponere de iis, quæ
sibi reservavit de bonis à viro sibi assignatis pro vestitu, aut
sustentatione familiæ ad certum tempus, modò honestè fa-
miliam jam sustentarit. Ita Croix l. 3. p. 1. n. 1024. cum
Pul. Nav. Less. Mol. Bon. etc.)

» 5. Non peccat uxor, subducendo aliqua, vel compensa-
 » tionis causā, si vir sit prodigus: quia is tunc facit uxori
 » injuriam, partem ipsius profundendo, vel pro victu, ve-
 » stibus, cæterisque sibi, vel familiæ necessariis, quæ mariti

» sæpè non intelligunt, et frustrà ab illis peterentur. *Ben.*
 » *Trull. l. c.*

542. — « 6. Uxor, si ejus pater, mater, vel proles ex alio
 » matrimonio sint pauperes, ita ut miserè secundùm sta-
 » tum suum vivant, et maritus eis nolit succurrere, potest ex
 » bonis suis propriis, vel etiam ex communibus (dummodò
 » post mortem viri omnia computet in sua parte) eis sub-
 » venire, quia jure naturæ tenetur eos alere, et maritus in
 » id consentire. *Navar. Palaus. Less. lib. 2. c. 42. d. 14.*
 » *Dian. p. 5. t. 8. r. 34.* ubi illam potestatem extendit ad
 » fratres, et sorores, quod etiam *Less. l. c. et Trull. l. 6. c. 1.*
 » *d. 9.* judicant probabile. » (*Cum Lugo d. 16. n. 71. Moh.*
Sanch. etc.)

543. — « 7. Filius peccat graviter, invitis parentibus, no-
 » tabilem summam accipiens, qualis non semper est, secun-
 » dùm *Less. cap. 12.* si filius patri prædiviti duos, vel tres,
 » imò secundùm *Sanch.*, quinque vel sex Aureos furetur;
 » cò quòd parens sit minùs invitus, et filius sit aliquid pa-
 » tris. Unde non tenebitur ad restitutionem, nisi fortè coha-
 » redibus graviter noceat. »

Dicit *Salas apud Croix lib. 3. p. 1. n. 1032.* non esse grave
 furtum filii 20 vel 30 Aureorum à patre, possidente annuos
 1500 Aureos, et non improbat *Lugo d. 16. num. 76.* si pater
 non sit tenax, et filius adoleverit, ac accipiat ad usus ho-
 nestos. *Less. Navar. et Fill. ap. Spor. de 7. præc. c. 3. n. 37.*
 dicunt, non peccare graviter filium furantem 2 vel 3 Aureos
 à patre divite. *Bannez* dixit ad furtum grave filii parentis
 prædivitis requiri saltem 30 Aureos: sed hoc *Lugo et La*
Croix ll. cc. rejiciunt; nisi fortè esset filius principis, in quo
 consentit *Holzm. num. 753.* qui etiam dixit, non esse grave
 accipere à parente prædivite decem Aureos. Admittunt au-
 tem *Nav. Sot. Laym. etc. ib.* quòd, si pater mittat centum
 Aureos filio in studiis versanti, poterit filius insumere quin-
 que Aureos in recreationes honestas ex præsumpto patris
 consensu.

« 8. Si filius notabilem summam expendat in res turpes,
 » aut vanas, contra voluntatem parentum, ex pecunia sibi
 » suppeditata ad usus honestos, putat *Less. c. 22. d. 13.*
 » eum peccare mortaliter: etsi excuset à restitutione, si pater
 » rogatus faciliè condonaturus putetur.

544. — « 9. Si filius , v. gr. mercatoris , vel cauponis ad-
 » ministret bona parentis , potest à patre exigere salarium ,
 » quantum dare deberet extraneo , et si id impetrare non
 » possit , vel exigere non ausit , potest clam accipere. Ita
 » probabiliter *Laym. l. 3. s. 6. t. 4. cap. 8. Dian. p. 4. tom.*
 » *4. r. 66.* »

Ita etiam sentiunt apud *Moya tr. 6. disp. 4. qu. 1. Nav. Escob. Ang. Gom. cum communiori* , ut asserit *Molin.* et non improbable putant *Less. Villal. Lop.* Et hoc concedit *Serra* , etiamsi filius serviat gratis , ignorans , quòd possit servire cum mercede , si præsumatur , quòd , si non ignoraret , minimè operam gratis impendisset. Et in dubio , ut censet *Moya* , tenendum est , filium noluisse gratis servire. Unde videtur hic posse filius sibi compensare mercedem eodem modo , quo clericus posset sibi compensare de fructibus beneficii , quod de bonis patrimonialibus ignoranter impendit in sui sustentationem , nisi expressè voluerit compensationi renuntiare , quia in dubio nemo præsumitur velle se suo jure privari , ut dicunt *Leand. ib. exm S. Thom. Cajet. Pal. Less. Molin.* et *Nav.* Verùm *Lugo d. 3. n. 42. et Moya cum Molin. Med. Sylv. et aliis* tenent , nullo modo filium posse hoc salarium à patre exigere , quia , secundum jura , filius debet patri suas operas , et industrias ; et quidquid ex bonis paternis acquirit , patri acquirit , ut probat *Sanch. Cons. 1. c. 2. d. 8. et 9.* Et cum hæc sententia sit valdè probabilis , imò probabilior cum *Croix l. 3. p. 1. n. 1054.* ideo , si pater negaret salarium , vel filium puderet illud petere , meritò ait *Croix ib. n. 1035* , minimè posse filium occultè sibi illud compensare , cum compensatio non sit licita , nisi ubi jus est certum : sed hic jus filii est valdè dubium. Dices : Prima opinio est saltem practicè probabilis probabilitate juris , seu proximà , prout dicunt DD. de eo , qui potest compensare famam sibi ablatam pecunià , vel non restituendo famam alteri detrahenti (*Vide dicta l. 1. n. 55. in nota*). Sed respondetur , ibi supponi diffamatum habere certum jus ad suam famam , et dubium est tantum de modo . Sed hic valde dubitatur , an filius habeat jus se compensandi in casu proposito. Quando autem jus , sive creditum non est certum , omnes conveniunt ad dicendum quòd non liceat compensare : *Vide Salm. de rest. c. 4. punct. 9. §. 3. n. 148.* Si verò filius præstet in beneficium patris majora opera et.

264 Lib. 4. Tract. 5. De septimo præcepto decalogi.
obsequia, quàm tenetur, an eo casu possit exposcere stipendium à patre? Vide dicta n. 488. v. III.

545. — « 10. Etsi famuli in esculentis, et poculentis, quæ domo exportant, aut divendunt, graviter peccant; quæ tamen ipsi domi consumunt; in istis facilius (uti et religiosi) excusantur; cùm in his dominus, aut prælatus sæpè tantùm sit invitus quoad modum accipiendi clam, non quoad rem. Quod tamen timeri posset, si extraordinaria acciperentur. *Laym. Escob. et Less. d. 2. c. 12. d. 8. n. 48.* ubi docet, quòd furta minima famulorum ex comestibilibus, quæ claudi non solent, non coalescant, si non ad vendendum, sed ad comedendum tantùm accipiantur. » (*Ita etiam Caj. Nav. Ban. Moya, Sanch. apud Croix l. 3. p. 1. n. 1016. Sed meritò hoc non admittit Spor. tr. 5. c. 5. n. 58. si magna esset quantitas.*)

546. — « 11. Cùm à gravi peccato furtum domesticum non potest excusari, tunc uxor tenetur restituere ex paraphernalibus, filius ex castrensibus, vel quasi, vel si ea non habet, post mortem patris afferre in divisionem hæreditatis, si quantitas rei ablata sit valde magna, nec pater restitutionem tacitè, vel expressè dimiserit. Famuli verò, si sine magna difficultate restituere non possint, jubeantur compensare officiis, et obsequiis extraordinariis, quantum possunt. *Laym. l. 5. t. 3. p. 1. c. 1.* »

CAPUT II.

DE RESTITUTIONE

DUBIUM I.

Quid sit restitutio, et qui teneantur ad eam?

- 547 Quid est restitutio, et an debeatur tantùm ex læsione justitiæ commutativæ?
548 Quæ sint radices restitutionis?
549 Quanam est culpa theologica, et quæ juridica?
550 Ex qua culpa oriatur obligatio restituendi?
551 Quid, si quis leviter alterum lædat animo graviter nocendi?
552 An culpa venialis inducat obligationem restituendi?

553 An ex levi furto possit aliquando oriri gravis obligatio restituendi?

554 An ad restitutionem in contractibus requiratur culpa theologia?

555 An idem in officiis?

556 Quid de injuria materiali, et formali?

547. — **R**ESP. 1. Restitutio est actus justitiæ ad salutem
 » necessarius necessitate præcepti, quo reparatur damnum
 » proximo illatum per injuriam; ita ut radix restitutionis
 » non sit quævis læsio proximi, v. gr., contra charitatem,
 » etc. in quibus non habet jus, quod violetur; sed ea tan-
 » tum, quæ est contra justitiam, in qua propriè injuria
 » inferitur, hoc est, læditur aliquod jus proximi, quod is
 » habet in re, vel ad rem, in qua damnum patitur. Quod variis
 » modis fieri potest, v. gr. furando, defraudando, destruendo
 » rem alterius, negligenter custodiendo, occidendo, mutilando,
 » detrahendo honorem, convitiando, et similibus. »

Aggrediamur nunc hos duos discutiendos Tractatus de restitutione, et de contractibus, qui cum permultis implicatissimis quæstionibus et dubiis, solutu difficillimis, conferti sint, maxima digni sunt animadversione, et ad praxim ita scitu necessarii, ut, si in his confessarii non benè sint versati, eos in multa offendicula incurrere oporteat. Facile continget in hoc meo libro, et potissimum in hac postrema editione, omnium sensui me non fore satisfactorium: ab illis enim, qui rigidæ vel benignæ sententiæ plus fortè, quàm par est, amantiores sunt, aut nimis austerus habebor, quia à multorum graviumque auctorum sententiis recessi; aut nimis indulgens, quia plures opiniones libertati faventes tamquam probabiles approbavi. Testor Deum, cujus honorem, et animarum salutem mihi proposui, quod, quidquid scripserim, non aliquâ passione impulsus, aut verbis aliquorum auctorum addictus, vel austeritati, aut benignitati nimis adhærens, ad hæc scribenda me induxi. In qualibet quæstione, prævio diuturno studio, curavi quidem veritatem investigare, præcipuè in iis, quæ ad praxim magis faciunt, et propterea non solum diligentè trutinâ perpendere elaboravi rationes, quas doctores classici tradunt; sed etiam plures doctos recentiores consulere non neglexi, adeo ut aliquando in recto judicio

de aliqua quæstione faciendo multos dies consumpserim. Si quidem non tamquam ovis (ut verbis utar rigoristarum) semitas scriptorum cæco ductu sectatus sum, sed operam dedi, ut veritatem assequeretur, aut sententias, quæ magis veritati accedunt, amplexarer. Pro viribus sum conatus semper rationem auctoritati præponere, et ubi ratio me convicit, non renui auctoribus plurimis contraire, etiam iis, quibus magis forsân adhærere potuissem, utpote quia, cum hanc scientiam addiscerem, ad manus meas ante alios illi pervenêrunt. Hinc, benevole lector, ne putes me auctoribus benignæ sententiæ omninò addictum, si eos sæpius me citare observes; nam ad hoc opus conficiendum non prætermisi etiam rigidæ sententiæ auctores legere, et præcipuè *Merbesium Contensonium, Habert, Natalem Alexandrum, Jueninum, Cabassutium, Cont. Tournely, Genettum, Petrocorensem, P. Concina*, etc. paratus quidem à sententiis meis desciscere, dummodò suis rationibus de veritate me convicissent. Sed quomodo me convincere poterant, dum videbam, quòd ipsi ut plurimum magis conviciis et subsannationibus, quàm vi rationum sententias suas suadere conantur? Quomodo in omnibus adhærere potuissem iis, qui opiniones suas sæpius veriores et Evangelio conformiores prædicant, nonnisi quia rigidiores sunt, et frequenter insultant in oppositas, tamquam falsas ac Evangelio adversas, nonnisi quia libertati favent?

Cæterum in dubiis discutiendis æqualis mihi scrupulus fuit, tam sententias libertati faventes, et à ratione alienas uti probabiles admittere, quàm damnare ut improbables eas, quæ valido quodam fundamento innixæ mihi videbantur: cum certum sit, vel ut certum tenendum, prout communiter DD. docent, et ipse doctus R. P. *Concina*, quamvis rigidarum sententiarum celebris fautor, in suo eruditissimo opere Theologiæ dogmatico-moralis me instruit, quòd hominibus imponenda sub culpa gravi non sunt, nisi evidens ratio id suadeat: sequè enim nefas est à culpa excusare eum, qui reus est, quàm innocentem tanquam culpæ reum judicare, ut sedulo monuit *S. Ant. p. 2. tit. 1. c. 11. §. 28.* ubi disserens, quando aliquid damnandum sit de mortali, vel non, sic scripsit: *Nisi habetur auctoritas expressa S. Scripturæ, aut canones, seu determinationes Ecclesiæ, vel evidens ratio, non, nisi periculosissime, determinatur. Nam si determinetur, quòd sit*

ibi mortale, et non sit, mortaliter peccabit contrafaciens, quia omne, quod est contra conscientiam, ædificat ad gehennam. Si autem determinetur, quod non sit mortale, et secundum rei veritatem sit, error suus non excusabit à mortali..... Quando scilicet erraret ex crassa ignorantia: æcius, si ex probabili, putd; quia consuluit peritos in tali materia, à quibus sibi dicitur, illud tale non esse mortale: videtur enim tunc ignorantia quasi invincibilis, quæ excusat à toto. Et hoc quantum ad ea, quæ non sunt expressè contra jus divinum, vel naturale, vel contra articulos fidei, decem præcepta, et hujusmodi, in quibus ignorans ignorabitur. Item S. Bonaventura dixit: Cavenda est conscientia nimis larga, et nimis stricta, nam prima generat præsumptionem, secunda desperationem: prima sæpè salvat damnandum, secunda contrà damnat salvandum. Quapropter semper timor mihi fuit, ne Deus æquè rationem à me exigeret, si opiniones laxas, ut probabiles approbāssem, quàm si probabiles, ut laxas reprobāssem. Humanæ conditionis præsentī fragilitate spectatā, non est semper verum, tutius esse, animas per viam arctiorem dirigere, cū videamus, Ecclesiam tam nimiam libertatem quàm nimium rigorem sæpè proscripsisse. Unde Gerson de vita spir. part. 3. lect. 4. coll. 10. animadvertens damna sententiarum excedenter rigidarum, sic advertit: Fit, ut per tales assertiones publicas nimis duras et strictas, præsertim in non certissimis, nequaquam eruantur homines à luto peccatorum, sed in illud profundius, quia desperatius, immergantur. Et hoc magis urgere debet in materia restitutionis, ubi in dubio possessor bonæ fidei, cū jus certum habeat ad rem possessam, non debet expoliari, nisi moraliter constet, rem esse alterius, juxta regulam communiter receptam, etiam ab AA. rigidæ sententiæ, ut testatur Lugo de just. d. 17. n. 86. et sic reverà tenent. Gonet, Diss. de prob. Habert t. 4. Natal. Alex. l. 4. r. 39. Wigandt ex. 1. qu. 7. P. Henno, etc. Vide dictu l. 1. n. 55. Communiter enim dicunt, saltem in materia justitiæ valere regulam illam, quod in dubio melior sit conditio possidentis. De reliquo tandem me protestor, quod, si in aliquo erravi, opto, ut error mihi ostendatur; nam paratus sum illicò me retractare, nec erubescam, prout non erubui id facere in hac mea nova editione, in qua à pluribus recessi opinionibus, quæ olim probabiles, sed

postmodum, vel nimis benignæ; aut nimis rigide, militare videntur.

Restitutio igitur est *actus justitiæ*, sed addendum est *commutativæ*; non enim debetur restitutio ex læsione *justitiæ legalis*, quæ respicit jura legum, et poenas; neque ex læsione *justitiæ distributivæ*, quæ respicit merita personarum. Quare Episcopus, conferens beneficium simplex indigno, nihil tenetur restituere digno, ut probabiliter dicetur *n. 385. et lib. 3. n. 107.* Quid verò, si beneficium sit curatum? *Vide eodem loco n. 100.*

Tantum igitur ex læsione *justitiæ commutativæ*, quæ respicit jus rei, oritur obligatio restitutionis. Ex læsione autem aliarum virtutum nulla oritur obligatio restituendi, ut *Croix l. 3. part. 2. num. 295. cum Soto, Lugo, Bana. Tamb. etc. contra Less. et Cov.* Quare dicunt præfati DD. quòd si actio ex alia virtute, quàm ex justitia, sit debita, non est restituendum quòd accipitur pro ea servanda.

348. — Notandum est I. quòd *radices restitutionis* duæ communiter assignantur; prima *ex injusta acceptione*, cui adjungitur radix ex injusta damnificatione. Secunda *ex re accepta*, sive *ex injusta retentione*, cui annectitur obligatio restituendi ex contractu.

349. — Notandum II. quòd alia est culpa *theologica*, quæ respicit conscientiam, et est eadem, ac peccatum mortale, aut veniale. Alia *juridica*, quæ dividitur in *latam*, scilicet quando omittitur diligentia, quam communiter omnes adhibere solent: in *levem*, si omittitur diligentia, quam omnes diligentes adhibent: et *levissimam*, si omittitur diligentia, quam diligentissimi ponunt (1). Hinc resolvitur, quòd, qui

(1) Licet hæc triplex distinctio culpæ juridicæ in jure novo non eadem recenseatur, postulatur tamen pro quibusdam casibus major cura quàm pro aliis; sic v. g. in deposito expressè statuitur, adhibendam esse majorem diligentiam, si depositarius mercedem acceperit.

Quæ autem præcipua et generalia ex jure gallico de culpâ juridicâ seu omissione debitæ diligentie in medium proferri possunt, hæc sunt:

Art. 1137. Sive contractus cedat in utilitatem unius solùm partis, sive in utilitatem utriusque, conservationi rei invigilare debet ut bonus paterfamilias.

Art. 1382. Qui actione sua causa est damni alterius, hoc resarcire tenetur.

Art. 1383. Qui suâ negligentia aut imprudentia damni alterius causa est, illud pariter resarcire tenetur.

damnum minimè prævidet, nec intendit, certò ad nihil tenetur, etsi operam daret rei illicitæ, uti fur, qui penitus fortuitò domum alienam incenderet. Ita *Salm. de restit. c. 1. punct. 2. §. 1. n. 14. cum Less. Bonac. Rebell. et aliis.*

550. — His positis, quær. I. Ex quali culpa oritur obligatio gravis restitutionis in delictis? Respondetur oriri tantum ex culpa lata, conjuncta cum culpa gravi theologica. Ita *Less. l. 2. c. 7. dub. 6. n. 27. Lugo d. 8. sect. 3. num. 56. Sotus l. 4. q. 7. art. 2. in fin. Nav. l. 2. de restit. cap. 4. num. 48. Sanch. dec. l. 2. c. 25. n. 160. Viva de restitutione q. 1. art. 4. n. 2. Salm. ib. §. 2. n. 16. cum Laym. Azor, etc. Croix l. 2. p. 2. n. 184. et 185. Item Cabassut. Theor. Jur. etc. l. 6. c. 17. n. 2. Ronc. de rest. c. 1. q. 4. et alii communiter.* Ratio, quia (ut docent *Lugo de just. d. 8. n. 59. et alii*) restitutio communiter accipitur ut pœna; et ideo dicimus, quòd, ut debita æqualitas servetur, ad obligationem gravem restituendi rem gravis valoris, requiritur culpa theologica gravis; theologica, quia, cum conscientia oneretur de obligatione, oportet ut in conscientia adsuerit delictum: gravis, quia, ut conscientia teneatur ad gravem obligationem, oportet ut gravis fuerit culpa.

551. — Quæritur hic II. Si quis committat culpam juridicam levem, sive levissimam contra justitiam, sed cum animo nocendi graviter, an teneatur ad damnum ex illa secutum? Affirmant *Lugo d. 8. sect. 6. n. 75. et Salm. loc. cit. n. 22. cum Mol. etc.* Ratio, quia tunc ille pravus affectus efficit, ut effectus damni secuti sit voluntarius. Negant verò *Sanch. Cons. l. 1. c. 4. d. 8. n. 9. cum Angles, item Navarr. et Turr.*

Art. 1384. Quinimo damnum reparare tenetur, qui per alios, cujus actiones ipsi imputantur, illud intulit;

Pater et eo defuncto, mater tenetur de damno causato per proles minores, secum habitantes;

Hærus et mandans de damno famulantis vel præpositi in negotio, cui eos applicuerunt;

Institutor et epifex de damno alumni vel discipuli sub custodia existentis; nisi probare possint ii omnes, quòd damnum impedire non potuerint.

Art. 1385. Dominus vel usufructuarius quadrupedis tenetur de damno per illud illato, sive animal existat sub ejus custodia sive ex eà evaserit.

Art. 1386. Dominus ædificii tenetur de damno causato ex ruina ejus, si æccula sit ex defectu refectionis vel vitio constructionis.

Edit.

25.

apud Salm. ibid. n. 21. Ratio, quia ad obligationem restitutionis non sufficit solus pravus affectus, sed requiritur etiam actus externus completè injustus. Sed in hoc dubio mihi videtur omninò vera sententia *Lessii l. 2. c. 7. n. 25.* qui alià vià casum resolvit, et sic distinguit: si ille prudenter dubitans, an ex sua actione damnum proximo obveniat, committit culpam levem, sive levissimam, omittendo eam diligentiam, quam tenebatur adhibere, tunc peccat quidem graviter contra justitiam, et tenetur ad restitutionem. Secus, si omnem debitam diligentiam adhibeat, quia tunc nullam culpam committit contra justitiam, et ideò ad nullam tenetur restitutionem, licèt aliunde ob pravam animi peccet contra charitatem.

552. — Quæritur III. Utrùm peccatum veniale contra justitiam inducat obligationem restituendi? Resp. si est veniale ratione parvitatæ materiæ, certè obligat ad restitutionem sub levi. Si verò est veniale ratione inadvertentiæ, sive indeliberationis, hoc quæritur, an obliget ad restitutionem?

Prima sententia affirmat, sed ejus auctores sunt diversi *apud Lugo de just. d. 8. n. 56.*; nam alii, ut *Vasquez*, et *Turr.* dicunt tunc esse obligationem restituendi totum damnum, quintamen explicant, an sub gravi culpa, vel levi. Alii autem, ut *Laym. l. 3. part. 1. c. 6. sect. 3. n. 4. Mol. tom. 3. tr. 2. d. 698. n. 7. Croix l. 5. part. 2. n. 191. cum Soto, Bonac. Reginal. et aliis*, dicunt, esse obligationem restituendi pro ratione culpæ: hinc *Bonac. d. 1. q. 1. punct. 3.* ait, posse culpam ita levem esse, ut non obliget, nisi ad centesimam partem damni. Si verò sit gravior, potest obligare usque ad decimam partem; casu autem, quo dubitatur, an culpa fuerit venialis, aut mortalis, obligandus est damnificator usque ad medietatem damni, ita *Bonac.*

Secunda sententia tamen probabilior et communior, quam tenent *Petr. Navarr. l. 2. c. 1. n. 4. Less. l. 2. c. 7. n. 27. Sanch. Dec. l. 2. c. 25. n. 160. Lugo dict. d. 8. n. 57.* qui omninò eam existimant veriore cum *Henr. Sa, Rodr. Salas et aliis pluribus, Roncaglia de rest. c. 1. Viva de rest. q. 2. art. 4. n. 5. cum Azor, et Fill. apud Cabass. Theor. Jur. etc. l. 6. c. 17. n. 2.* docet, in eo casu nullam esse obligationem restituendi. Ratio, quia culpa venialis ex indeliberatione non est simpliciter delictum et injuria, et ideò non

potest parere obligationem restitutionis : sicut ex contractu , ubi non adfuit consensus plenè deliberatus , non oritur obligatio ; et sicut etiam non obligat votum emissum sine plena deliberatione , actus igitur non perfectè deliberatus nequit esse causa perfectæ obligationis (*Vide dicta l. 2. num. 5.*). Dixi nullam obligationem , nec sub gravi ; nec sub levi. Non sub gravi , quia obligatio gravis non habet proportionem cum illa culpa levi ; non sub levi , quia levis obligatio non habet proportionem cum re gravi , ut ex suis principiis optimè arguit doctissimus *Lugo n. 58 et 60.* , qui post *D. Thomam* non temerè inter alios theologos facilè princeps dici potest , cùm in dubiis discutiendis hic auctor sæpè , nullo præeunte , falcem ita ad radicem ponit , ut rationes , quas ipse in medium adducit , difficulter solvi valeant.

553. — Quær. IV. Utrùm ex peccato levi , ob parvitatem materiæ contra justitiam , possit aliquando per accidens oriri gravis obligatio restituendi ? Affirmativè , et casus est , quando in ultimo furtulo , complente materiam gravem , non advertit fur ad furtula præterita ; tunc enim tenetur sub gravi ad restitutionem saltem illius ultimi furtuli. Ita *Lugo d. 8. n. 62. Viva d. q. 2. n. 5. cum Card. Tamb. et La Croix l. 5. part. 2. n. 245. (contra Dian. Oried. Petsch. etc. apud ipsum)*. Et ratio est , quia obligatio gravior tunc non oritur ex illa ultima acceptione injusta , quæ , cùm sit tantùm culpa levis , non posset gravem obligationem parere ; sed oritur ex injusta retentione gravis materiæ culpabiliter jam acceptæ : vel , ut ait *Croix l. c.* , oritur ex gravitate materiæ debitæ propter illas leves ablationes formaliter injustas. Sufficit autem ad vitandum mortale , ut restituatur tantùm materia illa parva , gravem materiam complens , ut probabiliùs tenent *Sanch. Less. Vasq. Reb. Bonac. etc. cum Croix n. 249. contra Medinam , Lopez , Esp. etc.*

554. — Quær. V. An etiam in contractibus requiratur culpa theologica pro obligatione restitutionis ? Certum est , ut ait *Lugo de just. d. 8. n. 101.* , tam leges , quàm contrahentes benè posse se ipsos obligare ad restitutionem sine ulla culpa theologica ; sed dubium est , an de facto obligentur ? Affirmat *Laym. l. 3. sect. 5. tr. 5. part. 1. c. 5. n. 2. cum Nav. Molin. Vasq. Turrian. et aliis ap. Lug. n. 99.* et dicunt , in contractibus obstringere ad restitutionem solam culpam juridicam ,

et quidem levissimam, si contractus est in commodum committentis culpam: latam, si in commodum alterius contrahentis; levem, si in commodum utriusque. Ratio istorum, quia id postulat æqualitas contractus ut ubi majus est commodum, major apponatur diligentia. Sed valde probabiliter negant *Sotus de just. l. 5. q. 7. a. 2. Less. c. 7. n. 43. Fill. c. 2. n. 13. Tol. l. 5. c. 17. Sa, v. Culpæ n. 2. Lugo loc. cit. n. 106. Croix l. 3. part. 2. n. 177. Salm. de rest. c. 1. punct. 2. §. 4. num. 32. cum Tap. Led. Henr. etc. Ronc. de rest. c. 1. qu. 5.* Ratio, quia ex una parte non est æquum aliquem obligare ad pœnam gravem sine sua gravi culpa; ex alia non præsumitur, saltem non constat, quòd aliquis voluerit se obligare in conscientia ad satisfaciendum pro damno, facto cum sola culpa juridica. Leges autem, quæ adducuntur in contrarium, obligantes cum sola culpa juridica, vel præsumunt culpam theologicam, ut ait *Viva de rest. q. 2. a. 4. n. 4.*, vel obligant solum pro foro externo, vel non sunt receptæ in alio sensu, ut dicunt *Lugo, Salm. ibid. n. 34. etc.* Illæ verò leges, quæ in aliquibus casibus omninò præcipiunt restitutionem, istæ quidem obligant, etiamsi absit peccatum, sed non ante sententiam judicis, ut communiter dicunt *Salm. cit. n. 34. Viva et alii*: quidquid alii dicant. *Vide dicta l. 1. n. 100. in fin. v. Quæro.*

555. — Pariter in officiis est probabile ex eadem ratione, quòd nemo tenetur ad restitutionem, nisi ex culpa lata conjuncta cum gravi theologica. Ita *Salm. de restit. c. 1. punct. 2. §. 3. n. 27. cum Vasq. Sot. Less. Lugo etc.* Tenetur tamen etiam ex culpa levi juridica, qui recipit stipendium, ut dicit *Laym.* vel qui promittit diligentiam majorem communi debitâ: vel, si officium de se exigit magnam diligentiam: ut *Salmant. cum aliis d. l. n. 28.* Sed semper intelligitur, quòd culpa juridica sit conjuncta cum gravi peccato, ut graviter obliget.

556. — « Resp. 2. Ex data responsione patet, tenèri ad restitutionem eos, qui intulerunt injuriam damnosam. Hæc autem est duplex, scilicet materialis, ut v. gr. cum quis rem alienam destruat, accipiat vel retineat bonâ fide, id est probabiliter judicans id sibi licère, vel esse suam: et formalis, quâ quis rem alienam destruit, accipit, vel retinet malâ fide, id est cum sciat, vel scire possit, ac de-

» beat, id sibi non licere, et rem non esse suam. Vide
 » Laym. l. 3. tr. 2. c. 1. Less. l. 2. c. 7. d. 6. Bonac. d. 3.
 » q. 1. p. 6.

Unde resolves :

- » 1. Qui injuriā intulit, ex qua alteri nullum est damnum
 » secutum, ut si adulterium commisit sine damnificatione
 » alterius, non tenetur in conscientia ad restitutionem; cum
 » hæc sit reparatio damni : potest tamen à judice cogi ad
 » satisfaciendum pro injuria.
- » 2. Quisquis intulit injuriā damnosam, etiam materia-
 » lem tantum, tenetur restituere, sed nonnisi id, quod ex
 » alterius re adhuc habet, vel quo ex ea factus est ditior.
- » 3. Qui intulit injuriā formalem, sive rem adhuc ha-
 » beat, sive non, tenetur restituere, et quidem tantum quan-
 » tum est damnum secutum. An verò sufficiat culpa venialis,
 » controvertunt auctores, et sententia utraq̃ue probabilis vi-
 » detur, ac in praxi tuta, saltem, quando commodè non po-
 » test restituere. Vide Auct. cit. et Laym. l. 3. tr. 2. Less. l. 2.
 » c. 7. d. 1. n. 27. C. Lugo disp. 8. sect. 5. n. 56.

DUBIUM II.

An, qui cooperantur ad damnum alterius, tenean-
 tur ad restitutionem?

337 Quotuplices dicantur cooperantes?

338 Quid de mandante?

339 Quid de consulente? Qu. I. An præbens pravam consilium, et
 postea revocans, teneatur ad restitutionem?

340 Qu. II. Executo consilio, quisnam primò teneatur?

341 Qu. III. Quid, si damnum etiam sine consilio evenisset?

342 Quær. IV. Quid in dubio, an consilium fuerit causa damni?

343 Quær. V. Quid, si alter sit determinatus ad damnum et tu
 tantum suadeas modum?

344 Qu. VI. An teneatur ad restitutionem suadens damnum ex
 ignorantia culpabili?

345 Qu. VII. An parato inferre majus damnum possit suaderi
 minus?

566 Quando teneatur ad restituendum dans iniquum suffragium ?

567 Quando teneatur palpo ?

568 Quando præbens recursum ?

569 An emptor rei furtivæ possit illam reddere furi ad recuperandum pretium ?

570 An idem possit emptor malæ fidei ?

571 Quomodo teneatur participans ? Quid , si ob metum ?

572 Quid si impedias alium , ne reparet damnum alterius ?

573 Quomodo teneantur causæ privativæ ?

574 Vide alios casus apud Busemb. usque ad num. 518.

557. — « **R**ESP. Tenentur omnes illi , qui quoquo modo » sunt causa influens et efficax damni secuti : ac qui ex officio » et obligatione justitiæ obligati cavere damnum , non cavē- » runt. Ita communiter doctores. Unde concludunt , tenēri ad » restitutionem comprehensos sequentibus verbis :

» *Jussio , consilium , consensus , palpo , recursus ,*

» *Participans , mutus . non obstans , non manifestans .*

» Patet ex sequentibus casibus.

558. — « 1. Tenetur ad restitutionem mandans , sive ex- » pressè mandet , sive tacitè , dicto nimirum , vel facto , ex » quo verbi gratiā famulus colligat , herò gratum fore , si » faciat ; non autem tenetur , qui rotum tantum habet opus » suo nomine factum ; uti nec mandans , si ante executio- » nem mandatum retractet , idque mandatario innotescat : » quia tunc non est vera causa. *Mol. Less. l. 2. c. 3. d. 3.* » *Fill. t. 32. n. 54.*

» 2. Tenetur item consulens , aut precibus , ac promissio- » nibus ad damnificationem inducens. » Juxta *prop. 39.* da- » mnatam ab *Innocentio XI.* « Quòd si tamen ante executionem » consilium suum retractet , et quantum potest contrarium » suadeat , etsi non persuadeat , probabile est eum exe- » sari à restitutione ; maximè si eum , cui damnum para- » tur , moneat , ut caveat. *Vide Bon. et Tan. 2. 2. d. 4. q. 6.* » *d. 14. Sa v. Consilium , et Dian. tr. 2. misc. res. 18. et t. 5.* » *resol. 83.* »

559. — Quær. I. an consilium dans , si postea revocet illud , teneatur ad restitutionem damni post revocationem secuti ?

Prima sententia , quam tenent *Habert de rest. t. 4. c. 4. §. 2. q. 3. Less. l. 2. c. 13. n. 16. Lugo de just. d. 19. n. 37. Croix*

l. 3. p. 2. n. 28. Holz. de rest. c. 3. n. 439. Spor. eodem tit. c. 3. n. 21. cum Tol. Gom. Laym. Mol. et aliis communissimè, distinguit : Si consulens dederit simplex consilium , vel falsum , vel modo auctoritativo , tunc consilium revocando , vel falsitatem ostendendo excusatur à restitutione ; secùs , si insinuârit motivum , sive modum inferendi damnum. Ratio quia , adhuc revocato consilio , hæc pergunt semper movère. Sicut enim , dicunt , qui ignem in alienam segetem iniecit , tenetur ad damnum , etiamsi postea dolens conatus fuerit ignem extinguerè ; ita et consulens.

Secunda sententia autem , quam tenent *P. Concina t. 7. p. 154. Merb. p. 1. q. 182. concl. 2. Salm. de rest. c. 1. punct. 5. §. 2. n. 117. cum Reg. Villal. etc. Azor p. 3. l. 4. c. 11. q. 2. Dian. p. 2. tr. 16. r. 17. cum Nav. et Salon. Ronc. de rest. c. 4. q. 4. r. 2. item S. Anton. Sylv. Fill. ap. Spor. n. 22. et probabilem putant Less. n. 18. Spor. l. c. Elbel de rest. t. 3. n. 143. Bonac. d. 1. q. 2. p. 6. Viva de rest. q. 3. art. 2. n. 3. Ronc. de restit. c. 4. q. 4. r. 2. vocat sententiam probabilissimam, et Laym. l. 1. tract. 5. p. 3. c. 5. n. 7. valdè probabilem vocat, excusat à restitutione, semper ac consulens conetur postea meliori modo , quo potest, damnum dissuadère saltem adducendo rationem salutis æternæ quæ debet christiano præponderare omnibus aliis rationibus mundanis. Nec obstat paritas ignis , allata , nam eo casu ignis necessariò operatur , sed , revocato consilio , damnum non ampliùs vi consilii evenit , sed ex solâ malitiâ executoris. Hanc secundam sententiam satis probabilem sed primam probabiliorem censeo. Rectè verò notant *Salm. de censuris c. 1. punct. 12. n. 158. in fin. et Sporer n. 22. cum aliis*, quòd si consulens nequeat avertere executorem à damno inferendo , tenetur ex justitia movère lædendum , ut sibi caveat.*

560. — Quæritur II. Secuto damno ex consilio , quisnam primò teneatur ad restitutionem ? Respondeo cum *Croix l. 3. p. 2. n. 56. de Lugo , et Less.* Si consilium sit utile illud præbenti , ipsum primò tenèri : secùs , si soli executori. Si autem sit utile utrique , utrumque tenèri pro rata ; et idem puto , si ex damno illato neutri utile evenierit. In defectu autem alterius , tenetur ille in solidum.

561. — Quæritur III. An teneatur , qui consilium dedit , restituere , si damnum etiam sine consilio evenisset ? Respondeo cum *Vica d. q. 3. art. 3. n. 3. Less. Mol. Vasq. et communi,*

ac *Bua.* hic n. 8. quòd si executor de se erat determinatus ad damnificationem, tunc suaser ad nihil tenetur. Ratio, quia ubi intercesserit tantum injuria, sed sine damno, nulla datur obligatio restitutionis, ut bene advertit doctus *P. Hofst.* n. 436. cum *P. Elbelex S. Thom. Opusc.* 73. c. 20. qui docet: *Si aliquis passus sit injuriam, et non damnum, illi non est facienda de jure restitutio realis, sed tantummodò secundum genus injuriæ facienda est emendatio per similem satisfactionem.* Secus autem (rectè ait *Viva*) si executor etiam à consilio motus fuerit, quia tunc verè est efficax causa damni.

362. — Quer. IV. Utrum in dubio, an tuum consilium, sive mandatum, consensus, recursus, palpatio, taciturnitas, etc. fuerit causa damni, aut mortis alterius, tenearis ad restitutionem?

Prima sententia valdè probabilis affirmat, eamque tenent *Habert* t. 4. c. 4. §. 2. q. 4. *Lugo* d. 19. n. 21. *Sanch. de matrim.* l. 2. d. 41. n. 17. et *Dec.* l. 1. c. 40. n. 44. cum *Covar.* *Ang. Boss. Felin.* etc. *Croix* l. 3. p. 2. n. 574. *Ronc. de rest.* c. 4. qu. 1. r. 3. et valde adhaeret *Less.* l. 2. c. 27. n. 13. licet prius in c. 13. n. 58. expressè contrarium tenuerit. Ratio, 1. quia in tali dubio possidet delictum provi. consilii, cum enim consilium erat de se aptum ad damnum suadendum, in dubio præsumitur ipsa fuisse causa damni; prout si quis infligit alteri vulnus, aptum de se ad occidendum, si alter postea decedit, præsumitur ex illo vulnere decessisse; unde consulens homicidium, ad se liberandam probare deberet, ex alia causa mortem, aut aliud damnum provenisse. Ratio, 2. quia pro eo stat possessio, pro quo stat presumptio; non præsumitur autem executor damnum intulisse sine consilio, quia nemo præsumitur malus; saltem non præsumitur determinatus ad damnum inferendum, ergò possessio stat pro obligatione consulentis: et hoc casu ruit possessio quam ipse habet super bonis suis. Excipiunt tamen *Sanch. et Ronc.* nisi adsint alie conjecturæ quæ contrarium suadeant, putà (ut ait *Sanch. in Dec.* d. n. 44.) si homicida erat acer inimicus occisi, vel necem jam minatus fuerat, et similia: item si executor, fide dignus, affirmaret, se non esse impulsus à consilio, ut dicunt idem *Sanch., Habert et Mazzott.* Commune autem est inter DD. cum *Less.* l. 2. c. 27. num. 13. et *Roncaglia* d. c. 4. qu. 1. in

dubio, an consilium datum sit, vel en damnum sit inflatum, ad nullam restitutionem consulentem tenéri.

Secunda sententia verò, satis etiam probabilis, negat in tali dubio obligationem esse restitutionis; ita cum *Bus. Less. l. 2. c. 13. dub. 4. n. 38. cum P. Nav. et Sylvest. qui vocat communem, Salm. de rest. c. 1. punct. 3. §. 1. n. 113. cum Henriq. Dic. et Reb. item Met. apud Sanch. l. cit. et probabilcm putat Elbel de rest. n. 146. cum Sayr. Dian. et aliis pluribus.* Et hanc videtur tenere *D. Thom. 2. 2. q. 62. art. 7.* ubi docet: *In aliis autem casibus enumeratis non semper obligatur aliquis ad restituendum; non enim semper consilium, vel adulatio, vel aliquid hujusmodi, est efficax causa rapinæ. Unde tunc solum tenetur consiliator, aut palpo... ad restitutionem, quando probabiliter æstimari potest, quòd ex hujusmodi causis fuerit injusta acceptio subsecuta.* Ergò, juxta *D. Th.*, probari debet consilium certò fuisse causam damni; verbum enim illud probabiliter (si sit ex una parte) significat persuasionem moraliter certam, quòd consulens fuerit causa damni, ut bene expliat doctus *P. Concina t. 7. de Just. diss. 2. c. 9. §. 1. n. 14.* dicens: *Per tò probabiliter S. Doctor intelligit moralem persuasionem, et certitudinem.* Ratio hujus sententiæ est illa regula generalis, quòd nemo obligatur ad restitutionem; nisi omninò de tali obligatione constet, nempe quòd ipsè fuerit vera causa damni. Ad 1. autem rationem, quòd presumatur influxus, quando consilium de se aptum est inflicere, respondetur ex *D. Thom. loc. sup. cit.* quòd ad obligationem restitutionis non sufficit, consilium de se aptum esse ad infligendum, sed insuper requiritur, ut reverà influat: cum autem ex *D. Thoma* consilium non semper sit causa damni: *Non enim semper.* (verba S. Doctoris) *consilium, vel adulatio est efficax causa rapinæ; influxus non præsumitur, nisi probetur.* Dispar autem est ratio vulneris adducta, quia vulnus lethale de se necessario est causa mortis, non ita consilium. Ad 2. rationem, scilicet quòd delictum executoris non præsumitur, respondetur, quòd regula hæc currit pro eo, qui omninò innocens est, non autem pro eo, qui jam delinquentem se prodidit; cum enim ipse omninò voluntariè crimen patravcrit, vel præsumitur ipse ex sua mala voluntatè id fecisse, vel saltem de hoc positivè est dubitandum, et in dubio suis bonis non est alter excolendus. *P. Concina loc. cit.*

addit tertiam sententiam, dicens, quòd in tali dubio consiliator teneatur restituere tantum pro rata dubii. Sed huic obstat, quòd vel certò possidet consilium; et tunc ille tenetur ad totum damnum; vel non certò possidet consilium, et tunc ad nihil tenetur, quia melior est conditio possidentis bona sua; quod in materia justitiæ certum esse omnes docent, ut vidimus *n. 347.* Dicit autem *Sanch. Dec. l. c. n. 44.* quòd in dubio, an consilium fuerit causa occisionis, consulens habendus est irregularis, quia, cum homicidium sit certum, quisque in dubio, an sit ad illud cooperatus, censendus est irregularis, ex *c. Ad audientiam, et c. Significasti, de homic.* Sed vide de hoc dicenda in *l. 7. n. 374.* Certum autem mihi est, quòd, si tu pravo consilio reverà movisti aliquem ad damnum inferendum, teneris ad restitutionem, etiamsi certè alter non defuisset, qui idem illi persuasisset. Et ita *P. Concina l. c. §. 1. q. 1. cum communi, et Sporer n. 7. cum aliis.*

363. — Quær. V. Quid, si alter jam sit determinatus ad damnum, v. gr. ad occidendum, et tu suadeas tantum modum, nempe, ut occidat veneno, non gladio; in illo, non in alio loco, vel tempore? Adest duplex sententia probabilis.

Prima dicit, te tenèri ad restitutionem, quia suadendo modum concurris ad substantiam damni; suadendo verò, ut damnum citius inferatur, totius es causa damni, cum alter per illud tempus potuisset animum mutare. Ita *Cajet. 1. 2. q. 62. a. 7. Viva de restit. q. 3. a. 3. n. 3. cum Mol. Reb. etc.*

Secunda sententia te absolute excusat à restitutione, modò certum sit, alterum suum pravum animum non mutaturum. Ita *Lugo d. 19. sect. 1. n. 9. et 15. Layman l. 3. sect. 3. tr. 2. c. 3. n. 3. Lessius l. 2. c. 13. n. 6. Sporer c. 3. n. 27. Holzmänn de restit. c. 3. n. 457., et probabilem putant Salmantic. de restitut. c. 1. punct. 3. §. 1. n. 112. cum S. Anton. Prado, Sylv. Navarr. etc.* Ratio, quia consulens tunc non est causa efficax mali quoad substantiam damni; et hæc est mihi probabilior. Nec valet dicere, hypothesim illam suppositam, quòd alter certè damnum sit illaturus sine consilio, semper esse incertam, cum animus humanus semper sit mutabilis. Nam respondetur 1. quòd in tali dubio influxus consulentis ad damnum secutum non est certus, juxta id, quod mox suprà diximus *num. 362.* Resp. 2. (quod magis urget)

possessionem hic stare pro determinatione prava voluntatis executoris. Et sic pariter *Holz. l. c. et Laym. ibid. cum Adrian. S. Ant. Sylv. Palud. Mol. Navarr. Less. contra Vasq.* probabilissimè excusant à restitutione eum, qui materialiter cooperatur ad damnum domini, quando scilicet alter, sine sua cooperatione, adhuc certè damnum intulisset, v. gr. si quis teneat scalam ei, qui etiam ascenderet sine suo auxilio.

364. — Quær. VI. An teneatur ad restitutionem suadens damnum ex ignorantia, sed cum culpa gravi? Respond. cum *Viva d. art. 3. n. 7. ex Laym. Holzm. c. 2. n. 432. Less. c. 7. n. 34.* distinguendo: Si consilium dans, ex suo statu, v. gr. advocati, aut confessarii existimatur peritus, tenetur: quia tunc verè decipit. Contrà tamen, si noscatur ut rudis: quia tunc damni illatio magis imputatur ei, qui imprudenter sequitur ejus consilium; nisi cum consilio adfuerit etiam dolus, sive intentio damnificandi. Hoc tamen procedit, quando agitur de damno solius petentis consilium: nam secùs dicendum, si agatur de damno tertii. Notandum autem hic, quòd dans consilium noxium tenetur postea facere quantum potest, ne accidat damnum, etsi inculpabiliter egerit. Eodem modo, qui sine culpa gravi ignem accenderit in domo aliena, tenetur ex justitia impedire, si potest sine magno incommodo, ne ex sua actione alter lædatur. Ita *Viva cum Sanch. et Less. et communi.*

365. — Quær. VII. An parato inferre majus damnum possit suadèri minus, adversùs eandem personam, v. gr. volenti occidere aliquem, suadèri, ut solùm percutiat? Affirmant cum *Viva d. l. n. 10. Sanch. Bonac. Busemb. hic n. 11. et communiori.* Dixi adversùs eandem personam, quia adversùs aliam in particulari nequit suadèri damnum quantumcumque minus. Ita *Viva, cum communi apud Bon. d. n. 10. in fin.* Addit *Viva*, quòd solùm in genere potest suadèri illi, ut potiùs minus malum faciat; vel etiam suadèri, minus malum esse furari à Petro divite, quàm à Paulo paupere. Imò concedit, posse dici illi, qui vult furari à Titio, ut furetur ab alio in genere; quia sic avertitur ab illo furto, et nulli è converso in particulari fit injuria. Sed huic ego non acquiesco cum *Spörer c. 3. n. 27.* quia sic jam suadetur damnum alterius. Concedit idem *Viva super propos. 36. Innoc. XI. volenti furari à Petro aliquod, quòd quod ille in extremam redigeretur*

paupertatem, posse suaderi, ut subripiat aliquantulum à Paulo ditissimo, qui aliter in hoc esset irrationabiliter invitus.

366. — « 3. Tenetur item, qui suo consensu, calculo, vel suffragio est causa efficax damni, *Less. d. 5. n. 23. Fill. t. 52. c. 1.* »

Ideòque ultimi, qui iniquum dant suffragium, peccant, sed non tenentur ad restitutionem, cum non sint causa damni, nisi ex conducto egerint.

Sed quæritur, utrum, si quis dubitat, an suum suffragium fuerit ex prioribus et necessariis ad damnum alicui inferendum, teneatur ad restitutionem? Adest triplex sententia.

Prima sententia dicit eum ad nihil tenèri, et hanc tuentur *Reb. Hen. Gran. Dian. et alii apud Lugo de just. d. 29. n. 20.* et *Sporer de rest. c. 3. n. 34.* vocat non improbabilem. Ratio, quia in dubio melior est conditio possidentis exemptionem ab obligatione restitutionis.

Secunda sententia, quam tenent *Salm. de restit. c. 1. punct. 5. §. 2. n. 123. cum Bonac. Dicast. etc.* dicit, omnes tenèri ad restitutionem in solidum, quia omnes isti fuerunt concause totius damni; alias, si primi tantum tenerentur, cum primi sint ignoti, nemo teneretur, et à nullo resarciretur damnum: sed huic respondetur, quòd per accidens se haberet.

Tertia tamen vera sententia docet singulos tenèri pro rata ad totum damnum reparandum (1). Ratio, cur non teneantur in solidum ad totum damnum, est, quia hic dubium intervenit, an quisque illorum fuerit, vel non, causa damni: et in tali dubio nemo tenetur ad restitutionem certam. Ratio autem, quòd singuli teneantur pro rata, est, quia quisque saltem sub suffragio deterioravit jus, quod damnificatus habebat ad exigendam restitutionem damni ab aliis suffragium præbentibus. Ita *Lugo d. 19. n. 22. Sporer l. c. n. 35. Mol. d. 756. n. 6.* Notandum autem hic cum *P. Concina c. 9. §. 2. n. 27.* quòd si ille, qui debet ferre ultimo loco suffragium, prævideat, alios se revocaturos, tunc tenetur ad restitutionem damni, si ferre suffragium negligat. In dubio autem dicit

(1) « Vera sententia cum *Lugo, Molina, et Sporer* est quòd quilibet tenetur tunc pro sua rata ad damnum reparandum, et si alii non restituunt, tenetur ad totum. » *Ex Hom. Ap. tr. 10. n. 50.*

hic auctor non præsumi alios non mutatu-
ros consilium; con-
sentio, si alii inculpabiliter erraverint; secus, si culpabili-
ter, quia tunc possidet prava eorum voluntas.

567. — « 4. Item palpo, aut qui laude, adulatione, vel
» exprobratione ignaviæ, aliterve alium ad damnum infe-
» rendum excitat, animat. *Lessius, Filliuc. l. c.* » (*Dum-*
modò judicet, sic ad damnum influere, licet non intendat.
Salm. ibid. n. 124.)

568. — « 5. Item, qui inferenti damnum præbet recur-
» sum, illum receptat, illius furta, aut instrumenta occul-
» tat, vel ea emendo rapinas sovet, etc. *ibidem.* Hi enim
» omnes, uti et is, cui res furtivæ traditæ sunt in custo-
» diam, tenentur (non manifestato fure) restituere domino.
» Et sic peccare eos, qui à sartoribus emunt fragmenta
» panni, seu vestium, docet *Villal. apud Dian. p. 4. tr. 4.*
» *r. 176.* Licet *ib. Sanch.* excuset eos, qui ista emunt à sar-
» toribus magistris, eò quòd his plerumque detrahatur plus
» à justa mercede, quàm mereantur ista fragmenta, ideòque
» licitè ea retineant. » (*Huic doctrinæ non acquiesco, quia*
potius censeo plerumque oppositum accidere. Communiter ta-
mèn, nisi contraria indicia urgeant; sartor non præsuntur
fraudasse.) « Neque hic à peccatò excusari cauponas, qui à
» filiisfamilias acceptant pecunias, aliasve res parentibus sur-
» reptas, notat *Laym. l. 3. t. 2. c. 5. Bon. etc.* Qui verò,
» post delictum, ipsum reum juvat ad fugiendum (non con-
» currendo ad delictum), non tenetur restituere, modò non
» det illi spem refugii inposterum: tum quia non est causa
» damni: tum quia reo licet fugere, ut infra dicitur, *l. 5.*
» *c. 3. d. 7.* »

Receptans igitur tenetur ad restitutionem, quando rece-
ptatio est causa furti: Sic tenentur ad damna domini, non
impedientes famulos damificantes in confidentiam ipsorum.
Ita *Salm. de rest. c. 1. punct. 5. §. 2. n. 125. et alii commu-*
niter. Non tenetur autem, qui post furtum juvat furem ad
fugiendum; modò non influat in damna futura, ut bene
notat *Busemb. hic in fine,* et consentit *P. Concina p. 157.*
n. 50. Nec tenetur, qui receptat furta, vel furem, non quàm
furem, sed quàm amicum, cognatum: vel retione officii, uti
stabularius, etsi recipiat furem ante delictum. Ita *Conc. l. c.*
Salm. d. n. 125. circa finem ex communi. Hoc tamen intel-

ligendum, modò, ut diximus, non influat in furta futura, ut benè advertit *Croix* n. 57.

569. — Utrùm autem emptor rei furtivæ possit illam furi restituere ad recuperandum pretium?

Prima sententia tenet, quòd possit, quia in hoc non infert domino damnum, cùm reponat rem in eundem statum, in quo erat. Ita *S. Anton. p. 2. t. 2. c. 5. §. 2. Lug. de just. d. 17. sect. 2. n. 29. cum Nav. Sylv. Ang. Mald. et aliis* (ut asserit) *recentioribus communiter*: ita etiam *Less. l. 2. c. 14. dub. 5. n. 14. Holzm. c. 3. n. 450. Salm. ibid. punct. 4. §. 6. n. 83. cum Prado, Rebell. Ban. Elb. de rest. n. 58. cum aliis, satis comm.*

Secunda sententia autem, quam tenent *Caj. 2. 2. q. 62. a. 6. Conc. tom. 7. p. 112. et Croix l. 3. p. 2. n. 100. cum Mol. Laym. et aliis*, dicit, tenèri emptorem rem domino restituere, quia res, erepta è manu furis, jam adepta est meliorem statum; et ideò, si furi eam redderet, illam in deteriore statum deiceret, et sic injuriam domino irrogaret; nemini enim licet vestem alterius in ignem injicere, ut suam salvet. Hæc sententia est quidem multùm probabilis, sed non minùs probabilis, et fortè probabilior est prima, et valde me urgent hæc duæ rationes, quas subdo: Prima, quia non tenèris rem domino servare cum tuo damno, et ideò potes permittere, ut fur rem illam recipiat, ne pretium tuum amittas? Prout, si rem alienam, in via inventam, abstulisti, et postea scias, damnum te passurum, si eam retineas, benè potes illam in eodem loco reponere, et permittere, ut alter auferat, licèt, id faciendo, in deteriore statum rem immittas; tunc enim acceptio furis evenit ex sua malitia, et tua cooperatio est tantùm permissiva detrimenti alieni, quod tu evitare non tenèris cum proprio damno. Secunda ratio, quia, cùm quisque jus habeat ad sua bona recuperanda, nemini interdicitur actio illa, quæ per se est necessaria, et directa ad suum damnum reparandum, licèt indirectè, et per accidens damnum alteri eveniat; quemadmodum si quis non possit vitare mortem ab hoste insequente, nisi equo conculcando puerum baptizatum, licèt quidem currit, etiamsi mors pueri sequatur, ut communiter docent *DD. cum Less. l. 2. c. 9. n. 58. Cordub. et Caj. item Busemb. de V. præc. l. 4. n. 593. cum Lugo, et Escob. Salm. tr. 25. de homic. c. 1. punct. 6. §. 1. n. 133. ac*

de rest. c. 1. punct. 4. §. 6. n. 84. cum Sanch. Dic. Prado, Tann. Villal. etc. Ita in casu nostro, in quo emptor habet jus ad rescindendum contractum, ut suum pretium recuperet; et quoniam illum non potest rescindere, nisi rem furi restituat, per se necesse est ei rem reddere furi ad suum recuperandum; atque idè tunc licitè reddit, esto rem in deteriorem statum injiciat, quia rescissio contractus est ipsi directè licita, ac necessaria; et damnum domino per accidens infertur. Dices: Ergò juxta sententiam hanc, casu, quo fur minetur rem tuam auferre, nisi accipias, et tradas ei alienam, poteris hanc surripere, ne tuam amittas? Respondetur: Hoc facere non licet, quia non habeo jus inferendi alteri damnum, ut bona mea servem, et idè, si id faciam, illicitam ac injustam actionem facio; sed ad rescindendam emptionem illam certum jus habeo, et eam rescindendo licitam actionem facio; unde, si ex ipso damnum proximo evenit, per accidens evenit; illudque licitè præter intentionem meam permitto, ut me servem indemnem; prout licitè permitto mortem pueri, juxta mox dicta, ut consulam vitæ meæ, quia jus habeo ad eam servandam. Tandem distinguere oportet terminos, qui ab adversariis confunduntur: aliud enim est rem alterius auferre, aliud eam non servare: aliud, damnum alteri inferre, aliud, damnum alterius permittere. Advertendum tamen, hanc sententiam tunc tantum posse habere locum, quando emptori nulla alia suppetit via recuperandi suum pretium, quam restituendo rem latroni.

§70. — Majus autem dubium urget, an possit rem furi restituere emptor malæ fidei? Negant hoc communius DD. *cum Less. Mol. et aliis apud Bus. dub. V. n. 600. et Salm. l. c. n. 87. cum aliis.* Sed adhuc affirmant *Holz. c. 3. num. 455. Elbell. c. n. 39. et Tol. Dian. Prado, Sylv. Ang. ap. Salm. ibid. item Alensis, Gabriel ap. Lugo l. c. n. 37.* Et hanc sententiam vocant non improbabilem *Less. l. c. n. 21. ac Malder.* Et quidem non immeritò *Busemb.* putat absolutè probabilem, imò *Lugo* dicit fortè probabiliorem. Ratio, quia, licèt iste peccaverit, rem malà fide emendo, tamen post emptionem habet jus æquè ac emptor bonæ fidei ad contractum rescindendum, rem furi reddendo, ut suprà probatum est. Nec obstat dicere (ut ait idem *Lugo*) quòd hic interveniat injusta acceptio emptoris; nam ipsa, postquam retractatur, non est de facto

causa, quòd dominus rem suam amittat; reverà enim (ut diximus n. 331.) ad obligationem restitutionis requiritur, ut actio acceptoris non solum sit injusta, sed etiam, ut realiter influat in damnum alterius; in hoc autem casu acceptio emptoris, licet fuerit domino injuriosa, nullum tamen damnum ipsi intulit, cum damnum jam illatum extiterat per actionem furis, ut dictum est n. *præced.*

574. — « 6. Item participans de præda, aut quoquo modo
 » cooperans: ut agens excubias, applicans scalas, parans in-
 » strumenta, conficiens litteras, etc. in bello iniquo tor-
 » menta advehens; excusantur tamen (modò actio per se non
 » sit mala) qui ea non spontè, sed justo metu coacti faciunt,
 » v. gr. cum rustici, furto à solis militibus facto, coguntur
 » eorum prædas avehere, vel pecora abigere. *Less. l. 3. n. 19.* »

Participantes dupliciter intelligi possunt, nempe in re furata, et in actione furti. Participantes in re furata tenentur quidem restituere, quantum de illa ad ipsos pervenit. Quoad participantes verò in actione furti, videndum, an ipsi concurrant ad totum damnum vel ad partem, juxta dicenda n. 579. Sed quæstio est, si participatio sit in actione furti, an excusentur à culpa, et à restitutione ii, qui cooperantur aliquo modo ad illationem damni, ob metum gravis detrimenti?

Prima sententia, inter recentiores communissima, quam tenent *Salyn. tr. 13. de rest. cap. 1. punct. 3. §. 2. n. 127. et 129. Sporer de 7. præc. c. 3. n. 41. et Holz. de rest. c. 3. num. 445. Viva eod. tit. q. 3. art. 4. num. 10. cum Less. lib. 2. cap. 15. n. 29. et 30. Bon. de rest. d. 1. q. 2. p. 11. n. 8.* distinguit: Si actiones cooperantis remotè concurrant ad furtum, ut esset, scalam tenère furi ascendenti, tradere ipsi claves, sive instrumenta ad reserandam arcam, deferre prædam jam ablatam, et similia: tunc cooperans, ob metum mortis, vel alterius gravis mali, excusatur, tam à restitutione, quàm à culpa; quia istæ sunt actiones per se indifferentes, neque lædunt dominum, nisi ex malitia furis. Secus, si actiones sint proximè influentes in furtum, ut fores effringere, incendere domum, claves falsas conficere, res furatas per fenestram ejicere, pecora è stabulo abjicere, et similia; tunc cooperans non excusatur, neque à culpa, neque à restitutione. Ratio, ut dicunt, quia actiones hæc, utpote intrinsecè malæ, non possunt ob quencumque metum excusari. Ita AA. citant; imò

Salm. tract. 21. c. 8. punct. 5. §. 2. n. 73. se revocantes, dicunt, etiam actiones prioris generis, primo loco relatas, pariter esse intrinsecè malas. Ratio, ut ajunt, quia istæ actiones proximè influunt in peccatum injustitiæ, quod fur committere intendit; et ideo evadunt intrinsecè malæ, ac formaliter injustæ, etiamsi ponantur ad mortem evitandam. Et quamvis ob tantum periculum licitum sit tibi surripere vel destruere bona aliena, quia in eo casu dominus esset irrationabiliter invitus, si nollet consentire, ut tu, in necessitate extrema constitutus, sua bona acciperes, vel perderes ad servandam vitam; non tamen potes, ob quemcumque metum, proximè cooperari injustæ actioni furis; quia tunc formaliter concurreres ad peccatum ipsius, et justitiam læderes; idèdque, si id agis, peccas, et ad restitutionem teneris. Tantùm te excusant *Viva et Ronc. de rest. cap. 3. q. 9.* si malum, quod tibi imminet, sit magnum, et incommodum, quod dominus est passurus, sit leve; vel si damnum, adhuc te non adjuvante, pariter inferretur; cui quoque consentit *Laym. l. 5. tr. 2. c. 5. n. 3. cum S. Anton. Palud. Mol. P. Nav. Adrian. et Sylvest. juxta dicta n. 565.*

Secunda sententia verò, quam tenent *Busemb. (Vide l. 3. n. 68.) Sanch. Dec. lib. 1. cap. 7. n. 50. et Less. lib. 2. c. 46. n. 59.* censet, ejusmodi participantes non peccare, si ob metum magni nocumenti præfatas actiones præstant. In hoc dubio, ut meum judicium proferam, illud sapientibus submitto tamquam minus sapiens, nemine me præcedente, sic dico: Peccatum hoc cooperantis considerari potest, vel respectu domini damnum passuri, vel respectu furis damnum inferentis. Respectu domini dico, quòd si tu solùm times damnum facultatum, non poteris sine peccato concurrere ad damnum alterius, ut in propriis bonis te serves indemnem; nisi id facias animo compensandi, ut ajunt *Bonac. Viva, et Less. cum Nav. II. supra citatis.* Si autem times malum superioris ordinis, quàm bonorum, nempe mortem, aut mutilationem membri, vel gravem infamiam; tunc poteris sine peccato, si præter tuam intentionem facias, cooperari ad damnum alterius, ut dicit etiam *Cont. Tourn. de præc. Dec. cap. 1. art. 3. sect. 7. punct. 1. §. 5. Quinta.* Quia tunc dominus tenetur consentire, ut adhuc cum jactura suorum bonorum tu vitæ aut honori tuo consulas, aliàs esset irra-

tionabiliter invitus. Respectu verò ad peccatum furis, secundam sententiam probabiliorem censeo. Ratio, quia omnes præfatæ actiones, tam primi, quàm secundi generis, sunt reverà indifferentes, cum juxta finem, quo fiunt, vel licitæ, vel illicitæ esse possint. Si enim tu præstas illas cum pravo sine nocendi domino, certè erunt tibi illicitæ: si verò præstas, ad damnum tuum in vita vel honore præcavendum, tunc licitæ tibi erunt; et quòd fur illis abutatur ad suam pravam voluntatem exequendam, hoc per accidens se habet, tuque solùm materialiter tunc cooperaris ad peccatum illius, quod ex justa causa licitè permittis. Nec verum est, quòd formaliter tunc concurrens ad peccatum furis; nam hoc esset, si positivè tu influeres in ejus malam voluntatem; quando autem tantùm actiones illas præstas, quibus fur postea abutetur ad damnum inferendum, non erit quidem causa damni actio tua, sed sola malitia furis, juxta ea, quæ fusiùs diximus de charit. l. 3. n. 63. vers. *Ad distinguendum.* Et quòd actiones illæ non sint formaliter influentes in peccatum furis, nec intrinsecè malæ, ut adversarii autumant, mihi videtur indubitabile; nam aliàs, si fur te cogeret ad arcam tuam confringendam, ut tradas ei pecuniam ibi contentam, non posses sine peccato hoc facere, quia formaliter cooperarèris ad illius peccatum. Sed hoc quis sanæ mentis asserere audebit? Expressè autem favet mihi doctrina *P. Molinæ*, qui tom. 1. d. 105. concl. 3. sic docet: *Mortis metu, vel mutilationis membri, fas est ejusmodi captivis, nocumentum inferre christianis in bonis externis ad Infidelium imperium, ea destruendo, capiendo, etc. Quoniam in eo eventu sunt in extrema necessitate eorum bonorum, ad vitam conservandam. Ergò, quantum fas est cuique in extrema necessitate sumere de bonis aliorum ad conservandam propriam vitam, tantum damnum fas erit ejusmodi captivis inferre bonis aliorum, ad vitam tuendam. Hæc Molina. Idem mecum tuetur Cont. Tourn. tract. de just. et jur. qui sic loquitur: Non enim teneor grave subire detrimentum, ut alterius peccatum avertam; ipse sane (nempe fur) malitiam suam sibi imputet; hæc mihi perperam imputaretur, cum id unum intendam, ut rebus meis consulam, easque à damno liberem. Idque expressè confirmatur à S. Thom. qui ait: Licet ei, qui incidit in latrones, manifestare bona, quæ habet, quæ latrones peccant*

*diripiendq, ad hoc, quòd non occidatur, exemplo decem viro-
rum, qui dixerunt ad Ismaël : Noli occidere nos, quia the-
sauros habemus in agro. Jer. 41. S. Thom. 2. 2. quæst. 78.
art. 4.*

Majus dubium est, an talis cooperans teneatur ad resti-
tutionem? Affirmant omnes AA. pro prima sententia citati,
ut suprâ diximus: sed, spectatâ ratione intrinsecâ, cum
P. Milante mihi probabilius videtur, cum neque peccare,
neque ad restitutionem tenèri. Hæc quæstio pendere videtur
ab alia, relata *num. 520. Qu. V.* scilicet, an, surripiciens bona
alterius in extrema necessitate, illa cessante, teneatur ad
restitutionem? Ibi diximus, veram sententiam esse, quòd
tenetur, si spe non fuerit pauper; secùs, si pauper fuerit,
re, et spe. Atque sic videtur dicendum in præsentī casu, nempe,
quòd participans, si metu mortis, vel gravis infamiæ ad
alienum damnum concurrat, tunc tantùm eximatur à resti-
tutione, quando tempore cooperationis erat absolutè pauper,
non solùm re, sed etiam spe. Sed hic sentio, eâdem, ut
suprà, distinctione utens, quòd si participans adjuvat furem
ad inferendum damnum ob metum similis gravis damni in
bonis propriis, eo casu teneatur ad restitutionem; quia nemo
potest ad damnum alterius cooperari, ut proprium damnum
honorum evitet. Secùs puto, si is furem adjuvaret coactus
metu mortis, vel gravis infamiæ: ratio, quia tunc iste non
tenetur ad restitutionem, neque ex re accepta, neque ex
injusta acceptione. Non ex re accepta, quia in nihilo factus
est ditior; non ex injusta acceptione, quia non peccavit,
ut jam probavimus. Sed dices, cur ille, qui in extrema neces-
sitate utitur re alienâ, tenetur restituere, quando non est
absolutè pauper? Respondeo: is idèò tenetur, quia, cùm
possit ex proprio sibi subvenire, accipiendo aliena, quando
non potest accipere proprium, quòd alibi habet, tunc evadit
ditior; et proptereâ tenetur. Sed in casu nostro cooperans
in nihilo fit ditior; et idèò nihil tenetur restituere; nec aliàs
obligatur offerre et substituere bona propria ad damnum
alterius reparandum. Mihi consentit doctus *P. M. Milante*
in prop. 15. *Innoc. XI.* ubi ait, quòd is, qui præstat hujus-
modi actiones adjuvantes furem, non peccet, nec teneatur
ad restitutionem, sic enim scribit: *Ideoq̃e iis innoxie coop-*
ratur, quicumque ex metu cadente in virum constantem ad

ea concurrat. Ut quid aliena rapere malum est, et quidem ab intrinseco? Proculdubio ex eo solùm, quia invitus patitur malum; at in casu præfato dominus invitus non foret circa malum, quod pateretur, ablatae nimirum rei: sic præsumendum est, cum ille non possit præsumi invitus in casu, quo cooperanti in furtum tam grave damnum immineret; nemo quippe potest postponere vitam proximi temporali bono, ut est omnium sensus, et naturæ dictamen. Hinc asserit, hunc cooperantem benè excusari non tam à culpa, quàm à restitutione. Idem infertur ex sententia Laymanni, qui lib. 3. tr. 1. c. 1. n. 7. cum P. Navarr. et Med. in simili casu sic dicit: Si quis merces alienas in mare abjiciat, ne ipsemet pereat, non tenetur ad ullam restitutionem, cum nec injuriam intulerit, nec rem alienam possideat.

Secus autem omninò dicendum censeo, si quis cooperaretur ad confirmandam vel augendam malam voluntatem furis, putà; si furi terga servaret (vulgò *guardasse le spalle*) vel si annuntiaret ei horam opportunam furando, et similia; quia sic influeret in ipsam pravam voluntatem furis, cum saltem animosiores reddendo, et sic formaliter cooperaretur ad illius peccatum, quod numquam licet. Secus etiam dicendum, si quis cooperationes illas præstaret occisuro, tradendo gladium, (1) sive elaves ad occidendum (Vide num. 697. v. *Teneris*), vel humeros subjiciendo ad ascendendum, aut scalam deferendo, etc. Id tamen rectè dicunt Salm. de rest. c. 1. punct. 11. §. 2. n. 204. cum Soto, Less. Bann. Tap. Arag. Vill. et La Croix l. 2. n. 263. cum Sanch. et Bonac. intelligi, si ille posset negare suam cooperationem sine periculo mortis, aut æqualis gravis damni; quia aliter non tenetur impedire damnum alterius (etiamsi alter sit in extrema necessitate damni patiendi) cum æquali proprio detrimento. Hinc diximus de charit. lib. 3. cit. n. 66. quòd si dominus vellet ascendere ad stuprandam virginem, nullius damni metus, præterquam mortis imminens, posset famulum excusare in adjuvando dominum, scalam deferendo, subjiciendo hume-

(1) « Quoad damnum, dixi neminem posse cooperari ad damnum alterius, » ut liberetur à suo, quando damnum est ejusdem ordinis. Qua de re fit, ut » etiam cum periculo mortis teneat denegare gladium volenti occidere ini- » micum, quia non possum, ut caveam à morte, cooperari positivè in mor- » tem proximi. » Ita S. Alph. in Hom. Ap. tr. 10. n. 56.

ros etc.; quia sola vita famuli praevalet virginis honori. Miror hic autem, cur *P. Milante*, cum dixerit loco *suprà cit.* praefatas actiones, quoad cooperationem ad furandum, non esse intrinsecè malas, ibidem asseruerit, easdem esse intrinsecè malas quoad cooperationem ad fornicandum, dum aequè in utroque casu nulla disparitas possit assignari, ut rectè advertunt *Salm. tract. 21. cap. 8. punct. 3. §. 2. n. 73.* Sed nos, ex propriis principiis rem assumentes, censemus patentior probasse, quòd in neutro casu cooperationes illae, iustà et proportionatà causà interveniente, sunt intrinsecè malae.

572. — Illic obiter notandum, quòd, si tu precibus vel consilio impedias Titium, ne ipse reparet damnum Caji, peccas contra charitatem, sicut peccaret Titius, si malitiosè permitteret damnum illud, non verò contra justitiam; unde non tenèris ad restitutionem. Ita *Croix cum Mol. Less. Lugo (contra Nav. et Medin.)* Secùs dicendum, si impedis vi, vel fraude (1).

575. — « 7. Item tenentur causae, quae privativè ad damnum alterius concurrunt; nimirum mutus, si non clams, cum potest: aut non obstans, non manifestans; sed tunc tantum, quando tales ex aliquo pacto, vel officio, vel stipendio, etc. tenentur ex justitia damnum cavere. *S. Th. 2. 2. q. 62. art. 7.* Sic princeps, magistratus, belli dux tenentur ad restitutionem damnorum, quae à feris, latronibus, militibus, ob ipsorum culpabilem negligentiam, dantur. Item consilarii, canonici tacentes, absentantes se, non impedièntes iniquam constitutionem, vel electionem. Item tutores, administratores honorum, etc. non impedièntes damna, pupillis, minoribus, Ecclesiis provenientia. Item custodes montium, vinearum, sylvarum, agrorum, piscinarum, qui damna non impediunt, vel facta non manifestant. *Mol. d. 416. Fill. t. 52. c. 2. qu. 12. vide suprà t. 4. t. 5. c. 2.* » (Peccant etiam famuli custodièntes bona

(1) « Dubitatur (ita *S. Alphonsus in Hom. Ap. tr. 10. n. 58.*) an teneatur ad restitutionem qui impedit alium, qui vellet avertere proximi damnum? affirmant generaliter *Navar. et Medina*: sed nos distinguimus cum *Lugo, Less. Mol. et Croix*, ita: si impedit vi aut fraude, tenetur; secùs verò si solo consilio aut precibus, quia tunc peccat contra charitatem, non autem contra justitiam. Hoc tamen intelligitur, modo ille alius non teneatur ex justitia illud damnum impedire. »

Edit.

Tom. III.

23

domini, et tenentur ad restitutionem, si non impediunt damnum ab extraneis. Salm. de IV. Præc. c. unic. punct. 7. §. 3. n. 138. cum Lugo, Mol. etc. Sed omnino vide dicta hoc lib. 4 n. 344.)

« Item principes, et domini territoriorum, si sciant, vias
» publicas infestari à prædonibus, et cum possint, non impe-
» diant, tenentur mercatoribus, et cæteris viatoribus damna,
» quæ ab istis accipiunt, compensare. *Dian. p. 8. t. 7. r. 38.*

574. — « 8. Supradicti non tenentur ad restitutionem,
» quando non fuerunt causa efficax damni; ut v. gr. si for-
» homicida non fuerit efficaciter motus mandato, vel consilio
» alterius, sed nihilominus absolutè erat factururus, item si
» v. gr. in capitulo alii ante te dederint suffragium, ita ut
» videas, te nihil impetraturum, etsi neges; tunc enim non
» teneris restituere, licet pecces, pro qualitate damni, ad-
» dendo tuum, vel mandando, consulendo, etc. *Bon. loc. cit.*

575. — « 9. Probabile est, non tenèri supradictos, si non
» sit moraliter certum, eorum mandatum, vel consilium effica-
» citer influxisse: quia in dubio melior est conditio possi-
» dentis, præsertim circa materiam justitiæ. *Less. c. 13. d. 4.*
» *Bon. q. 2. p. 4. Dian. t. 5. misc. r. 64. Tan. 2. 2. d. 4. qu.*
» *6. d. 14.* » (*Vide dicta suprâ n. 562.*)

576. — « 10. Nec tenentur, si efficaciter tantum concur-
» rant ad circumstantiam, et modum actûs damnosi, v. gr.
» si quis tantum impellat alium, ut citius, vel animosius,
» hoc, vel illo loco, vel modo noceat, *vide Laym. lib. 2. s. 5.*
» *t. 2. c. 5.* » (*Vide dicta suprâ n. 563.*)

577. — « 11. Nec tenetur, qui deliberatè volentis inferre
» magnum damnum, suadet, ut minus eidem inferat, quia
» tunc utiliter alterius negotium gerit. Dico *eidem*, quia non
» licet impedire damnum unius cum injuria alterius. (*Vide*
» *dicta hîc n. 565.*)

578. — « 12. Non tenetur item (contra *Navarr. Ang. etc.*)
» confessarius, etsi ex officio confessiones audiat, ut paro-
» chus, etc., si ex negligentia, vel ignorantia pœnitentem
» non moneat, aut obliget ad restitutionem, quia, etsi
» ex officio tencatur benè instruere pœnitentem, ideòque
» peccet graviter omittendo, quando est necessarium; non
» tamen ad hoc tenetur ex obligatione erga tertium, quasi
» ex justitia debeat ejus damnum cavere, aut procurare ut
» hoc ei compensetur. Secus tamen dicendum videtur, si

» positive restitutionem impediat ex malitia, imò etiam ex
 » ignorantia crassa, vel culpa lata: quia tunc consilio suo
 » est causa efficax damni. *Vide Less. et Bon. d. 1. q. 2. p. 11.*
 » *Laym. l. 3. t. 4. c. 6. et infra l. 6. tr. 4. c. 2. d. 5.* » (*Vide*
dicenda l. 6. de Pœnit. n. 621.)

DUBIUM III.

An supradicti teneantur singuli restituere in solidum, et quo ordine?

579 *Qui teneantur restituere in solidum?*

580 *Qui teneantur primum restituere?*

581 *Quid, si damnificatus condonet restitutionem?*

579. — **R**ESP. Cùm plures damnificantes, vel seorsim
 » singuli rem suam agere possint, vel conjunctim, atque alii
 » aliis plus, minusve in damnum influere, hinc ex tali ordine,
 » et mensurâ influxûs, ordo, et mensura restitutionis desu-
 » menda est. Ita communiter Doctores.

Unde resolves:

» 1. Si plures absque consensu, quisque per se seorsim,
 » et casu concurrant ad damnum, singuli non plus tenentur
 » restituere, quàm quòd quisque per se damni intulit. *Laym.*
 » *lib. 3. tract. 2. c. 6.*

» 2. Si plures cum consensu, et se invicem juvantes id fecerunt,
 » singuli in solidum tenentur restituere totum damnum:
 » quia singuli sunt causa totius damni, cùm unus
 » juvet alterum, et procedat ex confidentia, quam habet in
 » auxilio aliorum. Unde, si unus eorum restitutionem fecit,
 » potest à reliquis, nimirum à principali totum, aut, si is
 » nolit, à reliquis pro rata singulorum repetere. *Bon. de*
rest. d. 1. q. 2. p. 11. ex Vasq. Mol. Fill. etc.

. Queritur, an singulæ causæ, ad damnum concurrentes,
 teneantur in solidum? Distingue: si res est individua, ut
 incendere domum, occidere hominem, tradere navem, etc.
 tunc quisque cooperans tenetur in solidum: et hoc, etiamsi

sine illo damnum eveniret. Ratio, quia tunc moraliter totus effectus à singulis procedit; nam, propter concursum, particularis cooperatio cujusque unam actionem constituit contra justitiam; unde quia damnum ex hac unica actione evenit, omnes in solidum obligantur ad restitutionem. Ita probabiliter *Salm. de rest. cap. 1. punct. 5. §. 5. n. 151. cum Soto, Bon. Sanch. Caj. etc.* Et idem tenet *Less. l. 2. c. 13. d. 4. n. 34.* (Excipit autem *n. 35.* Si quis non concurreret ad damnum immediatè, sed tantum mediatè præbendo instrumenta, juvando conscendere, etc.) Sed adhuc probabilis est sententia *Nav. c. 47. n. 17. et 21. Sylv. v. Restit. n. 5. q. 6. Ang. v. Furtum §. 16.* et satis probabilem eam vocant *Lugo de just. d. 19. n. 85. et Spor. de 7. præc. c. 3. n. 76. cum Dic. et aliis*: dicunt isti, tenèri cooperantes tantum ad suam partem, si damnum etiam sine ipsis fieret. Ratio (ut ait *Lugo*), quia cum obligatio restitutionis pendeat ab influxu, seu causalitate in damnum, obligatio non debet esse major, quam est ipse influxus; ergò, sicut partialiter quisque concurrat, ita partialiter obligatur. Prout enim, qui concurreret tantum ad partem alicujus damni dividui, licet cum aliis concurreret ad totum damnum, tamen ad solam suam partem tenetur ob partialitatem rei circa damnum causatum; ita qui concurrat partialiter ad damnum individuum, ob partialitatem causalitatis, sive influxus, partialiter tantum tenetur, quia solum partialiter damnum ab ipso procedit. Et hujus doctrinæ non videtur dissentire *Less.* in contrariam adductus; nam *dict. n. 35.* ipse tamen obligat cooperantem ad totum damnum, cum *sine ipso, vel alio, similem opem conferente, damnum non fieret*, verba *Lessii.* Secus autem omnino dicendum cum *Lessio dub. 2. n. 2. Salm. loc. cit. et communi* (quidquid dicant aliqui *ap. Salm. ibid. n. 149.*) si damnum sine ipsius ope non obveniret; quia tunc certè tenetur ad totum, etiamsi, ipso non opitulante, alter eandem opem certè præbuisset.

Si autem res est dividua, ut furari vineam, thesaurum etc. tunc motor principalis tenetur ad totum, cooperantes verò tantum ad partem suam, etiamsi communi consilio ad damnum concurrant. Ita *Lugo d. 19. n. 99. Salm. de restit. c. 1. punct. 5. §. 5. n. 147. cum Bonac. Dic. Less. Nav. Molin. contra Croix l. 5. p. 2. n. 62.* qui putat in casu communis consilii quemque tenèri in solidum. Si verò omnes invi-

tem se excitent, sive moveant ad damnum (ita ut singulis non concurrentibus damnum non eveniret, ut dicit idem *Croix* n. 53.) certè singuli tunc in solidum tenentur; ita *Basemb. Ronc. et Salm. d. l. n. 148.* Cum autem dubitatur, an quisque fuerit causa totius damni, non tenetur nisi ad partem suam, juxta id, quod diximus suprà *Dub. 2. n. 562.*

Utrum quando plures tenentur in solidum, quisque teneatur restituere totum, si dubium sit, an socius restituerit? Negant *Salm. ibid. n. 152. et Ronc. eod. tit. cap. 8. q. 8.* dicentes, quemque tenèri tantum partem suam restituere, quia præsumentum, alios socios jam restituisse. Sed id mihi minimè probatur. Advertendum tamen, quòd rudes, etsi teneantur in solidum, rarò expedit obligare ad totum; cum difficulter isti sibi persuadeant, se tenèri ad restituendam partem à sociis ablatam. Quinimò satis præsumi valet, quòd ipsi domini, quibus debetur restitutio, consentiant, ut illi restituant tantum partem ab eis ablatam; cum aliter valdè sit timendum, ut nihil restituant, si obligentur ad totum (1).

580 — «3. Quòd si actio damnificans fuerit lucrativa, et apud aliquem ex cooperatoribus res ablata adhuc existit, aut is eam qualà fide absumpsit, tenetur is primo loco restituere ipsam, vel æquivalens; et, si ille non faciat, tenentur reliqui. *Less. lib. 2. c. 3.*

4. Si actio damnificans non fuerit lucrativa, quia res periiit, et destructa est; ut fit v. g. in combustione, mutilatione, destructione, tunc ante alios primò tenetur restituere, qui mandavit, vel qui causa fuit primaria, vel executor primarius, ut in bello princeps, et dux; et, si is non sit facturus, vel quia non vult, vel quia non potest, tenentur reliqui v. g. cæteri milites. Quod etsi de militibus speculativè verum sit, practicè tamen ii excusantur per accidens: tum quia non possunt totum restituere: tum quia dominorum voluntas non est, nec expectatio, ut plus restituant, quàm partem suam; ideoque, si hanc possunt restituere, ad id tenentur: uti et, si quid adhuc

(1) Hinc est, inquit *S. Alphonsus in Hom. Ap. tr. 10. n. 54.* quod confessorius quemlibet istorum (præcipuè si est conscientie parum meticolosæ) hortetur ut restituat quod debet, quin quantitatem explicet, sed requittens dietamini conscientie illius.

» reliquum habent ex iniquo. *Laym. lib. 3. t. 2. cap. 6. n. 32.*
 » ex *Caj. Mol. etc. Imò Bon. de rest. d. 4. q. 2. p. 10. n. 15.*
 » ex *Nav. cap. 17. Vasq. Less. d. 4. n. 37.* dicunt, militem
 » gregarium, qui alios non induxit, non tenèri ad restitu-
 » tionem totius damni illati à toto exercitu, sed tantum pro
 » sua parte. *Vide suprâ t. 4. c. 1. d. 5. art. 3.*

Ordo restitutionis est quoad cooperantes : I. Tenetur resti-
 tuere mandans; sive consilium dans alteri, ad faciendum da-
 mnum in gratiam sui, ut *Salm. de restit. c. 1. punct. 5. §. 4.*
n. 141. cum Les. et Lug. ac Croix lib. 3. p. 2. n. 55. cum Nav.
contra Vasq. et Turrecrem. II. Tenetur executor. III. Tenen-
 tur aliæ causæ positivæ, ut consilium dantes in gratiam al-
 terius etc. IV. Causæ negativæ. *Salm. dict. l. n. 142. et 143.*

581. — « 5. Si damnum passus condonet restitutionem
 » principali damnificanti, etiam minus principales liberan-
 » tur, non autem vice versâ; quia ruente principali, ruit
 » accessorium, non contrâ. *Laym. l. suprâ c. »*

Hic notandum, quòd si creditor promittat alicui ex de-
 bitoribus æquè principalibus, se eum non molestaturum,
 censetur remittere partem illius; nam, si totum exigeret ab
 aliis, ille cogeretur ab illis ad restitutionem, et sic pro-
 missio frustranea esset.

DUBIUM IV.

An teneatur restituere, qui alium impedivit à
 consecutione alicujus boni?

582 *Quid, si quis impedit, sine vi, aut fraude, aliquem à conse-*
cutione justî boni?

583 *Quid si quis impedit mendaciis, ne fisco applicentur bona,*
propter gabellam non solutam?

584 *Quid, si quis ex odio, sine vi, aut fraude, efficit, ne aller*
aliquod bonum obtineat?

585 *An suadens Episcopo ut conferat beneficium minus digno,*
peccet, et teneatur ad restitutionem? Quid, si beneficium
debeatur alicui ratione concursûs?

586 *An teneatur ad restitutionem occidens aliquem, ut alteri*
homicidium imputetur? Remissivè ad n. 636.

587 An teneatur ad damnum impediens vi, aut fraude, etc? Quid, si precibus importunissimis, aut metu?

588 Quid, si religiosus suadeat testatori, ut relinquat bona suo monasterio, relicta Ecclesiâ matrice?

582. — **R**ESP. Attendendum, an lædatur jus alicujus, » quod à natura, lege, vel aliter habeat: et, an per vim, » fraudem, calumniam, et mendacia quis alium impeditur: » num verò aliter. Inde enim apud *Layman. loc. cit. Bonac. q. 2. p. 12.*

Resolves sequentes casus:

« 1. Qui alterum impedit à consecutione rei debitæ ex » justitia, tenetur ad restitutionem. *Less. c. 12. d. 18. Fill. t. 32. c. 3. q. 12. n. 72.*

« 2. Si res non erat debita ex justitia, sed conferenda ex » libera voluntate, tunc, qui sine vi, fraude, et calumnia » collatorem inducit, ut v. gr. officium, vel legatum, bene- » ficium ecclesiasticum, et similia dona gratuita non conse- » rat ei, cui apud se constituerat, aut qui petierat, sed vel » nulli, vel alteri etiam minùs digno; etsi sæpè is possit » graviter peccare, præsertim, si id ex odio, aut malo fine » faciat; non tamen tenetur ad restitutionem. *Azor 3 p. l. 4. c. 9. Vasq. Sa, Bon. p. 12.* »

583. — Quær. hic I. An, qui fraudibus, seu mendaciis, » aut per falsos testes impedit, ne fisco applicentur bona, » quæ ob crimen, v. gr. non soluti vectigalis, vel aliud es- » sent fisco addicta, teneatur ad restituendum? Respondetur » cum *Less. l. 2. c. 12. dub. 18. n. 134. Sanch. Dec. lib. 2. c. 22. n. 22. Lug. de just. d. 18. sect. 3. num. 108. et Salm. de rest. c. 1. punct. 4. n. 104. cum Dian. Bann. Azor, Tanner. ac aliis communissimè*, quòd post sententiam certò tenetur; secùs verò ante sententiam, quia antè sententiam nullum jus acquirit fiscus ad pœnam, quæ nonnisi post sententiam debetur; vel quia sic saltem accipitur communiter hoc fisci jus ad pœnas.

584. — Quær. II. An, qui impedit alium à consecutione justi boni ex odio, sed sine vi, aut calumnia, teneatur ad restitutionem? Adest duplex sententia.

Prima sententia probabilis affirmat, hanc tenent *Scotus in 4. dist. 19. Cajet. 2. 2. q. 62. art. 2. Salm. ibid. num. 103. cum Bann. Lugo de just. d. 18. n. 98. item Covar. et Major ap. Less. lib. 2. c. 12. n. 128. et alii apud Lugo. Probatur ex lib. 2. §. Idem Labeo. ff. de Aqua pluviæ arc. ubi dicit: Qui averlit torrentem, ut sibi non noceat, unde factum sit, ut vicino noceatur, cum eo aquæ pluviæ arcendæ agi non posse à vicino; si modò non hoc animo fecit, ut vicino noceat, sed ne sibi noceat. Probatque ratione, quia animus injustus, quando conjungitur cum opere externo, efficit, ut idem optus, quod sine tali animo injustum non erat, injustum cum illo reddatur. Idem videtur sentire *D. Thom. 2. 2. qu. 62. art. 2. ad 4.* ubi ait: Ad quartum dicendum, quòd aliquis potest impedire aliquem, ne habeat præbendam multipliciter. Uno modo justè, putà, si intendens utilitatem Ecclesiæ, procuret, ut detur personæ digniori, et tunc nullo modo tenetur ad restitutionem. Alio modo injustè: putà, si intendat ejus nocumentum, quem impedit propter odium, vel vindictam. Et tunc dicit, quòd tenetur ei totum damnum resarcire, si Episcopus erat determinatus ad ei dandum beneficium; si verò non erat determinatus, tenetur tantum ad æstimationem spei, quam ille ad beneficium habebat.*

Secunda sententia verò communis (ut fatentur iidem *Salm. loc. cit. n. 102.*) et probabilior, negat eum tenèri ad ullam restitutionem; eamque tenent *Less. loc. cit. Petrocorens. lib. 4. de just. c. ult. q. 6. Pal. tract. 13. de benef. d. 2. p. 11. §. 5. n. 3. cum Vasq. Gutt. Nav. et Reb. Ronc. d. 7. præc. c. 5. q. 4. cum Ant. à Spir. S. Spor. tract. 4. de rest. c. 2. n. 213. ubi vocat sententiam veram et communem cum Tamb. lib. 8. tract. 3. c. 4. §. 2. n. 4. Viva de rest. q. 2. a. 1. n. 5. Laym. lib. 3. tract. 2. c. 6. n. 1. Holzm. tr. 2. de rest. cap. 5. n. 539. Elb. de rest. Conf. 4. n. 108. Bon. d. 1. quæst. 2. p. 12. n. 2. Mol. t. 3. d. 272. n. 4. Sanch. Cons. l. 2. c. 1. d. 49. n. 27. Croix l. 5. p. 2. num. 148. cum Turr. Espars. etc. Mazz. t. 2. p. 300. Eademque sententiam, ut certam tenet *Sot. de just. lib. 4. qu. 6. art. 3. ad 6. versùs finem*, quem malè citant pro se *Salm. ibid. n. 103.* nam *Sotus* sic expressè ait: Ad propositum igitur nostrum, qui suo ulens jure, præbendam absque vi et fraude sibi, vel amico procurat, etiamsi ex odio alterius id faciat, et contra charitatem de-*

linguat, ad nullam tenetur restitutionem. Ratio, quia nemo potest obligari ad restitutionem damni, nisi damnum sit injustum, et ipse sit efficax causa illiusdamni, et in illud positivè influat: ad damnum autem afferendum, non sufficit intentio, sed requiritur actio externa, quæ non solùm sit occasio (ut esset in præsentī casu) sed etiam sit vera et efficax causa damni; nam aliàs, si illud eveniat, aliunde evenit, et merè fortuito. Unde, si tu hujusmodi nocumentum fortuitum proximo optabis, peccabis quidem, vel tantùm contra charitatem, vel tantùm affectivè contra justitiam, non autem effectivè, cùm ille non habeat jus; et ideò opus externum cum pravo animo conjunctum non erit effectivè, sed tantùm affectivè, injustum, ex quo nulla oriatur obligatio restitutionis. Falsò enim dicitur is effectivè pati injustum damnum, qui privatur re, ad quam nullum jus habet. Ad textum autem, ut suprà oppositum, respondetur 1. cum *Less. Anacl. et Croix*, illam esse legem pœnalem, quæ ante sententiam non obligat. Deinde respondetur 2. cum *Soto*, quòd lex illa justè prohibuit arcere aquam ex intentione nocendi vicino, quando nulla utilitas ex hoc tibi provenit, unde rectè ait *Sotus*, quòd eo casu tu non habes jus arcendi aquam, et arcendo peccas contra justitiam, ex vi legis id prohibentis. E converso, si id facias ad tuam utilitatem, ne aqua tibi noceat, non peccas contra legem, quæ negat actionem vicino, semper ac tu arces aquam, *ne tibi noceat*, etiamsi id facias, ut vicino noceas. Nec etiam obstat doctrina *S. Th.* suprà allata, nam explicat *Sot. eod. l. c. S.* Doctorem intelligere, impediētem aliquem ab obtinenda præbenda tunc tenèri ad restitutionem damni, quando impedit *injustè*, ut *S. Doctor* exprimit, nempe vi, vel fraude. Nec obstat, quòd ibi dicat: *Putà, si intendat ejus nocumentum, quem impedit propter odium, vel vindictam.* Nam Angelicus hic supponit injustitiam, cujus causa sit odium: *Facere enim ex odio* (ait *Sotus non te onere restitutionis gravat; sed facere injustè, scilicet nullo tuo jure, sed violando alienum.*

585. — Hinc infertur I. quòd, si quis ex odio, sed sine vi vel fraude suadeat Episcopo, etiam determinato ad conferendum beneficium digniori, ut conferat minùs digno, etiamsi probabilius sit, quòd tam Episcopus, quàm suasor graviter peccent, quamvis beneficium sit simplex, ut dicemus l. 3.

n. 93. suasor tamen non tenetur ad ullam restitutionem; quia non læsit justitiam commutativam, avertendo collatorum à conferendo beneficio, ad quod alter jus non habebat. Ita Glossa in c. 2. de offic. cust. Soto l. 4. q. 6. art. 3. Sylv. v. Episc. n. 10. qu. 9. Less. loc. cit. n. 128. Laym. n. 2. Ronc. d. q. 4. Holzm. n. 340. Pal. tr. 13. de Ben. d. 2. p. 11. §. 5. n. 3. cum Vasq. Gutt. et Reb. Spor. tr. 4. c. 2. num. 213. cum Mol. et communi, item Sa, Fill. Nav. et Dic. ap. Salm. de rest. c. 1. punct. 4. n. 106. (qui hoc probabile vocant n. 107., licet oppositum alibi probabilius putent in tr. de benef. punct. 8. n. 371.). Vide dicenda l. 5. num. 106. usque ad 108. Dicendum tamen cum probabiliori sententia, tenèri ad restitutionem, cum quis post concursum impediatur digniorem à consequendo beneficio, juxta dicenda l. 5. n. 109. Inferitur II. propter eandem rationem non tenèri ad restitutionem, qui sine, vi, vel fraude impedit testatorem, ne relinquat hæreditatem alicui, qui ad illam nullum jus habet. Laym. l. c. n. 1. Elb. de rest. n. 108. Tamb. l. c. Spor. num. 113. cum Sanchez, Sot. Mol. etc.

586. — An autem, si quis occidat aliquem, intendens, ut homicidium alteri imputetur, teneatur damnum restituere, quod ex imputatione ille passus fuerit? Vide num. 636.

587. — « 3. Si in re prædicta, ex libera voluntate conserenda, aliquis per vim, fraudem, vel calumniam collatorem induceret, nè ei daret; aut eum à petitione (cum quivis habeat jus petendi) aut consecutione talis rei per vim, fraudem, calumniam, vel mendacium impediret (cum etiam quivis jus habeat, ne iniquè impediatur): is teneretur ad compensationem damni arbitrio viri prudentis, juxta certitudinem, vel probabilitatem, quâ alter tale bonum alioqui assecutus fuisse existimaretur, dummodò tamen eo sit dignus: nam si indignus est, non tenetur ad restitutionem, nisi famæ, si eam fortè læserit. Less. l. 2. c. 12. d. 18. Mol. t. 1. d. 135. Sa, v. Restit. n. 221. Vide Bon. l. c. »

Censent Salm. de contract. c. 5. n. 30. quòd æquiparentur vi preces importunissimæ, aut metus reverentialis, maxime si ei addantur verba aspera, vel torvus aspectus, vel preces, ut dicunt de matrim. c. 9. n. 57.

588. — Nota hic autem, quòd graviter peccat religiosus,

qui suadet testatori, ut suo monasterio potius, quàm Ecclesiæ matriçi, bona relinquat, ex *Clem. 1. de Privil.* in qua etiam adest excommunicatio. Non tenetur tamen ad restituendum, quia Ecclesia nullum habet jus quæsitum: ita *Sanch. Cons. l. 2. c. 1. dub. 49. n. 38. Lugo disp. 18. n. 93. et Croix l. 3. p. 2. num. 74. Mol.* Imò *Sanch.* putat religiosum non peccare, si bono zelo hoc faciat, nempe pro majori utilitate testantis, modò non petat pro se, vel amicis.

DUBIUM V.

Cui, vel quibus restituendum?

589 *Quid, si creditor sit incertus?*

590 *An tradita res pauperibus sit restituenda domino comparenti?*

591 *Quid notandum circa compositionem in debitis incertis?*
usque ad n. 594.

593 *Quid circa furtiva minula?*

596 *An bona certa sint restituenda domino, vel possessori?*

597 *An fur teneatur rem mittere domino cum magno suo damno?*

598 *Quid, si sumptus pro missione excederent valorem rei?*

599 *Quid, si acceperis à possessore bonæ fidei rem non suam?*

600 *Emptor rei furtivæ an possit eam reddere furi?*

601 *An revendens rem emptam bonæ fide, teneatur pretium restituere emptori?*

602 *Quid notandum circa thesauros inventos?*

603 *An inventor rei perditæ possit eam sibi retinere?*

604 *Quid notandum circa res captas venatione?*

605 *Quid, si quis venatur in locis reservatis?*

606 *Quæ venatio veletur clericis, et religiosis?*

« **R**ESP. Attendendum ad naturam justitiæ, et si quis
» damnum patitur, quidve ratio, et leges ferant communi-
» ter. Vide *Less. et Laym. hic, cap. 9.*

Unde resolves:

589. — « 1. Quando bona restituenda, sive debita quæ-
» cumque sunt incerta, hoc est, cum, cui debeantur, igno-

» ras, aut adire non potes, aut illi restituere; tunc, si ea
 » habes sine delicto, ut, si inveneris, vel à mercatore v. gr.
 » per errorem acceperis duas ulnas panni pro una, et jam
 » si discessit, nec scias, quò abierit, tenèris adhibere ali-
 » quam diligentiam inquirendi: post quam, si spes non sit
 » sciendi dominum, probabile est, quòd non tenearis ea
 » dare pauperibus (licèt ita plerique cum *S. Th.* sentiant »
 » (*quorum sententiam vocant communem Salm. de rest. c. 1.*
punct. 11. §. 3. n. 214. Sed vide n. 603.) « et sit magis pium,
 » ac practicè suadendum); sed possis tibi retinère, ut docet
 » *Petrus Navarrus*, quem sequitur *Laym. hic, et Less. l. 2.*
 » *c. 14. dub. 7. n. 48.* idque *Dian. p. 2. tr. 5. misc. r. 5.*
 » dicit esse tutum in praxi. » (*Cum Pal. et Dic. apud Salm.*
ib. n. 213. exceptis debitis ob usuram, aut simoniam ex terti-
tibus allatis in fine hujus numeri.) « Si verò ea habeas ex
 » delicto, ut furto, usurà, etc. tenèris ea restituere paupe-
 » ribus, vel Ecclesiæ, hospitali, etc. quia debet tunc fieri re-
 » stitutio meliori modo, quo potest, ut saltem, cùm corpori
 » domini non prosit, prosit ejus animæ, dum in paupe-
 » res expenditur. Ita communiter Doctores; ut videbis apud
 » *Laym. hic.* »

Quæritur I. quomodo facienda restitutio, si dominus rei
 est incertus? Distinguendum, et videndum, an res accepta
 sit bonâ, vel malâ fide. Si *malâ fide*, tunc iterum distin-
 guendum est: vel dominus incertus rei est ignotus tantum
 in particulari, prout, si sciretur rem spectare ad aliquem ex
 tribus, vel quatuor hominibus loci, sed ignoretur, ad quem
 peculiariter spectet; tunc nequit restitutio fieri pauperibus,
 sed res dividenda est inter cos, quos inter defraudatus existit;
 ita *Sylv. tom. 3. in 2. 2. q. 62. art. 5. Less. lib. 2. cap. 14.*
n. 52. idemque dicunt *Pal. Mol. Caj. P. Nav. etc.* Vel autem
 dominus est ignotus in generali, ita ut nequeat discerni in-
 ter loci habitatores, ad quem vel quos res pertineat: et tunc
 restitutio fieri debet pauperibus, ut habetur in *cap. Cum*
tu, de usuris, ubi præcipitur usurariis ut restitutionem fa-
 ciant dominis, vel eorum hæredibus, vel, his non su-
 perstitibus, pauperibus. Sufficit autem, quòd restitutio fiat
 pauperibus cujuscumque loci. Sufficit etiam quòd fiat locis
 piis, ut communiter docent *Less. l. 2. c. 14. n. 55. Nav.*
cap. 17. n. 55. Salm. de rest. cap. 1. punct. 11. §. 3. n. 216.

Croix lib. 3. p. 2. n. 94. Bon. de rest. d. 1. q. 3. p. 4. n. 3. cum Azor, Mol. P. Nav. Vasq. Fill. etc. Id tamen locum habet, modò adhibita sit debita diligentia, ut proprii domini invenirentur; nam si ante diligentiam adhibitam fieret restitutio pauperibus, et deinde domini comparerent, utique damnum ipsis resarciendum esset. Præterea id locum habet, cum defraudati pauciores sunt, nempe tres vel quatuor, ita ut, si restitutio fiat quibuscumque illius loci indiscriminatum, res verosimiliter non sit ventura in manus proprii domini; et ideo restitutio tunc fieri potest pauperibus cujuscumque loci, ut communiter tenent *Sylv. verb. Restitutio q. 3. Bon. l. c. n. 10.* et idem dicunt *Salm. ibid. n. 213. cum Soto, Rebell. et Tapia*, et quamvis *Sylvius loco supra cit.* dicat, congruentius esse, ut eo casu restitutio fiat pauperibus illius loci, ubi furtum patratum est, addit tamen, id non esse necessarium. Si autem plures et varii domini incerti alicujus communitalis damno affecti fuerint, tunc omnino restitutio facienda est pauperibus ejusdem communitalis læsæ. *Vide dicenda n. 595.*

590. — Quæritur II. Si res post debitam diligentiam adhibitam ad inveniendum dominum, tradita sit pauperibus, et postea dominus compareat, utrùm ei restituenda sit? Negant *Nav. Sot. Henr. Led. ap. Croix lib. 3. p. 2. n. 93. item Cajet. et Bonac. ap. Spor. de restit. cap. 3. n. 104.* Quia, cum debita diligentia est præmissa, pauper, aut locus pius, absolutè acquirit dominium rei. Dicitur, *quando debita diligentia est præmissa*; nam alias certum est apud omnes, rem domino comparenti restituendam esse, quoniam nullà ratione tunc potuerit in pauperem dominium transferri, cum eo casu dominus sit rationabiliter invitus. Communius verò *Laym. lib. 3. tr. 1. c. 3. n. 24. Salm. tr. 12. c. 2. punct. 9. §. 3. n. 86. Pal. de just. d. un. p. 19. n. 7. Less. l. 2. c. 14. n. 43. Spor. l. c. n. 113. et Croix loco cit. cum Mol. Dian. etc.* dicunt, quòd, si res extat, pauper debet eam restituere domino comparenti, si verò est consummata, tantùm id, in quo factus est ditior. Ratio, ut ait *Pal.*, quia licèt dominium rei in pauperem translatum sit, res tamen adhuc extat tunc in æquivalenti. Sed hæc ratio non videtur congrua, nam, si rei dominium verè translatum est, nulla deberetur restitutio, sive res extet, sive non. Melius igitur distinguendum cum

Lugo de just. d. 21. n. 102. juxta ea, quæ de inventore rei perditæ fusiùs dicemus *inf. n. 603. cum eodem Lugo. Holzm. et Croix loc. cit. n. 89.* (qui *n. 95. supra citato sibi non cò-hæret*): quando, spectatis omnibus circumstantiis, non est ampliùs possibile, quòd dominus inveniatur, tunc pauper acquirit rei absolutum dominium, sine ullo onere restitutionis. Quando verò adhuc, post diligentiam, adest aliqua spes inveniendi dominum rei, tunc pauper non acquirit ejus dominium, et proinde debet eam domino servare, ipsique restituere, si compareat; additque *Lugo ibid.* ex ipsa manifestatione domini tunc communiter argui, quòd non adfuerint debitæ circumstantiæ ad transferendum irrevocabiliter dominium in pauperem. Sed vide omninò dicenda *d. n. 605.* Rectè tamen excipiunt *Spor. d. n. 113. et Wigandt tr. 8. ex. 3. num. 50.* nisi pauper, aut locus pius bonâ fide rem jam præscripserit, quia virtute præscriptionis tunc dominium irrevocabile verè acquirit.

591. — Notandum, quòd super his debitis incertis bene potest fieri compositio per bullam Cruciatæ, quæ refertur *ap. Tamb. tr. de bull. Cruciatæ c. 18.* pro regnis Hispaniarum, Sardiniae et Siciliae, et pro omnibus aliis particularibus, quibus bulla communicatur. Potest etiam hæc compositio fieri per S. Pœnitentiariam, sed, si ab ipsa obtineatur, constituit *Bened. XIV. in sua bulla Pastor Bonus*, ut restitutio fiat, cum poterit commodè fieri, iis in locis, ubi furtum factum est. An autem valeat hujusmodi compositio, facta sine sufficienti causa? Affirmant *Cord. Tur. Alens. ap. Lugo d. 21. num. 95.* Sed negant *Covar. Sot. Nav. Mol. et alii communiter ibid.* Veriùs tamen distinguendum cum *Lugo*, et dicendum, eam valere, si restitutio sit facienda ex sola lege ecclesiastica, putà ex fructibus ecclesiasticis malè perceptis; secùs, si restitutio aliunde sit debita. Ratio primæ, quia Pontifex in lege propria validè dispensat; ratio secundæ, quia honorum, aliunde debitorum, Pontifex non est absolutus dominus. An autem id possit Pontifex pro bono spirituali communi? *Vide Lugo n. 96. et vide qu. n. seq.*

592. — Quæritur autem, an, compositione factâ, debitor ad aliquid teneatur, si postea dominus certus compareat? Dicunt alii, eum tenèri restituere id, in quo factus est ditior. Ita *Vill. Rodr. ap. Tamb. lib. c. §. 5. n. 9. et Caj. Sot. etc.*

ap. *Renzi de 7. præc. c. 3. qu. 26.* Ratio, quia non præsumitur Pontifex dominum rebus suis exspoliare voluisse. Alii verò dicunt, eum ad nihil tenèri, ut *Salmant. de rest. c. 1. punct. 11. §. 5. n. 217. cum Trull. Dic. Tap. etc.* et idem tenent *Lug. d. 21. n. 98. et Tamb. l. c.* semper ac præmissa sit debita diligentia. Ratio, quia Pontifex, ut administrator bonorum temporalium, quatenus spectat ad bonum spirituale, tunc transfert dominium per compositionem propter bonum publicum.

Notat autem *Viva l. c. n. 3. cum Vill. Dian. et Mendo*, idemque dicunt *Trull. et Henriq. ap. Croix loc. cit. n. 413. cum Bus. infra dub. 7. art. 3. n. 2.* huiusmodi compositionem posse fieri etiam ab Episcopo, cum hoc nullo jure sit reservatum Papæ, et videatur esse juxta voluntatem creditorum pro bono animarum suarum. Sed contradicunt veriùs *Lug. n. 107. ac Mol. cum Rodr. Turr. Cord. etc. ap. Croix loc. cit.* Ratio, quia id non potest efficere Episcopus, nec ratione administrationis talium bonorum incertorum, cum ea pertineat ad solos reges, vel ad Pontificem; nec ratione supremæ potestatis mutandi voluntates dominorum, cum hæc pertineat ad solam Sedem apostolicam, ex *Clem. Quia contingit, de rel. dom.* ubi dicitur: *Quia contingit, cum ea, quæ ad certum usum largitione sunt destinata fidelium, ad illum debeant, non ad alium, (salvâ Sedis apostolicæ auctoritate) converti.* Sed quoad ultimas voluntates, vide *infra n. 931.*

593. — Compositio hæc solet etiam concedi pro fructibus ecclesiasticis malè perceptis. *Croix n. 416.* Dicunt etiam *Escob. lib. 37. c. 12. n. 7. Tamb. Dec. l. 8. tr. 3. c. 1. §. 3. n. 19.* item *Vasq. Lop. et alii apud Dian. p. 4. tr. 4. res. 46.* compositionem fieri posse etiam pro furtis minutis, commissis ab iis, qui vendunt civibus vinum, oleum, etc. Sed tenendum oppositum cum *Croix lib. 3. p. 2. n. 417. Dian. l. c.* quia talis restitutio omninò facienda est iisdem civibus defraudatis. Vide *mox dicenda num. 595.*

594. — An verò, si creditor fit notus, sed tam longè absit, ut res pauperibus dispensari possit, fieri tunc valeat compositio? Affirmant *Turr. Covarr. Rodr.* et putat probabile *Lugo n. 139.* Sed videtur probabilius oppositum cum *Soto, et Henr. apud Croix n. 418.* quia compositio conceditur tantum, quando creditor est incertus. An autem hæres, qui compositio-

tionem obtinuit, teneatur summam relaxatam tribuere aliis creditoribus certis sui testatoris? Affirmat *Mol.*; sed negat *Lugo d. 20. n. 12.* et assentit *Croix n. 419.* si concessio facta est illi, non ut hæredi, sed ut tali personæ. Secus verò, si facta sit ei ex vi potestatis, quam testator habuit.

395. — « 2. Qui multis minutis furtis, v. gr. olei, panis, vini, etc. damnum intulit multis civibus; eum tenèri restitue, non pauperibus, sed ipsis civibus (minoris deinceps vendendo, aut majore mensurâ, donec veniatur ad æqualitatem) dicit *Mol.* At *Vasq. et Escob.* dicunt esse probabile, quòd possit dare pauperibus, præsertim civitatis ejusdem.»

Alii igitur dicunt, ut *Escobar lib. 5. c. 12. n. 71. Anacl. de 7. præc. d. 5. n. 20.* item *S. Th. in 4. Sent. d. 15. q. 1. a. 5. Vasq. Lop. et alii apud Dian. p. 4. tr. 4. r. 46.* quòd pro hujusmodi furtulis, commissis à venditoribus publicis, restitutio potest fieri pauperibus; cùm regula sit generalis, debita incerta pauperibus esse restituenda, ut in simili casu de usurario, qui pluribus incertis defraudavit, sancitum est in c. *Cum tu, de usur.* Advertunt tamen, restitutionem faciendam esse pauperibus ejusdem loci, quia, cùm communitas illius loci sit læsa, illi damnum resarciendum est; nisi (excipit *Bon. de rest. d. 1. q. 3. p. 4. n. 10.*) damnum sit illatum aliquibus paucis personis incertis, quia tunc ait restitutionem posse fieri pauperibus alterius loci: et hanc sententiam *Dian. l. c.* non audet dicere improbabilem propter auctoritatem *D. Thomæ.* Alii verò, quorum sententiam tamquam communissimam suadendam puto, dicunt talem restitutionem omninò, quoad fieri potest, faciendam esse civibus ejusdem loci, ubi fraus commissæ est. Ratio, quia, cùm existant damnum passi, et aliquo modo cogniti, iis, quantum fieri potest, damnum compensari debet. Ita *Laym. lib. 3. tr. 1. cap. 10. n. 2. Concina tom. 7. d. 2. cap. 15. n. 10. Spor. de rest. c. 5. n. 117.* cum communi ut asserit *Croix l. 5. p. 2. n. 417. Dian. l. c. Tamb. l. 8. tr. 3. c. 1. §. 5. n. 19. Salm. de rest. cap. 1. punct. 11. §. 3. n. 215. cum Dic. Reb. et Tap.* Verùm tamen censeo, juxta dicta num. 354. quòd hujusmodi venditores non teneantur sub gravi restituere civibus; satisfaciunt enim suæ gravi obligationi, si pauperibus restituant. Quapropter excusantur etiam à veniali, si restituant pauperibus, accedente aliqua rationabili causa, puta, si non possint restituere

civibus sine aliquo notabili incommodo, vel; si urgeat necessitas aliquorum pauperum valde indigentium, quibus præstuntur cives illi non esse inviti restitutionem fieri. Et sic invenio sensisse etiam *Cont. Tourn. de justit. et jur. part. 3. cap. 3. art. 4. sect. 2. quær. 4.* qui loquens signanter de tabernario, qui communitatem defraudavit, ita ait: *Deinde, ut, quod verè furatus es; si singulis restituere nequeas, vel quia ignorantur, vel quia difficilior est executio, quam res tantilla postulet, vel quia periculum est infamiæ, hoc sice per parochum, qui suorum indigentiam novit, sive aliter in pauperes loci, quem læsisti, diffundi cures, vel in alia opera, eidem loco utilia, insumas.*

596. — « 3. Quando bona sunt certa, ordinariè restitui debent possessori justo, à quo accepta sunt, vel cui damnum illatum; etsi is non sit immediatus dominus. Unde, quod acceptum est à depositariò, commodatario, conductore, custode, administratore, debet non domino; sed ipsis restitui; quia alioqui ipsis fieret injuria, si jure possessionis, detentionis, custodiæ, aut utilitatis spoliarentur; et damnum, atque lucrum cessans compensari deberent.

« 4. Excipitur tamen hinc, 1. Si horum nihil interesset, ut si sine illorum damno, infamià, domino restituantur.

« 2. Si probabiliter ipsi putarentur rem absumpturi, vel ablati cum injuria domini; quo modo bona Ecclesiæ; non Prælato dissipatori, sed potius Capitulo restituenda sunt. Item accepta à filiofamilias, pupillo; furioso, uxore, religioso; si sint ex iis bonis, quorum administratio ipsis non competit, plerumque restituenda sunt patri, tutori, marito, prælato. Sic etiam si bona alicujus publicata, et fisco addicta sint: tunc enim depositum, et similia debita fisco debent reddi.

« 3. Cum quis, ignorato domino, cui restituendum erat, non præmissâ aliquâ diligentia, pauperibus distribuat, non satisfacit domino postea comparenti: secus, si diligentia sit præmissa. *Vide Less. l. 2. c. 14. dub. 3.*

597. — « 6. Cum dominus quidem scitur, sed ei mitti non potest sine sumptu; tunc, si res malè accepta est, tenetur restituens aliquas expensas ex se facere; si autem benè accepit, non nisi expensis domini restituendum est. Quando nullo modo potest mitti, expectandum est ad tempus. At,

• si adhuc non sit spes, reputatur debitum incertum. *Tol.*
 • l. 5. c. 24. »

598. — Queritur, an fur teneatur restituere rem ablatam cum qualicumque suo damno?

Prima sententia affirmet, cum *Caj. 2. 2. qu. 62. art. 5. ac Vasq. Nav. Cov. Arm. etc. apud Lugo de just. d. 20. n. 184.* Ratio, quia dominus debet servari indemnus, etiam cum furis detrimento, quod suæ malitiæ imputandum est.

Secunda sententia verò communissima et probabilior, negat; hanc tenent *Bus. (vide n. 677.) Bon. de rest. d. 1. qu. 3. p. 1. n. 5. Less. l. 2. c. 15. dub. 8. n. 50. Mol. tom. 3. d. 752. n. 5. Holz. n. 495. Fill. tr. 52. c. 4. qu. 8. n. 111. Salm. de rest. c. 1. punct. 10. n. 195. cum Pal. item Lugo l. c. n. 185. cum Scoto, Gabr. Ang. Salon. Arag. etc. cum communi*, ut asserit *Croix l. 3. p. 2. n. 368.* Ratio, quia iustitia, cum sit virtus, et prudenter præcipiat ut æqualitas servetur, non potest obligare ad restituendum quocumque gravissimo damno debitoris; quod esset contra charitatem, et aliàs dominus esset irrationabiliter invitus. Si autem res in individuo non posset ad dominum mitti, nisi cum tanto damno, fur potest et debet eam vendere, et pretium domino transmittere, ut dicunt *Lugo n. 189. et Croix n. 370.* Casu verò, quo creditor simile damnum, vel parvum minus sit passurus, teneatur omninò debitor ei satisfacere, ut communiter ajunt *Less. c. 16. n. 23. Tamb. l. 8. tr. 4. c. 1. §. 8. n. 4. cum Nav. Val. Caj. etc. ac Lugo n. 186.* qui dicit, in hoc attendendum non solum damnum emergens creditoris, sed etiam lucrum cessans. Benè tamen advertunt ipse *Lugo n. 188. et Croix n. 375. cum Ills. et Haun.* quòd damnum creditoris et debitoris pensandum est comparativè ad subjectum; fieri enim potest, ut damnum decem nummorum respectu debitoris inopis sit longè majus, quàm damnum centum respectu creditoris opulenti; et sic vice versà.

Sed, cæteris paribus, difficultas est, quænam mensura damni assignanda sit, ut debitor excusetur à restitutione facienda creditori? Et in hoc distinguendum: si sit spes, ut res, vel pretium alio tempore restituatur domino, vel ejus hæredibus sine magno damno debitoris, tunc probabiliter dicunt *Bon. l. c. Lugo n. 191. Less. c. 15. n. 50.*, restitutionem posse differri. Si verò desit talis spes, ita ut dominus esset re privandus;

et tunc adhuc probabiliter dicunt *Less. l. c. et Dicast. ap. Croix n. 363.* (qui id non reprobatur cum *Lugo n. 184.*) quòd si res parvi sit momenti, et damnum furis esset duplò majus, tunc posset restitutio applicari pauperibus, vel operibus piis; quia in hoc præsimitur dominus assentiri. Si tamen esset res magni momenti, *Sylvester, et Petsch. apud Croix l. c. et Bus. cum Bonac. infra num. 677.* excusant furem à restituendo domino immediatè, casu, quo expensæ faciendæ essent æquivalentes rei valori. Sed hoc communiter non admittunt *Tamb. l. c. n. 6. Spor. tr. 4. c. 3. n. 162. et Croix n. 368. cum Lugo, Vasq. et Ills.* Excusant autem *Scotus, Gabr. et Rich. ap. Croix n. 363.*, si sumptus essent majores debito. Hujus sententiæ est etià Glossa in cap. *Cum tu, de usur.* ubi dicitur fur non tenèri rem mittere domino, si expensæ deportationis excedant ipsius rei valorem. Probabilius verò *Spor. Tambur. et Mol. ll. cc.* excusant solo casu, quo sumptus essent longè majores; imò *Lugo n. 190.* obligat furem, etiamsi passurus sit damnum duplò majus. Quando autem damnum esset omninò excessivum, sufficit restituere pauperibus, ut communiter dicunt cum secunda sententia, ut suprà relata, ipse *Lug. Spor. l. c. et Bon. cum Sayr. et Vill. apud Salm.*

599. — « 7. Cum quis accepit rem alienam à possessore bonæ fidei; putante, rem esse suam, cum non sit, tùm, si quidem intervenerit aliquod justum pactum, ut depositi, commodati, pignoris, etc. illi restituendum est, non domino. qui tamen ex charitate monendus erit, si id ei profuturum putetur, sine alterius graviore incommodo, infamia, etc. *Vasq. Azor. part. 3. l. 4. q. 2.* Si autem aliter accepta sit, tunc vero suo domino restitui debet, si cum noveris, et sine incommodo fieri possit.

600. — « 8. Quando à fure, vel aliquo venditore quis emit, sive malà, sive bonà fide; rem furtivam, tenetur restituere domino, non furi. Ita communiter *Mol. Regin. t. 1. l. 10. c. 3. n. 40. Tol. tamen l. 3. c. 17. Sylv. Ant. Mald. in 2. 2. tit. 4. c. 3. dub. 2.* probabiliter sentiunt, posse reddi furi, ut ab eo pretium suum recuperet, quia non constituit rem pejore loco, quàm antè fuerat: et consequenter ipse non infert domino damnum. » (*Vide dicta n. 569. et 570.*) « Quòd *Nav. et Trull. l. 7. c. 14. d. 4.* admittunt cum hac limitatione; si mox, et non post longum tempus contractum

» rescindat, vel si certò sciat, forem redditurum rem domino,
 » vel si dominus rei sit mortuus, aut absit, ita ut conveniri
 » non possit. Quòd si autem pretium suum recuperare non
 » possit à venditore, tenetur reddere domino, et sibi damnum
 » adscribere. Quòd si porro sciens, rem esse furtivam, emit
 » eo fine, ut invento vero domino restituat, tunc, si emit
 » parvo pretio, tenebitur id ei dominus refundere, cum uti-
 » liter ejus negotium gesserit: socus autem, si pretium esset
 » serè æquale rei: tunc enim sufficit refundere ad arbitrium
 » viri prudentis tantum, quantum videtur meritis, rem do-
 » mini utiliter redimendo. *Less. l. c. c. 14. dub. 3. Dian.*
 » *p. 2. t. 3. r. 5.*

601. — » Si bonâ fide rem alienam, v. gr. equum emeris ab
 » altero, v. gr. Petro, et vendideris tertio, v. gr. Paulo, et
 » postea cognoscatur esse Joannis, eoque repetente à Paulo,
 » Paulus repetat pretium à te, existimat quidem probabile
 » *Nav. et Dian. p. 1. t. 8. r. 68.*, non tenèri te Paulo id red-
 » dere (si in nullo factus sis ditior); sed sufficere, si tuam
 » actionem, quam habes in Petrum, ei cedas. Verùm *Sotus*,
 » *Salon. Less. Sayr. Bon. de rest. quæst. 4. p. 2.* rectiùs do-
 » cent, tenèri te exigente Paulo, contractum rescindere, et
 » pretium restituere: tum, quia vendidisti rem vitiosam, tum
 » quia tenèris de evictione emptori, nec eum potes remittere
 » ad illum, quocum nihil habet negotii. Quòd si tamen Pau-
 » lus, cum possit, tibi non restituat equum, sed Joanni, et
 » hoc ipse impediatur, quominus pretium tuum possis recu-
 » perare, nec tu tenèris ei pretium ab ipso acceptum resti-
 » tuere. *Bon. Less. etc. Vide Trull. c. 14. d. 31.* »

Si igitur ab emptore dominus rem evincat, omninò se-
 quenda est sententia *Busembai*, quam præter *DD.* à se cita-
 tos, docet etiam *Less. l. c. c. 14. n. 26. et Salm. de rest. c. 1.*
punct. 3. §. 6. n. 88. nempe, tenèri venditorem pretium em-
 ptori restituere saltem in quo factus est ditior, prout dicunt
 iidem *Salm. tr. 14. c. 2. punct. 3. n. 31. Vide dicenda infra*
n. 800. Si verò res non evincatur, nulli tenetur venditor re-
 stitutionem facere, ut ajunt *Salm. cit. c. 1. n. 88.* Nec tene-
 tur (ut dicit *Less. c. 14. n. 50.*) monère dominum, aut indi-
 care emptori, quòd res illa sit aliena, si post venditionem,
 bonâ fide factam, id venditor resciscat, et non possit ampliùs
 pretium, quo ipse rem emit, recuperare; quia, cum rem il-

lami amplius non habeat, nec sit causa, quod dominus re illa privetur, non tenetur cum magno suo damno curare, ut dominus rem suam redipiscatur.

602. — « Quæres, cui restituendi, sive dandi sint thesauri, et alia inventa, quæ habentur pro derelictis? Resp. Quando nullius domiti sunt, jure naturali, et gentium fiunt primi occupantis. Potest tamen per consuetudinem, et leges aliter quid ordinari, quod servandum est. De quo vide Less. l. 2. c. 5. d. 10. Laym. l. 3. t. 1. c. 5. »

Circa thesauros jura disponunt (1) I. Ut thesaurus, si inveniatur in loco proprio, sit inventoris. II. Si in loco alieno, sed inveniatur casu, dimidium sit inventoris, et dimidium domino loci; et ad hoc dimidium præstandum domino inventor tenetur in conscientia etiam ante sententiam judicis; ratio, quia jus positivum potuit hoc disponere, non obstante jure naturæ, ob bonum commune. Ita Salm. tr. 12. de just. et jur. c. 2. punct. 8. §. 3. n. 93. cum Lug. Less. Pal. etc. Licet de hoc dubitare videantur aliqui apud Tamb. in Decal. Si verò thesaurus inveniatur in loco alieno, non casu, sed ex industria, inscio domino: tunc statuit L. unic. de thes. ut totus reddatur domino loci. Sed, quia lex hæc est pœnalis, non obligat, nisi post sententiam, ut dicunt Salm. cit. n. 93. cum Laym. Less. et aliis citatis. Pars autem, quæ pertinet ad dominum loci, si locus habeat dominium utile, et dominium directum, inter ipsos dividenda est, nihil verò debetur usufructuario. Salm. cum Lug. Palm. et Reb. d. l. n. 97. III. Si thesaurus inveniatur in loco publico, aut sacro, dividendus est inter inventorem, et fiscum, aut prælatum. Viva de rest. q. 2. art. 2. n. 3. IV. Si autem inveniatur per artem magicam, applicandus est fisco totus: quam legem pariter, ut pœnalem, non obligare, nisi post sententiam, dicunt Salm. ibid. n. 91. cum Lug. Less. etc. Et adhuc post sententiam dominum fundi innocentem non privari suâ parte in tali casu, censent Salm. cit. n. 91. in fin. Sed

(1) Art. 716. Thesaurus dicitur res quælibet abscondita vel defossa in terra, quam nemo potest probare esse suam quæque invenitur casu merè fortuito.

Si quis thesaurum invenit in fundo proprio, totus ad ipsum pertinet; si autem in fundo alterius, media pars ad inventorem pertinet et altera ad proprietarium fundi, in quo inventus fuit.

Art. 598. Usufructuarius non habet jus ad thesaurum, qui detegitur tempore usufructus.

Edu.

aliter disponunt jura regni nostri circa thesauros inventos. Si enim inveniuntur in loco publico, et arte non propria, tunc toti applicantur fisco: si verò inveniuntur in loco privato et casu, tunc tertia pars spectat ad fiscum, tertia ad inventorem, et tertia ad dominum fundi. *Sed vide alia ap. Salm. l. c.*

603. — Quæritur, an inventor rei perditæ, domino non invento, possit illam sibi retinere? (1) Adsunt tres sententiæ.

Prima sententia affirmat, modò inventor omnem debitam diligentiam adhibuerit ad dominum inveniendum. Hanc tenent *Sot. l. 3. de just. qu. 3. a. 3. ad 2. Nav. l. 4. de Rest. c. 2. n. 73. Dian. p. 2. tr. 17. resol. 3. Sa, verb. Thesaurus, n. 4. item Mercad. Led. Escob. etc. ap. Croix lib. 3. num. 89.* Et probabilem vocant *Less. lib. 2. cap. 14. n. 48. Lugo de just. d. 6. sect. 12. num. 159. Holzmann. p. 4. de just. num. 59. Salm. tr. 12. cap. 2. punct. 9. §. 2. num. 84. Croix l. c. cum Vasq. Malder. Med. Salas, Henr. Rodriq. etc.* ac valde probabilem vocat *Laym. lib. 3. tract. 1. cap. 5. n. 24.* Ratio, quia, domino non invento, post omnem (ut dictum est) diligentiam adhibitam, res censetur domino carere, et ideò fit primi occupantis.

Secunda sententia valde communior censet inventorem rei non posse illam sibi applicare, sed debere eam elargiri in usus pios. Hanc ut probabilior tenet *Palaeus d. un. p. 19. n. 4. Less. loc. cit. Caj. in Summ. v. Furtum, Laym. l. c. Salm. ibid. n. 83. cum Tap. et Reb.* Ratio, quia præsumitur voluntas domini esse, ut, si ipse rem perditam habere non possit, saltem illa pro anima sua erogetur.

Tertia sententia, verior et sequenda, quam tuentur *Lug. dict. d. 6. n. 104. et fusiùs n. 140. Holzm. de just. n. 51. et 54. et Croix l. 3. p. 2. n. 89.* distinguit, et dicit: Quando adhuc, post diligentiam, possibile est dominum invenire, tunc res vel pretium servari debet; quòd si utrumque servari nequeat, res, vel pretium omninò est erogandum in usus pios, juxta præsumptam voluntatem domini, qui adhuc illius rei dominium retinet, semper ac res potest in manus ejus redire. E converso, quando res, spectatis circumstantiis longitudinis temporis, vel distantiae loci, vel eò quòd res non possit amplius à domino pro sua recognosci, ut accidit in nummis ordi-

(1) Confer notas suprà positas ad n. 493. et 503.

nariis, non videtur possibile, ut ad dominum redeant; tunc illa fit nullius, et ideo acquiritur à primo occupante, qui illam non tenetur dare juxta voluntatem prioris domini, cum ille impossibilitate eam recuperandi jus domini prorsus amiserit. Et hanc sententiam expressè tenet *S. Thom.* 2. 2. q. 66. art. 3. ad 2. ubi ait: *Et similiter si (res) pro derelictis habeantur, et hoc credit inventor, licet sibi eas retineat, non committit furtum.* Ratio à priori est, quia jus gentium tribuit privatis dominium rerum non ad aliud, quam ut illis utantur; hinc, quando est impossibile, rem pervenire ad ipsorum usum, illa, tamquam derelicta, evadit nullius, et redit ad primævum jus naturæ, ac ideo fit primi occupantis sine ulla obligatione.

604. — « Quæres 2. an, et cui restituenda, quæ capiuntur » venatione justè prohibita? (1)

« Resp. Id æstimandum partim ex jure naturæ, partim ex » consuetudine, et legibus, ac juribus particularibus, ut vi- » dere potes apud *Laym. l. c. l. 5. t. 1. c. 5. n. 14. et Less. c. 8. d. 9. et Sa v. Venatio.*

Ex quibus resolvitur hic casus :

« Venator iniquus tenetur restituere saltem damna, quæ » segetibus, fructibusque infert.»

Quoad venationem, quær. 1. si fera, aut avis ab uno sit vulnerata, ab alio capta, ad quem pertineat? Ex *l. Naturalem, §. Illud. ff. de acq. rer. dominio*, pertinet ad capientem, quia multoties fera vulnerata non capitur. Ex qua ratione *Mol. et Less.* inferunt, eam pertinere ad vulnerantem, si constet, feram manus vulnerantis effugere non posse; si verò sit dubium, dividenda est. Ita *Laym. de just. et jur. c. 5. n. 12.*

(1) Ex cod. civ. *Art. 715* patet, jus venandi et piscandi legibus specialibus determinari. Etsi venari cuique liceat, generatim tamen non licet absque legali permissione vulgò dictà *port d'armes*, nec in fundo alterius sine illius consensu saltem rationabiliter præsumpto nec extra tempus à præfecto statutum, etiam in propriis fundis, nisi sint muro circumclusi aut adhibeantur solum retia vel nisi ad repellendas feras quæ segetes proprias invadunt.

Non licet retibus piscari in navigabilibus fluminibus, licet autem linea projectili. In fluviis non navigabilibus jus piscandi ad eos solos, quorum proprietates adjacent, pertinet. In mari autem omnibus piscari licet, modò adhibeantur retia statutis specialibus determinata.

Edit.

Quær. 2. ad quem pertineat avis, cui unus laqueum tenditur, et quam alius capit. Probabilius *Laym. d. l. cum Mol. Sa, contra Nav. et Cov.* dicit, pertinere ad laqueum tendentem, qui certè avem capturus esset.

Nota, quòd legem, prohibentem venationes, tantùm reges ferre possint, et alii, quibus rex, tamquam privilegium, tale jus concesserit. *Laym. eod. loc.*

605. — **Quær. 3.** utrùm venatores, in locis à rege reservatis venando, peccent mortaliter, et teneantur ad restitutionem? Affirmant *Laym. n. 14. et Less. c. 3. n. 44.* et dicunt, eos tenèri restituere regi non feras captas, sed valorem ipsarum juxta spem, quam rex habebat capiendi. *Diana tamen cum Dic. et aliis ap. Bus. n. 614. v. 3. Spor. tr. 6. n. 159. cum Sot. Molin. etc.* excusant venatorem à restitutione, et à peccato gravi, si loca non sint conclusa. Quod etiam admittit *Less. dict. n. 44.* si damnum non fuerit notabile, cum feræ non sint magni pretii, vel non sint multæ, tunc enim dicit, prohibitionem accipi, ex communi judicio, factam tantùm sub veniali. Imò addit ibi cum *Mol.* quòd semper excusari possint venatores à restitutione, quando pœna injuncta est, quia illam tantùm videntur tunc principes intendere.

606. — **Quær. 4.** utrùm venatio ecclesiasticis prohibita sit? *Ex c. 1. de clerico venatore* sic habetur: *Episcopum, presbyterum, aut diaconum canes, aut accipitres, aut hujusmodi ad venandum habere non licet; quòd, si quis talium personarum in hac voluptate sæpius detentus fuerit, si Episcopus est, tribus mensibus à communione: si presbyter, duobus: si diaconus, ab omni officio suspendatur.* In quo notandum 1. quòd hanc prohibitionem communiter intelligant DD. de venatione clamorosa cum strepitu, ut *Salm. de just. et jur. c. 2. punct. 6. §. 2. n. 64. et Laym. d. l. n. 15. cum Abb. et aliis Canonistis.* Tridentinum tamen sess. 24. c. 12. circa finem generalius loquitur: *Ab illicitisque venationibus, aucupiiis, etc. abstineat.*

Notandum 2. quòd etiam venatio clamorosa non est vetita sub gravi, nisi sit frequens: ut ex *textu cit.* et insuper sit cum scandalo, vel magnis expensis. Ita *Less. et Vasq. ap. Lugo de just. d. 6. sect. 6. n. 51. et Pal. Reb. apud Salm. l. c.* Idem tenent *Spor. de 7. præc. c. 1. n. 15. et Mol. apud Lugo. ib. et Caj. Ab. ac Sa, apud Laym. l. c. n. 15.* qui dicunt, ex sola causa venationis, nisi aliud adjunctum sit, non esse de facili.

clericum damnandum peccati mortalis. Ratio, ut ajunt, quia talis venatio de se est gravis deordinatio, idque arguitur ex ipso canone suprâ citato, ubi imponitur pœna suspensionis ferenda, et ad tempus; talemque suspensionem testantur hodie non esse in usu. Imò sentit *Laym. l. c. cum Less. Sa, Val. etc.* quòd fieri possit, ut talis venatio omni culpâ vacet, si sit rara, et moderata; vel si sit causa necessitatis, vel exercitii. Proinde doctus Neotericus auctor libri, cui titulus (*Istr. per li nov. conf.*) ait, venationem non clamorosam ad honestam recreationem omninò esse licitam; clamorosam verò, juxta communio-riorem sententiam, ratione canonum non esse de se peccatum mortale, nisi adsit contemptus, aut contumacia.

Strictiùs autem venatio clamorosa velatur religiosis *Clem. 1. §. Porro de stat. monach.* Sed iis, præciso scandalo, dicit *Pal.* nec etiam esse peccatum grave. Et hoc admittunt *Sulm. d. n. 64.* si bis, vel ter contingat, et sine magno strepitu fiat.

DUBIUM VI.

DE REBUS, QUÆ DEBENT RESTITUI?

ARTICULUS I.

Quid debeat restitui ab inferente injuriam materialem tantum, sive a possessore bonæ fidei.

607 *Ad quid teneatur possessor bonæ fidei?*

608 *Quid, si acceperit à fure, qui potens sit ad restituendum?*

609 *Vide alios casus.*

610 *Quos fructus tenetur restituere possessor bonæ fidei?*

611 *Quid, si acceperit rem commixtam cum bonis furis?*

612 *Quid, si per illam acceptionem fur factus sit impotens ad restituendum?*

613 *Quid, si quis projiciat in mare gemmam, quam putabat valere decem aureis, si illa valebat centum?*

607. — **R**esp. qui bonâ fide damnum intulit, aut possidet aliquid, de quo postea melius cognoscit; tenetur, ne incipiat esse possessor malæ fidei, et detinere alienum, id tantum, et non plus restituere, quod ex ea re ipsi sum-
Tom. III.

» perest, unâ cum ejus fructibus, si extent, vel quatenus inde
 » factus est ditior; præterquam, si dominium sibi compara-
 » verit per legitimam præscriptionem (1). Ita communiter
 » doctores *Mol. Sanch. Less. l. 2. c. 6. Bon. d. 1. q. 1. p. 1.*
 » *Laym. l. 3. t. 2. c. 2.*

Unde resolves :

« 1. Si vestem v. g. bonâ fide donatam à fure aut alio
 » portaveris, et serè attriveris, ac postea dominus compa-
 » reat, tenêris eam, aut æqualem ei restituere, et insuper
 » persolvere, quantum attrita est, si aliàs vestem æqualis
 » valoris attrivisses; si autem eam amiseris, aut ablata tibi
 » sit, etc. ad nihil tenêris, *Bonac. l. c. Laym. num. 1. Vide*
 » *Trull. lib. 7. cap. 11. dub. 1.* Si autem res, quam à fure
 » bonâ fide accepisti (sive donatione, sive emptione) sit usu
 » consumptibilis, eamque cum tuis miscueris, ita ut discerni
 » nequeat; etsi deinde deprehendas furtivam fuisse, non tenê-
 » ris restituere. *Nav. Sylv. Sayr. Less. Bon. d. 1. q. 3. p. 1.*
 » quia per istam commixtionem bona fide factam est in re
 » translatum dominium, ut colligitur ex *l. Si alieni nummi.*
 » *ff. de solut.* Neque est ratio, cur hæc potius quàm illa pars
 » censeatur aliena: atque adeò perit obligatio realis, et tan-
 » tùm manet personalis in venditore. *Vide Dianam p. 4. tr.*
 » *4. r. 66. Trull. l. 7. c. 11. d. 3. Less. l. 2. c. 20. d. 18.* ubi
 » addit, esse valdè probabile, juriq. naturæ conforme,
 » quòd verus dominus rei illius ablatae, et permixtae (quam-
 » diu totus cumulus extat) retineat jus in re, ut ex illo cu-
 » mulo sibi satisfiat ante alios, imò possit ex eo occultè
 » accipere. »

Hoc intelligendum est, quòd in tali casu semper teneris red-
 dere domino id, in quo factus es ditior, etiamsi latro potens
 sit ad restituendum; quia nemo lucrari potest cum jactura

(1) Jus novum possessori bonæ fidei omnes fructus sive extantes sive con-
 sumptos adjudicat, licet inde factus sit ditior. En cod. civ. dispositiones :

Art. 549. Simplex possessor non facit fructus suos, nisi possideat bonæ fide :
 quæ si absit, tenetur domino vindicanti restituere rem cum fructibus.

Art. 550. Possessor verò est bonæ fidei, dum possidet tamquam proprietaria
 virtute alicujus tituli translativi dominii, cujus vitia ignorat.

Edit.

alterius. Vide *Tamb. de rest. c. 3. §. 4. Bon. d. loco n. 3.* qui hoc pro certo supponunt. Sed quoad mixtionem vide *n. 498. et 499.*

608. — Dicunt *Bann. Led. et alii ap. Salm. de restit. c. 1. punct. 3. §. 1. n. 45. in fine*, quod accipiens rem consumptibilem, v. gr., pecuniam bonâ fide à fure, non tenetur illam, etiamsi extet, domino reddere, si fur potens sit ad restituendum, quia pecunia furis est obnoxia jam restitutioni pariter, ac illa furtiva, cum dominus non habeat jus ad illam specie pecuniam petendam à fure. Sed hæc opinio non videtur mihi probabilis, cum ratio non probetur; nam dominus numquam censetur amittere jus in pecuniam suam in specie, cum nulla sit major ratio in aliis, quam in rebus usu consumptibilibus.

609. — « 2. Milites, bonâ fide militantes, intellectâ postea belli injustitiâ, id tantum restituere debent, quod adhuc habent ex præda, et quo facti sunt ditiores. *Bon. loc. cit.* »

« 3. Qui bonâ fide per inculpatam ignorantiam celebravit contractum, quem postea usurarium esse cognoscit, non ad plus tenetur, quam quo factus est ditior. *Vide Laym. l. 3. tr. 2. c. 3.*

« 4. Possessorem bonæ fidei, si adhibitâ diligentiam inclinet in eam partem, quod res non sit sua, teneri aliquid restituere juxta inclinationem, docet *Con. d. 3. d. 10. n. 59. At Pal. t. 1. d. 2. p. 2. n. ult.* putat, cum ad nihil teneri, quia possessor, contrariis rationibus non convincentibus, præponderat. Idem docent *Vasq. ap. Escob. t. 2. c. 3. n. 154. Dian. p. 4. t. 3. r. 24. et 26.* Si neglexerit investigare veritatem, et deinde sciri non possit, dicit *Pal. loc. cit.* ad nihil cum teneri. » (*Vide dicta lib. 1. n. 37.*)

« 5. Si bona fide rem vendideris dono tibi datam, tenêris restituere pretium quia factus es locupletior, et satis debet esse tibi, non habere te minus, quam antè. Quod si tamen apud alterum res sit, is reddere tenetur. *ib. et Vasq. c. 9. §. 2. Mol. Less. l. 2. c. 14. d. 3.*

« 6. Si bonâ fide rem ipse emiseris, et vendideris sine lucro, nihil tenêris restituere, sed solus is, apud quem res est. *Mol. l. c. Less. l. 2. c. 14. d. 1. contra Vasq. etc.*

» 7. Si rem alienam bonâ fide donaveris, non donaturus aliam, si hanc non habuisses, ad nihil tenêris; quia non es factus ditior; secus si aliam donaturus fuisses (quia tunc,

» parcendo tuæ, factus est ditior); vel si aliquid acceperis in
» remunerationem. *Bonac. Trull. l. 7. c. 11. d. 1.*

» 8. Si alienâ re lucratus sis, tamquam instrumento, v. gr.
» frumentum alienum aliò deportatum vendideris: vel pecu-
» niam alienam negotiationi exposueris, non tenêris illud
» lucrum restituere; quia non est fructus rei alienæ, sed
» tuæ meræ industriæ: tales enim fructus dicuntur meræ
» industriæ, quos ipsa natura ex se nullo modo gignit, sed
» tantum concurrat, ut instrumentum operantis. *Laym. l. c.*
» n. 3. ex *S. Thom. etc.*

610. — » 9. Fructus omnes rei, sive ii sint merè naturales
» hoc est, qui vix ullo hominum labore egent, ut factus ani-
» malium, arborum, herbæ, et gramina; sive sint simul
» industriales, sive mixti, hoc est, ad quos æquè, aut ma-
» gis hominum labor cum natura concurrat, ut verbi gratiâ
» segetes, et quæ serendo gignantur: item vinum, oleum,
» lana, etc. quo etiam referuntur pretia locationis damnorum,
» jumentorum, etc. qui fructus civiles appellantur: hi, in-
» quam, fructus rei, si percepti, et extantes sint, domino
» restitui debent, deductis tamen expensis propriis, et æsti-
» matione laboris.» (*Sed vide infra n. 825. v. Benè autem,*
ubi dicemus cum Molina, La Croix, et communis, quod fruc-
tus mixti à possessore tam bonæ, quàm malæ fidei non de-
beant restitui, nisi in quantum respondent naturæ, non verò
in quantum respondent industriæ.) «Et quidem pretium lo-
» cationis ex re aliena debet domino restitui, licet is rem,
» si penes se habuisset, non fuisset locaturus. *Vide Laym.*
» *l. c.* » (*An tenearis restituere pretium libri alieni locati?*
Negat Laym., quia liber non videtur de se aptus ad gignen-
dos fructus. Sed verius tenendum oppositum cum P. Conc.
tom. 7. pag. 110. n. 3. Salmant. de rest. cap. 3. punct. 3. §. 4.
n. 70. qui citant Lugo, Prado, Sanch. et Less. Et idem dicen-
dum de veste, torque aureo, equo, et simili, quia, licet non
sint aptæ ad fructus gignendos, sunt tamen per se locales.)
» Si tamen fructus isti reales bonâ fide possessi fuerint tem-
» pore à lege præscripto ad usucapiendum illos (quod si adsit
» titulus, est biennium inter præsentés, inter absentes qua-
» driennium: si autem non adsit titulus, anni 50 cum bonâ
» fide), non sunt restituendi: quia usucapio transfert domi-
» nium. *Salon. Trull. l. 7. c. 11. d. 3.* » (*Ita Lugo, Less. Cajet.*

Sot. Mol. et alii communiter; vide dicta n. 517. Quoad verò prescriptionem et ejus requisita, vide quæ fusè diximus hbc lib. 4. ex n. 504.).

611. — « 10. Si à fure acceperis (sive bonâ, sive malâ fide)
 » rem usu consumptibilem, v. gr. vinum, oleum, triticum,
 » cum propriis ipsius furis rebus permixtum, ita ut discerni
 » non possit, non tenêris restituere, si fur ad restituendum
 » sit potens, quia fur per commixtionem istius rei cum pro-
 » pria acquisivit ejus dominium, atque adeò illud tamquam
 » verus ejus dominus potuit transferre. *Navarrus, Sanch.,*
 » *Less. Bon. Trull. l. 7. c. 11. d. 5. Vide Diana p. 2. tr. 5.*
 » *misc. r. 40.* » (*Ita etiam dicunt Salmant. ibid. c. 1. punct.*
3. §. 1. num. 46. cum Sanch. Reb. Dic. etc.)

612. — Sed quid; si receperis à fure rem jam commixtam cum illius bonis, et per illam tuam acceptionem fur factus sit impotens ad restituendum? *Sporer de 7. præc. n. 250. et Tamb. de rest. c. 3. §. 4. n. 26.* ajunt probabile esse, quod dicunt *Less. Mol. etc.* ad nihil tenêri donatarium qui accipit rem à debitore non solvendo, quia debitor dat rem suam, et damnum per accidens creditoribus obvenit: quapropter, cum debitor per illam commixtionem, quæ æquivalet consumptioni, jam acquisierit totale dominium cumuli, ut dicunt *Lugo de just. d. 6. n. 172. Sanchez Dec. lib. 1. c. 25. n. 54. et Tamb. loc. cit.* Idcò probabile esse dicunt *Tamb. et Spor. ll. cit.* quòd donatarius possit rem illam accipere, et retinere. Sed huic opinioni obstat primò id, quod valdè probabiliter docent idem *Less. lib. 2. cap. 10. n. 157. et Salmant. de contract. cap. 3. punct. 12. n. 110. cum Trull.* ut dictum est numero 499. vers. *Notandum, contra Lugo, Sanch., etc.* nempe, quòd, cum cumulus ille extat, sive apud debitorem, sive apud alium, dominus rei permixtæ habet jus in rem, retinetque verum dominium in illo acervo unâ cum debitore. Quâ sententiâ positâ, donatarius, rem illam permixtam accipiens, semper teneretur ad restitutionem, quia tunc non acciperet rem donantis, sed alienam. Sed magis obstat sententia, quam verioreni putamus, et referemus n. 722. contra *Less. et Mol.* ut suprâ, scilicet omninò peccare contra justitiam accipientem rem à debitore non solvendo creditoribus, quia efficaciter influit in aliationem rei cum creditorum detrimento. Hinc dicimus in casu proposito cum *Sanch. dict. n. 54. eod.*

Tamb. et communi sententia ap. Sporer l. c. accipientem tenèri domino rem permixtam restituere.

613. — Quæritur hic, ad quid teneatur, qui in mare projecit gemmam putans valere decem aureis, si illa reverà valebat centum?

Prima sententia dicit, eum tenèri ad centum, quia injustè damnificans eum culpa mortali tenètur ad omne damnum factum, licèt ignoratum. Ita *Lugo de just. d. 8. n. 63. Pallavic. ac Ills. apud Croix l. 3. p. 2. num. 194.* et aliqui docti juniores.

Secunda sententia tamen, quam sequuntur *P. Holz. de rest. n. 344. Pontius in cursu Theol. d. 52. qu. 2. Concl. 2. n. 6. Croix l. c. cum Dicast. Mazzott. de rest. tr. 4. d. 1. q. 5. c. 5. q. 3. Espars. qu. 34. Diana p. 11. tr. 2. r. 34.* et alii docti juniores, dicit, eum tenèri tantum ad decem, modò invincibiliter credat, gemmam non pluris valere, et ne in confuso quidem dubitet de ejus reali valore; quia non censetur volitum damnum illud, quod non est cognitum; idèò quoad illum excessum deest voluntas damnificandi. Et satis probabilis hæc sententia mihi videtur; rationem enim à principiis petendo, dico, quòd secundum omnes ad restitutionem requiritur culpa theologica; et tanta est culpa quanta invincibiliter apprehenditur. Ita ut ille, qui proximo damnum infert, plus aut minus peccet, quantò plus vel minus æstimat damni valorem. Juxta autem culpam correspondere debet obligatio restitutionis. Si igitur culpa sit tantum pro decem, obligatio restitutionis nequit esse pro centum; ipse enim *Lugo loc. cit.* fatetur, quòd si damnificans putet rei valorem esse levem, et eam destruat, non teneatur (saltem sub gravi) ad integrè restituendum, quia deest injuria gravis erga dominum. Ob eandem ergò rationem ille, qui apprehendit invincibiliter, rem valere minus sui veri valoris, non tenetur excessum suæ æstimationis restituere, cum gravior injuria desit: nam est commune axioma apud philosophos, quòd, *sicut se habet simpliciter ad simpliciter, ita magis ad magis.* Nec obstat dicere, quòd damnificans tenetur ad omne damnum illatum; hoc enim intelligendum est, modò damnum illud sit aliquo modo, saltem in confuso, animadversum, ut cæterum ordinariè accidit; non verò, si prorsus invincibiliter fuerit incognitum, ut advertunt *Croix dict. num. 194.*

Mazzotta loc. cit. c. 2. num. 4. et P. Holzm. de rest. tr. 2. n. 592. Salm. de rest. c. 4. punct. 9. §. 1. num. 118. et 124.

ARTICULUS II.

Quid debeat restitui ab inferente injuriam formalem, seu malæ fidei damnificatore, seu possessore.

614 *Ad quid teneatur possessor malæ fidei?*

615 *Circa solutionem gabellarum. Quæritur I. Quis possit tributa imponere? Quær. II. Quæ requirantur ad justitiam tributi impositionem?*

616 *Quær. III. An fraudantes gabellas peccent, et teneantur ad restitutionem? Quæritur IV. An teneantur solvere gabellam subditi deferentes ad usum proprium? Et an pauperes?*

617 *Quær. V. An populi in dubio de justitia tributi teneantur ad ejus solutionem? Quær. VI. An creditor Regis possit fraudare gabellam alteri locatam, aut venditam? Qu. VII. An emens mercem à defraudante gabellam teneatur ad ipsam?*

618 *An dominus possit sibi retinere expensas utiles in re factas à fure? Et an fur teneatur ad omnia damna, saltem confusè prævisa?*

619 *Cui crescat pretium rei ablata?*

620 *Quid, si apud furem pereat res, quæ æquè perierat apud dominum?*

621 *Quid, si quis occidat agnum alterius, qui postea pluris valisset? Et quid, si fur consumat tempore majoris pretii agnum, quem dominus tempore vilioris erat consumpturus?*

622 *Quid, si quis se fingat pauperem?*

623 *Quid, si quis consumat rem alienam in extrema necessitate?*

624 *Quid, si consumat rem mutuatam?*

625 *Quid, si quis emat rem alienam cum dubio?*

614. — **R**ESP. Id juxta supradicta æstimandum à quantitate, tum juris, quod alter habet, tum damni, quod injustè inferitur; cui æquale reddi debet, nisi aliud de damnificati mente, et consensu rationabiliter præsumatur.

Unde resolves :

» 1. Si damnificatus habeat jus in re, in qua damnum
» est passus, restitutio ei facienda in solidum; si autem tan-
» tum habeat jus ad rem, restitutio facienda est pro quan-

» titate juris, consideratis circumstantiis: quia non debetur
» solidus valor rei, quæ expectabatur; cum tantum sit in
» spe, et multis modis possit impediri.

« 2. Qui in loco publico suæ civitatis contra justam pro-
» hibitionem pascit, vel ligna cædit, non tenetur ad resti-
» tutionem, nisi communitati graviter nocuerit, v. g. stirpes
» incidendo, arbores ædificiis idoneas sternendo: quia ratio-
» nabiliter præsumitur mens reipub. non esse, suis membris
» usum publicorum locorum rigidius prohibere, quam sub
» multa solvenda, ensu quo deprehendantur, » (*cum Laym. de just. c. 5. n. 18. ; hinc ad nihil teneretur ante sententiam. Vide dicta n. 529. Quæst. 1.*)

« 3. Gravius tamen peccaret, et teneretur ad restitutionem,
» si quis pasceret in loco alicujus privati; etsi etiam hic præ-
» sumi aliquando possit de consensu domini, qui sæpè non
» intendit, ut fiat restitutio, sed ut deprehensus pœnam luat.

« 4. Qui venantur, vel piscantur in locis alteri locatis,
» vel aliis prohibitis (saltem si ea conclusa, vel circumsepta
» non sunt) non peccare mortaliter, nec teneri ad restitutio-
» nem, docet *Dian. ex Less. Dicast. etc. p. 9. t. 9. res. 59. contra Bon. etc.* » (*Vide dict. num. 604. et 605.*)

« 5. Etsi probabilius sit, et in praxi communiter tenen-
» dum, peccari mortaliter circa vectigalium fraudationem,
» ex eaque oriri obligationem restitutionis: non omnino tamen
» improbabilius id alii quidem negant, eò quòd consuetudo
» interpretetur, non esse mentem legislatorum ad aliud obli-
» gare, quam ut deprehensi mulcentur. *Vide Nav. c. 25. Sa v. Gabella, Bonac. q. 9. p. 1. n. 5. ex Navar. Fill. t. 28. n. 11. Less. Mol. d. 9. Dian. tr. de leg. res. 19. Laym. lib. 3. t. 3. p. 1. c. 8. n. 4. et 5. vide etiam Dian. p. 1. t. 11. res. 58. et p. 2. t. 17. r. 58. ubi ex Cajet. Med. Soto, etc. docet, non esse negandam absolutionem pœnitenti, qui defraudavit gabellas, seu vectigalia imposita rebus iis, quæ emuntur, non ad negotiationem, sed ad usus proprios, vel familiæ necessaria, v. gr. panis, carnibus, piscibus, frumento, oleo, etc.* »

Circa hanc tributorum materiam plures hic quæstiones sunt enucleandæ.

615. — Quær. I. Quis possit tributa imponere? Resp. pos-
sunt imperatores, reges, respublicæ, omnesque principes

supremam habentes potestatem. Possunt etiam concilia et Pontifex, ex potestate indirecta disponendi de temporalibus, quando id opus est ad regimen spirituale; ita communiter *Less. lib. 2. cap. 33. n. 12. Mol. d. 666. Lugo de just. d. 56. n. 3. et 4.* Possunt etiam ii, quibus princeps gubernandi potestatem impertitur, et expressè simul hanc facultatem tributa imponendi, ut *Lugo n. 6. et Sanch. Cons. lib. 2. cap. 4. dub. 3.* Possunt item civitates, et communitates adhuc subditæ aliquando imponere contributiones, sive *collectas* ut vocant, ad sui gubernationem, si princeps saltem non contradicat, quo tacitè consentire videatur: *Lugo n. 8.* An autem principi infideli debeantur tributa à christianis negotiantibus vel transeuntibus? Resp. debentur, si iusto titulo ille regnum possidet; secus si injusto, nisi præcedat pactum de aliquo tributo solvendo; *Sanch. l. c. d. 5. et Lugo n. 16.*

Communissimè autem docent *Molina loc. cit. Less. dub. 2. num. 14. Lugo n. 14. Sanch. dict. c. 4. dub. 4. cum Sylv. Panorm. Ang. etc.* quòd benè possit consuetudine ab aliquo principe acquiri jus, tam exigendi, quàm imponendi tributa.

Quæritur II. Quæ requirantur conditiones ad justii tributi impositionem? Prima conditio est *justitia causæ*, quæ non est quidem abundantia, vel utilitas principis, sed necessitas boni communis, ad quod meritò pertinet etiam sustentatio principis, juxta ejus dignitatem. Hinc, si princeps nequeat alià viâ suæ necessitati subvenire, etiamsi ipse suâ culpâ in talem necessitatem devenerit, adhuc tenentur subditi contribuere, ut communiter docent *Molina d. 667. Less. cap. 33. n. 48. Sanch. Cons. lib. 2. c. 4. dub. 2. n. 8. Lugo d. 56. cum Vasq. et aliis contra S. Anton. Host. Hen. etc.* Notant tamen præfati AA. debère tunc principem moderari sumptus, quantum fieri possit, imò et resarcire damnum subditis, si ad pinguïorem venerit fortunam. Unde benè monet *Molina l. c.* peccare utique principes, si excessivis sumptibus, et largitionibus, periculo se committunt excedenter gravandi subditos.

Secunda conditio est *proportio tributi* cum necessitate occurrente, nempe ut populus non magis gravetur, quàm ejus bonum postulet. Hinc ait *Lugo n. 21.* non posse principem, ut regnum sibi conservet, propter expensas belli subditos adco gravare, ut eos in magnam paupertatem conjiciat, non enim regnum est propter regem, sed rex propter regnum;

nisi (benè excipit) alter princeps, qui regnum invadit, sit infidelis, vel hæreticus, ita ut sub ejus regimine gravissima timeri possint religionis domna subditis imminere. Notant autem *Lessius c. 33. num. 49*; et *Lugo n. 22. cum Victoria* justè posse principem subditis, qui rebellârint, absque alia necessitate novum imponere tributum, partim ad compensandum damnum, ab ipso propter rebellionem passum, partim in justam criminis commissi pœnam.

Tertia conditio est *æqualitas in personis*, nempe, quòd si qui majores vires habeant, plus solvant, et minùs, qui minores, vide *Lugo n. 23*. Sed dubitatur, an *assistium*, impositum ob utilitatem alicujus loci, justè exigatur ab exteris? Negant *Sylv. Cajet. Ang. etc. apud Sanch. dicto cap. 4. dub. 45. n. 6*. Sed communiter et probabiliùs affirmant *Sanch. n. 9. Mol. d. 669. num. 3. et Lugo n. 28. v. Secundo, cum Vasq. et aliis*; tùm quia non apparet alius modus convenientis colligendi tributum, aliter difficulter poterunt exteri à civibus dignosci; tàm quia sic in populis invicem consuetudo servatur; insolæ enim hujus loci, cùm ad alios confluunt, etiam tributa illorum locorum solvant.

646. — Quæritur III. An fraudantes gabellas peccent, et teneantur ad restitutionem?

Prima sententiâ communissima, et probabilior affirmat, hæcque tenent *Sanch. Dec. lib. 6. cap. 4. n. 62. Mol. d. 674. La Croix lib. 1. p. 2. n. 669. Conc. t. 6. pag. 420. Viva de rest. q. 7. art. 7. n. 1. Ronc. eodem tit. c. 10. q. 4. Holz. de leg. n. 358. Diana p. 1. tr. 10. r. 19. cum Suar. P. Nav. Led. Graff. Vega, etc. Less. cap. 33. n. 57. cum Cajet. Arm. Mod. Cov. etc. ac Lugo d. 56. n. 58. et 59. cum Soto, Sylv. Gabr. Cord., etc. Probatur 1. ex illo Matt. c. 22. v. 21. Reddite ergò quæ sunt Cæsaris Cæsari, etc. Et ex Apost. ad Roman. c. 13. v. 6. et 7. Ideò enim et tributa præstatis; ministri enim Dei sunt, in hoc ipsum servientes. Reddite ergò omnibus debita, cui tributum, tributum; cui vectigal, vectigal. Probatur 2. ratione, quia, sicut rex tenetur vacare salutis populi, administrationi justitiæ, et aliis oneribus, sic contrà tenetur populus ex justitia, et de jure naturali solvere principi vectigalia ad ejus sustentationem.*

Secunda sententiâ verò negat, et eam tenent *Navarr. Man. cap. 23. n. 55. et 60. Angel. v. Peduqium n. 6. Beja in*

resp. p. 1. Cas. 13. Duard. in comment. bull. Cœnæ lib. 2. Can. 13. q. 12. n. 9. ubi fusè istam tuetur, et respondet ad contraria argumenta; et probabilem putant Bossius p. 1. §. 24. n. 290. et 296. cum Sayr. et Sancio, ac Diana l. c. cum Sa, et Malder. qui dicunt, defraudantes vectigalia non esse à confessariis urgendos ad restitutionem. Ratio, quia, licet subditi, per se loquendo, de jure naturæ teneantur principi congruum subsidium ministrare, non tamen tenentur sub culpa ad eas gabellas, quæ ab ipso sub pœna magna sunt impositæ, cum justè præsumatur princeps tunc nolle eos obligare ad culpam simul, et pœnam, nam *leges humanæ* (ait Navarrus) *etiam præcipientes, quæ pœnam temporariam constituunt, in dubio ad æternam non obligant; quatenus sunt leges ejus, qui pœnam statuit.* (Cujus sententiæ sunt etiam alii, citati lib. 1. n. 147.) Obligatio autem subditorum solvendi vectigalia principi, quoties ea defraudant, compensatur illi cum obligatione pœnæ, cui subditi subjiciuntur. Unde videtur principibus satisfieri, si cum tanto eorum emolumento pœna illa defraudantibus irrogetur. Quod eò magis præsumendum videtur, quò (ut quidam doctus recentior dicebat) solutiones gabellarum certò excederent principum necessitatem, si subditi integras impositiones solverent. Præterea adhuc in sententia (communiori quidem, et probabiliori) non dari legem mixtam, nempe, quæ præcipit, et pœnam imponit, quæ non obliget ad culpam; nihilominus in præsentī casu, existente lege, quæ præcipit, ut solvatur gabella, et pœnam injungit non solventibus, dici potest, quòd tunc peccat fraudans, quando, non solutâ gabellâ, nollet etiam post confiscationem solvere pœnam: lex enim hæc videtur conditionalis, sive disjunctiva (juxta id, quod dicit Sanch. Cons. lib. 1. cap. 3. dub. 1. n. 22. cum Salon. Cord. Ang. Mercad. Met. et aliis) ut solvatur gabella, aut pœna. Quod hic magis videtur præsumendum in hujusmodi pœnis lucrativis pro rege, in cujus beneficium cedunt, quàm in aliis, tantum afflictivis. Saltem dubium est, an lex ista obliget sub culpa ad utrumque, scilicet ad solutionem gabellæ, et pœnæ; vel tantum pœnæ, et in dubio nemo tenetur obligationem certam subire. Nihil autem obstat dicere, quòd talis defraudatio esset in damnum emementium hujusmodi tributa; nam respondetur, subditos non plus tenèri quoad ga-

bellas erga ipsarum emptores, quam erga regem vendentem; ipsis autem imputandum est, si non invigilent; nam sub tali conditione gabellas emunt, et, si in alio amittant, in alio lucrantur propter poenam contraventionis. Hæc dici possunt pro hac secunda sententia; an autem propter has rationes (quæ cæterum non videntur contempendæ) ipsa sit sufficienter probabilis, sapientioribus me remitto (1).

Sentit autem *Sanch. Cons. cap. 4. dub. 10. n. 7.* neminem, qui palam, et rectâ viâ transit, tenèri solvere vectigalia, ratione transitûs per portam, vel pontem, quæ imponantur pro assecuratione viarum; durissimum enim esset obligare advenas ad scienda hæc statuta in portis, vel pontibus. Et hoc probabile putat *Sanch. n. 12.* cum alijs, etiamsi quis consultò merces, aut se occallet, quia hujusmodi tributa ita sunt recepta, ut non debeantur, nisi petita. Generaliter verò loquendo de omnibus vectigalibus, putat *Lugo d. 56. n. 43. cum Mol. d. 674. n. 9.* monendos esse populos ad tributa solvenda, sed post factum non esse cogendos ad restitutionem tributi defraudati, si probabiliter sibi suadeant in tanta vectigalium multitudine, se aliquid injustum solvisse, vel competenter contribuisse ad publicas necessitates.

Quæritur IV. An teneantur solvere gabellas subditi deferentes res ad usum proprium? Et an pauperes?

Certum est de jure apud omnes, nullum debèri vectigal de rebus cuique deservientibus ad usum proprium et familiæ, ut expressum habetur in *l. Universi C. de vectigal.* Et confirmatur in *cap. Quamquam de censib. in 6.* ubi: *Quamquam pedagogiorum exactiones regulariter meritò sint damnatae.* Quod tantum de rebus ad usus proprios fortè dispositum putat *Lug. d. 36. n. 88. in fin.* Unde refert *Sanchez. Cons. lib. 2. c. 4. d. 44. n. 2. cum S. Ant. Jason. et Gabr.* hujusmodi vectigal non esse solvendum, nisi expressè imponatur etiam deferentibus bona ad usum proprium, quia, cum sit res odiosa, et contra jus commune, expressè indiget mentione. Sed dubium hinc oritur, an solutio hujus vectigalis possit per consuetudinem induci?

(1) « Ego, inquit *S. Alphonsus in Hom. Ap. 4r. 10. n. 67*, non omitto primam sententiam suadens. »

Prima sententia negat, et hanc tenent Cajetanus v. Vectigal, sub initio, Sotus de justit. lib. 3. quest. 6. art. ult. v. Causa, et Host. Angel. Tab. Led. ac alii apud eundem Sanch. l. c. n. 4. Quia (ut ajunt) injustum est gravare pauperiores, cum isti pluribus indigeant ad usum proprium.

Secunda sententia verò affirmat, eamque tenent Lugo de just. d. 56. num. 71. Less. cap. 53. d. 7. et Sanch. n. 6. cum Nav. S. Anton. Angles, Sylv. Gab. et Rosell. Quia talis consuetudo (quæ instar legis obligat) non esset quidem injusta, non enim gravarentur magis pauperes, quàm divites, dum divites ob majorem copiam famulorum, quos alunt, et majorem sumptuum largitatem plus emunt, quàm pauperes. Dicunt tamen Lessius l. c. et Sanch. n. 7. cum Corduba, etc. quibus adheret Lugo dicto n. 27. et 71. ad talis vectigalis justitiam requiri causam urgentissimam, et non ingerendum scrupulum defraudantibus, nisi de ejus justitia constet.

An autem pauperes teneantur ad vectigalia? Dicunt Lugo dicta d. 56. num. 69. cum Bartholo, et Decio, Less. lib. 2. c. 53. n. 62. ac Sanch. d. 13. n. 2. cum Sylv. Baldo, Felin. Rosella, Panorm. Gigas, Isern. Baez. etc. quòd, si paupertas in aliquo eò deveniret, ut hic non posset alere se, et suos, etiam cum medioeri lucro ex negotiatione, vel quia habet multos filios, aut debita, vel propter alias necessitates, non tenetur solvere gabellas; quoniam hoc postulat naturale jus, ut quis prius alat se, et suos, deinde tributa solvat. Subduntque Sa. et alii AA. citati, etiam ministros posse eas remittere alicui ob nimiam paupertatem, cui ipse princeps remittere præsумitur.

617. Queritur V. An populi in dubio de justitia tributi teneantur ad ejus solutionem? Plures sententiæ, nam in dubio negativo affirmant eos teneri Less. lib. 2. cap. 53. dub. 8. n. 64. ac Sotus, Palac. Malder. etc. apud Lugo d. 56. n. 86. Ratio, quia in dubio præsумendum est pro justo præcepto principis, cujus auctoritas est in possessione præcipiendi. Sed negant Molina d. 674. n. 6. et 9. concl. 3. Diana t. 3. tract. 3. r. 39. cum Villal. Aray. Fill. etc. Lugo de justit. d. 56. n. 89. et Sanchez Cons. l. 2. c. 4. dub. 6. num. 5. cum S. Antonin. Host. Cajetan. Sylv. Gabr. Med. Cord. Arm. Tab. Ang. etc. Id tamen intelligendum putat Lugo, si adsit aliqua præsumptio de injustitia tributi, quia tunc dubium illud non

erit merum dubium, cum præsumptio fundet partem contrariam: quando enim tributum nequit judicari justum, saltem probabiliter, non videtur (ait *Lugo*) obligandus subditus ad solutionem; in dubio enim onus probandi justitiam tributi incumbit principi, qui petit illud. Hinc limitant præfati AA. suam sententiam, ut procedat de tributis novis, quarum seitur initium causæ: non verò de antiquis, quarum causæ non est memoria, et ideo præsumenda sunt justa; nisi (ait *Molina dicto n. 6.*) semper adfuerit gravis suspicio, sive conjectura de ejus injustitia, vel de cessatione causæ. Probant autem dicti auctores præfata secundam sententiam ex c. *Pervenit de censib.* ubi dicitur, census, cujus causa ignoratur, non debèri, his verbis: *Oportet, ut omnis census ad quid et quando persolvi debeat, præsciatur.* Item ex c. *Quamquam, de censib. in 6.* ubi: *Quamquam pedagiarum exactiones regulariter meritò sint damnatæ, tantò tamen districtius, ne ab ecclesiasticis exigantur, prohiberi oportet.*

Dicas: Lex in dubio præsumitur justa, ita et tributum. Respondet *Lugo n. 90.* non eandem fieri præsumptionem pro lege, quam pro tributis, quorum plura à viris probis censentur injusta, quia (ut notat *Molina d. num. 6.*): *Rari sunt, qui veritatem in hac materia principibus dicant, cupientes eis placere; et populi non audent se opponere, neque sufficienter audiuntur.* Non est ergò (subdit *Lugo*) præsumptio illa ita fundata in lege tributi, ut dubia expellat, cum tot gravissimi DD. dicant, pauca esse tributa, in quibus conditiones omnes ad eorum justitiam necessariæ de facto concurrant. Neque obstare dicunt regulam illam, quòd superiori præcipienti in dubio parendum sit; omnes enim, dicit idem *Lugo dict. n. 90. v. Dices*, fatentur subditum non tenèri in dubio ad obediendum, quando præceptum est nimis difficile, vel grave illi damnum affert; et ita etiam docent *Less. lib. 2. cap. 31. n. 10. et cap. 41. n. 77. in fin. Sotus de Teg. secret. Membr. 3. qu. 2. conclus. 2. Cordub. lib. 3. qu. 6. et Sanch. loc. cit. et Dec. lib. 6. cap. 3. n. 24. cum Arag. Bann. Tap. Sayr. Met. Lop. Man. Rodrig. Henriq. Salas, etc.* Ratio, quia in dubio favendum est ei, de cujus damno agitur; tunc enim difficultas illa, unà cum dubio de potestate imperandi, præponderat possessioni superioris. Confirmant eandem sententiam plures juristæ apud *Sanch. Cons. dicto num. 5. ut Bar-*

tholus, *Corneus*, *Decius*, etc. dicentes, quod; cum tributum sit res odiosa, judicandum est, in dubio non esse solvendum.

Hæc in dubio negativo; quid in positivo, nempe, cum probabile est tributum esse injustum, an teneantur subditi illud solvere? Affirmant *Suarez*, *Vasq.* et *Turr.* apud *Lugo* d. 56. num. 91. Sed communissimè negat *Less.* l. 2. cap. 53. n. 67. asserens, esse communem sententiam DD. cum *P. Navarr.* lib. 3. c. 1. n. 263. Item *Sanch. Dec.* l. 6. c. 3. n. 7. *Laym.* lib. 3. tract. 3. cap. 3. n. 6. *Pal. tr.* 1. d. 2. p. 6. n. 5. *Lugo dicto* n. 91. et *Sporer de* 7. præc. cap. 5. n. 154. cum *Azor*, *Cajet. Sylv.* etc. vocans pariter communem; alique multi, quos congerit *Diana tom.* 1. p. 1. de *Parlam. r.* 22. et p. 2. tr. 3. *Misc. r.* 59. Ratio, quia subditi justè tunc suo jure utitur ad non solvendum, dum probabiles rationes pro se habet. Et huic sententiæ tandem convenit etiam *Suar.* in 3. part. d. 4. sect. 6. n. 6. in fin. ubi fatetur, non esse obligationem obediendi, quando saltem manifestè probabile est mandatum esse supra potestatem præcipientis. Et expressè eam docet *D. Antoninus* p. 2. n. 1. cap. 13. §. 8. ubi sic ait: *Non solventes pedagia, quia sunt instituta ex injusta causa (quod tamen credi non debet, nisi probabiliter sciatur) non peccant, nec tenentur restituere, juxta Raymundum.*

An autem peccent exigentes publica tributa in dubio, an sint justa? Affirmant *Mol. loc. cit.* n. 7. et *Sanch. Cons. lib.* 2. cap. 4. dub. 7. n. 2. cum *Navarr. Sylv. Caj. Ang. Arm. Host.* etc. nisi ipsi sint subditi, et à principe ad has exactiones compellantur, ut iidem DD. limitant. Sed *Lugo cum Vasq. et Turr.* n. 93. excusat etiam non subditos, vel subditos non compulso, si exigant judicando regem esse prudentem, nec imponere tributa absque sapientum consilio. Imò *Lugo* n. 28. sentit, non peccare exactorem quando ei de injustitia non constat; potest enim præsumere pro justitia tributi, præsertim in tanta opinionum varietate.

Quæritur VI. An creditor regis, si nequeat debitum recuperare, possit non solvere gabellam, alteri locatam? Negant *Corduba*, *Reginald.* et *Graff.* apud *Lugo* d. 56. n. 72. Sed affirmant communiter *Less. cap.* 53. dub. 10. *Sanch. Cons. lib.* 2. cap. 4. dub. 48. *Molina* d. 674. n. 10. et *Diana tom.* 1. p. 2. tract. 2. *Misc. r.* 16. cum *Navar. Vasq. Sylv. Bon. Turr. Molf.*

Nald. Vega, etc. et consentit *Lugo n. 76.* Ratio, quia conductor majus non habet jus, quam rex; si ergo rex injustè ab hoc creditore tributum exigeret, ita et conductor. Idem dicunt *Less. ib. n. 76. v. Secus, et Lugo n. 82. cum Sylv. P. Navar. et Vega*, si gabella fuerit alteri vendita. Hoc tamen non procedit, ut rectè ait *Lugo n. 80.* quando debitum contractum fuit à rege, postquam gabella fuerit locata, aut vendita.

Quæritur VII. An emens mercem à defraudante gabellam teneatur ad ipsam? Affirmat *Sylv. apud Croix lib. 3. part. 2. n. 276.* Sed probabilius negant *Sanch. lib. 2. cap. 4. dub. 12. n. 3. Lugo d. 36. n. 65. Sporer de 7. præc. n. 151. ac Molina, Less. Bonacina, et Dicast. apud Croix loc. cit.* Ratio, quia gabella non est onus strictè reale gravans mercem, sed est reale simul et personale, scilicet, debitum quidem de tali re, at non à quovis habente rem illam, sed à solo venditore solvendum, qui, factâ venditione, adhuc remanet obstrictus ad solutionem gabellæ. Id tamen intelligendum, ut omnes dicunt, modò emptor non cooperetur positivè ad defraudationem tributi. Item excipiunt *Lugo n. 65. et Sporer loc. cit.* si emptor adverteret, ex hujusmodi frequentibus emptionibus fraudulentis, aliis passim tale exemplum sequentibus, principi grave damnum evenire.

618. — 6. « Cæterùm ordinariè injustus, seu malæ fidei damnificator (1), aut possessor tenetur, non tantùm restituere » rem ablata, et fructus perceptos (exceptis suis expensis » (Sed ex l. Adeò 7. §. Ex diverso. ff. de acquir. dom. possessori malæ fidei negatur actio ad repetendas expensas. Hinc probat Sanchez de matrimon. lib. 6. d. 58. n. 35. et Lugo putat tutam sententiam, posse dominum retinere expensas utiles in re, factas à fure. Attamen Lugo, Molina, Lessius, Palaus, Navarrus, Covarruv. etc. apud Croix lib. 3. part. 2. n. 221.

(1) Art. 1302. Si res furto ablata quomodocumque periit, fur tenetur pretium ejus restituere.

Art. 1379. Qui contra jus rem mobilem vel immobilem acceperit, eam restituere tenetur in se vel in pretio, si ipsa perdita fuit; imo si mala fides intercessit, etiam damnum ex casu fortuito reparandum.

Art. 1381. Possessor malæ fidei expensas rei conservandæ necessarias aut utiles deducere poterit.

Edi.

oppositam merito vocant probabiliorē ; præfata autem lex prout pœnalis non obligat nisi post sententiam » et industria ;
 » sed etiam resarcire damnum emergens , et luerum cessans ,
 » cùm verè sit injusta causa talium damnorum . » (*Etiamsi hæc damna sint ignorata ; modò sint prævisa , saltem confusè , ut advertunt Croix l. 3. p. 2. n. 198. Salm. et alii cit. n. 613. in fin.*) « Unde , si dominus , re suâ retentâ , per cul-
 » turam vel negotiationem percepturus fuisset , ex agro suo
 » aut pecuniâ , centum florenos , et alter parùm , vel nihil ,
 » debet is domino suo satisfacere pro centum illis florenis :
 » quamvis communiter soleant domini plurimum remittere ,
 » si res componatur . *Laym. l. 3. tr. 2. cap. 4. n. 7.*

619. — « 7. Si res aliena , dum injustè detinetur , crescat ,
 » ut si pretium ejus augeatur , domino crescit , ac proinde
 » id ei præstari debet . *Vide Laym. hic lib. 3. t. 2. cap. 4.*

620. — 8. « Si res aliena , dum injustè detinetur , pereat ,
 » aut deterior fiat , idque casu , vel justâ hostium incursione ,
 » vel naturaliter , et certum sit , apud dominum æquè peri-
 » turam fuisse , non tenetur alter restituere : quia nihil novi
 » detrimenti domino apud furem , v. gr. accidit , quod non
 » apud ipsum . Si verò non fuisset peritura apud dominum ,
 » vel saltem nonnisi per injuriam , tunc injustus detentor
 » adhuc tenetur ad restitutionem , licèt sine culpa sua res
 » perierat . *Laym. tr. 2. cap. 4. n. 2.*

« 9. Si res aliena apud iniquum detentorem pereat , idque
 » ipsius culpâ , aut quia is eam absumpsit , alteri donavit ,
 » destruxit , etc. tunc , etiamsi domino relicta fuisset certò
 » peritura , nihilominus tenetur pro ea domino satisfacere ,
 » ut est communis apud *Laym. loc. cit. Lessium , etc.* »

Pro majori claritate quæritur , an teneatur fur ad restitu-
 tionem rei apud ipsum deperditæ , quæ æquè apud dominum
 peritura fuisset ? Distinguendum : Si res petiit apud furem
 sine culpa sua , neque alterius , et eodem tempore ac peri-
 culo , quo apud dominum fuisset peritura , fur non tenetur
 ad restitutionem ; quia furtum , licèt fuerit commissum cum
 injuria , non tamen fuit efficax causa damni ; justitia enim
 commutativa ad restituendum non obligat , nisi damnum ef-
 fectivè accadat . Ita *Bus. ut mox supra , Laym. de rest. cap. 4.*
ex communi , Salm. eodem tit. c. 1. punct. 3. §. 2. n. 52. cum

Less. Pal. Dicast. etc. Spor. n. 162. Holz, n. 400. Et confirmatur ex *leg. 1. ff. Ad leg. Rhod. etc.* ubi dicitur, non tenèri ad restitutionem nautam, qui ex una in aliam navim deteriorem, invito domino, transtulit mercem, quæ periit; per-eunte primâ navi in eadem tempestate. Sed dices: quomodo extinguitur sine satisfactione obligatio restitutionis ex injusta acceptione jam contracta? Respondeo: extinguitur eventu illius communis periculi, quo fit, ut nullum damnum ex furto domino eveniat; non enim facienda est reparatio damni, quod non adest, cum restitutio ad hoc tantum debeat, ut damnum reparetur; probavimus autem *n. 561. ex D. Thoma*, quòd sola injuria non obliget ad restitutionem, ubi damnum non intercessit.

Dixi 1. *sine sua culpa*; nam si fur rem consumpserit, vel ex negligentia culpabili perdidit, antequam periculum illud eveniret, tenetur quidem ad restitutionem, ut dicunt *Bus. sup. n. 9. Salm. l. c. et Laym. cum Mol. et communi.* Quamvis *Spor. de rest. n. 168. et Less. l. 2. c. 12. n. 93. cum Vasq. et aliis* excusent furem à restitutione, si rem ipse consumpserit eodem loco, et intra idem tempus, quo jam præviderit rem apud dominum æquè perituram; quod probabile rectè putant *Laym. n. 2. ac Lugo d. 18. n. 77.* quia reverà fur, eo casu, nec etiam est causa damni. Dixi 2. *sine culpa alterius*, nam, ut benè advertit *Elbel de rest. n. 77.* teneretur quidem fur ad restitutionem, si res periisset apud ipsum, non casu, sed injuriâ alterius; quia tunc jam iste alter obligationem contraxisset restitutionis; unde remanet ad eam obstrictus fur, qui prius obligationem contraxit. Ita *Elbel, Holz. Bus. Sporer et alii communiter.* Dixi 3. *eodem tempore et periculo*; nam si, transacto periculo illo communi, fur non restituat, et postea res pereat in alio periculo, dicunt *Salm. ibid. n. 51. cum Pal. Dicast. et Less.* furem tenèri ad restitutionem, quia, non restituendo, fuit in mora culpabili. Sed adhuc probabiliter *Croix l. 3. p. 2. n. 218.* excusat furem à restitutione, semper ac eveniat commune periculum, in quo æquè apud dominum res peritura fuisset: rectè enim ait *Croix*, tenèri tunc quidem furem ratione moræ ad restituendos fructus, quos dominus ex re percepturus fuisset; quia mora fuit causa, quòd dominus damnum illorum fructuum pateretur; non tamen tenetur rem restituere,

cūm, non mora, sed periculum fuerit vera causa, quod dominus rem amitteret.

621. — Si quis occidat agnum alterius, qui nunc valeat quinque denarios, sed postea valiturus erat decem, dicunt *Sotus, Bann. Salon. etc. apud Croix lib. 3. p. 2. n. 236.* restituendos esse decem denarios. Sed probabilius *Less. Mol. et Dicast. cum Croix ib.* tenent ex communi, restituendos tantum quinque. Benè tamen excipit *Croix* cum *Lugo*, nisi dominus pretio illo non possit emere similem agnum, vel quia caret pecuniâ, vel quia non habet amplius opportunitatem emendi; hoc tamen intelligendum, si dominus cum reservaturus fuisset ad tempus incrementi.

Quid, si dominus consumpturus fuisset rem tempore vilioris pretii, fur verò consumpserit tempore incrementi? Sentiant *Molin. Vasq. Laym. Less. etc. apud Salm. de rest. c. 1. punct. 3. §. 2. n. 58.* furem non tenèri nisi ad pretium vilius, tūm quia restitutio facienda est juxta quantitatem damni domino illati; tūm quia venditio, facta tempore incrementi, est fructus industriæ, qui non debetur domino: et hanc sententiam *Salm.* probabilem putant. Sed mihi videtur omninò verior opposita, quam tenent *Lugo d. 18. sect. 6. n. 126. Pal. de just. q. un. p. 24. §. 9. P. Conc. tom. 7. pag. 106. n. 24. et Salm. ibid. n. 59. cum Sylv. Reb. et Vill.* Ratio, quia res domino suo fructificat, licet dominus fructum non percepturus fuisset. Nec fructus ille est fructus industriæ, sed fructus rei; unde, deductis expensis, totus ei debetur. Quid, si dominus consumpturus fuisset agnum tempore vilioris pretii, et apud furem creverit valor, sed postea apud ipsum decreverit ad pristinum valorem? Respondet *P. Concina l. c. pag. 105. n. 21.* furem tenèri ad restituendum vilius pretium, quoniam restitutio non obligat, nisi ad mensuram damni illati. Sed id mihi videtur penitùs improbabile, quoniam, cūm pretium agni creverit à quinque in beneficium domini, et eo tempore culpabiliter agnum illi fur non restituerit, damnum non fuit in quinque, sed in decem, et mora furis fuit quidem causa hujus damni; quapropter non quinque, sed decem ille restituere debet.

622. — « 10. Qui, fingens se pauperem, vel alium, quam » est, extorsit eleēmosynam, non tenetur restituere, si parva » fuerit, qualis ostiatim mendicantibus datur; secūs, si fuerit

» magna; tunc enim, quia subintelligitur conditio hæc (si pauper sit) tenetur restituere secundum *Molin.* danti; secundum *Palaum*, vel danti, vel aliis pauperibus. *Vide Escob. t. 3. c. 2. c. 6. n. 109.*

623. — « 11. Qui in extrema necessitate consumpsit, quod antè acceperat commodatum, conductum, vel precarium, non tenetur restituere: quia nec ratione rei acceptæ, cum ea, nec in se, nec in pretio extet; nec ratione acceptionis, cum jure eam consumpserit; nec ratione contractus, cum hic non obliget, nisi re pereunte tuâ culpâ. *Less. Hurt. Trull. Diana p. 3. tr. 8. r. 10.* Imò probabiliter ne id quidem, quod ante illam necessitatem erat furatus, et in ea consumpsit, quia furtum illi non ademit jus, quod ad rem in tali casu habebat. *Concin. Pal. Hurt. Dian. loc. cit. r. 8. contra Less. et Vasq.* sicut neque, si in ipsa necessitate accepisset, et consumpsisset. *Dian. l. c. r. 9. ex Azor et 6. aliis, contra Less.* » (*Vide quæ diximus Quæst. IV.*)

624. — Certum est autem, quod mutuatarius, qui in extrema necessitate rem mutuatam consumit, tenetur adhuc restituere mutuum; quia tunc consumit rem propriam, cum rei mutuatæ transferatur dominium in mutuatarium.

625. — Quæritur, ad quid teneatur emens rem alienam cum dubio, an sit venditoris, et postmodum, factâ diligentia, dubium evincere non possit? Dicunt aliqui, eum teneri ad totam rem reddendam uni, vel alteri, de quo dubitat an sit ejus; vel pauperibus, si ignoretur persona. Sed probabilius tenetur ad rem dividendam pro qualitate dubii, cum ex una parte non faveat illi possessio incepta cum dubiâ fide, et ideò nequit rem sibi totam retinere: ex altera parte non videtur æquum, eum teneri totam restituere, cum dubium est, an res sit aliena. Ita *Lugo d. 17. n. 80. et 84. Less. l. 2. c. 14. n. 15. Pal. d. 3. punct. 3. n. 2. Salm. loc. cit. §. 3. n. 62. cum Dic. et Villal.*

ARTICULUS III.

An, et quid debeat restitui pro injuria illata corpori, v. gr., per mutilationem, occisionem, etc.

626 *Ad quid teneatur occisor?*

627 *An impotens ad restituendum in uno genere, teneatur in alio?*

628 *Quid, si quis, occidens Cajum, putarit occidere Titium? Et an iste incurrat irregularitatem, aut excommunicationem Canonis?*

629 *Quid, si quis incenderit domum Titii, putans eam esse Caji?*

630 *An valeat remissio patris occisi in præjudicium filiorum?*

631 *Vide alios casus. Quibus hæredibus facienda restitutio?*

632 *An homicida teneatur restituere bona, quæ occisus aliis dedit, set ex liberalitate?*

633 *Quid, si damnum istorum intenderit?*

634 *Ad quid teneatur homicida creditoribus occisi?*

635 *Quid, si homicidium imputetur alteri, et hoc occisor advertat.*

636 *Quid, si hoc etiam intendat?*

637 *Ad quid teneatur invasus, excedens moderamen inculpatae tutelæ?*

638 *Quid, si provocans occidat alterum, pugnam acceptantem?*

639 *An detrahendum pretium laboris, quem occisus sustinuisset pro lucro amisso?*

626. — **R**ESP. Injustus occisor, aut mutilator in conscientia tenetur tantum restituere pro damnis bonorum fortunæ, quæ ex tali occisione, vulnere, etc. directè ab eo causata sunt, juxta prudentis arbitrium: præcisè autem pro vita, membro, vel cicatrice nihil tenetur restituere secundum rigorem, cum sint bona altioris ordinis, quæ pecuniâ æstimari non possunt. Ita contra Sotum, Sylv. etc. probat Less. l. 2. c. 9. d. 23. Vide Laym. l. 5. t. 3.

627. — Queritur, an impotens ad restituendum in uno genere bonorum, teneatur restituere in altero inferiori, puta, si quis hominem occidit, aut vulneravit, aut infamavit, teneatur pecuniam dare, si nequeat aliter damnum compensare? Adest duplex probabilis sententia.

Prima affirmat cum Soto de just. l. 4. q. 6. art. 3. ad 3. Cajet. Sum. v. Restitutio, c. 2. Item Sylvest. Mercad. Arm. Arag. etc. apud Lugo d. 11. sect. 1. n. 4. Et pro hac sententia videtur esse D. Th. 2. 2. q. 42. art. 2. ad 1. ubi ait: Cum aliquis alicui abstulit membrum, debet ei compensare, vel in pecunia, vel in aliquo honore. Idem repetit ibid. ad 2. loquens de restitutione famæ: Vel si non possit famam restituere, debet ei aliter recompensare. Ratio, quia qui non potest totum damnum, tenetur saltem compensare partem, quam potest.

Secunda sententia verò communior et probabilior negat, camque tenent Less. l. 2. c. 9. dub. 23. n. 141. Lugo loc. cit.

n. 3. et disp. 13. n. 23. *Laym. l. 3. sect. 3. tract. 3. p. 3. e.*
 6. n. 2. *Bonac. d. 2. q. ult. sect. 2. p. 10. n. 10. Sanch. Cons.*
l. 1. c. 4. d. 1. n. 7. Croix l. 3. p. 2. num. 299. Sporer de 8.
præc. c. 6. n. 127. Salm. de rest. c. 2. punct. 6. n. 80. et c. 4.
punct. 9. §. 3. n. 142. cum Bann. Vasq. Vict. Fill. P. Nav. etc.
 Ac probabilem putat *P. Conc. t. 7, p. 110. n. 7. Probatur 1.*
Exod. c. 21. v. 19., ubi dicitur, quòd, convalescente vulne-
rato, innocens erit qui percusserit, ita tamen, ut operas ejus,
et impensas in medicos restituat. Ergò sufficit restituere tan-
 tum damna in bonis illata, quin sit obligatio restituendi ali-
 quid pro vulnere; alioquin (benè arguit *Lugo*) percussor non
 diceretur innocens. Probatur 2. ex *l. fin. ff. de his, qui effud.*
etc. ubi dicitur vulnerans tenèri ad expensas curationis, et
 mercedes, quibus cariturus est vulneratus: *Cicatricum au-*
tem aut deformitatis nulla fit æstimatio; quia liberum corpus
nullam recipit æstimationem. Probatur 3. ratione, quia justitia
 commutativa obligat ad restituendum juxta æqualitatem
 damni illati, ubi autem restitutio facienda sit in genere di-
 versio, nulla adest æqualitas, nec ulla erit unquam compen-
 satio damni; per quamcumque enim pecuniam damnum mi-
 nimè reparabitur; neque in toto, neque in parte: et sic re-
 spondetur oppositæ sententiæ. Communiter tamen præfati AA.
 monent, congruum esse, ut confessarius imponat pœnitenti
 pro pœnitentia, vel ex æquitate aliquid læso elargiendum.

» 1. Qui occidit ebrius alium, si ebrietas non fuit culpabi-
 » lis, et voluntaria, vel licèt fuerit talis, si tamen homici-
 » dium vel non præviderit, vel diligentiam debitam adhibue-
 » rit ad cavendum, non tenetur ad restitutionem: tenetur
 » autem, si præviderit, et non caverit. *Bon. d. 2. q. ult.*
» sect. 2. p. 1.

» 2. Qui occidit Cajum, putans esse Titium, tenetur ad
 » restitutionem: quia actio ista est Cajo injuriosa. *Bon. loc.*
» cit. comm. »

628. — Quær. I. An occidens Cajum, putans se occidere
 Titium, teneatur ad restitutionem? Affirmat *Bus. hic cum*
communi. At negant alii, quia homicidium respectu Caji est
 merè casuale, et involuntarium. De hoc vide in questione se-
 quenti dicenda, quæ ad idem coincidunt. Sed hic dubium fit,
 an incurrat excommunicationem canonis, qui volens occidere
 clericum Petrum, per errorem invincibilem occidit clericum

Paulum? Negat *Dian. p. 9. tr. 4. r. 31. cum Suar. de censur. d. 22. sect. 1. n. 54. Cono. tom. 3. d. 53. n. 3.* et probabile vocat *Tambur. Dec. l. 6. c. 4. §. 3. n. 29.* Ratio, quia respectu Pauli percussio illa non fuit voluntaria, sed merè casualis et affectiva; solus autem affectus percutiendi Petrum fuit voluntarius, sed solus affectus non est sufficiens ad inducendam excommunicationem. Probabilius tamen dicunt incurrere *Sanch. de matr. l. 9. d. 52. n. 26. cum Cordub. et Cov. Viva de rest. qu. 7. art. 1. n. 7. Bonac. de cens. d. 1. q. 2. p. 1. n. 20. cum Mol. Reb. et aliis communiter*, ut fatetur ipse *Tamb. n. 28.* Ratio, quia occidens clericum idèò incurrit excommunicationem, quoniam injuriam irrogat statui clericali; qui autem unum clericum pro alio percutit, licèt errèt in persona, jam lædit statum clericalem, quia clericum vult lædere, et de facto clericum lædit. Sed dices, cur iste excommunicationem canonis incurrit, et non obligationem restitutionis? Respondetur: differentia est, quia restitutio non debetur personæ, nisi ob injuriam personæ illatam; sed excommunicatio incurritur ob injuriam factam statui ecclesiastico, quæ in hoc casu jam adest; et quamvis respectu Pauli sit accidentalis, et materialis, respectu verò statûs est substantialis et formalis. Tantò magis puto, occisorem in eo casu non excusari ab incurrenda irregularitate, ut dicit *Sanch. l. c. cum Cov. Cordub. Led. Vega, etc. contra Fill. t. 20. c. 3. qu. 10. Spor. de 5. præc. c. 3. n. 206. et Tamb. loc. cit. n. 23. cum Con. Henr. et Farinac.* qui afferunt pro se quamdam declarationem S. C. Concilii ann. 1587. *ap. Dian. l. c.* ubi declaratum fuit, quòd mandans occidere Petrum, non incurrit irregularitatem, si mandatarius errans occidat Paulum. Sed respondetur: in hoc casu idèò mandantem non esse irregularem, quia respectu occisionis Pauli non potest dici, quòd ille fuerit verus mandans, cùm mors Pauli accidat omninò per errorem mandatarii, non propter mandatum; sed qui unum pro alio occidit, verus dicitur homicida. Nec obstat dicere, quòd, si quis projiciens lapidem vult occidere inimicum et occidit merè casualiter amicum, non incurrat irregularitatem, ut dicunt *Bon. l. c. cum Suar. et Sayr.* Sic etiam dicendum de eo, qui, volens pugione occidere inimicum, casu occidit amicum. Sed respondeo: in primo casu tantùm adest pravus affectus, non autem externum homicidium, cùm occisio illa omninò acci-

dat præter voluntatem; et in casu nostro adest affectus, et homicidium externum, cum occisor velit interficere hominem, et de facto hominem interficiat, licet erret in persona.

629. — Quer. II. An autem, si quis velit incendere domum Titii inimici, et incendat domum Caji amici, teneatur Cajo restituere damnum?

Prima sententia cum *Bon. Hannold. et aliis ap. Croix l. 3. p. 2. n. 200.* absolute affirmat. Ratio, quia omnis actio contra justitiam, executioni mandata cum advertentia, parit onus restitutionis; nec excusat error personæ domini, cum error sit tantum circa qualitatem, non circa substantiam.

Secunda sententia cum *Leandro t. 10. q. 28. Molin. tom. 3. d. 127. n. 4. Tamb. Dec. l. 8. tr. 3. §. 6. n. 2. verb. Dixi; Sporer tr. 4. de rest. c. 2. n. 139. Lugo de just. d. 17. n. 78. et d. 18. n. 86. Croix l. 3. p. 2. n. 200.* cum aliis doctis junioribus, et præsertim doctissimo magistro meo illustriss. Episcopo Torno, negat eum teneri ad restitutionem, modo is non intenderit, ne confuse quidem, incendere domum alterius quam Titii; nempe si non fuerit sic animo, actualiter saltem implicite comparatus, quod etiamsi scivisset domum esse Caji, adhuc incendisset, quia tunc censetur damnum intulisse Cajo, non ut Cajo, sed ut domino domus; et ideo tunc culque domino damnum resarcire debet. Secus verò, si nullum alium intenderit lædere, quam Titium inimicum, invincibiliter credens, domum esse Titii. Ratio, quia ad obligationem restitutionis, quæ oritur ex damnificatione principaliter facta propter injuriam, requiritur injuria formalis; nec sufficit injuria materialis, et solum effectiva sine animo, sicut nec sufficit injuria tantum affectiva, opere externo non completa, ut esset hæc; *Cardinalis de Lugo* enim sic loquitur: cum ego intendo damnum inferre Titio, animo illa tantum injuriam irrogandi, quocumque alio excluso; si postea per errorem invincibilem lædam Cajum, injuria respectu Titii non est formalis, et effectiva, sed dumtaxat materialis, et affectiva, ac merè accidentalis, cum mihi non fuerit animus eum lædendi, nec in particulari, nec in generali; et ideo non teneor illi restituere damnum, quod oritur ex injuria. Nec obstat dicere, quod ad obligationem restitutionis satis sit intendere aliquam actio-

nem injustam; et eam exequi; nam respondent DD. citati, quod ad onus restitutionis, ratione damnificationis, non sufficiat sola actio materialiter injusta; sed insuper requiratur actio formaliter, seu voluntarie injuriosa in alterum; qui læditur. Hæc autem actio injuriosa voluntaria deest in casu nostro, cum accadat actio præter intentionem, quæ non est alicui formaliter injuriosa: si enim intendam tantum lædere Titium, et quemcumque alium excludam, tunc neminem voluntarie offendo; non Titium, quia de facto is non læditur; non alterum, quia respectu istius mea actio est prorsus involuntaria, et ideo error est circa substantiam. Et ob eandem rationem idem dicunt *Spor. de 5. præc. c. 3. n. 206. Fill. tr. 20. c. 3. q. 10. Croix l. 3. p. 2. n. 201. Leand. l. c. Tamb. l. 6. c. 4. §. 5. n. 51. (contra Bon. l. c. n. 8. cum Cov. Gom. et Sanch. l. 9. cl. 52. n. 27. Suar. etc.)* de eo, qui occidit amicum, invincibiliter credens eum esse suum inimicum. Nec obstat textus in *l. 50. Eum qui §. Si juravero, ff. de jurejur.* ubi dicitur, quod si quis læditur ab aliquo, qui putat eum esse alium, is habeat in illum actionem damni. Nam respondetur, id procedere in foro externo; ubi præsumptio scientiæ personæ læsæ stat contra lædentem, cui fides minimè præstatur, si asserat, se alium voluisse offendere; non verò in foro interno, ubi lædens certus est, se alium offendisse pro eo, quem offendere intendebat.

Idem etiam dicunt de furto *Molin. l. c. Lug. d. 17. n. 78. Spor. tr. 4. de restit. c. 2. n. 159.* et probabile putant *Leand. et Tamb. ll. cc.* Ait enim *Lugo*, quod, si fur, rem injustè accipiendo, vult illam absolutè possidere, tunc saltem in confuso velit injuriam inferre domino, quicumque ille sit: secus verò, inquit, si acciperet sub expressâ conditione, si res sit v. gr. principis; quia tunc non intendit absolutè possidere. Sed huic doctrinæ non acquiesco, et adhæreo sententiæ, quam tenet *Sanch. Dec. l. 2. cap. 25. n. 157.* In furto enim non attenditur, cui voluerit facere injuriam, sed an verè voluerit rem accipere invito domino, cum in hoc videatur differre obligatio restitutionis ob damnificationem, à restitutione ob furtum: nam in damnificatione principaliter intenditur injuria in personam domini, et accessoriè illius damnum; in furto autem principaliter intenditur lucrum injustum, et accessoriè injuria domini; et ideo error

domini, in casu furti, videtur esse circa qualitatem, in casu verò damnificationis circa substantiam.

630. — « 3. Si læsus ante mortem omnia remiserit, ad
 » nihil tenetur occisor : quia filiis non fit injuria in bonis ;
 » nisi quatenus lædantur in patre contra ejus voluntatem
 » (volenti enim non fit injuria) ; ergò, sicut per cum jus
 » acquirunt, sic etiam id amittunt : etsi non rectè faciat pa-
 » rens, si filii valdè egeant. *Less. l. 2. c. 9. d. 26.* » (*Ita etiam*
Salm. de rest. c. 2. punct. 8. n. 113. cum Samch. Sot. Bonac.
et communiter contra Croix l. 3. p. 2. n. 510. cum Lugo : Facta
autem remissione injuriæ, non intelligitur facta remissio
damnorum. Vide Salm. ibid. num. 112.)

631. — « 4. Etsi præcisè pro vita, membro, occisione non
 » sit obligatio restituendi : per sententiam tamen judicis co-
 » gitur injuriæ satisfacere pro injuria.

« 5. Consilium est, ut confessarius pro his injungat eleē-
 » mosynas, et missas pro salute occisi.

« 6. Si occisus, vel mutilatus fuerit servus, vel animal,
 » tunc etiam pro vita, et membris faciendæ est restitutio,
 » quia horum vita pretio æstimatur; ac proinde tantum de-
 » bet restitui, quanti potuisset vendi; et pro mutilatione,
 » vel cicatrice, quantum pluris venderetur.

« 7. Pro expensis funeris nihil restituitur; quia illæ ali-
 » quando faciendæ tandem fuissent; nisi fortè occasione illata
 » necis, v. gr. extra patriam, majores fieri oportuerit.

« 8. Restitui debent impensæ, factæ in curationem et me-
 » dicamenta vulnerati, vel occisi. *Fill. tom. 32. c. 8. n. 202.*

« 9. Item lucra, quæ ex mutilatione, vel vulneratione
 » cessarunt; non quidem tam in solidum, ac si de facto es-
 » sent acquisita, sed pro majore, aut minore spe, quam
 » læsus habuerit illa acquirendi. *Vide Trull. l. 7. c. 8. d. 3.*

« 10. Si homicida à magistratu plectatur, verius est, eum
 » adhuc tenèri ad damna resarcienda, cum morte sua tan-
 » tum satisfaciatur justitiæ publicæ, non hæredibus occisi;
 » qui tamen, cum plerumque aliud non exigant, videntur
 » esse contenti, ac proinde hæredes homicidæ ad nihil tunc
 » tenentur. *Fill. l. c. n. 214.*

« 11. Debet autem restitutio fieri tantum parentibus in-
 » terfecti, filiis, et uxori : quia hi soli directè læduntur,
 » cum moraliter censeantur una persona cum occiso. Nisi

• tamen occiderit animo etiam nocendi aliis; nam tunc etiam
• his eum restituere teneri dicit *Card. Lugo de just. d. 11.*
• n. 8. ex *Less. Vide Trull. l. c. d. 4.*

Quær. I. Quibus hæredibus teneatur homicida restituere
damna? Et quænam damna restituenda sint? Certum est I.
quòd hæredibus necessariis, ut filiis, parentibus, et etiam
uxori, restituendum est damnum, et lucrum cessans, non
tantum illud, quod cessavit in vita occisi, sed etiam post
ejus mortem, juxta tempus, quod defunctus verisimiliter
victurus creditur, attentâ ætate, valetudine, etc. ut rectè
docet *Sanch. Cons. l. 1. c. 4. d. 2. n. 10. cum Panorm. Gom.*
Ang. Palao etc. Sed hoc lucrum non est restituendum inte-
grum in re, sed juxta spem, ut idem *Sanch.* benè advertit
cum *S. Thom. Navar. Set. Salon. Arag. et aliis, contra Pa-*
normit. Gom. et alios. Certum est II. quòd restituendum est
hæredibus non necessariis omne debitum reale contractum
cum defuncto ante ipsius obitum, nempe damnum ejus bo-
nis irrogatum per occisionem, et lucrum, quod amisit vul-
neratus tempore, quo vixit: non autem luerum, quod ces-
savit à tempore mortis, cum id non fuerit debitum reale,
cum defuncto contractum, ut dicant *Sotus, et alii doct. apud*
Sanch. l. c. dub. 3. n. 9; et consentit *Croix l. 3. p. 2. num.*
309. dicit autem *ibidem*, quòd si nullus superfuert hæres,
restitutio dictorum debitorum realium facienda sit pauperi-
bus. Addit etiam *Croix eod. n. 309.* quòd si uxor (et idem
dicendum esset de filiis, et parentibus) postea æquè commodè
nupserit, vel si quis ipsi alimenta præstiterit, hæc nihil
restituendum sit, quia tunc reipsâ non patitur damnum.

632. — Quæritur II. An homicida teneatur restituere fra-
tribus, consanguineis, vel aliis, bona, quæ occisus illis pro-
babiliter daret, si viveret? Tres sunt sententiæ.

Prima universè affirmat, quia illi, quamvis jus non ha-
berent ad talia bona, habent tamen jus, ne vi impeditus
fuiisset defunctus, quominus ea ipsis elargiretur. Ita *Vasq.*
Scot. Azor, et alii apud Salm. de rest. c. 2. punct. 8. n. 105.

Secunda dicit, restitutionem debèri tantum fratribus, præ-
ter parentes, uxorem, et filios.

Tertia, et quidem probabilior sententia, quam tenent
Bus. infra n. 13. cum Less. et Trull. item P. Conc. tom. 7.
p. 214. n. 18. et Salm. dict. l. num. 107. et 108. cum Soto,

Lugo, Füll. Bon. etc. docet, nihil debèri aliis, nisi parentibus, filiis, et conjug, etiamsi homicida illorum damna prævideret. Nec ob stare ajunt *Salm. cit. n. 108. et Lugo disp. 11. n. 117. id*, quod dicit *Sanch. Cons. l. 1. c. 4. d. 3. n. 11.* esse semper contra justitiam, impedire vi aliquem à consecutione boni, cùm hujusmodi impeditio prævidetur: nam respondent, justitiam non obligare ad non apponenda ea (etiam vi vel fraude) ex quibus per accidens, et remotè sequitur aliquod damnum, quia tunc vis aut fraus non censetur esse illius causa, nec physica, nec moralis. Regula autem, quæ quis habet jus, ne vi impediatur à consecutione justì boni, obtinet, quando directè intenditur illius damnum, non verò, si eveniat per accidens.

633. — Contra autem dicunt *Salm. loc. cit. cum Cajet. Mol. etc.* tenèri homicidam ad restituendum, si damna illorum intenderet. Sed concedunt, satis esse probabilem sententiam oppositam, scilicet, eum tunc etiam ad nihil tenèri, cùm deficiat ibi opus externum contra justitiam erga damnificatos, ut tenent *Sanch. Sot. Trull. Dic. Bon. dict. num. 108.* juxta dicta *suprà n. 583.* sed huic sententiæ neque acquiescere; nam occidens, animo nocendi directè aliis, certè peccat contra justitiam erga illos, cùm quisque habeat jus, ne vi impediatur à consecutione justì boni. Tunc enim occidens jam opere injusto externo lædit illos, et eum ideò tenèri eos indemnes reddere rectè dicunt *P. Conc. l. c. Tamb. de rest. ex homic. c. 4. §. 3. n. 13. cum Less. et Viva de rest. q. 7. art. 1. n. 8. in fine, Croix l. 3. p. 2. n. 310. Elb. cum Henr. et Ills.* Neque hic valet dicere, quòd, si hic tenetur ad restitutionem, cur non tenebitur is, qui impedit alterum ex odio à consecutione justì boni, quem dictum est *suprà num. 584.* non tenèri? Respondetur, quòd ille non tenetur, quia malitia fuit omninò interna pravæ voluntatis odientis; sed hic prodiit in vim externè injustam, prout est homicidium debitoria; quisque autem habet jus, ne vi privetur justo bono, et ideò tenetur homicida ad restituendum ipsi damnum.

634. — « 12. Etsi probabile sit, debèri etiam restitutionem creditoribus occisi, si quod damnum illis ex ea cæde obveniret; contrarium tamen etiam probabile (saltem secundum limitationem casus præcedentis) est, cùm occisio illa non sit directè causativa illius damni. Vide *Laym. l. c. n. 4.* »

In hac quæstione, scilicet, an homicida teneatur restituere creditoribus occisi damnum eis illatum, tres sunt sententiae:

Prima dicit, eum tenèri, si homicida præviderit eorum damnum. Ita *Sanch. et Tap. apud Salm. de rest. c. 2. punct. 8. n. 140.*

Secunda dicit, eum tenèri, sive præviderit, sive non; quia creditores jus habebant exigendi sua credita ab occiso. *Mol. et Laym. apud Salm. ibid.*

Tertia sententia autem, quam tenet *Tamb. de rest. c. 4. §. 3. n. 12. cum Less. Soto, Bec. Dicast. etc. Salm. dict. l. n. 11. et Viva de rest. q. 7. art. 1. num. 8.* docet, eum non tenèri ad restitutionem, etiamsi præviderit damnum, modò non intenderit, quia damnum illorum tunc evenit per accidens. Secùs, si damnum creditorum directè intendisset, ut *Tamb. dict. l. n. 13. et Viva*; et hoc rectè vocat communiùs et probabilius *P. Conc. t. 7. p. 214. n. 10. juxta mox suprè dicta n. præced.*

« 13. Non tenetur occisor aliquid eis restituere, quos occisus alebat ex liberalitate, quia damnum illorum per accidens sequitur. *Less. l. 2. c. 9. art. 26. Trull. loc. cit.* »
(*Vide mox dicta n. 652.*)

« 14. Nec tenetur ad damna, quæ v. gr. proveniunt ex morte alicujus innocentis, qui per errorem, putaretur homicidium fecisse, et sic captus plecteretur; quia hujus mors non directè causaretur ab ipso, sed per accidens, et ex errore, vel malitià accusatorum. *Vide Bon. d. 2. q. ult. sect. 2. p. 2.* »

653. — Quær. I. An tenearis restituere damnum alteri obveniens ex tuo homicidio, nempe, si illi crimen imputetur? Respondet *Less. l. 2. cap. 9. dub. 16. n. 140.* quòd certè ad nihil teneris, si non advertas ad damnum illi eventurum. Quid, si advertas? *Navar. apud Sanch. Cons. l. 1. c. 4. dub. 3. n. 6. aliique ap. Less. l. 2. c. 9. n. 141.* dicunt, te tenèri ad restitutionem, quia tunc fuisti causa efficax damni. Probabiliùs tamen negant te tenèri *Less. dict. n. 141. cum Soto, Lopez, et aliis, item Sanch. n. 7. Tamb. Dec. l. 6. c. 4. §. 1. n. 3.* Ratio, quia non censetur alteri injuriosa actio illa, ex qua provenit damnum non ex se, sed ex errore aliorum, licèt error prævideatur: modò tamen (ut benè limitat *Less. num. 144. Tamb. n. 4. et Croix l. 5. p. 2. n. 137.*) actio illa

exterior non sit talis, ut ea, ejusque circumstantiæ proximè influant moraliter ad imputationem in tertium, putà, ut dicunt *Viva de rest. q. 7. art. 1. n. 3. Tamb. et Croix H. cc.* si occidas indutus vestibus, vel armis Pauli, vel in domo, aut agro, aut cum famulis Pauli. Nisi (addunt tamen *Less. l. c. et Petsch. ap. Croix*) quis in hujusmodi actionibus utatur jure suo; quia tunc nemini infert injuriam, quamvis peccare possit contra charitatem, si tunc parùm ipsius intersit jure suo uti.

656. — Sed majus dubium fit, si non solùm advertas, sed etiam intendas, ut homicidium tuum alteri imputetur? *Lugo de just. disp. 8. num. 75. cum Caj. Ricc. Cord. Ang. etc.* (Et idem sentit *Viva l. c.* sibi non benè congruens cum dictis à se *q. 2. art. 1. n. 3.*) affirmat, te tunc tenèri ad restitutionem; quia, licèt tua actio sit causa remota imputationis, tua tamen prava intentio nocendi efficit, ut sit causa moralis illius damni. Verùm adhuc probabilius puto, nec etiam eo casu te tenèri, ut docent *Less. n. 113. Sanch. n. 9. cum Angles, Tamb. et Croix n. 156. cum Diana, etc.* Ratio, quia semper ac actio ex se, vel ex suis circumstantiis, non sit proximè causans imputationem, ut suprà explicatum est, intentio prava juxta communio rem sententiam non efficit, ut sit injustum illud opus, quod de se externè graviorque non est injustum, respectu tertii. Sed dices, sicut quis, occidens hominem, ut noceat fratribus, aut aliis, quibus ille benefaciebat, licèt ex liberalitate, prout diximus *n. 633.* tenetur eis damnum restituere; sic etiam tenetur, qui alium occidit, ut alteri homicidium imputetur. Sed respondetur, differre casum; nam ibi damnum fratrum illorum per se necessariò, et proximè erat conjunctum cum morte benefactoris; at in casu præsentis damnum ejus, cui imputatur homicidium, non est necessariò, per se, et immediatè conjunctum cum morte occisi, sed remotè, et merè per accidens, cùm propriè pendeat ex judicio aliorum putantium ob extrinsecas conjecturas, ipsum fuisse homicidam. Unde hic homicidium est tantùm occasio imputationis, non verò causa, quia non influit proximè, et directè.

637. — Quær. II. An teneatur ad restitutionem damni in vasus, qui excedit moderamen inculpatæ tutelæ? Negant *Sot. Mol. Sylv. Angl. etc. ap. Lug. disp. 9. n. 51. et Tamb.*

probabile putat; quia tunc invasor censetur cedere juri suo. Attamen *Lugo* n. 50. et *Croix* l. 3. p. 2. n. 505. cum *Sanch. Navarr. Vasq. et aliis communiter*, probabilius putant eum tenèri ad totum damnum, quia excedendo jam gravem injuriam alteri infert, et invasor utique habet jus, ut à nemine ex privata auctoritate injustè occidatur.

638. — Censet autem *Suar. ap. Croix* l. 3. part. 2. n. 507. quòd si quis provocet alterum ad pugnam, et, illo acceptante, occidat, tenetur restituere damnum; quia provocatio fuit vera damni causa. Sed probabilius (1) contradicunt *Lugo disp. 12. n. 58. cum Vasq. et aliis*; quia, licèt provocans peccet contra charitatem, dum autem alter pugnam acceptat, pugnando non peccat contra justitiam.

639. — Quær. III. An in restitutione lucri amissi ab occiso propter occisionem, debeat detrahi pretium laboris, quem ille pro lucro obtinendo impendere debuisset? Affirmant *Molin. Reb. Diana etc. apud Croix loc. cit. n. 312.* Negant verò communiùs DD. cum *Steph.* ut asserit *Croix*, sed rationabiliter sententias conciliat *Bonac.* dicens, illud tantum detrahendum, quod præsimitur occisus libenter daturus fuisse pro redemptione laboris.

ARTICULUS IV.

Quid debeat restitui pro illato stupro?

610 An quid tenetur stuprator, si virginem vi corruperit?

641 Ad quid, si virgo consenserit?

642 Quando deflorator sub pacto matrimonii teneatur ad illud?

An corruptor, fictè promittens, teneatur ad matrimonium.

643 Lim. I. Quid, si puella potuerit advertere fictionem? Dub.

1. Quid, si vir sit melioris conditionis? Dub. 2. Quid si puella disparitatem ignoraverit. Dub. 3. An his casibus vir teneatur, saltem ad damna?

644 Lim. II. Quid, si timeatur malus exitus, vel scandalum propinquorum? et quid si immincat dedecus familiæ?

(1) Hoc in mente auctoris non multò seu notabiliter probabilius esse videtur, cum in *Hom. Ap. tr. 10. n. 89.* simpliciter dicat probabiliter.

645 Lim. III. Quid si vir extorqueat solos tactus?

646 Lim. IV. Quid si semina jam sit corrupta?

647 Lim. V. Quid, si non stet per virum quominus matrimonium fiat?

648 An, si virgo violata renuat nubere, teneatur vir eam dotare?

649 An vir, habens votum castitatis, teneatur ducere violatam sub pacto matrimonii?

650 Ad quid teneatur vir violans consanguineam, cui conjugium promisit? Quid, si fictè promiserit cum pacto impetrandi dispensationem?

640. — **R**ESP. qui virginem per injuriam defloravit, » tenetur tantum rependere damnum, quod ei ex tali injuria » est secutum, idque vel matrimonio, vel damni æstimatione » ad arbitrium prudentis, ut talem nimirum inveniat, qua- » lem manens virgo invenisset. *Vide Sanch. lib. 7. d. 14. Fill. » t. 32. c. 8. n. 209.* » (Hinc, si stuprator non possit dotare, » tenetur ducere. *Tamburin. de restitut. cum Lugo c. 5. n. 27. nisi magnus sit excessus. Vide infra num. seq. 642 et 649. in fin.*)

Unde resolves :

» 1. Præcisè pro sola virginitate non obligat restitutio. Unde » si stuprum mansit occultum, aut non impedit, quin æque » lautè nuberet, ad nihil tenetur stuprator. *Less. Bonac. q. 4. » de matr. p. 7.* » (At, si virgo, antequam nubat, satisfactio- » nem petat, tenetur stuprator satisfacere, licèt stuprum sit » occultum. *Tambur. dict. lib. n. 32.*)

641. — » 2. Item ad nihil tenetur, si deroflavit consen- » tientem absque vi, fraude, vel promissione matrimonii, » quia non est facta injuria, *ibid. et Trull. d. 2.*

» 3. Si virginem importunis precibus flexit, nihil tenetur » restituere, quia adhuc consensit liberè : nisi fortè preces » tales fuerint, ut vi, et coactioni æquiparentur, ut, si con- » junctæ fuerint cum minis, vel metu reverentiali, v. gr. si » fuit illius dominus vel vir magnæ auctoritatis. *Trull. » c. 9. d. 3.*

» 4. Si promissione verâ, vel fictâ matrimonii eam flexit, » tunc tenetur ducere eam, quia in omni contractu, ubi alter

» ex parte sua acceptavit, et implevit, tenetur et alter im-
 » plere, etiamsi fictè contraxerit, quia tenebatur ex iustitia
 » verè contrahere, cùm alioqui omnia humana commercia
 » fraudibus paterent. Et id quidem verum est, etiamsi stu-
 » prator religionem vovisset. *Less. l. 2. c. 10. d. 3. et 4.*
 » *Trull. d. 3.*

» 5. Non tamen tenetur fictus promissor eam ducere casu,
 » quo 1. Is puellam valdè notabiliter conditione excederet,
 » vel verbis usus esset fictionem facilè indicantibus. 2. Si
 » ipsa conscia esset prædicti voti: quia tunc ipsa contraxis-
 » set malà fide. 3. Si ipse putavit, eam esse virginem, cùm
 » tamen non esset. 4. Si ex matrimonio grave damnum, aut
 » scandalum timeretur. 5. Si ipse jam sacris initiatus est, aut
 » alteri matrimonio copulatus; tunc enim his casibus solùm
 » teneretur curare, ut æquè commodè nubat, modo ante
 » dicto, dando scilicet dotem, vel aliter. *Vide Sanch. l. 1.*
 » *de matr. d. 10. Trull. l. 7. c. 9. d. 3.*

Omnia hæc, cùm agatur de rebus valdè gravibus, et quæ
 frequenter ad praxim deducuntur, sedulò hic discutienda
 et elucidanda sunt; et primò videndum de obligatione viri,
 deflorantis virginem sine promissione matrimonii; sècundò
 de eo qui defloravit, matrimonium promittendo.

§. I.

Ad quid tenetur deflorator, si non promittat matrimonium?

In hoc distinguendum: si virgo liberè consentiat, com-
 mune est deflorantem nihil tenèri ei restituere. Sed dubium
 1. sit, an eo casu teneatur ille satisfacere injuriam parentibus
 puellæ? Adest duplex sententia probabilis.

Prima negat, et hanc tenent *Sanch. de matr. l. 7. d. 14.*
n. 11. Lugo de pœnit. d. 16. n. 223. et 224. Suar. t. 4. d. 22.
sect. 4. n. 7. Less. l. 2. c. 10. d. 1. et probabilem putant
Groxæ lib. 3. p. 2. n. 316. et Laym. l. 3. tr. 3. p. 3. c. 13. n. 1.
cum Soto, P. Nav. et Vasq. Ratio, quia, si ipsa puella, cùm
 sit domina sui corporis, nullam irroget injuriam patri; si
 deflorationi consentiat, utens jure suo, tantò minùs irrogat
 deflorator. Tantùm illa peccabit, et consequenter etiam vio-
 lator, contra pietatem patri debitam et etiam contra obedièn-

546 *Lib. 4. Tract. 3. De septimo præcepto decalogi.*
tiam, si de tali crimine expressè prohibitionem à patre habuerit, ut ait *Lug. n. 226.*

Secunda sententia verò affirmat, et hanc tenent *S. Anton. 2. p. tit. 3. c. 6. §. 1. Nav. Manual. c. 16. n. 19. Cordub. l. 1. q. 13. col. 4. §. Ubi,* item *Bannez, et Salm. apud Sanch. dict. n. 11.* et probabilem putant ipse *Sanch. et Laym. n. 2. in fine cum Cajet. Sylv. et Valent. relatis ibi n. 1.* Et idem tenet *D. Thomas 2. 2. q. 134. art. 6. ad 3. qui dicit: Injuriam facit (deflorator) patri puellæ, unde ei secundum legem tenetur ad pœnam; nimirum ex Deuter. 22. ubi deflores, si in judicium adducti fuissent, tenebantur solvere patri puellæ 50 siclos. Id tamen benè advertit D. Antoninus locum habere tantum post sententiam judicis. Cæterum docet præfata secunda sententia, tam puellam, quàm ejus violatorem dupliciter peccare, nempe contra castitatem, et justitiam, at tenèri deflorantem restituere patri honorem ablatum per aliquod signum honorationis, veniæ petitione, aut alio simili; nisi præsumatur pater talem nolle satisfactionem.*

Dubium 2. fit, an violator puellæ consentientis restituere teneatur parentibus damnum bonorum, ipsis obveniens propter dotem, quam augere debent ad filiam in matrimonio collocandam? Affirmant *Azor t. 3. l. 3. q. 1. diff. 9. et Corduba l. c. quæst. 13. d. 3. et alii.* Sed communissimè negant *Soto l. 4. de just. q. 7. a. 1. ad 2. Suar. t. 4. de pœnit. d. 22. sect. 4. n. 26. Sanch. de matr. l. 7. d. 14. n. 11. Less. l. 2. c. 10. sect. 1. n. 9. Lugo de just. d. 16. dub. 2. n. 8. cum Vasq. Ronc. de rest. c. 2. q. 1. p. 332. Mol. d. 206. n. 2. Laym. l. 3. tr. 3. p. 3. c. 13. n. 2. cum Sylv. et Salm. tr. 12. de rest. c. 3. punct. 1. §. 1. n. 2. cum P. Nav. Tapia, Reb. Bann. eto. Ratio, quia sicut puella, cum possit liberè nuptias respuere, non facit injuriam parentibus, si ad illas minùs aptam se reddat, consentiendo in suam deflorationem, ita neque injuriam eis facit deflorator, ipsam consentientem violans.*

Excipitur 1. si vir deinde facinus propalando puellam infamaverit, tunc enim ex justitia tenetur omne damnum ex infamatione proveniens, puellæ et parentibus resarcire; ut rectè advertunt *Laym. loc. cit. n. 2. in fine, et Salm. ibid. n. 7. in fine.* Excipitur 2. si deflorator sit valde dives, et puella pauper; tunc enim tenetur ipse dare ei aliquam saltem partem dotis, licèt non promiserit, quia tunc censetur puella

sub hac spe, et ex quodam implicito pacto suæ deflorationi consensisse: ita *Salm. loci cit. n. 6. cum Bann. Villal. et Tapia*. Quamvis *Dicast. et Rebell.* dicant ad id teneri violatorem tantum ex consilio, et æquitate. Excipitur 3. cum *Laym. dicto n. 2. in fine*; si iudex, sequendo sententiam probabilem oppositam, damnet defloratorem ad poenam, propter injuriam parentibus illatam; bene enim contra ipsum competit parentibus actio pro injuria, ut dicunt *Lugo de rest. d. 12. n. 10. et Molina d. 104. n. 12. cum Guttier et Salcedo*.

Cæterum loquendo de legibus, quæ in foro externo cogunt defloratorem ad puellam ducendam, aut dotandam (ut habetur in c. 1. et 2. de adulter. et in l. unic. ff. de Rapt.) eò quod leges ordinariè præsumunt; nisi oppositum probetur, virginem fuisse deceptam, rectè dicunt *Salm. ibid. c. 3. n. 5.* ad ea non teneri in conscientia defloratorem, si puella reverà sponte consensit. Leges enim, quæ fundantur in falsa facti præsumptione, non obligant in conscientia, ut diximus l. 1. n. 100. in fine v. Quæro.

Hic obiter adnotare juvat cum *Cont. Tourn. de 6. præc. art. 2. concl. 2. Quæres.* valdè utile fore ad hujusmodi flagitia vitanda, quod promissiones matrimonii ad obtinendam deflorationem, etiam fortè juramento firmatæ, invalidæ declarentur ab Episcopis, prout fert auctor præfatus in praxi deductum in quadam diocesi Gallicana cum magno profectu. Præterea notandum cum *Sylvio ex Nav. et Sayro apud eumd. Cont. Tourn. de 6. præc. art. 1. concl. 2. Quær. 1. in fin.* quod si vidua, habens bona relicta à viro cum conditione, ut castè vivat, fornicetur, nequit bona illa retinere propter conditionem non servatam.

Hæc de viro deflorante virginem consentientem. Si verò quis vi, minis, aut fraudibus violet, hic tenetur tam puellæ, quam parentibus omnia damna reparare, honoris, et fortunæ; ex c. Si culpa, de injur. Hinc tenetur talem augere dotem, ut puella æquè benè nubat, ac si violata non fuisset; ita communiter *Lugo dicta d. 12. n. 13. Less. c. 10. n. 11. Sanch. l. 7. d. 14. n. 12. Ronc. p. 332. q. 2. Laym. dicto c. 13. n. 5. et Salm. loc. cit. n. 8.* Qui addunt, teneri defloratorem etiam aliquid aliud dare puellæ prudentum arbitrio, propter moerorem et periculum vexationis patiendæ à viro, si corrupta cognoscatur. Satisfacit tamen stuprator dotando,

non tenetur enim eam ducere, si matrimonium non promiserit, ut *Less. n. 13. Lugo n. 11. et 14. Salm. dict. c. 3. n. 9. cum Bann. Dicast. et Rebell.* Verumtamen iudex (ut notant *Salm. ib.*) bene potest eam obligare ad eam ducendam in pœnam sui criminis, ex *cap. 1. de adulter.*; juxta olim sanctam ex *Exodi c. 22. v. 16.* ubi: *Si seduxerit quis virginem.... dormieritque cum ea: dotabit eam, et habebit eam uxorem.* Si autem ipse vellet eam ducere, at puella nuptias respueret, tenetur eam omninò dotare, ut rectè dicunt *Less. c. 10. n. 12. Ronc. loc. cit. Lugo n. 12. cum Azor et Turr. ac Salm. n. 10. cum Rebel. et Dicast. vide infra num. 648.* Et idem dicendum etiam in dubio, an puella fuerit priùs, vel non, ab alio corrupta, quia præsumitur ipsa integra, donec certò oppositum probetur. Item, si vir rem habeat cum puella clam corrupta, vel cum vidua honestæ famæ, et ex suo injusto concubitu ipsæ famæ jacturam faciant. Secùs verò, si concubitus omninò occultus remaneret; tunc enim ad nihil teneretur: ita *Laym. c. 13. n. 4. Ronc. loc. cit. et Salm. de restit. c. 3. p. 1. §. 1. n. 11. ex communi DD.*

642. — Dubium fit 1. Quid si virgo injustè violata postea æquè bene nubat? Respondetur, ad nihil tenèri violatorem, nisi ante matrimonium, per sententiam vel pactum, dos fuerit puellæ adjudicata; nam aliàs nil tenetur præstare: non pro violatione virginitatis, quæ irreparabilis est; nec pro damno, cum nullum secutum sit: ita *Nav. Man. c. 16. n. 7. et 19. Less. l. 2. dub. 2. c. 10. n. 13. Lugo d. 12. sect. 1. n. 16. Laym. c. 13. n. 4. cum Vasq. Corduba, et Azor ac Salm. ibid. n. 12. cum Dicast. Villal. P. Nav.* Qui tamen advertunt, quòd si mulier malè tractetur à viro ob cognitum defectum, tenetur stuprator damna mulieri compensare.

Dubium fit 2. An qui precibus repetitis et importunis, vel muneribus, aut promissis virginem ad consensum deflorationis induxit, teneatur eam ducere, vel dotare? Negant communissimè *Sanch. de matrim. lib. 4. d. 10. n. 1. et 4. Less. cap. 10. n. 14. Lugo d. 12. sect. 1. n. 4. et Salm. loc. cit. n. 14. cum Vasq. Soto, Dicast. Diana, et P. Nav.* Ratio, quia preces illæ, aut promissa non tollunt, quòd virgo verè sponte consentiat, cum possit facilè, ut decet, molestiam illam excutere. Excipiunt 1. præfati AA., si unà cum precibus junctæ sint minæ, aut metus reverentialis. Excipiunt 2.

si preces essent adeò importunæ et frequentes, ut puella majus detrimentum putaret vexationem illam, quam virginittis jacturam; tunc enim sollicitatio tam importuna vi comparatur ex l. 1. de raptu, et Glossa in c. Scienti, de reg. jur. in 6. Tametsi benè addant Salm. ibid. n. 13. cum Sanch. et Less. rarissimè id contingere, dum scemina de facili possit, conceptà irà, vel aliter, à sollicitante se liberare. Excipiunt 3. Ronc. dicta qu. 2. pag. 353. in fine, et Salm. ibid. n. 16. cum Bann. Tapia, et Villal. si vir incipiat tactibus et osculis vim puellæ inferre, etiamsi illa postea liberè consentiat deflorari, quia per antecedentem illam violentiam vir constituit eam in proximo periculo consentiendi in copulam. Excipiunt 4. Ronc. et Salm. cit. n. 16. cum. Reb. et Dic. si vir nolit discedere, et virgo consentiat, quia aliàs timet infamari, si cum illo ab aliis sola reperiatur. In his tamen et similibus casibus dicunt Salmant. ibid. in fine, tenèri violatorem tantùm ad partem, non verò ad omnem damnorum reparationem.

§. II.

Ad quid tenetur deflorator, si matrimonium verè, aut fide promittat?

Quæritur I. An, qui per fictam promissionem matrimonii copulam extorserit à virgine, teneatur eam ducere?

Prima sententia dicit, eum non tenèri, sed satisfacere, si damnum reparet eam dotando. Ita Gabriel, et Barth. Led. apud Salm. de matrim. cap. 1. punct. 3. n. 53. idem tenet Præpos. ap. Tamb. Dec. lib. 7. cap. 5. §. 3. n. 44. et probabile putat Dicast. ap. Salm. ibid. (qui citant etiam S. Antoninum, sed non benè; nam hic p. 2. tit. 5. cap. 6. §. 1. expressè tenet oppositum). Ratio istorum, quia in hoc casu stuprator non tenetur vi promissionis, cum defecerit consensus; tenetur tantùm ex damno illato; ergò sufficit ei, si damnum resarciat.

Secunda sententia, tamen communis omninò tenenda, docet, ipsum obligari ad matrimonium. Hanc tenet D. Th. Suppl. q. 46. art. 2. ad 2. et sequuntur Busemb. ut suprà, S. Anton. p. 2. tit. 5. cap. 6. §. 1. Nav. Man. c. 16. n. 18. Sanch. de matrim. lib. 1. d. 10. n. 5. Lug. d. 12. n. 20. Less. lib. 2.

c. 10. dub. 3. n. 20. Escob. de rest. c. 7. n. 36. Tamb. loc. cit. Pal. de spons. d. 1. p. 2. n. 3. Elbel de matr. n. 14. Salm. loc. cit. n. 34. Croix l. 6. p. 5. n. 69. Viva de matr. q. 1. art. 2. n. 3. Laym. lib. 5. tr. 10. p. 4. c. 1. n. 11. Holzm. de matr. cap. 1. n. 149. et alii passim. Præfatam sententiam probat P. Holzm. ex cap. 1. de Adult., ubi dicitur: *Si seduxerit quis virginem nondum desponsatam, dormieritque cum ea, dotabit, et habebit eam uxorem; si verò pater virginis dare noluerit, dabit pecuniam juxta modum dotis, quam virgines accipere consueverunt.* Sed ex hoc textu nostra sententia non satis probatur, nam docet Laym. l. 15. tr. 3. p. 3. c. 13. n. 3. cum Nav. Mol. Azor. P. Nav. etc. et Cont. Tourn. de justit. et jur. part. 3. cap. 3. art. 2. sect. 9. r. 4. quòd lex præfata non obligat in conscientia ante judicis sententiam. Hic tamen notandum, quòd omnes conveniunt cum Lugo d. 12. num. 11. defloratorem tenèri in conscientia, vel ducere violatam, vel aliter damnum reparare. Hinc, si non possit damnum resarcire, dicendum cum Lugo n. 16. ipsum omninò tenèri ad eam ducendam; nisi (benè excipit ipse Lugo ib. cum Mol). conditio viri multum excederet fœminæ conditionem, quia nemo tenetur restituere cum suo damno, nimis excedente debitum, juxta dicenda n. 697. Melius autem nostra sententia probatur rationibus intrinsicis. Ratio 1. est, quia aliter, si deflorator virginem deceptam non ducat, numquam ei reddet æquale, nec damnum adæquandum reficiet. Ratio 2. quia in contractibus innominatis, *do ut des, facio ut facias*, quando alter ex sua parte implevit, tenetur alter implere ex justitia quamvis fictè contraxerit. Ut enim humanum commercium rectè servetur ob bonum commune, ipsum jus naturæ exigit, ut omnis fraus à contractibus absit, et propterea obligat decipientes, ut in pœnam suæ fraudis teneantur ita reddere omninò indemnes proximos deceptos, ac si nulla fraus intercessisset. Unde, sicut in aliis contractibus, quando res non est integra, tenetur ex. gr. venditor tradere domum venditam, pro qua pretium jam accepit, quamvis fictè contraxerit, juxta communem sententiam, quam referemus de contract. n. 709. Ita in casu præsentis deflorator, etiamsi aliunde posset damnum resarcire, tenetur omninò matrimonium promissum contrahere.

643. — Hæc verò sententia limitatur, I. nisi fœmina ex

verbis, aut aliis conjecturis facile poterat advertere deceptionem promittentis; tunc enim non tenetur deflorator promissionem servare, cum ipsa eo casu videatur spontè voluisse decipi. Ita communiter *Sanch. lib. 1. d. 10. n. 7. cum D. Th. D. Antonin. Ang. Sylv. Tab. etc.* Ilinc docet *Less. cap. 10. n. 24.* quòd si vir inconstanter fuerit locutus, vel usus fuerit verbis ambiguis, vel nimias adhibuerit exaggerationes, tunc non tenetur ad matrimonium. An autem eo casu teneatur ad damnum compensandum, mox infra videbimus *Dubitatur 3.*

Sed hic dubitatur 4. An teneatur stuprator ad nuptias fictè promissas, si ipse notabiliter excedat in nobilitate vel divitiis conditionem mulieris, et illa jam noverit disparitatem? *Pal. loc. cit. et Pontius de matr. l. 12. c. 2. n. 15. Croix lib. 6. p. 5. n. 71. Laym. de spons. cap. 1. n. 11. cum Nav. Vasq. etc.* tenent, non sufficere solam inæqualitatem ad liberandum virum à matrimonio promisso; sed insuper requiri, ut ex aliis circumstantiis puella potuerit deceptionem percipere, cum non rarò viri fœminas dispares ducant. Sed valde probabiliter cum excusant cum *Busemb. ut supra, Salm. l. cit. n. 37. Lugo de just. d. 12. n. 21.* (cum communi, ut asserit) et *Sanch. n. 3. cum S. Anton. Nav. Sylvest. Ang. Arm. et aliis pluribus.* Ratio, quia ipsa disparitas conditionis de se ingerit motivum, ad prudenter dubitandum de veritate promissionis; quòd si fœmina eo casu non dubitaverit, ut debebat, hoc per accidens se habet, et suæ negligentiae imputandum. Sicque expressè docuit *D. Th. Suppl. q. 46. a. 2. ad 4.* ubi dixit quòd sponsus extorquens copulam à virgine per fictam promissionem, *tenetur eam ducere in uxorem, si aliam non duxerit; sed si aliam duxerit, sufficit si ei de nuptiis provideat; et ad hoc etiam non tenetur, ut quidam dicunt, si sponsus (nota) sit melioris conditionis, aut aliquod signum fraudis evidens fuerit, quia præsumi probabiliter potest, quòd sponsa non fuerit decepta, sed decipi se finxerit.* Et in his casibus vir non tenetur ad matrimonium, etiamsi juramento promissionem firmaverit, ut dicunt *Lugo n. 22. et Sanch. lib. 1. d. 9. n. 8. et d. 10. n. 8. cum S. Antonin. Sylvest. Cajet. Sot. Nav. et aliis plurimis.* Ratio, quia juramentum non obligat, nisi juxta intentionem promittentis. Quanta autem debet esse hæc disparitas ad liberandum virum à matrimonio? *Less. d. cap. 10. n. 21.* requirit, ut vir sit longè nobilior, nempe si sit filius comitis; et mulier sit filia fabri;

sed *Sanch. lib. 1. d. 10. n. 6. cum S. Anton. et Nav. sit, multò minorem disparitatem sufficere; nempe si nobilis ducere debeat filiam agricolæ, vel si ipse sit notabiliter opulentior, ut ibid. subdit Sanchez cum Nav. Lop. Cordub. Veracr. et admittit idem Less. loc. cit. Sic enim loquitur Navar. Manual. cap. 16. n. 18. Obligatur ad explenda promissa... nisi essent valde inæquales genere, potentia, vel divitiis, puta si ille esset nobilis, et illa agricolæ, vel artificis filia. Idem docet D. Antonin. p. 2. tit. 3. c. 7. §. 1. ubi: Servet promissum, nisi nimis distans esset eorum conditio, puta mulier plebeja, vir nobilis et potens.*

Dubitatur 2. An deflorator eo casu teneatur ad matrimonium, si puella omninò disparitatem ignoraverit? Affirmant probabiliter *Lessius loc. cit. n. 22. et Busemb. de matr. cap. 1. d. 2. quia tunc mulier nullo modo potuit deceptionem advertere. At valde adhuc probabiliter negant Lugo d. 12. num. 31. et 32. Viva loc. cit. n. 4. Saln. de matrim. cap. 1. punct. 3. n. 38. cum Cornejo, Sanch. n. 21. et probabile putant ipse Less. loc. cit. et Cordub. Mon. P. Led. Verac. apud Sanch. Ratio, quia deflorator non obligatur nisi ad æqualitatem injuriæ illatæ; injuria autem illata in hoc consistit, quòd ipse non servet id, quod mulier petiit, et propter quod copiam sui corporis ei fecit. Ergo ad reparandam injuriam illam non tenetur vir reddere plus, quàm mulier petiit: mulier autem, ignorans conditionem viri, nihil aliud petiit, quàm ut alter ejusdem suæ conditionis, vel parùm excedentis eam duceret. Si igitur vir multò melioris conditionis illam eo casu sibi matrimonio copularet, redderet plus quàm æquale injuriæ illatæ, dum redderet id, quòd illa nec petiit, nec petere intendit; et ideo non tenetur eam ducere, sed sufficit, si damnum reparet, eam dotando, vel de nuptiis providendo.*

Dubitatur 3. Utrùm casu, quo mulier ob disparitatem cognitam, vel ob alias conjecturas potuit percipere deceptionem, teneatur saltem vir ad damnum compensandum? Affirmant *Sot. Nav. Cord. et alii ap. Sanch. dict. d. 10. n. 18., quia ipse jam injustè puellam defloravit. Sed probabilius negant Less. cap. 10. n. 24. Lugo d. 10. n. 30. Sanch. n. 49. cum S. Anton. Sylv. Tab. Ang. Arm. Lop. etc. Ratio, tum quia, quando puella deceptionem jam percepit, ut prudenter percipere debuit, tunc rectè præsumitur liberè consensisse: tum quia ad*

obligationem restitutionis non sufficit animus internus, sed amplius requiritur actio externa injusta, per se apta ad damnum inferendum, ut diximus n. 384. Hinc si damnum evenit sine tali actione, per accidens evenit, et nulla debetur restitutio. Idque expressè tenet *D. Th. l. c.* ut vidimus, ubi docet, stupratorem ad nihil tenèri, si sit melioris conditionis, vel aliud signum dederit deceptionis, et *D. Th.* sequitur *S. Anton. p. 3. tit. 1. cap. 19.* sub initium.

644. — Limitatur II. Si timeatur ex matrimonio pessimus exitus, ut si puella noseatur nimis levis, ut dicunt *Bus. ut suprà, Lug. d. 10. n. 23. et Sanch. d. 10. n. 10. cum Man. et Henr.* Idem dicunt *Sanch. ib. cum S. Anton. et Salmant. ibid. n. 40. cum Dic.* si timeantur magna scandala, vel rixæ inter consanguineos contrahentium. Sed quoad hoc punctum vide quæ dicemus de matr. l. 6. n. 851. vers. *Ad id autem.* Casu verò, quo ex tali matrimonio dedecus obveniret familiæ viri, ratione disparis conditionis; puto ipsum minimè tenèri virginem violatam ducere, sive fictè, sive verè promiserit: nam si fictè promiserit, jam probavimus, eum non tenèri ad matrimonium, imò nec etiam ad damna, ut mox suprà diximus. Si autem verè, nec etiam tenetur eam ducere, quia promissio est nulla, cum sit de re illicita, utpote de matrimonio cum dedecore familiæ, prout dicemus de matrim. d. n. 851. cum *Laym. Ronc. etc.* sed dices: Si virgo deflorata condonet viro obligationem matrimonii promissi, validè condonat, etiamsi ex condonatione infamia suæ familiæ obveniat, quia jus ad matrimonium ipsi propriè competit, et idè illi liberè potest cedere, ut probabilissimè dicunt *Lugo d. 12. n. 9. cum Vasq. (contra Cordub. et alios) Less. c. 10. num. 9. Laym. lib. 3. tract. 3. part. 3. cap. 13. num. 2. Roncaglia de 7. præcept. cap. 2. quæst. 1. r. 2.* Ergo à pari videtur dicendum, quòd si vir promittat, se ducturum scēminam cum dedecore familiæ, validè promittit. Sed respondetur, quòd dispar sit ratio inter promissionem, et contractum consummatum; nam promissio non potest esse valida, nisi sit de re licita, cum justitia non possit obligare ad illicitum, juxta dicenda n. 712. Et idè promissio de ineundo matrimonio cum dedecore familiæ non est valida, quia est de re illicita: contractus verò consumptus potest esse quidem illicitus, et validus. Cum ergò puella corrupta condonat matrimonium validè condonat (quam-

vis illicitè, si immineat familiæ infamia,) quia cedit juri suo; et sicut illa potuit antecederent consentire ad damnum deflorationis, sic etiam potest deinde cedere juri acquisito; sed si tantum promitteret, se cessuram, nulla esset promissio, tamquam de re illicita propter infamiam suæ familiæ. R converso, si talis vir contrahat matrimonium cum puella, etsi illicitè, validè tamen contrahit. At, si matrimonium solum promittat, invalidè promittit; sicut, si quis habens votum castitatis contrahat matrimonium, validè contrahit; si verò solum promittat, invalidè promittit, et ad nihil tenetur, nisi aliunde teneatur ad damnum illatum, ut suprà diximus.

643. — Limitatur III. Si vir habeat solos tactus cum virgine, ita *Sanch. l. 1. d. 10. n. 14. cum Nav. Lugo d. 12. n. 37. Croix l. 3. p. 2. n. 329.* Modò (ut benè excipiunt *Lugo. n. 48. et Croix l. c. cum Sanch. qui adhæret n. 24.*) ipsi tactus aut familiaritas cum fœmina non innotescant, ita ut ipsa, nisi ducatur, infamiam subire debeat. Hæc tamen exceptio valet, quando vir solos tactus petierit cum pacto matrimonii; nam aliter dicendum, ut infrà videbimus, si ille simul tactus et copulam postulaverit. Ratio autem, cur vir solos tactus exigens non teneatur ad matrimonium, est, quia tactus non afferunt tantam injuriam, quæ proportionem habeat cum onere ducendi; et ideò mulier faciliè tunc potuerit fictionem promissionis advertere. Rectè verò advertit *Lugo l. c.* quòd hoc procederet, si fœmina esset humilis conditionis; secùs, si esset nobilis, et honesta, et ex illis tactibus multum deturpata remaneret, ita ut sine spe matrimonii minimè eos præstasset, tunc enim probabiliùs tenetur vir eam ducere, quia injuria esset eo casu satis æqualis nuptiis promissis. Idem censet dicendum *Lugo ib.* etiam quoad fœminam humilis conditionis, si vir petiisset simul ab ea tactus et copulam; quia tunc, ut ait, fœmina nequisset advertere fictionem. Sed pace tanti doctoris, meliùs dicendum mihi videtur cum *Tamb. quem sequitur Sporer de matrim. n. 602.* eo casu omninò excusandum virum ab onere matrimonii, quia tunc nulla adfuisset fictio promittentis, nec mulier præstitit id, quod vir petebat sub promissione conjugii; et ideò, cum fraus abfuerit, non tenetur ipse nisi ad compensandum damnum infamiæ, quam fortè ex illis tactibus mulier esset subitura: ita *Tamb. Dec. l. 7. c. 3. §. 2. n. 41.* Et hic mihi permittatur obiter verbum dicere

de hoc auctore, qui ab aliquibus nimis parvipenditur. Negari non potest, quòd auctor iste multum facilis fuerit ad tribuendum probabilitatis pondus opinionibus, quæ probabiles dici non merebantur, unde, cum cautela legendus est. Cæterum ubi ille ex sua sententia loquitur, ut verbis utar doctissimi et illustrissimi Episcopi D. *Julii Torni*, sanè theologicè loquitur, et ex propriis principiis quæstiones resolvit, ita ut sententiæ, quas ipse probabiliores judicat, sapientum judicio, ut plurimum probabiliores sint.

646. — Limitatur IV. Si vir fœminam cognoverit, existimans, eam esse virginem, sed corruptam invenerit. Ita *Salm. de restitut. c. 3. punct. 1. §. 1. num. 19. et de matrim. c. 1. p. 3. n. 39. Sanch. l. 1. eod. d. 10. n. 11. cum Lop. et Bordon. item Spor. Layman. Holzm. Ronc. locis c. etc. comm.* Idemque dicendum putat *Sanch. ibid.* pro quocumque alio notabili errore viri. His tamen casibus putat *Sanch. l. c. Spor. n. 602. Lugo d. 12. n. 23. tenèri* virum aliquid compensare fœminæ ratione copulæ traditæ; nisi fœmina eum deceperit fingens se virginem; quia tunc una deceptio cum altera compensatur. Ita præfati auctores; sed probabilius docent *Less. c. 10. n. 30. Ronc. de matr. cap. 2. q. 3. Conc. tom. 7. pag. 216. et 218.* in eo casu virum ad nihil tenèri, nisi pactum præcessisset dandi aliquid: vel nisi ex copula illa mulier infamiam contraxisset, nam aliàs pro damno violatæ honestatis probabilius nihil debetur, cum tale damnum nullâ pecuniâ compensari possit, prout diximus pariter de restitutione vitæ et famæ ablatæ (*vide dicta n. 627.*). Imò probabiliter ait *Elbel de rest. num. 221.* quòd si puella idèò infametur, et à meliori connubio impediatur, quia ipsamet stuprum clam passum manifestat, ad nihil tenetur stuprator. Ratio, quia ipsamet sola tunc est causa sui damni. Quid si vir ante copulam non ignoraverit, fœminam illam esse corruptam? Eum adhuc tenèri ad eam ducendam sentiunt *Cordub. Man. et Lop. apud Sanch. n. 22.* sed melius distinguendum: Si fœmina fuerit corrupta extra matrimonium, tunc dicendum cum *Sanch. ib. et Salm. ibid.* tenèri virum tantum ad damna, non verò ad matrimonium, quia reverà matrimonium cum fœmina inhonestè corrupta est longè majus, quàm copula exacta. Si verò fœmina sit bonæ famæ, et fuerit corrupta ex matrimonio, *Sanch. num. 23. cum Henr. et Verac. censet,*

virum tunc non tenèri ad matrimonium, nisi fœmina infamiam ex copula contraheret. Sed veriùs dicendum cum *Lugo n. 54. et Salm. l. c.* virum semper tenèri ad eam ducendam, quia tunc copula reverà est æqualis ad matrimonium promissum, ad quod vir obstrictus remansit per deceptionem commissam, ut diximus in principio hujus quæst. n. 642.

647. — Limitatur V. si non stet per virum, quominùs matrimonium fiat; sed stet per puellam, quæ deflorationi consensit sub illa ficta promissione; tunc enim vir ad nihil teneatur, etiamsi verè promississet; ergò tantò magis, si fictè promiserit, ut *Sanch. l. 1. d. 10. n. 15. et Lugo, d. 12. n. 28.* ubi id habet ut certum. Sed rectè excipit *Lugo ibid.* si stuprator se finxerit melioris, vel æqualis conditionis fœminæ, cum fuerit inferior, quia tunc non obligatur ad eam dotandam. Dubium est, quando non stat per puellam, sed per ejus parentes, an eo casu vir fictè promittens teneatur damnum compensare? Negant *Sanch. d. 10. n. 16. et Lugo num. 29. cum Tur.* Ratio, quia tunc non tenetur ratione fictæ promissionis, cum per eam teneretur tantum ad conjugium, ac si verè promississet: nec ratione damni illati, quia damnum tunc non provenit ex sua fraude, sed ex repugnantia parentum. Sed veriùs mihi videtur tenendum oppositum cum *Sylv. Nav. Henr. ap. Sanch. n. 15. et Vasq. ap. Lugo l. c.* Ratio, quia, si deflorator verè promississet conjugium, adhuc teneretur ad damnum compensandum, etiamsi per ipsum non stet, quominùs matrimonium ineatur, quando promissio principaliter facta fuerit ad damnum compensandum. Quando autem promissio fuit ficta, certè non ob aliud fuit facta, nisi ad damnum reparandum; et idcò ad illud puto eum omninò tenèri ac si damnum se compensaturum promississet.

648. — Quæritur deinde II. Si virgo vi corrupta nolit matrimonium contrahere cum stupratore, an teneatur ipse eam dotare? Negant *Molin. Covarr. etc.* Sed probabiliùs affirmant *Lugo d. 12. n. 12. et Croix l. 3. p. 2. num. 313. cum Less. Azor, Bon. et Turr.* Ratio, quia non est æquum, ut puella ob injuriam stupratoris suâ libertate privetur nubendi quocum velit. Si autem ipsa, cum esset vi corrupta, nollet dotem, sed peteret matrimonium, *Azorius* ad illud obligat stupratorem; sed communiter *Less. cap. 10. n. 13. et Lugo l. c. n. 15. cum Gob. ap. Croix ib.* dicunt, satis esse, ut ille

dotando eam damnum compenset: intellige autem, nisi interfuerit promissio, saltem ficta, ut supra diximus; aut nisi non possit alia viâ damnum reparari, quàm per nuptias, ut notat *Croix l. c.* cum eisdem AA. Dummodò verò (ut advertunt *Lugo n. 18. et Tamb.*) non sit magna disparitas, juxta supra dicta n. 643.

649. — Queritur III. An vir habens votum castitatis vel religionis teneatur ducere virginem defloratam post veram vel fictam promissionem matrimonii? Si votum fuerit emissum post promissionem, commune est doctorum apud *Croix lib. 3. p. 2. num. 320.* tenèri virum ad conjugium, quia tunc votum est nullum, cum factum fuerit in injuriam puellæ. Dubium est, si fuerit emissum ante promissionem?

Prima sententia negat eum tenèri, et hanc tueatur *Laym. lib. 5. tract. 10. p. 1. c. 2. n. 5. cum Nav. Rodr. Dian. 3. p. tr. 4. r. 280. Sahn. de rest. cap. 3. punct. 1. §. 2. num. 25. cum Sylv. Prad. et Dic. item Peraz, Hurt. et Gob. apud Croix l. 3. p. 2. n. 320.* et probabilem vocant *Lugo d. 12. n. 41. ac Sanch. de matr. l. 1. d. 5. num. 2. cum Man. ac Vivald. et probabilior*em putat *P. Conc. t. 7. d. 3. c. 2. n. 10.* Ratio, quia tunc corruptor non tenetur ratione damni illati, quia defloratio injusta sine promissione non obligat præcisè ad matrimonium cum deflorata, sed ad alterutrum, vel ad eam ducendam, vel ad dotandam. Neque tenetur ratione promissionis, cum illa fuerit nulla. Nec obstat, quòd fictè promittens obligetur ad matrimonium ratione delicti; nam respondent AA. citati, delictum fictè promittentis in hoc esse, quòd, cum poterat apponere verum consensum, fraudulenter non apposuerit. In præsentì autem casu, stante voto, corruptor non poterat verum consensum præstare, et ideò tenetur tantum ad damnum, eam dotando, vel de nuptiis providendo, eodem modo, ac si sola defloratio sine promissione intercessisset.

Secunda sententia verò probabilior, quam tenent *Less. l. 2. cap. 10. n. 52. Sanch. de matr. lib. 1. d. 45. num. 3. Lugo d. 12. n. 42. cum Vasq. Con. Reg. et Gutt. Tamb. Dec. lib. 7. cap. 5. §. 2. num. 34. Sporer de matrimonio cap. 3. num. 601. Croix lib. 3. p. 2. num. 320.* docet, talem stupratorem omninò tenèri ad matrimonium. Ratio 1. quia (ut diximus) damnum deflorationis numquam adæquatè reparatur,

338 *Lib. 4. Tract. 5. De septimo præcepto decalogi.*
nisi per solum conjugium. Ratio 2. quia obligatio ducendi
defloratam oritur non ex eo, quòd tenebatur corruptor verè
promittere, et non promisit, sed ex ipso delicto fraudis, in
cujus pœnam, ut probavimus, remanet ipse obstrictus ad
reddendam indemnem alteram partem deceptam, tali modo, ac
si non intervenisset fraus; hoc enim expostulat æquitas natura-
lis contractuum propter bonum commune. Et sic respondetur
rationi oppositæ sententiæ. Nec obstat votum emissum, quo
vigente, videtur corruptor non potuisse ad matrimonium se
obligare. Nam respondet *Lugo*, communem esse sententiam,
quòd debita onerosa semper sint præferenda debitis, quæ
obligationem trahunt ex libera voluntate hominis prout sunt
vota. Ita communiter docent *Less. l. 2. c. 15. n. 55. Mol. d. 790. Bon. de rest. d. 1. q. 8. p. 2. n. 12. Lugo d. 20. n. 140. cum Navar. Man. Med. Reb. Reg.* Et probatur ex *l. Inter eos, §. Is quoque ff. de re jud.* ubi dicitur: *Qui ex causa donationis convenitur, in quantum facere potest condemnatur, et quidem is solus, deducto ære alieno.* Ratio, quia in promissione gratuita semper subintelligitur conditio: *dabo, si potero, vel nisi status rerum mutetur.* Et signanter loquendo de votis, id docent *Laym. lib. 4. tr. 4. c. 3. q. 6. n. 13. Sanch. Dec. lib. 4. c. 15. n. 39. Bon. tom. 2. d. 4. q. 5. §. 2. n. 29. Pal. d. 1. p. 16. n. 10. Salm. de vot. c. 1. punct. 4. §. 5. num. 125. cum Trull. et Leand.* Eò quòd vota non sint solvenda nisi ex bonis ipsius voventis; bona autem voventis sunt ea sola, quæ remanent deducto ære alieno, ex *l. Mulier, ff. de jure dotium.* Hinc est, quòd si quis voverit dare bona sua Ecclesiæ, et postea damnum alicui inferat, prius tenetur resarcire damnum, et deinde implere votum. Sicque votum castitatis semper intelligitur emissum sub conditione, nisi advenerit obligatio alteri damnum compensandi. Et hoc censet valere *Lugo d. 12. n. 50.* etiamsi virgo violata fuerit conscia voti; et meritò probabile putat *Croix d. num. 320. contra Sanch. et Less.* ex infrà dicendis. Sed dices: Si hoc esset, ergò posset deflorator sine dispensatione matrimonium contrahere? Non desunt AA. qui dicunt, eum posse, ut *Less. l. 2. c. 10. n. 34. Spor. de matr. c. 3. n. 601. Tamb. l. c. n. 36. et Trull. Candid. etc. ap. Salm. de rest. cap. 3. punct. 1. §. 2. n. 22.* qui censent, dispensationem non esse tunc necessariam ad contrahendum, sed tantum eam sua-

dent, ut vir possit inde etiam eam petere. Sed præterea respondendo cum *Lugo d. 12. num. 41.* quod, licet talis vir nequisset matrimonium promittere, poterat tamen promittere se impetraturum dispensationem, et ad hoc stuprator jam se obligavit ratione deceptionis, copulam extorquendo sub promissione matrimonii; unde tenetur ipse dispensationem impetrare; qui enim tenetur ad finem, tenetur etiam ad media necessaria ad finem conducentia, cum possit ea ponere sine gravi incommodo. Deflorator autem in hoc casu facillime potest dispensationem obtinere, et ideo tenetur: prout, si religiosus teneatur alicui damnum resarcire, et possit restituere, laborando, vel petendo à prælato facultatem, ad id tenetur. Hæc secunda sententia mihi certò at longè probabilior videtur. An autem prima sententia sit probabilis, dubitat *Tamb. n. 33.* imò *Spor.* ait, non esse audiendum *Dianam*, qui eam tuetur. Ego ipsam nec probabilem nec improbabilem dicere audeo.

Illi autem opinioni, quam tenent *Laym. eod. l. c. et Nav. Man. apud Lugo d. 12. n. 40.* nempe quod si vir non possit eo casu damnum resarcire, nec etiam tenetur ad matrimonium. Huic dico opinioni non valeo acquiescere; veriùs enim contradicit sapientissimus *Lugo n. 41.* et eum sequitur *Sporer de spons. c. 3. n. 593.* Ratio, quia certum est apud omnes, quod injustus deflorator, etiamsi matrimonium non promiserit, ad illud teneatur, si non possit aliter damnum resarcire, ut docent communiter *Less. l. 2. c. 10. n. 13.* ipse *Lugo n. 11.* et *Salm. loc. cit. §. 1. n. 9.* cum *Bann. Dicast. Villal. etc.* Tantò magis igitur stuprator, quando matrimonium fictè promisit, ad illud tenetur, si aliter damnum nequeat compensare. Modò (benè excipit *Lugo n. 18.*) ipse non sit multò melioris conditionis, ut diximus.

630. — Quæritur IV. Ad quid teneatur, qui sub promissione matrimonii violaverit consanguineam? Duo casus in hoc sunt distinguendi. Primus casus est, si vir promiserit matrimonium expressè sub pacto impetrandi dispensationem; et tunc, quando impedimentum est tale, ut in eo Pontifex numquam vel rarò soleat dispensare, prout inter consanguineos in 1. vel 2. gradu transverso, utique promissio erit omninò invalida, atque ideo non erit alia obligatio, quàm resarciendi damna. Quando verò impedimentum est tale, in

quo Papa dispensare solet; alii dicunt, promissionem matrimonii esse invalidam, ut *Innoc. Hostiens. Abb. Præpos. Sylv. Henr. Villal. Vict. Led. etc. ap. Sanch. de matr. l. 5. d. 5. n. 5.* qui probabile putat; et ita tenent omnes, qui excusant in casu præcedenti ab obligatione ducendi stupratorem habentem votum castitatis; idque fortius dicunt in hoc casu, ubi adest impedimentum non solum impediens, sed etiam dirimens. Ratio, tum quia hæc conditio rejicitur à contractu matrimonii, tamquam impossibilis; ea enim quæ à voluntate principis pendent impossibilia dicuntur, ex *l. Continuus 157. §. Cum quis ff. de verb. oblig.* Tum quia impediti ad matrimonium, sicut sunt inhabiles ad contrahendum, ita ad promittendum; et pro hac opinione *Dian. p. 6. in fine r. 290.* adducit plures decisiones Rotæ Rom. Alii tamen communius et verius docent, talem promissionem satis obligare; ita *Lug. d. 13. n. 33. Laym. l. 5. §. 10. p. 2. cap. 7. n. 4. Sporer de spons. c. 1. n. 211. cum Pal. Con. et Dic. Salm. de matrim. cap. 2. n. 74. cum Pont. Bon. Reb. et Led. Sanch. loc. cit. n. 12. cum Mol. Cov. Lop. Gom. Holzm. de matr. c. 5. n. 191. cum aliis communiter*, ut asserit. Ratio 1. quia matrimonium promissum sub tali pacto reverà est possibile, id enim, quod princeps concedere solet, minimè impossibile reputatur, ut habetur ex *l. apud Juliam, ff. de leg. §. Constat de leg.* Tum quia omnis contractus, licet pro tempore impedimenti non sit validus, potest tamen esse validus respectu ad tempus, quo impedimentum auferitur; actus enim factus tempore inhabili, valet, juxta jurisperitorum axioma, pro tempore habili, ad quod refertur. Et sic respondetur rationibus oppositis. Hinc stuprator eo casu benè tenetur ad dispensationem impetrandam, et deinde ad matrimonium contrahendum.

Secundus casus est, si promissio matrimonii sit absoluta, nullà factà mentione dispensationis; tunc dicit *Sanch. dict. d. 5. n. 26. cum Cov. Nav. Gutt. Led. Lop. etc.* promissionem esse omnino nullam, utpote de re bonis moribus adversa, ex *l. Si stipulator 33. ff. de verb. oblig.* Sed verius adhuc puto cum *Lugo d. 13. n. 54. Groix l. 5. p. 2. n. 514. Tamb. Dec. l. 7. c. 6. §. 3. n. 57. cum Mol. Tab. Arm. ap. Sanch. n. 25.* qui vocat probabile, promissionem esse validam, si impedimentum promittenti jam notum fuerit. Ratio, quia conditio illa de dispensatione impetrandâ semper in tali promiss-

sione subintelligitur tacite apposita; prout, si religiosus promittat aliquid se daturum, valet promissio, quia subintelligitur conditio apposita de licentia praelati. Ideo in tali casu vir etiam tenetur ad procurandam dispensationem, et ad matrimonium, cum taciti et expressi eadem sit ratio.

Major difficultas est, quando stuprator fictè promisit matrimonium cum pacto impetrandi dispensationem. Ille rectè distinguunt idem *Lugo n. 55. et Tamb. n. 57.* quòd si mulier prudenter advertere potuerit fictionem promissionis, vir ad nihil tenetur, quia tunc ipsa spontè decipi voluit. Secus, si mulier non potuerit advertere; quia tunc deflorator ratione fraudis tenetur ad matrimonium, et consequenter ad dispensationem impetrandam. At quid, si deflorator fictè, sed absolutè conjugium promississet consanguineæ, non advertens ad impedimentum? Respondeo: si ipse culpabiliter non advertit, tenetur pariter ad matrimonium, quia jam fraudulentè egit. Si verò inculpabiliter, tunc dico, quòd, quando dispensatio non potest obtineri sine gravi incommodo, non tenetur ad matrimonium, quia ad hoc præcisè non se obligavit, stante ignorantia inculpabili impedimenti; sed benè tenetur ad damnum compensandum ratione deflorationis extortæ; et, si non possit damnum compensare, adhuc tenetur ad matrimonium, prout tenetur quisque injustus deflorator. Ita *Lugo et Tamb. ll. cc.* Quando autem dispensatio facilè impetrari potest, et sine gravi incommodo, tunc dico, omninò tenèri virum ad matrimonium, eò quòd, qui tenetur ad finem, tenetur etiam ad media ordinaria, quæ de facili adhibere potest, ut diximus mox suprà *n. 649.* in præcedenti quaestione de eo, qui habens votum castitatis virginem violavit sub vera promissione matrimonii; deflorator enim fictè promittens matrimonium, tenetur ad illud ratione fraudis eodem modo, ac si verè promississet, ut pluries repetivimus.

ARTICULUS V.

Quid debeat restitui pro adulterio?

- 651 *Ad quid tenentur adulteri?*
 652 *Ad quid tenentur adultera?*
 653 *An teneatur manifestare, prolem non esse legitimam?*
 654 *An tunc spurius teneatur credere matri?*

653 Ad quid tenetur adulter?

656 An teneantur adulteri reddere expensas hospitalibus pro exposita prole?

657 Ad quid tenetur adulter, si dubium sit, an proles sit mariti?

658 Quid, si dubium sit inter duos adulteros?

659 Ad quid tenetur adulter, si ipse non fuerit causa suppositionis?

651. — **R**ESP. Cùm ex adulterio damnificari possint conjux alter, et proles legitimæ circa sustentationem, hæreditatem etc. patet, quòd uterque adulterans, natà eis prole, debeant, cùm id damnum causent, eatenus restituere, quantum possunt sine detrimento altioris boni, et causatione majoris mali. Est communis. Vide Laym. l. 3. t. 3. p. 1. c. 14.

Unde resolves :

652. — « 1. Quod attinet ad ipsam adulteram, ordinariè non tenetur prodere, quòd proles ejus spuria sit : nam et viro suo trinitiam, et suū odium, et discordias domesticas crearet, ac famam suam prodigeret, quibus damna fortunæ meritò cedunt. Accedit, quòd proles matri non teneatur credere, se esse illegitimam. Fill. tr. 32. q. 222.

« 2. Debet tamen, si potest, aliis industriis damnum compensare, v. gr. 1. diligentius administrando rem familiarem. 2. de cultu corporis detrahendo. 3. si habeat bona propria, plus legitimis, quàm spurio relinquendo. 4. eum inducendo, ut relictà hæreditate, vel ejus parte, amplectatur statum ecclesiasticum, vel religiosum, si idoneus sit, etc. Trull. l. c. d. 4. »

653. — Quær. I. An adultera teneatur se prodere, si sciat, prolem non esse legitimam, ad evitandum detrimentum mariti, et filiorum legitimorum? Affirmant Adrian. Palud. etc. ap. Croix l. 3. p. 2. n. 352. Sed negant Sotus, Major, et alii ibid. nisi ingens sit damnum, nempe regni, principatûs, et similis. Alii verò, ut Cajetan. Less. Scotus, Vasq. Med. Ricc. etc. apud Lugo d. 13. n. 45. negant ullo casu tenèri matrem se infamare; et probant ex cap. Officiū 9. de pœn. et rem. ubi dicitur : *Mulier, quæ, ignorante marito, de adulterio prolem suscepit, quamvis id viro suo timeat confiteri, non est pœnitentia deueganda.* Ultima tamen sententia vera, et

satis communis, quam omninò sequendam puto, et tenent *Lugo* num. 45. cum *Soto*, *Covar. Molin. Tol. Val. Turr. etc. Croix* n. 333. *Ronc. de 7. præc. cap. 2. q. 4. r. 2. cum Azor, Fill. Diana, et Tambur. Spor. de matrim. c. 2. n. 562. Elbel eod. tit. n. 457. Laym. lib. 3. tr. 4. n. 1.* Et huic se adjungit *Less. l. 2. c. 10. n. 58.* Hæc sententia distinguit: Si damnum famæ multum præponderet damno mariti et filiorum legitimorum, tunc non tenetur mater illud subire: secùs verò, si infamia non sit tanta. Hinc infertur, matrem tenèri se prodere. I. Si ipsa sit perditæ famæ, ut *Laym. Ronc. Lugo, Croix etc.* Benè tamen advertunt *Lugo* n. 57. et *Elb. n. 458.* non sufficere quamlibet suspicionem de adulterio, sed requiri, ut alii vulgò de ea malè sentiant. Idem autem, quod de fœmina malæ famæ dictum est, dicant *Lugo* et *Less.* de fœmina vili: modò (addit *Lugo*) sit adeò abjecta, ut non esset longè magis æstimabilis fama sua, quàm damnum aliis inferendum. II. Si alioquin timeatur publicum damnum, nempe, si spurrius sit perditis moribus imbutus, et succedere debeat regno, vel principatui, ut *Ronc. et Laym. cum Less.* III. Si mater se manifestando filio spurio, verosimiliter speraret filium ei crediturum, bonisque cessurum, ne timeretur ulterius magna infamia, aut vexatio matris, ut docent *Lugo* n. 60. *Ronc. cum S. Antonin. et Less. Croix* n. 333. *Holz. Spor. Tamb. l. 7. c. 3. §. 4. n. 15.* Idem dicendum videtur, si mater posset damnum vitare, se manifestando soli marito, sed benè ajunt *Lugo* et *Spor.* rarò ad hoc tenèri uxorem, eò quòd rarò ex tali manifestatione ipsa non sit subitura magnam vexationem, et hoc satis indicare videtur textus in c. *Officii*, suprà relatus.

Sed dices, nec tenèri matrem se prodere filio, quia justitia commutativa non obligat ad reparanda damna bonorum cum detrimento famæ; quæ est superioris ordinis. Et ideò ex communiore et probabiliori sententia ut dictum est n. 627. non tenetur detractor, qui non potest aliter famam restituere, eam pecunià compensare. Ex alterà vice non videtur posse dici mater modicam infamiam pati se prodendo filio, cùm communiùs doceant DD. cum *Lugo* d. 14. sect. 4. n. 52. et *Salm. de restit. cap. 4. punct. 3. §. 2. n. 48. Sot. Ban. Prado, Reb. Vill. Tap. etc.* quòd infamatio apud unum vel alterum virum adhuc sit gravis ponderis. Sed respondetur: aliud est tenèri ad compensandam famam cum facultatibus: aliud te-

nèri suam famam prodere ad damnum illatum reparandum. Non enim tenetur, qui alterum infamavit, pecuniâ famam compensare, quia fama nullâ pecuniâ reparari potest. At, cum quis damnum bonorum alteri intulit; tenetur quidem cum damno æquali, ac etiam aliquantulum majori illud resarcire, quando per manifestationem facti, quamvis cum infamatione manifestantis, damnum reparatur. In eo solo casu posset is excusari, quo certum esset, quod ad damnum resarciendum longè majus detrimentum, ut diximus, incurere deberet. In casu autem nostro non est certum, quod mater se manifestando soli filio, gravem patiatur infamiam, dum satis probabilis est sententia, quod revelatio criminis uni vel alteri viro cordato non sit gravis infamatio, *juxta dicenda lib. 4. n. 975. et in præsentī casu id dicunt Lugo et Sporer II. cc.* Cum ergo ex una parte mater sit certè obstricta ad damnum viro et aliis filiis reparandum, et ex altera non sit certa excusatio, quia certum non est, quod ipsa, revelando suum crimen filio, tale longè majus damnum incurrat, quod sufficiat ad eam excusandam; idcò possidet obligatio restitutionis, et proinde tenetur mater se prodere. Imò hoc puto dicendum, non solum si mater spem moraliter certam concipiat præcavendi damnum, ut asserunt *Less. Ronc. et Conc.*, sed etiam si habeat spem tantum verisimilem, ut dicunt *Spor. Lugo, et Holz.* ex eadem ratione, quia in dubio semper possidet obligatio matris. Secus si nulla esset spes; aut valde exigua. Hinc ajunt *Tamb. n. 16. et Elbel n. 460.* in praxi rarò tenèri matrem se manifestare marito, aut filio, quia rarò fieri potest, quod ex tali manifestatione non sit subitura ingentia da mna; et contrà, rarò continget, quod filius credat, et teneatur credere matri, ut mox infra videbimus in sequenti quæstione.

654. — Quær. II. An eo casu teneatur spurius credere matri? Affirmat *P. Concina pag. 225. n. 10. Tamb. l. 7. cap. 5. §. 4. n. 10. et Host. Panorm. Med. Adrian. et Vasq. ap. Lugo d. 13. n. 61.* si mater sit fide dignissima spectatis circumstantiis nempe amore in filium, et suâ præsentī probitate, putà, si tunc poenitentem vitam ducat, sacramenta frequentet, etc. aut si sit in articulo mortis, et suum dictum juramento confirmet, ut dicunt *Tol. et Turr. apud Croix lib. 3. p. 2. n. 354.* Sed communissimò et probabilius filius non tenetur credere matri,

etiamsi juramento id asserat. Ita *Eugo dict. n. 61. Salin. de rest. c. 3. n. 39. cum Trull. Dic. Vill. etc. Holz. de 6. præc. c. 1. n. 657. (cum communi, ut asserit) Less. l. 2. q. 40. n. 51. Laym. l. 3. tr. 3. c. 14. n. 1. cum Abb. Rich. Sa., etc. Ronc. de 7. præc. c. 2. q. 4. r. 2. cum Azor. Fill. Dian. etc. Sporer de matr. c. 2. n. 555. Croix l. c. Id probatur 1. quia filius est in possessione legitimatatis, cui cedere non tenetur, nisi convincatur esse adulterinus, vel illegitimus, ut habetur ex l. *Filiam ff. de his, qui sunt sui, etc. Vide Eugo d. 15. n. 16.* Probatur 2. quia nemo tenetur credere uni testi, etsi probatissimo, ut patet ex c. *Relatam de testam.* ubi dicitur etiam quoad legata pia requiri saltem duos testes: *tribus aut duobus legitimis testibus requisitis, quoniam scriptum est Deuteron. c. 19. v. 15. In ore duorum aut trium testimonium stabit omne verbum.* Et ex c. *Licet de testib.* ubi: *Licet quædam sint causæ, quæ plures, quàm duos exigant testes: nulla tamen est causa, quæ unius testimonio, quamvis legitimo, terminetur.* Hoc enim dicunt *Laym. et Holz.* fuisse necessarium pro communi bono ad fraudes avertendas. Secus tamen dicendum, ut bene ajunt *Eugo n. 62. Holz. Ronc. Spor. Less. Salin. Croix ll. ec.* si adsint indicia ita vehementia, ut, filius in foro externo tamquam spurius condemnaretur, prout si mater clarè ostenderet impotentiam vel absentiam mariti tempore procreationis; tunc enim tenetur ille ut spurium se habere: quia quisque tenetur se conformare in conscientia foro externo, ubi forum non nititur falsâ presumptione.*

655. — « 3. Quod attinet ad ipsum adulterum spurii patrem, etiam ipse sæpè excusatur vel in toto, vel ex parte, » sive quia damnum ab adultera compensatum fuit, vel » compensandum creditur; sive quia huic restitutio non potest fieri sine periculo vitæ, dispendio famæ, turbatione, » et discordiis familiarum; sive quia non est certus, filium » esse suum. *Vide Less. lib. 3. cap. 10. d. 6. Bon. de matr. q. 4. p. 15. Trull. l. 7. cap. 8. d. 7.* »

Cæterum adulter tenetur restituere omnia damna, scilicet hæreditatem relictam à viro adulterinæ proli, et alimenta ab eo data puero à tertio ætatis anno: nam usque ad tertium annum mater tenetur eum lactare. Dixi *lactare*, nam ad alias expensas tenetur pater. Si verò mater non possit lactare, non ipsa, sed adulter tenetur subire expensas ad lactan-

nèri suam famam proderet ad damnum illatum reparandum. Non enim tenetur, qui alterum infamavit, pecuniâ famam compensare, quia fama nullâ pecuniâ reparari potest. At, cum quis damnum bonorum alteri intulit; tenetur quidem cum damno æquali, ac etiam aliquantulum majori illud resarcire, quando per manifestationem facti, quamvis cum infamatione manifestantis, damnum reparatur. In eo solo casu posset is excusari, quo certum esset, quod ad damnum resarciendum longè majus detrimentum, ut diximus, incurere deberet. In casu autem nostro non est certum, quod mater se manifestando soli filio, gravem patiatur infamiam, dum satis probabilis est sententia, quod revelatio criminis uni vel alteri viro cordato non sit gravis infamatio, *juxta dicenda lib. 4. n. 975. et in præsentī casu id dicunt Lugo et Sporer ll. cc.* Cum ergo ex una parte mater sit certè obstricta ad damnum viro et aliis filiis reparandum, et ex altera non sit certa excusatio, quia certum non est, quod ipsa, revelando suum crimen filio, tale longè majus damnum incurrat, quod sufficiat ad eam excusandam; idèò possidet obligatio restitutionis, et proinde tenetur mater se proderet. Imò hoc puto dicendum, non solum si mater spem moraliter certam concipiat præcavendi damnum, ut asserunt *Less. Ronc. et Conc.*, sed etiam si habeat spem tantum verisimilem, ut dicunt *Spor. Lugo, et Holz.* ex eadem ratione, quia in dubio semper possidet obligatio matris. Secus si nulla esset spes; aut valde exigua. Hinc ajunt *Tamb. n. 16. et Elbel n. 460.* in praxi rarò tenèri matrem se manifestare marito, aut filio, quia rarò fieri potest, quod ex tali manifestatione non sit subitura ingentia da mna; et contrà, rarò continget, quod filius credat, et teneatur credere matri, ut mox infra videbimus in sequenti quæstione.

654. — Quær. II. An eo casu teneatur spurius credere matri? Affirmat *P. Concina pag. 225. n. 10. Tamb. l. 7. cap. 5. §. 4. n. 10. et Host. Panorm. Med. Adrian. et Vasq. ap. Lugo d. 13. n. 61.* si mater sit fide dignissima spectatis circumstantiis nempe amore in filium, et suâ præsentī probitate, putà, si tunc poenitentem vitam ducat, sacramenta frequentet, etc. aut si sit in articulo mortis, et suum dictum juramento confirmet, ut dicunt *Tol. et Turr. apud Croix lib. 3. p. 2. n. 354.* Sed communissimò et probabilius filius non tenetur credere matri,

etiamsi juramento id asserat. Ita *Lugo dict. n. 61. Salu. de rest. c. 3. n. 59. cum Trull. Dic. Vill. etc. Holz. de 6. præc. c. 1. n. 657. (cum communi, ut asserit) Less. l. 2. c. 10. n. 51. Laym. l. 3. tr. 3. c. 14. n. 1. cum Abb. Rich. Sq., etc. Ronc. de 7. præc. c. 2. q. 4. r. 2. cum Azor. Fill. Dian. etc. Sporer de matr. c. 2. n. 555. Croix l. c. Id probatur 1. quia filius est in possessione legitimatatis, cui cedere non tenetur, nisi convincatur esse adulterinus, vel illegitimus, ut habetur ex l. *Filium ff. de his, qui sunt sui, etc. Vide Lugo d. 15. n. 16.* Probatur 2. quia nemo tenetur credere uni testi, etsi probatissimo, ut patet ex c. *Relatum de testam.* ubi dicitur etiam quoad legata pia requiri saltem duos testes: tribus aut duobus legitimis testibus requisitis, quoniam scriptum est *Deuteron. c. 19. v. 15. In ore duorum aut trium testimonium stabit omne verbum.* Et ex c. *Licet de testib.* ubi: *Licet quædam sint causæ, quæ plures, quàm duos exigant testes: nulla tamen est causa, quæ unius testimonio, quamvis legitimo, terminetur.* Hoc enim dicunt *Laym. et Holz.* fuisse necessarium pro communi bono ad fraudes avertendas. Seeùs tamen dicendum, ut bene ajunt *Lugo n. 62. Holz. Ronc. Spor. Less. Salu. Croix l. c.* si adsint indicia ita vehementia, ut filius in foro externo tamquam spurius condemnaretur, prout si mater clarè ostenderet impotentiam vel absentiam mariti tempore procreationis; tunc enim tenetur ille ut spurium se habere: quia quisque tenetur se conformare in conscientia foro externo, ubi forum non nititur falsâ presumptione.*

655. — « 3. Quod attinet ad ipsum adulterum spurii patrem, etiam ipse sæpè excusatur vel in toto, vel ex parte, » sive quia damnum ab adultera compensatum fuit, vel » compensandum creditur; sive quia huic restitutio non potest fieri sine periculo vitæ, dispendio famæ, turbatione, » et discordiis familiarum; sive quia non est certus, filium » esse suum. *Vide Less. lib. 3. cap. 10. d. 6. Bon. de matr. q. 4. p. 15. Trull. l. 7. cap. 8. d. 7.* »

Cæterum adulter tenetur restituere omnia damna, scilicet hæreditatem relictam à viro adulterinæ proli, et alimenta ab eo data puero à tertio ætatis anno: nam usque ad tertium annum mater tenetur eum lactare. Dixi *lactare*, nam ad alias expensas tenetur pater. Si verò mater non possit lactare, non ipsa, sed adulter tenetur subire expensas ad lactan-

dum, ut dicunt *Salm. de 4. præc. c. un. n. 3. cum communi.* Nisi pater sit impotens, quia tunc tenetur mater (1).

656. — Quæritur 1. an, si adulteri sint divites, et exponant prolem hospitalibus, teneantur reddere illis expensas factas pro nutrienda prole?

Affirmat prima sententia quam *Salm.* communem vocant de *rest. tr. 13. c. 3. punct. 2. §. 1. n. 28. cum Mol. Less. Sanch. etc.* item *Elbel, de matr. n. 461. Spor. eod. tit. n. 558. Lugo d. 13. n. 3. etc.* Ratio, quia hæc pia opera unicè pro pauperibus sunt instituta.

Negat verò secunda sententia, quam tenent *Henr. Dic. Roder. de Acunna ap. Salm. ibid. n. 29. Renz. de 6. præc. cap. 3. q. 8.* et probabilem vocant *Salm. loc. cit. Elbel. Spor. ll. cc. et Croix lib. 3. p. 2. n. 139.* Eandemque sententiam docet *Laym. de just. lib. 3. tr. 4. cap. 14. n. 4.* si hospitale sit opulentum, secùs si pauper: sed universè præfatam sententiam ego puto probabiliorē; ratio, quia hujusmodi hospitalia non solum sunt instituta ad subveniendum pauperibus, sed etiam divitibus in infamiæ periculo, in quo ipsi solent vel procurare abortum, vel prolem necare, ne infamentur; et huic malo intendunt hospitalia occurrere: imo dico ista potius, quàm pro pauperibus, erecta esse pro pueris spuriiis, ad eos liberandos à discrimine mortis æternæ, et temporalis, quam faciliè subirent ob infamiæ timorem, si adulteri ex proprio cos alere deberent.

657. — Quæritur 2. ad quid teneatur adulter, si dubium sit, an proles sit sua, vel mariti? *Laym. l. c. n. 3.* licèt contrarium putet probabile, probabilius tamen esse dicit, eum tenei ad damnum pro rata dubii. Communis verò est contraria sententia, quæ excusat ab omni restitutione adulterum, modò non sit certus, prolem esse suam; ratio, tum quia possidet matrimonium, et filius legitimus reputatur, nisi constet oppositum; tum quia melior est conditio adulteri possidentis bona sua, quibus non tenetur se spoliare pro obligatione dubia. Ita *Cont. Tourn. de justit. et jur. part. 3. cap. 3. art. 2. sect. 9. Elbel de matr. num. 443. cum Soto, Nav. Sporer, Salm.*

(1) Confer notam suprà n. 336. positam et infrà n. 951.

de rest. c. 3. punct. 2. §. 1. n. 30. cum Less. Pal. Sanch. Di-
cast. Trull. et aliis, et est commune ap. Croix n. 333. cum
Lugo d. 13. sect. 2. n. 27. Azor, Concina, etc.

658. — Et ob eandem rationem idem tenent valere, si du-
bium sit inter duos adulteros, cujus sit proles. Ita Sanch.
Cons. l. 4. c. 3. dub. 1. disp. 13. n. 20. Zachar. lib. 3. p. 1.
num. 704. cum Gob. Less. Fill. et Bon. ac Salm. ibid. num.
32. cum Sot. Trull. Lop. etc. (contra Dic. Mol. et alios.).
Quæ utique sententia, spectatâ ratione, et absolutè loquendo,
probabilior est; nemo enim tenetur ad damnum, nisi certò
moraliter constet, ipsum fuissè causam damni, ut probavi-
mus suprâ ex n. 562. cum D. Th. 2. 2. q. 62. art. 7. Nec ob-
stat dicere cum Ronc., quòd possidet obligatio adulterorum ex
actione injusta ab eis positâ; nam respondetur, quòd ad
obligationem restituendi, ex una parte non sufficiat actio in-
juriosa, sed insuper requiratur damnum ex actione certè se-
cutum, ut docuit idem S. Th. cujus verba retulimus n. 561.
Ex altera, ut quis teneatur ad restitutionem, non sufficit,
posuisse eum actionem aptam ad damnum causandum, sed
requiritur, ut actu moraliter certò illud intulerit. Non sem-
per autem adulterium est causa prolis, sicut non semper
consilium est causa damni, juxta D. Th. cujus textum vide
il. num. 562. Per accidens verò est, quòd prolem nullus alere
teneatur, cum incertus sit pater. Hanc sententiam Croix l. 3.
p. 1. n. 704. (loquens de spurio nato ex muliere solutâ) vo-
cât probabilem cum Gob. Less. et Fill. (contra Bardi), et com-
munem asserit Lugo d. 13. n. 19. Attamen ipse Croix l. 3. p.
2. n. 337. cum Lugo n. 24. loquens de prole adulterina, ab-
solutè dicit cum Ills. adulteros tenèri ad alimenta pro rata
dubii; quia, licèt nemo teneatur ad damnum in dubio, an à
se sit illatum; tamen hic (dicit) quisque adulter posuit certam
causam damni, nam uniuscujusque copula fuit causa incerti-
tudinis, ne ab aliquo ipsorum determinato exigantur alimenta,
et in hoc damnum videntur singuli consensisse, copulam pa-
trando causantem hujusmodi damnum. Sed hæc ratio universè
non suadet, quia videtur tantum valere pro secundo adultero,
qui sciens adulterium factum ab altero, cum adultera rem
haberet advertens suo secundo adulterio fieri causam incerti-
tudinis ne possint à primo adultero exigì alimenta; vel lo-
cum haberet si plures adulteri ex communi consilio adulte-

rium patrarent. At non valet quidem ratio pro adultero anteriori, qui nihil adverteret de adulteriis futuris. Et ut secundus teneatur, requiritur ultra, ut ipse advertat ad illud damnum, quod evenire potest ex suo adulterio: quia tamen rarissima erit hæc advertentia, rarissima etiam erit hæc obligatio adulteri; et ita mecum sentit *Elbel de rest. cap. 18. num. 452. et 455. cum Petschasther, et Babestuber. Vide dicta num. 562.*

659. — Quæritur 3. an adulter certus de prole teneatur ad damna, si ipse non fuerit causa suppositionis, scilicet, si ipse non induxerit mulierem, ut mulier supponeret viro suo prolem uti filium suum, sed negativè se habuerit? Tres sunt sententiæ.

Prima sententia docet, teneri eum semper ad omnia damna; quia ipso suo crimine fuit causa suppositionis, nempe quòd proles credatur mariti, quemadmodum, ut adultera sit causa suppositionis, sufficit, ut constante matrimonio prolem suscipiat. Hanc tenent Less. l. 2. c. 10. dub. 6. n. 45. Lug. d. 13. sect. 2. n. 14. Mol. t. 4. d. 103. n. 2. et Salm. de rest. c. 3. punct. 2. §. 1. n. 36. cum Caj. Less. Mol. etc. et vocant communem.

Secunda sententia verò excusat adulterum; quia tunc adulter non est ipse causa suppositionis, nec illam intendit, sed est mater; sicut non est causa abortus, qui fornicatur cum muliere, licèt conjiciat eam in necessitatem abortus. Ita Sot. Trull. etc. ib.

Tertia sententia apud Tambur. Decal. l. 7. c. 3. §. 3. n. 3. et 6. distinguit et dicit, quoad alimenta, teneri patrem illa subministrare, et hoc Tamb. supponit ut certum, quia pater tenetur de se alere filium; quoad hereditatem verò proli relictam, dicit, cum non teneri, quia de hoc tenent Sot. de just. l. 4. qu. 7. art. 2. et Henriq. l. 2. de matr. c. 2. n. 3. et probabilem vocant Tamb. l. c. et Dian. cum Bart. à S. Faust. apud Lug. de just. d. 13. n. 10. Sed longè probabilius mihi est prima sententia, teneri in eo casu adulterum tam ad alimenta, quam ad hereditatem, quam unà cum adultera tenetur ipse compensare filiis legitimis. Ratio potissima, quia, licèt adulter tantum permittat filium suum supponi, tamen filium procreando est causa proxima, et directè moralis omnium da-

minorum, cum in moralem necessitatem supponendi prolem ponat adulteram, cui est inde moraliter impossibile prolem e domo ejicere propter infamiam, quam subiret. Ita Less. l. 2. c. 10. num. 45. P. Conc. tom. 7. p. 222. num. 7. Croix l. 3. p. 2. num. 556. Elbel l. c. et Lug. l. c. num. 11. cum Vasq. Cuj. Sylv. Navar. Mol. Az. et aliis communiter, qui (ut asserit Lugo) prælatas duas sententias rejiciunt. Secus autem dicendum ait Lugo n. 15. cum Vasq. si adultera sine sua infamia, et periculo suppositionis possit prolem extra domum tenere, et alere.

ARTICULUS VI.

Quid debeat restitui pro fama, et bonis spiritualibus, in inductione ad peccatum, avocatione à religione. Et quid pro officio?

- 660 *An restitutio factenda in alio genere?*
- 661 *Quid, si quis inducat alterum ad peccandum?*
- 662 *Ad quid teneatur, qui abduxerit novitum vel religiosum à sua religione?*
- 663 *De restitutione ob omissionem officii divini.*
- 664 *Quæst. I. Quid, si fructus beneficii non percipiuntur?*
- 665 *Qu. II. Quid, si omittatur officium sine culpa?*
- 666 *Qu. III. An restituendi fructus intra primos sex menses?*
- 667 *Qu. IV. An omittens officium possit postea supplere altera die?*
- 668 *Qu. V. Quid, si omittatur pars minor, quàm integræ horæ?*
- 669 *Qu. VI. Quid, si recitentur horæ sine attentione interna?*
- 670 *Qu. VII. An excommunicatus teneatur restituere fructus?*
- 671 *Qu. VIII. An omittens incurrat aliam pœnam?*
- 672 *Qu. IX. Cui facienda restitutio?*
- 673 *Qu. X. An omnes fructus restituendi? et quid de beneficiario simplici?*
- 674 *Qu. XI. An teneatur ad officium habens tenue beneficium?*
- 675 *Quæst. XII. An canonici non assistentes, vel non psallentes in choro teneantur ad restitutionem distributionum, et præbendarum? Dub. 1. An peccent graviter canonici, qui choro non assistunt? Dub. 2. Quid teneantur restituere, si choro*

non intersint? *Dub. 3. An satisfaciunt choro, qui tantum intersunt, et non recitant?* *Dub. 4. An satisfaciunt choro, qui submissè recitant?*

660. — **R**ESP. 4. Juxta dicta, si restitui non possint bona ablata ex bonis ejusdem ordinis, non est obligatio faciendi ex bonis diversi ordinis. » (*Vide d. n. 627.*)

Unde resolves :

« 1. Pro fama restituenda est fama : cum id non potest, non teneris ad pecuniam, et bona fortunæ, nisi per sententiam à judice cogaris sic satisfacere. Eadem est ratio de reliquis. Quod si tamen, lædendo famam, in bonis etiam fortunæ alteri damnum allatum esset, constat ex suprà dictis quid faciendum sit. Porro de læsione famæ, etc. *Vide dicenda n. 988.*

661. — « 2. Si quis alterum induxit ad peccatum suasionem, vel exemplo suo, tenetur quidem ex charitate, quoad potest, eum revocare ad meliorem statum, sed non ex justitia. *Less. l. 2. c. 8. d. 2. n. 20. Laym. c. 8. num. 1.*

« 3. Si quis autem induxit fraude, dolo, injusto metu, etc. tenetur ad id ex justitia ; quia quisque habet jus, ne injustè lædatur in bonis spiritualibus. Unde, si lædatur, debet id spirituale restitui, si possit. *ibid.* »

An autem teneatur tunc ex justitia cooperari, ut alter convertatur? *Croix l. 3. p. 2. n. 544.* putat eum probabiliter teneri ; sed non negat oppositum esse etiam probabile cum *Sanct.*

662. — « 4. Si quis aliquem (etiam novitium) abduxit ab ingressu religionis, tamen sine vi et fraude, etsi graviter peccarit, id irrationabiliter faciendo, ac proinde teneatur ei rursus suadere ingressum ex charitate ; non tamen ex justitia vel illi, vel religioni tenetur, quæ nullum adhuc in eum jus acquisivit. *Vide Laym. l. 3. t. 2. c. 8.*

« 5. Si quis religiosum ad apostasiam induxerit, suasionem, aliave cooperatione, obligatur ex justitia religioni ad restitutionem, non quidem ut ipse (quod aliqui volunt) loco alte-

„rius ingrediatur, sed ut suadeat alteri, quoad potest, „reditum, et compenset monasterio commoda, quæ ex hæ- „reditate, bonis, vel industria alterius expectabantur. »

Qui per vim, fraudem, aut metum gravem impedit, vel avertit aliquem à religione, graviter peccat contra justitiam, est commune apud *Croix l. 3. p. 2. n. 307. cum Less. Dic. Burgh. et Steph.* Probatur ex Tridentino *sess. 25. c. 18. de Reg.* ubi excommunicatur qui puellam à religione impedit. Fortius peccant parentes, si impedian; *vide dicta n. 335. v. Præterea.* Probabilius autem est, quod is, qui hunc impedit, non teneatur alium adducere ad religionem, ut ait *Croix ib. cum Sanch. contra Nav.* Tenetur tamen reparare damna ob id monasterio provenientia, ut communiter dicunt DD. cum *Lugo d. 9. n. 40.* Et hoc dicendum probabilius, etiamsi ille aversus simplex esset novitius, ut *Lug. n. 39. et Less. cum aliis apud Croix ib., contra Sanch.,* qui putat oppositum probabile, dicens, monasterium non acquirere jus in novitium nisi post professionem.

Hic autem videndum de restitutione ob omissionem divini officii.

663. — Ex decreto concilii Lateranensis sub *Leone X.* aucto à *S. Pio V.* anno 1571. Beneficarii tenentur restituere fructus beneficii pro rata omissionis officii, elapsis sex mensibus à die possessionis beneficii. In præfato enim concilio *Sect. 9. §. Statuimus*, sic dicitur: *Statuimus quoque, ut quilibet habens beneficium, si post sex menses, obtento beneficio, officium divinum non dixerit, legitimo impedimento cessante, fructus non faciat suos pro rata omissionis recitationis officii, et temporis.* Deinde *S. Pius V.* in sua *Const. 186.* quæ incipit, *Ex proximo Lateranensi*, edita anno 1571. sic sancivit: *Statuimus, ut qui horas omnes canonicas uno vel pluribus diebus intermiserit, omnes beneficii fructus, qui illi vel illis diebus responderent: qui verò matutinum, tantum dimidiam; qui cæteras alias horas, aliam dimidiam; qui horam singulam, sextam partem fructuum ejus diei amittat; tametsi aliquis choro addictus, non recitans, omnibus horis Canonicis cum aliis præsens adsit, fructusque et distributiones fortè aliter assignatas solâ præsentia juxta statuta, consuetudinem, vel alias sibi lucrari fecisse prætendat: is etiam præter fructuum, et distributionum amissionem, grave peccatum intelligat se ad-*

namque. Item ille qui primis sermionibus officium vobis dixerit, nisi legitimum impedimentum ipsam excuserit, grave peccatum intelligat admisisse, etc. Hujusmodi autem restitutio certò debetur ante iudicis sententiam, ut patet ex damnatione Alexandri VII. prop. 20. quæ dicebat: Restitutio à Pio V. imposita beneficiatis non recitantibus, non debetur in conscientia ante sententiam declaratoriam iudicis, sed quod sit pœna.

664. — Super hoc puncto plures questiones occurrunt. Quer. 1. An beneficiatus, fructus non percipiens teneatur ad horas recitandas? Respondetur: Si ipse careat spe recuperandi fructus, et non negligenter se gerat in illis exigendis, non tenetur. Ita Viva de rest. qu. 7. art. 9. n. 2. Croix l. 4. n. 1193. Bon. de hor. can. d. 1. q. 2. p. 4. n. 25. et Lug. Resp. Mor. dub. 3. n. 3. Ratio, quia non est æquum, ut aliquis subeat onus officii, si fructus non percipiat sine sua culpa. Excipe I. Si beneficiatus justò privetur fructibus in pœnam alienjus criminis; Bon. l. c. cum Azor. Secus si injustò privetur, ut idem Bonac. cum Suar. Molf. Azor. Laym. Lop. Garz. etc. Excipe II. Si spem certam habeat exigendi fructus sequentibus annis, ut Lugo l. c. n. 3. cum Suar. et Croix l. v.

Quid si vertatur his super beneficio? Distinguendum: si beneficiarius nondum acceperit possessionem beneficii, Cajotanus v. Hora. Nav. in c. Quando, c. 7. n. 29. et Samh. Cons. l. 2. c. 2. d. 76. n. 6. cum Corduba dicunt, eum tenèri ad recitandum officium, semper ac verisimiliter putet pro se ferendam esse sententiam. Ratio, quia beneficiarius per solam collationem jam acquirit dominium beneficii, ex c. Si tibi de præb. in 6. Quapropter, cum à die collationis ad ipsum fructus pertineant, justum est, ut ipse onus officii subeat. Communis tamen et vera sententia docet, hunc non tenèri ad officium; ratio, quia beneficiarius ad officium non tenetur nisi ex perceptione fructuum; is autem, cui collatum est beneficium, habet quidem jus in illo, et ad possessionem accipiendam; sed ante possessionem non habet jus ad fructus percipiendos, tale enim jus non acquiritur nisi per possessionem. Ita Hab. t. 4. p. 232. q. 7. P. Contr. tom. 7. n. 411. Tourn. de religionem art. 8. sect. 2. concl. 2. quær. 2. Salm. tr. 16. c. 2. punct. 3. §. 3. n. 36. cum Suarez, Pal. Lug. Bon. Fill. Rodr. etc. Beneficium tamen excipiunt, nisi stet per beneficiarium, quàm possessio-

neti adipiscantur; quod ex reg. 23. in q. inq. sua cuilibet esse nociva. Nec obstat, quod fructus reserventur proviso; nam respondet *Habert l. c.* etiam fructus beneficii vacantis esse reservari beneficiario futuro; et tamen nemo dicit, hunc teneri ad officium. Hoc autem beneficium usquedum liti subijcitur, habetur pro vacante, ut ait *Conc. l. c.* Et sic respondetur rationi oppositae sententiae.

Si verò beneficiarius jam fuerit adeptus possessionem beneficii, tunc, si ipse habet spem moraliter certam vincendi litem, utique tenetur ad officium, ut docent *Less. Ab. 2. cap. 34. num. 173. Suar. lib. 4. cap. 29. num. 7. et 10. Lug. loc. cit. dub. 3. num. 9. Conc. pag. 412. num. 27. Salmant. loc. cit. num. 38. cum Pal. Fill. et aliis communiter*. Secus si absit haec spes, et dubium sit, cui adjudicandi erunt praedicti fructus; quia nemo obstringendus est ad opus certum ob mercedem incertam. Ita *Lug. n. 14. Salm. ibid. num. 37. cum Sanch. Led. Pellizar. et Tamb. l. 2. c. 5. §. 1. n. 30. cum Bon.* Et hoc dicendum, etiamsi beneficiarius emolumentum ex fructibus beneficii jam perciperet, sed ob aliquod manuale servitium (ut rectè notant *Lugo n. 3. et Salm. loc. cit. n. 38.*), ob quod non foret privandus tali emolumento, etiamsi litem amitteret. Si autem beneficiarius vincit litem, sentit *Salas ap. Croix*, ipsum teneri fructus sequestratos largiri pauperibus. Sed melius censent *Lugo n. 3. et Salm. ibid. n. 39. cum Bon.* nullam esse obligationem restitutionis ei, qui sine culpa sic omisit officium, unde licitè eos retinere potest, sicut licitè retinet fructus maturatos à tempore vacationis beneficii, etsi officium non dixerit.

665. Quæ. 2. An omittens officium sine culpa teneatur ad restitutionem?

Prima sententia affirmat cum *Led. et aliis apud Viva loc. cit. n. 2. v. Inf. secundo*, qui probabilem putat:

Negat. verò secunda sententia probabilior, quam tenent *Less. l. 2. c. 54. n. 180. v. Quinto, P. Conc. tom. 2. p. 417. n. 3. et ipse Viva cum Sanch. et communioni*. Ratio, tum quia cessante culpa cessat poena restitutionis fructuum, ut colligitur ex verbis concilii Lateranensis, *qui officium non dixerit, legitimo impedimento cessante, fructus suos non faciat*; tum quia, ut censet *Sylv. r. Clericus, 4. n. 17. cum Innoc. Panor. mit. Butr. idem Less. loc. cit. num. 179. cum Patud. et Rosell.*

(*contra Aug. et Cov. qui tamen fatetur contrarium esse commune*) hujusmodi restitutio non debetur de jure naturali, cum fructus beneficii non dantur pro mercede recitationis, sed pro sustentatione beneficiati, cum onere tamen officii; ante enim concilium Lateranense, ita *Lessius*, nullus erat Canon, quo hæc restitutio præcipiebatur. Benè autem potuit Ecclesia, omittentibus restitutionem imponere ipso facto, et ante omnem sententiam; sed cum hæc restitutio proculdubio sit pœna (ut non dubitat *Viva in cit. prop. 20. n. 5.*), ipsa omnino culpam requirit; et ideo satis à restitutione excusantur officium inculpabiliter omittentes. Sed dices: Si restitutio fructuum culpabiliter omittentibus est pœna; cur non requiritur sententia saltem declaratoria criminis, ut declaravit *Alexander VII.* damnando propositionem 20. dum (ut diximus *lib. 1. n. 149.*) in omnibus pœnis positivis requiritur sententia? Respondetur, non requiri sententiam, eò quòd hæc restitutio sit pœna conditionalis juxta dicta ibidem dicto *n. 149. v. Pœna*, sive quia recitatio officii est conditio sine qua non potest beneficiarius adipisci fructus, sicut declaravit Lateranense (ut mox vidimus *n. 663.*) dicens: *Si post sex menses, obtento beneficio, officium divinum non dixerit, legitimo impedimento cessante, fructus suos non faciat.*

666. — Quæritur 3. An omittens officium infra sex primos menses teneatur ad restitutionem? Affirmant *Suar. de relig. lib. 4. c. 29. et Val. cum aliis apud Viva l. c. n. 2. v. Inf. sexto.* Sed negant probabilius *Less. cit. cap. 34. num. 167. Conc. tom. 2. p. 416. n. 3. et Viva cum Vasquez et communiori.* Ratio est eadem, quam mox adduximus, quia restitutio fructuum non debetur nisi de lege Ecclesiæ, quæ hanc pœnam injunxit tantum omittentibus post sex menses. Advertendum tamen, quòd isti non excusentur à culpa gravi, ut habetur ex Bulla *S. Pii V. ut supra n. 663.*

667. — Quær. 4. An beneficiarius omittens officium uno die possit supplere die alio? Omnes docent, et non dubitandum, hunc non excusari à peccato mortali, ut diximus haberi etiam in præfata bulla *S. Pii V.* Dubium fit, an ita supplens excusetur à restitutione fructuum?

Prima sententia affirmat, quam tenent *Molf. tom. 1. tr. 5. c. 5. n. 7. Salm. tr. 16. c. 2. punet. 4. n. 65.* qui citant *Palud. et Quintan. item Henr. Suar. et Fill. (Sed Dian. p.*

2. tr. 12. resolv. 24. asserit *Henr.* esse pro contraria sententia, et *Fill.* ac *Suarez* loqui tantum pro casu præcedentis quæstionis); ac probabilem vocat *Bon. de horis can. d. 1. q. 5. p. 2. n. 3.* Ratio, quia in tali casu isto jam rependit æquale, prout si capellanus omittat missam uno die, bene potest altero supplere.

Secunda sententia verò communissima, cui adhæreo, negat; et hanc tenent *Bonac. l. c. Viva dict. art. 9. num. 2. Ronc. de hor. can. c. 4. qu. 7. r. 2. cum Nav. Pell. Bass. etc. ap. Salm. loc. cit. n. 64. item P. Concina, t. 2. p. 420. cum Leandr. qui dicit hanc omninò tenendam, et Croix l. 4. n. 1209.* qui contrariam non putat probabilem. Ratio, quia onus officii est addictum diei, unde qui illud non implet, non potest implere die alio; et hæc videtur fuisse vera mens *S. Pii V.* dum sancivit non facere fructus suos, qui *horas canonicas uno vel pluribus diebus intermiserit.* Ubi notandum non dixisse Pontificem *omiserit*, sed *intermiserit*, quo verbo satis significavit, non lucrari fructus qui uno die officium intermittit, etiamsi die altero suppleat; quia, licet is dici possit horas non omisisse, nequit verò dici quòd non intermiserit. Hinc bene arguit *Roncaglia*, quomodo ille, qui uno die fructus sui beneficii jam amisit, poterit altero die reacquirere? Tantò minùs deinde approbo id quod subdunt *Salm. ibid.*, nempe, quòd beneficiarius omittens officium possit supplere aliis piis operibus. Nec etiam acquiesco ei, quod dicit *Roncaglia*, nimirum quòd, cum sub nomine pauperum veniant etiam animæ purgatorii, si beneficiarius applicat preces pro ipsis, possit liberari à restitutione: non acquiesco, dico, quia Papa omninò imposuit omittentibus restitutionem fructuum.

668. — Quær. 5. An omittens partem minorem quàm integræ horæ, teneatur ad restitutionem? Si partes omissæ materiam gravem non constituerent, commune est nullam deberi restitutionem, ne sub veniali quidem; etiamsi fructus illi parti respondentes ad magnam quantitatem pertingerent. Ratio, tum quia sic fert chori usus, tum quia à *S. Pio V.* tantum omittentibus aliquam horam imposita est restitutio: qui autem partem levem illius omittit, non potest dici horam omisisse; ita *Suar. l. 4. c. 3. n. 13. Bonac. d. 1. qu. 5. part. 2. n. 11. Salm. tr. 16. c. 2. punct. 4. n. 56. et P. Con-*

cina tom. 2. p. 419, n. 8. in fine. Et hoc verum putant *Pal. t. 2. c. 7. Dec. 2. p. 7. n. 6. Salm. l. c. cum Fill. P. Nav. Pel. Dian. etc.* ac probabile censet *Bon.* etiamsi partes in pluribus horis constituerent simul gravem materiam; quia præceptum recitandi integrum officium diversum est à præcepto restitutionis, quæ (ut dictum est) non debetur de jure naturæ, sed ex mandato Ecclesiæ, pro omissione singularum horarum. Sed his non obstantibus, verius mihi videtur oppositum, quod docent *Suar. de rel. l. 4. c. 50. n. 15. P. Concina l. c. Bon. de hor. can. d. 1. q. 3. p. 2. num. 15. cum Garc. etc.*, nempe non excusari à restitutione, qui in uno officio per plures leves omissiones ad gravem materiam pertingit. Ratio, quia ex concil. Lateranensi absolutè præcepta sunt restitutio fructuum *pro rata omissionis officii*, ubi nota, non dici ibi pro rata omissionis cujuslibet horæ, sed *officii*: ergò ex concilio omittens partem notabilem officii jam tenebatur ad restitutionem. Postea *S. Pius V.* suam bullam emanavit, quâ nihil quidem de illa constitutione concilii immutavit, *sed expressius providere volens*, ut dixit, solum definivit quantum fuerit restituendum pro omissione singularum horarum; ex hac autem definitione perperam inferitur, quòd Pontifex voluerit eximere omittentem partem notabilem totius officii à restitutione jam à concilio illi imposita, quamvis non omittatur pars notabilis uniuscujusque horæ. Tantò magis deinde rejicimus cum *Salm. ibid. n. 55. Bonac. Pal. etc.* id quod dicunt *Filliuc. Pelliz. et Dian.* (et *Viva* putat probabile cum *Nararr. et Tolet.*), nimirum non tenèri ad restitutionem, qui omittit partem notabilem alicujus horæ: nam qui partem notabilem omittit, verè non recitat horam, sicut verè missam omittit qui partem ejus notabilem non audit.

669. — Quæres 6. An teneatur ad restitutionem beneficiarius qui recitat officium sine debita attentione? Qui externè voluntariè distrahitur certè non satisfacit officio, et tenetur restituere. Dubium est de se distrahente interiùs; de hoc magna est quæstio, de qua fusè agemus *lib. 5. n. 177.* ubi probabiliorem esse sententiam dicemus, eum non satisfacere. Sed quia oppositam sententiam non possumus negare adhuc esse probabilem, hìc dicimus non esse obligandum beneficiarium ad restitutionem fructuum, semper ac bona fide eos perceperit; quia posito jure certo, quod ipse habet ad res

suas bona fide possessas, non tenetur ad restitutionem nisi sit certus de obligatione restituendi. Magnus rigoristarum princeps *Prosper Fagnanus* gravem scrupulum imponit confessariis absolventibus pœnitentem, qui non vult restituere juxta opinionem probabiliorem sui confessarii, quia ejus sententiæ tamquam sui judicis pœnitens ut reus parere debet. Sed gravior quidem scrupulus videtur mihi et communiter aliis innumeris doctoribus, etiam rigidæ sententiæ fautoribus, angere debere confessarios damnantes ad restituendum pœnitentes, qui ex una parte habent opinionem probabilem eos excusantem à restitutione, et ex altera habent jus certum possessionis ad bona sua, quibus expoliari non debent, nisi constet de obligatione restitutionis juxta dicta n. 547. Præterea diximus lib. 1. n. 84. et fusiùs dicemus lib. 6. n. 604. quòd pœnitenti, qui habet pro se opinionem probabilem, nequeat denegari absolutio, ut communiter docetur, et fæciuntur etiam plures inter probabilioristas, quos ibi retulimus et referemus. Nec obstat dicere, quòd pœnitens debeat se conformare judicio confessarii, nam confessarius non est judex controversiarum, prout est summus Pontifex, sed tantùm judex dispositionis pœnitentium, et satisfactionis injungendæ, ut habetur ex Trident. sess. 14. de Pœnit. c. 5. ubi dicitur: *Jesus Christus... Sacerdotes sui ipsius vicarios reliquit tamquam præsidēs et judices, ad quos omnia mortalia crimina deferantur..., qui pro potestate clavium remissionis aut retentionis peccatorum sententiam pronuntiant. Constat enim, sacerdotes judicium hoc, incognitâ causâ exercere non potuisse, neque æquitatem quidem illos in pœnis injungendis serrare potuisse, si in genere dumtaxat, et non potius in specie ac sigillatim sua ipsi peccata declarassent.* En igitur patet, pœnitentem in hoc tantùm sequi debere judicium confessarii, ut peccata apud eum deferat, et pœnitentiam acceptet. E converso pœnitens post confessionem suorum peccatorum habet jus certum ad absolutionem, quæ non potest ei denegari, nisi aliunde sit indispositus; neque potest quidem dici indispositus, quia non sequitur opinionem confessarii, ad quem certè non pertinet reprobare opiniones quas alii sapientes approbant; sed tantùm judicare an pœnitens rectam vel ne conscientiam sibi formet. Sed instabit *Fagnanus*: hæc sunt principia probabilistica. Ego nescio, an sint

probabilistica, vel antiprobabilistica, cum plures etiam inter probabilioristas illa sequuntur. Hoc unum scio, quod in omnibus scientiis regula probata sit, ut sequamur principia magis recepta à sapientibus, prout sunt ista quæ invenio passim tenèri à scriptoribus undique doctrina et pietate conspicuis, qui in facie Ecclesiæ sua volumina ediderunt, et quibus adhærere consultius tutiusque mihi esse judico; quod enim docetur *ex unanimi theologorum consensu* (ait *Cont. Tourn. de justit. et jure*) magni esse debet ponderis, quia *ubi est aliqua obscuritas, id sequendum est in praxi quod prudentissimi quique judicant.* Neque hic auctor dixit hoc loquens de opinione omnino communiter recepta, sed de quadam sententia, cui plures graves auctores contradicunt.

670. — Quær. 7. An excommunicatus teneatur restituere fructus beneficii? Certum est, tenèri excommunicatum tempore collationis, quæ fuit nulla, *Viva qu. 7. art. 9. num. 7.* Secus, si post collationem incidit in excommunicationem. Ita *Laym. l. 1. tr. 3. p. 2. c. 2. n. 9. Cont. Tourn. de censur. part. 2. art. 3. sect. 3. Quær. 4. Pal. d. 2. p. 11. n. 4. Sanchez. de matr. lib. 3. d. 51. n. 12. Salm. de cens. c. 3. punct. 10. n. 115. cum Henr. Bonac. Con. Avila, Hurt. et aliis pluribus (contra Suar. Cov. Fill. Sayr. etc.)* Et quidem probabilius: ratio; quia pœnas, quæ actionem requirunt, ut diximus *lib. 1. n. 148.* reus non tenetur subire, nisi post sententiam. Et sic videtur significare textus in *c. Pastoralis 53. §. Verum. de Appel.* ubi dicitur: *Illi proventus ecclesiastici meritò subtrahuntur, cui Ecclesiæ communicatio denegatur.* To autem subtrahuntur, ait *Cont. Tourn. l. c.* potius indicat expoliationem, quæ fit ab homine, quàm quæ ipso jure inducitur, ut etiam explicat Glossa. Tantò magis, quia Pontifex respondet ibi interrogationi factæ, an clericus excommunicatus potuisset privari à iudice ecclesiasticis beneficiis. Hæc tamen sententia procedit, si beneficiarius per se, vel per alium jam muneri suo satisfecerit. Si autem ob injustam excommunicationem abesset à choro, posset percipere fructus beneficii, et etiam distributiones, ut ait *Viva n. 8. cum Sa, Fill. Av. etc.* Quid, si excommunicatio sit justa, sed excommunicatus non assistat choro, quia non stat per ipsum, ne absolvatur? *Sa, Henr. et Ugol.* concedunt huic distributiones; sed negat communis, et multò probabilius. *Viva cum Suar. etc. ibid.*

671. — Quær. obiter 8. omittens ultra restitutionem, quamnam aliam pœnam incurrat? Incurrit pœnam privationis beneficii, si admonitus, saltem bis, post sex menses officium omittat intra 15 dies ut *Suar. apud Viva d. l. n. 10. ex conc. Lateran.*

672. — Quær. 9. omittens cui debeat facere restitutionem? Resp. pauperibus, vel fabricæ beneficii, ut ex *Decr. S. Pii V. sive Ecclesiæ, sive domui beneficii, sive in augendis agris, ut Suar. et Vasq. apud Viva quæst. 7. a. 9. n. 11.* Non autem (ait Viva) potest dare fabricæ alterius Ecclesiæ, nisi fabrica esset in utilitatem pauperum, vel nisi Ecclesia propria non indigeret restauratione, et aliæ Ecclesiæ eleemosynis indigerent, ut reficerentur, ut ait *Concina tom. 2. p. 425. n. 24.* Nomine autem pauperum intelliguntur pauperes cujuscumque loci, et etiam intelliguntur ipsi defuncti. Et etiam ipse clericus sibi potest applicare dictos fructus, si verè pauper est, ut dicunt *Palaeus tract. 7. d. 2. p. 7. n. 12. cum Nav. Suar. Bon. Tol. et Viva cum Less. ex communi d. n. 11. in fine.* Excipitur tamen, si ille in fraudem officium omittat, sciens, se posse retinere fructus ob paupertatem, ut benè advertunt *Pal. et Viva. Addunt Palaeus tr. 7. d. 2. p. 7. n. 11. cum Suar. Bonac. et Salm. de hor. can. c. 2. punct. 4. n. 60. in fin. cum Nav. Pell. Reg. Fill. Quintan. et communi,* posse beneficiarium satisfacere restitutioni, si quæcumque alia pia opera pro defunctis offerat æquivalentia recitationi omissæ, nempe, (ut explicat *Quintan. op. Salm. ibid. n. 66.*) auditionem Sacri, flagellationem, lucrationem indulgentiarum, et similia; sed huic suprâ n. 667. *Quæst. 4. in fine* non acquievimus. Tantùm admittendum videtur cum *Concina p. 427.* posse beneficiarium fructus restituere, ut celebrentur missæ, vel alia suffragia applicentur pro defunctis.

673. — Quær. 10. An beneficiarius restituere debeat omnes fructus, juxta officia quæ omisit? Affirmant *Suar. Valent. Azor,* quia sic loquitur bulla. Sed *Sanch. Cons. tom. 1. l. 2. c. 2. d. 83. n. 3. Sotus de just. l. 10. qu. 5. art. 6. Less. l. 2. c. 34. n. 133. Viva l. c. n. 13. et Salm. loc. cit. num. 59. cum Pal. Vasq. Led. Vill. Dian. Henr. Rodr. Bonac. etc.* probabiliter dicunt ex benigna interpretatione ipsos non tenèri omnes fructus restituere, sed tantùm eos qui respondent ad onus officii omissi. Ratio, tum quia bulla *S. Pii* sic recepta

est, et sic explicata usu, utpote conformior aequitati naturali; tum quia durum videtur eodem modo obligari Episcopos, parochos, et capellanos qui ferunt alia onera, ac simplices beneficiarios. Quare dicunt, Episcopum vel parochum tenèri restituere tertiam, vel quartam partem fructuum, retinendo alios pro aliis oneribus, quibus ipsi satisfaciunt: canonicos, dimidiam partem: habentes capellaniam, dimidiam, vel tertiam partem: (capellanus enim tenetur ad officium, cum quolibet capellania conferenda ab Episcopo, et ejus auctoritate erecta, sit verè beneficium, etsi sit ad nutum amovibilis: secùs, si non sit erecta auctoritate Episcopi, licèt ab ipso conferatur. Ita *Salm. cit. n. 59. cum Suar. Pel. Vill. etc.*) Ratio, quia isti omnes recipiunt fructus non solum pro officio, sed pro aliis etiam oneribus. *Henriquez* autem *apud Sanch. Cons. l. 2. c. 2. d. 84. n. 4.* dicit, Episcopum et parochum tenèri tantum ad quintam partem, quod *Viva* etiam approbat *in prop. 20. Alex. VII. n. 6. in fin. et de horis can. q. 5. a. 5. n. 8. in fine.* Canonicum ad quartam, ut etiam *Viva d. n. 8. in fine.*

Quid de beneficiario simplici? Rectè *Viva cum Bon. d. l. de rest. n. 13. in fine* dicit, cum tenèri ad omnes fructus: quia onus gestandi habitum, vivendi castè etc. compensatur privilegiis clericalibus. Attamen *Henr. apud Sanch. d. loc.* dicit, tenèri tantum ad tertiam partem, ratione aliorum onerum. Et asserit hanc esse communem recentiorum cum *Manuel. et Medina*, quorum opinionem ait *Sanch.* esse rationi consonam. At hanc opinionem meritò ait *Less. l. 2. c. 54. n. 177.* esse laxam. Unde rationabiliter eam limitat ad eos beneficiarios tantum, qui præter horas canonicas alia onera habent, idque juxta onerum proportionem.

674. — Quær. 11. an teneatur ad officium, habens tenue beneficium? *Salm. de horis canon. c. 2. punct. 5. §. 5. n. 48. cum Nav. Laym. Pal. Sa, etc.* tenèri eum censent, quia *S. Pius V.* hanc non excludit. Negant tamen *apud Moya tract. 2. de rel. disp. 2. q. 4. n. 8. Malder. Escob. Quintan. Diana, et Arag.* qui testatur, hanc esse communem recentiorum: et idem sentiunt *Less. l. 2. c. 54. n. 169. Sanch. l. 2. Consul. c. 2. d. 66. cum Rodr. Molf. Vega, Led. Torre, et Pell. apud Salin. ibid. n. 46.* (quamvis *Less. et Pell.* sentiant tenèri hunc beneficiarium recitare saltem Dominicis, et diebus festivis). Ratio, quia

ex. c. *Is cui*, 19. de *præbend. in 6.* in jure tenue beneficium non reputatur pro beneficio; in præfato enim canone habens tenue beneficium non excluditur ab alio beneficio obtinendo, cum ibi prohibeatur, ne de beneficio provideatur tantum obtinens aliud beneficium sufficiens: *Is cui* (verba textus) conceditur, auctoritate apostolica possit uni personæ in sua vel alia Ecclesia providere: alicui aliud sufficiens beneficium obtinenti providere non potest. Addit ibi Glossa: *Ergo si non est sufficiens, secus est.* Deinde infra rationem adducit: *quia beneficiatus idoneus non est, et jure communi beneficiatus beneficiari non mandatur ex c. Quia in tantum, de præb.* Habens igitur tenue beneficium, si potest beneficiari, ergo reputatur in jure tamquam non beneficiatus: et proinde censetur eximi ab onere officii.

Quæritur autem quodnam beneficium judicetur tenue? Dico non audiendos aliquos, qui contra communem asserunt tale judicari beneficium quod non pertingit ad 20 vel 50 Aureos. Merito tamen *Viva in prop. 20. Alex. VII. n. 7. Sporer de hor. can. c. 1. n. 27. Elbel eod. tit. n. 421. Tamb. l. 2. c. 3. §. 1. n. 24. et Salm. d. c. 2. n. 46: cum Mald. ac aliis communiter* consent probabile, tenue existimari illud beneficium quod non pertingit ad tertiam partem sustentationis. Et adhæret *Sanchez Cons. l. 2. c. 2. dub. 67. n. 4. cum Suarez*, putans, beneficium tenue illud quod non pertingit ad tertiam, vel non magis declinet ad tertiam ultra quartam partem. Sustentationem autem rationabiliter dicit *Viva loc. c.* mensurari juxta diversitatem patrimoniorum, quæ in diversis locis solent clericis assignari. Hinc *Sotus ap. Sanch. n. 5.* obligat ad officium beneficiarium, qui percipit annuos Aureos octo. Sed *Sanch.* excusat, etiamsi percipiat 16 Aureos. Verum huic minimè acquiesco: communis enim sententia est apud *Croix l. 4. n. 1195.* nullo modo excusari ab officio beneficiarium percipientem tertiam partem sustentationis. Idemque rectè censet dicendum *Croix n. 1196. cum Vasq.*, si dubium sit, an beneficium sit tenue; quia, cum beneficium sit certum, et tenuitas excusans sit dubia, possessio stat pro beneficio, et proinde pro obligatione officii. Merito addunt *Lugo, R. Mor. dub. 6. n. 5. cum Suar. et aliis, Croix, n. 1195. et Tamb. l. c. n. 26.* neque excusari beneficiarium si ob suam culpam beneficium factum sit tenue; vel si ipse speret in

posterum uberiores fructus se habiturum, tunc enīh unus annus compensatur cum alio, contra *Palaum tom. 2. d. 2. p. 1. §. 2. n. 18.* Pariter addit *Croix ibidem* tenēri ad officium, qui acceptat beneficium cum onere solvendi omnes fructus pro pensione. Sic etiam, si non faciat fructus suos, quia non residet, ut ait idem *Croix loc. cit. cum Suarez, Lugo, etc.* Hoc tamen limitant *Bus. et Sanch.* si absit cum licentia: sed id rectē rejiciunt *Tamb. n. 23. et Croix ibid. cum Azor,* cū ille possit fructus percipere, si velit.

675. — Quær. 12. an canonici non assistentes, vel non psallentes in choro, teneantur ad restitutionem distributionum, et præbendarum? Plura dubia hīc discutienda sunt. Certum est, quōd clerici Ecclesiarum cathedralium et collegiatarum tenentur ad officium in choro ex *c. 1. de cel. Miss. cap. Fin. dist. 92. et ex Trid. sess. 24. c. 12.* Atque tenentur quotidie assistere, nisi alibi alia sit institutio, vel consuetudo; vel nisi necessitas cogat, ut in alio loco extra Ecclesiam officium persolvatur, et adsit licentia Episcopi, quando ad ipsum auditus patet, ut ait *Viva de Rest. q. 7. art. 9. n. 14.* Imō probabiliter putat *Bon.* cui adhæret *Viva*, canonicos benē distributiones lucrari, si recitent in sacristia ob aliquam causam, etiam sine licentia Episcopi, si ipsa licentia præsumatur; in sacristia enim reputatur officium moraliter ac in Ecclesia recitari.

Sed dubitatur 1. an peccent graviter canonici, qui choro non assistunt? Negant plures DD. antiqui, ut *Nav. de Orat. c. 5. n. 14. Sylvest. v. Horæ q. 11. Cajet. eod. verb. §. 5. item Ang. Vald. Barb. Pell. Reg. Tamb. apud Salm. tr. 16. c. 4. punct. 1. n. 2.* tum quia de hoc non adest præceptum expressum, tum quia obligatio assistendi choro oritur ex distributionibus; ergō, cū his canonici renuntiant, omni obligatione se liberant. Sed veriùs *Suarez l. 4. c. 17. Bon. d. 11. q. 1. p. 2. P. Concina tom. 2. p. 510. n. 4. Viva l. c. n. 14. Cont. Tourn. de relig. part. 2. cap. 2. art. 8. sect. 5. Salm. l. c. n. 3. cum Vasq. Pal. etc.* docent, eos peccare mortaliter, qui à choro absunt notabiliter, ultra tempus à Tridentino permissum. Ratio, quia ex *c. Si quis presb. dist. 92.* depositioni subicitur clericus non recitans in sua Ecclesia; tum quia obligatio assistendi non oritur ex distributionibus, sed ex primaria institutione ipsius beneficii; Tridentinum enim

sess. 24. c. 12. loquens de canonicis præcipit : *Omnes... compellantur... in choro ad psallendum instituto, hymnis, et canticis Dei nomen reverenter, distinctè, devotèque laudare.* Diximus autem 1. *notabiliter*, nam si absit canonicus per tres vel quatuor dies, est communis sententia, eum non peccare graviter. Ita *Salm. loc. cit. n. 1. et Croix l. 4. n. 876. cum Sylvest. Bon. Cov. Vasquez, et Suar. l. 4. c. 13. n. 8. et 9.* qui tamen dixit, præfatam sententiam non videri certè improbabilem, sed se nolle suum iudicium interponere. Diximus 2. *ultra tempus permissum*; quia Tridentinum permittit canonicis, sicut Episcopis, per tres menses abesse. Rectè autem docet *S. Thomas 2. 2. q. 94. art. 2. ad 3.* quem sequitur *Viva l. c. verb. Dico tertio, cum Val. Fill. et Bon. contra Nav. et alios*, Episcopos non obligari ad chorum; tum quia sic fert consuetudo; tum quia ipsi majoribus negotiis vacare debent, quæ chori assistentiam non compatiuntur.

Dubitatur 2. quid teneantur restituere canonici, qui choro non intersunt? Certum est ipsos non posse lucrari distributiones, etiamsi alii consocii eas illis remittant, ut habetur ex *Trident. sess. 24. de Reform. c. 12.* ubi dicitur : *Distributiones verò, qui statis horis interfuerint, recipiant; reliqui, quavis collusione aut remissione exclusa, his careant.* Nota, *remissione exclusa*, nam ut benè advertunt *Croix l. 4. n. 877. et Conc. t. 2. p. 525. n. 4.* si portiones illæ præsentibus jam sint præstitæ, isti licitè possunt donare eas absentibus; modò hoc non fiat ex pacto, et in fraudem legis, ut ait *ib. Croix cum Sanch. et Lugo*, quia hæc esset palliata collusio. Non privantur autem distributionibus qui absunt ex legitimis causis, de quibus agemus *l. 5. ex n. 150.*

Hæc quoad distributiones. An verò non assistentes teneantur etiam fructus præbendæ restituere? Sic habetur in *Trid. l. c. Primo anno privetur unusquisque dimidiâ parte fructuum, quos ratione etiam præbendæ, ac residentie fecit suos. Quòd si iterùm eadem fuerit usus negligentia, privetur omnibus fructibus. Crescente verò contumacia, contra eos juxta sacrorum canonum constitutiones procedatur.* Ex sacris autem Canonibus, ut dicunt *Salm. c. 4. punct. 1. n. 9.* illi exspoliantur ipsis beneficiis. Hoc verò ajunt *Salm. ibid.* ex communi, non fieri nisi post sententiam : sed contrarium hodiè tenendam, ut mox videbimus in dubio sequenti.

. Dubitatur 3. an satisfaciunt choro, et lucentur distributiones canonici, qui tantum assistant, et non capunt? Affirmant *Synch. Cons. l. 2. c. 2. dub. 88. in 2. cons. Met. Armg. et Patern.* Et consentiunt *Bon. de her. can. d. 1. q. 3. p. 2. §. 1. n. 18. et Salus. loc. cit. n. 5. cum Pal. Suar. Less. Poll. et Led. pro his Ecclesiis, ubi talis viget consuetudo, quam asserunt adesse ferè in omnibus Ecclesiis. Sed hodie, aliis omissis, causa finita est in bulla Cum semper oblatas, (vide in fine operis de Romanorum Pontif. decretis, epist. encycl. n. V.) ubi SS. noster Pontifex postquam asserit præfatam opinionem absonam esse menti conc. Tridentini, atque pluribus improbatam à congregatione ipsius concilii, dicit: *Equidem minime. Nobis compertum est, quo peculiari titulo suffulti peruersum habeant unius vel alterius Ecclesie canonici, se suo muneri satisfacere per simplicem in choro assistantiam, absque diuinæ psalmodiæ cantu. Verum, nisi illis præsto sit apostolicum, non præsumptum vel abrogatum, sed legitimum ac vigens privilegium sive indultum, jure ac merito venerandum est, ne isti, dum ita se gerunt, præbendarum ac distributionum fructus minime suos faciant; et consequenter ne ad eorum restitutionem teneantur.* Ex quo verbo verendum rectè infert *Conc. tom. 2. p. 518. n. 22.* ita infirmitatem esse contrariam opinionem, ut non amplius probabilis dici possit; tale enim verbum importat formidinem practicam, quicum certè non licet operari. Sed quidquid aliqui dixerint super præfatam bullam, idem SS. Pontifex omnia dubia abstatit novo Brevi, quod direxit die 19. Januarii anno 1748. ad Emin. Cardin. Delphinum Patriarcham Aquilejensem, incipiens, *Dilecte Fili, etc.* (vide apud *Conc. pag. 520. n. 29.*). Ibi noster Pontifex consuetudinem canonicorum, tantum interessendi choro, extirpandam esse declarat, sic dicens: *Haquet d te dilecte Fili noster, poscimus, et flagitamus, ut non solum hujusmodi abusum et corruptelam ab Ecclesiastica disciplina absonam, et canonicis ordinationibus ac nostræ quoque constitutioni contrariam penitus evellere et eradicare admittaris: verum etiam ipsos suaviter fortiterque admoneas, ut impostorum, eà, quæ decet ac tenentur reverentiâ, choro intersint, assistantque, nec non pari pietate, attentione, ac vigilantia omnino cære vel paullè cum cæteris studeant ac contendere. Deinde iidem edicas, et notum facias eos, quomodo**

mentum per haec notari in formis Brevis litteras tibi declaratas et injungimus) decernere utque statuere, sicut in eadem constitutione nostra invenimus, ipsos suosque successores canonicos choro quidem interessentes assistentesque, minime veto carentes, psallentes nullo pacto ex praebendis et distributionibus facere fructus suos, atque aded restitutioni obnoxiosos esse ac fore. Ex quo Diplomate romanet tandem desisum, quod canonici vel non interessentes, vel non canentes aut psallentes in choro, nedum distributiones quotidianas amittant, sed etiam non faciunt fructus suos ex praebendis, atque ad restitutionem sunt obnoxii.

• Dubitatur 4. an satisfaciant choro, qui submissè recitant psalmos, alteram partem audiendo? Loquendo de choro in generali, an isti satisfaciant officio, adsunt duae sententiae.

Prima, quam tenent *Caj. Summ. v. Horæ, in fine, Arm. cod. v. n. 22. Navarr. in c. 10. n. 80. et alii ap. Salm. tr. 16. c. 2. punct. 5. n. 25.* dicit, eos non satisfacere, quia non communicant cum aliis canentibus.

Secundo sententia verò valde probabilis, et communior affirmat, haecque tenent *Sanch. Cons. tom. 2. l. 7. c. 2. dub. 14. n. 2. Iuss. l. 4. c. 54. dub. 55. n. 184. Suar. tom. 2. l. 4. c. 12. n. 8. Fill. tr. 26. c. 6. n. 498. Conc. tom. 12. p. 343. n. 9. Bon. d. 1. q. 3. p. 2. §. 4. n. 16. Salm. l. c. cum Set. Trull. Vill. etc.* Ratio, quia ad satisfaciendum officio in choro non est necesse, ut quisque audiat omnes voces alterius partis, unaqueque enim pars cum alia unum corpus constituit, et mutuo communicat.

Loquendo autem de choro canonicorum, an ipsi submissè recitando satisfaciant choro, et lucrentur distributiones? Affirmant *Sanch. l. c. cum aliis.* Sed communiter, et meriti id negant *Less. Fill. II. ec. Concina p. 343. n. 9. Cont. Tourn. de relig. part. 2. cap. 2. art. 8. sect. 5. et Bonac. l. c. n. 17. cum Suar. P. Nav. et Rodr.* Ratio, quia distributiones debentur solum iis, qui choro inserviunt; servitium autem chori, ut habetur ex *Clement. f. de cel. miss. in eo consistit, ut clerici conveniant in Ecclesia ad officium psallendum. Ergo qui non psallunt, sed officium submissa voce recitant, non possunt dici choro inservire. Censet tamen Bonac. loc. cit. cum Suar. Fill. etc. quod canonici id recitantes possint saltem percipere mediam partem distributionum: sed SS. noster Pontifex Bened.*

18.

at restitui?

creditor patitur

ut differre resti-

Et an confes-
sorem, qui est in
ofuturam?

modo ac loco
quirit, et com-
modo, quod
in. Vide Laym.

te, faciat clam,
onam interpo-
confessarius non

ur, debet suis
alter eam habi-
eta, vel iniquo
ter eam servan-
si transferendo
lunc enim ple-

33.

XIV. ut mox suprâ vidimus in præcedenti dubio, expressè declaravit, canonicos non cantantes vel psallentes, non solùm amittere omnes distributiones, sed etiam tenèri ad restituendos fructus præbendæ.

Dubitatur 5. An canonici, portinarii, et similes possint inservire choro per substitutos, vel alternatim unus pro alio. Negant *Joan. Baptista Ventriglia Praxis etc. Annot. 19. §. 3. n. 18. cum Zerol. Barb. et Garz. ex præscripto concilii Trident. sess. 24. de Reform. cap. 12. ubi dicitur: Omnes verò divina per se, et non per substitutos compellantur obire officia.* Hinc ait id vetari, etiamsi adsit consuetudo, vel statutum id permittens, ex declaratione S. Congr. 25. Jul. 1570. *Si factum est aliquod statutum, quòd canonici possint inservire per substitutos, vel alternatim unus pro alio, non habeatur ejus ratio quia est contra concilium.* Tantùm id concedit *Ventriglia*, si adsit legitimum impedimentum, v. gr. infirmitatis, et absentis permissæ. Verùm tamen advertunt *Fagnan. Tom. 1. in Cap. Cum omnes, de constit. n. 28. Monacel. Tom. 2. tit. 13. Form. 2. n. 64. et Matthæus. Offic. Cur. cap. 55. §. 1. n. 9.* declarasse S. C. concilii, quòd Episcopus (ubi adest consuetudo, ut notat *Monac.*) possit concedere facultatem capitalaribus invicem se substituendi in servitio tum Ecclesiæ, tum chori, modò non substituuntur iis temporibus, quibus servitio Ecclesiæ adstricti sunt, et modò curet Episcopus, ne hac facultate substituendi illi abutantur: putà si hujusmodi substitutiones sint nimium frequentes. Aliàs verò, ut scribit idem *Fag.*, declaravit S. C. Decretum hoc locum habere tantùm inter præsentès. Cùmque deinde dubitatum fuerit, an censendus sit absens, qui pernoctat extra mœnia civitatis, ubi est cathedralis, per medium milliare vel circa in suburbiis, unde canonicus opportunè possit ad servitium accedere; S. C. respondit, non censeri absentem. Omnes has declarationes colligit, et refert *Card. Lambertini Notif. 107. n. 17. et 18.*

DUBIUM VII.

DE CIRCUMSTANTIIS RESTITUTIONIS.

ARTICULUS I.

Quo tempore , loco , et modo debeat restitui?

676 *Quando , et ubi facienda restitutio ?*677 *An sumptibus furis ?*678 *Quando et ubi facienda solutio ex contractu ?*679 *Quando peccat differens restitutionem ?*680 *Ad quid tenetur debitor , si ex dilatione creditor patitur damnum ?*681 *An absolvendus , qui , cum possit restituere vult differre restitutionem ?*682 *An absolvi possit debitor , antequam restituat ? Et an confessarius debeat monere de restitutione pœnitentem , qui est in bona fide , si prævideat monitionem non profuturam ?*683 *Quot peccata committit negligens restituere ?*

676. — « **R**ESP. Debet quamprimùm , et eo modo ac loco
 » restitui , quo jus , et interesse damnificati requirit , et com-
 » modè ac moraliter fieri potest sine gravi incommodo , quod
 » quis pateretur in re sua propria ultra debitum. *Vide Laym.*
 » *hæc l. 3. tract. 2. c. 10. Fill. tr. 32. c. 4. q. 11.*

Unde resolves :

« 1. Qui non potest commodè restituere apertè , faciat clam ,
 » et qui non potest per se faciat per aliam personam interpo-
 » sitam , v. gr. confessarium » (*Quid , si confessarius non restituat ? Vide dicenda seq. n. 704. quær. IV.*)

677. — « 2. Possessor malæ fidei , v. gr. fur , debet suis
 » sumptibus ad eum locum rem deferre , ubi alter eam habi-
 » turus fuisset , si non fuisset ablata , destructa , vel iniquè
 » detenta , deductis tamen expensis , quas alter eam servan-
 » do , vel deferendo debuisset facere. Excipe , nisi transferendo
 » deberet plus impendere , quàm res valeat ; tunc enim ple-

» numque ex præsumpta mente domini posset restituere pauperibus, vel in usus pios. *Bon. q. 6. p. 1.*

Quæstio est, an fur teneatur rem reddere domino, etiam cum sumptu majori, quàm res valeat? Affirmant *Navarr. Val. Dicaat. Cajet. etc. apud Salm. de restit. c. 1. punct. 10. n. 195.* Sed negant *Salm. d. l. cum Soto, Pal. Bon. Less. etc. cum Bus. hic. Vide dicta supra n. 597. et 598.*

678. — « 3. Bonæ fidei possessor satisfacit, si restituat in loco, ubi rem possidet. *l. c.*

» 4. Debita ex contractu eo loco, et tempore solvi debent, de quo inter partes conventum fuit expressè, vel tacitè.
» *Vide Less. et Bonac. l. c. » (1)*

Regulariter, præcisus pactis, solutio in contractibus, quoad locum, fieri debet in loco, ubi contractus fuit initus: et expensis illius, in cuius favorem fuit contractus. Quoad tempus autem, si de isto non sit conventum, non peccat graviter debitor, si non restituat donec moneatur ab altera parte: nisi illa ob timorem, oblivionem, aut impotentiam omittat eum monere; vel nisi debitor obligarit se cum juramento, quia juramentum de se obligat quamprimùm. Ita *Salm. de rest. c. 1. punct. 15. n. 254. cum Pal. Covarr. etc.* Monent autem *ib. n. 255. Lug. Bon. Trull. etc.* non esse damnandum de culpa gravi, qui differt solvere debitum ex contractu sine gravi damno creditoris, licet iste petat, quia talis dilatio non videtur tunc graviter ei injuriosa; et adhæret *Bus. n. seq.*

679. — « 5. Si quis possit quamprimùm restituere totum, ad id tenetur. Si autem alter dilatione non pateretur ulterius damnum, aut non notabile, non faciliè arguendus esset gravis peccati is, qui cum proposito satisfaciendi differret, aut paulatim per partes solveret. *Vide Bon. de contract. d. 1. q. 6. p. 1.* »

Certè excusatur a peccato gravi qui differt restitutionem per breve tempus, in quo dominus nec damnum patitur grave, nec graviter censetur invitus. Ita *Salm. ibid. n. 253. cum Lugo, Caj. Bon. etc. Palaus* ordinariè loquendo spatium 20 dierum putat esse breve.

680. — Utrùm, si debitor habet justam causam differendi

(1) Confer infra art. cod. civ. de contractibus ad n. 707. positos.

restitutionem, teneatur deinde restituere omne damnum, quod creditor ex dilatione patitur? Respondetur: Si debitum non sit ex delicto, non tenetur, ut ex communi docet *Lugo d. 18. n. 55. et Croix l. 5. p. 2. n. 252*. Si verò ex delicto est, nec etiam tenèri, si dilatio sit justa, dicunt *Navarr. Dic. Burg. et Dian. ap. Croix ib.* qui probabile putant, quia, ut ajuat tunc circa dilationem creditor esset irrationabiliter invitus. Sed communiùs et probabiliùs tenetur, ut docent *Lugo d. 2. n. 17. Less. c. 16. n. 32. et Molin. Laym. Reb. Tamb. aliique cum Croix loc. cit.* Ratio, quia, licet justa dilatio posterior non sit causa damni; tamen reverà causa fuit illa prima injusta acceptio.

681. — « 6. Qui scit, se tenèri ad restitutionem, et cum » possit in vita, non vult restituere, nisi in articulo mor- » tis, vel post mortem per hæredes, absolvi non debet, nec » potest: quia semper est in actuali peccato, et impœnitens. » *Sylv. Sayr. Bon. Trutt. c. 14. d. 14.*

» 7. Certum est non posse absolvi, qui, quando potest, non » vult restituere, nisi in morte, vel per partes. Limita » 1. Nisi ille sit in bona fide, et monitio prævideatur non » profutura, ut *Salm. de rest. c. 1. punct. 13. n. 256. cum Di- » cast. P. Nav. Sylv. etc.* Limita 2. Nisi adsit justa causa, ni- » mirum scandalum, infamia, et similia; si statim fieret re- » stitutio. *Salm. dicto loco num. 257. cum Lug. Dic. Bon. » Bann. etc.* »

682. — Quæritur hic 1. utrum sit absolvendus debitor an- tequam restituat.

Primâ sententia dicit, eum benè posse absolvi, non solùm primâ, sed etiam secundâ vice, si det vera signa doloris, et propositi. Ita *Viva de rest. q. 1. art. 5. n. 2. cum Nav. Val. Led. Sayr. etc. Mazz.* Et probabilem putant *Salm. ibid. n. 258. cum P. Navar. et Dic.* etiamsi pœnitens monitus primâ vice culpabiliter non restituerit.

Sed mihi omninò placet secunda sententia, quam tenet *P. Conc. tom. 7. p. 85. n. 25.* regulariter non esse absolvendum debitorem, nisi priùs restituat, quando ipsi restitutio est moraliter possibilis: sicut non est absolvendus concubinariùs, antequam concubinam abjiciat; experienciâ enim satis compertum est, quòd debitores post absolutionem rarissimè restituant, prout concubinarii rarissimè concubinas dimittunt.

Unde *S. Thom. de Villan. fer. 6. post 4. Dom. Quadr. rectè* monuit : *Prius ergò vadat et concubinam è domo pellat , pecuniam alienam restituat.... et tunc ad confessarium redeat , ut absolvatur.* Cæterùm benè ait *Conc. l. c. n. 24.* quòd si reverà prudens confessarius deprehendat debitorem sincerè paratum esse restituere , cùm primùm poterit , et restitutio non possit fieri citò , rectè poterit eum absolvere pro prima vice : imò probabilissimè id admittunt *Salm. cit. n. 258. et Lugo de just. d. 20. n. 213.* etiam pro secunda et tertia vice , si tales occurrant circumstantiæ ut confessarius solo proposito restitutionis contentus esse debeat.

Quæritur 2. utrùm , si pœnitens sit in bona fide et confessarius prævideat monitionem restitutionis minimè esse profuturam , debeat eum monere ? De hoc dubio *vide dicenda de pœn. l. 6. n. 614.* ubi partem negativam probavimus cum *Lugo, Sanch. Cano, Laym. Salm. Ronc. Spor. et aliis communiter contra paucos* : si enim confessarius magna cum prudentia officio suo fungi debet , quomodo prudenter se geret , si pœnitentem monebit , prævidens , quòd ille animæ detrimentum sit passurus , et è converso damnum creditoris non sit amovendum.

683. — Quæritur 3. quot peccata committat negligens culpabiliter restituere ?

Prima sententia , quam *Salmant.* probabilissimam vocant , tenet , eum tot peccata distincta committere , quot intersunt occasiones restituendi , et quoties proponit non restituere : imò quoties per somnum , aut per alia distrahitur. Ita *Bon. Vasq. Dic. Trull. Bann. etc. apud Salm. ibid. punct. 14. n. 262.*

Secunda sententia docet , eum unum peccatum committere , licèt per annum , et amplius in eadem voluntate non restituendi perseveret. Ratio , quia tale peccatum , quamvis physicè interrumpatur , moraliter tamen non censetur interruptum , quoties non retractetur mala voluntas , quæ virtualiter semper permanet in effectu retentionis. Ita *Lug. de pœnit. d. 16. n. 549. cum Nav. Gabr. Tanner et Salm. l. c. n. 264. cum P. Nav. Arag. et Dian. cum aliis.* Hinc dicunt , sufficere pœnitenti confiteri omissionem restitutionis , quin tempus exprimat , quia diuturnitas temporis non est nisi circumstantia aggravans. Utraque sententia est probabilis , sed hæc secunda videtur probabilior. *Vide l. 2. de pecc. n. 40.*

ARTICULUS II.

Quo ordine restitui debeat?

- 684 Cui facienda restitutio, si res extet?
 685 An pretium rei venditæ possit solvi creditori venditoris?
 686 An pecunia furtiva, immixta propriæ, restituenda sit ante alia debita?
 687 An prius restituenda debita certa, quàm incerta?
 688 An prius solvenda debita ex delicto, quàm ex contractu?
 689 Quæ alia debita prius solvenda?
 690 An semper præferendi creditores hypothecarii anteriores, etiam ex hypotheca tacita? An autem personales anteriores?
 691 An præferri possit creditor personalis pauperior?
 692 An prius exigens?
 693 An creditor, cui inter plures facta est solutio, possit eam retinere?
 694 An famuli possint accipere salarium à debitis gravato?
 695 An uxor, et filii alimenta?

684. — « **R**ESP. Certum est, non necessario ordinem servari, quando debitor omnibus solvere potest; quando verò tantum non habet, ut hæredibus relinquat, sequentes regulæ servandæ:
 » 1. Si debitor rem alterius apud se habet, quocumque titulo habeat, sive ex furto, sive ex deposito, sive inventionem, etc. debet prius restitui domino suo vel eo deficiente, pauperibus. Similiter, si res emptæ ad creditum, pretio non soluto, adhuc extet. *Nav. Sylv. Bon. q. 3. p. 2.* Hoc tamen *Less. c. 15. d. 2. contra Bon. etc.* limitat, nisi venditor ab emptore fidejussionem vel pignus acceperit.

685. — Quæritur, an venditor rei, exstante re, sit præferendus pro pretio aliis creditoribus emptoris? Certum est 1. quòd si venditor non acceperit ab emptore nec pignus, nec fidejussionem, neque fidem de pretio, ipse debet præferri, quia tunc adhuc retinet rei dominium, ex *l. Quod vendidit, 19. ff. de contr. empt. et ex §. Venditæ, Instit. de rer. Div. Vide Salm. de rest. c. 1. punct. 12. §. 1. n. 231. Et vide infra n. 796.* Certum est 2. quòd si venditor acceperit pignus, vel fidejussionem, nullam habet prælationem, quia tunc jam est securus de pretio. *Lugo d. 20. n. 15.* Quæstio igitur est, quando venditor rem tradidit, et de pretio tantum fidem accepit?

Prima sententia dicit tunc præferendum esse venditorem,

et hanc tenent *Salm. l. c. n. 252. cum Sylvest. Bon. Bann. Tap. Vill.* (citant etiam *Lessium*, sed non bene, nam *Lessius l. 2. c. 13. dub. 2. n. 11.* ubi citatur, loquitur, de casu quo non sit data nec etiam fides de pretio). Ratio, tum quia hoc postulat æquitas naturalis; tum quia dominium rei, licet eo casu translatum fuerit, est tamen translatum sub conditione pretii solvendi; unde talis res manet hypothecata solutioni pretii.

Secunda sententia verò probabilior, quam tuentur *Mol. tom. 2. d. 556. Laym. l. 5. sect. 5. tract. 2. c. 11. n. 2. Pal. d. 1. p. 18. §. 14. n. 5. Lugo d. 20. sect. 2. n. 17. cum Vasq. P. Nav. Cov. Azor. etc.* tenet nullam venditori prælationem deberi. Ratio, quia, cum dominium jam translatum sit, venditori remanet tantum creditum personale erga emptorem; nulloque jure habetur, quod res venditori hypothecata remaneat, donec ei pretium solvatur: alias emptor non posset de illa pro suo libito disponere, quod nemo dicit.

683. — An pecunia autem furtiva, immixta propriæ, sit ante alia debita restituenda? Affirmant rationabiliter *Pal. Reb. et Croix l. 5. p. 2. n. 575.* quia totus cumulus est specialiter obligatus domino pecuniæ ablatae. *Vide dicta n. 499. v. Notandum.*

687. — « 2. Si restitutio facienda sit ratione injustæ acceptionis, prius restitui debent certa, hoc est, quorum domini cognoscuntur, quàm incerta, *Bon. Less. d. 1.* quia illa jure naturæ debentur suis dominis, hæc autem jure solo positivo pauperibus. »

Quamvis probabilis sit sententia cum *Bus. Less. etc.* imo communis cum *Salm. ibid. num. 250. et Croix, l. 3. p. 2. n. 577.* quod prius restituenda sint debita certa, quàm incerta; attamen etiam probabile est, quod si debitor non possit utraque restituere, restitutio fiat pro rata etiam pauperibus pro debitis incertis. Ita tenent *Bann. Mon. Reb. et* probabile vocant *Tapia, Vill.* apud *Salm. loc. cit. n. 229. et Lugo d. 20. sect. 1. n. 5.* probabilissimum putat. Ratio istorum, quia prælatio creditoribus certis non debetur neque jure positivo (quod est certum) neque jure naturæ, ut supponit *Bus.* Sed æquè de jure naturæ pauperes succedunt in locum creditorum incertorum, ut dicunt *Caj. 2. 2. q. 62. art. 9. ac Covarr. Arag. et Tap. ap. Salm. de rest. cap. 1. punct. 11. §. 3. n. 210.* Talis enim præsumitur voluntas cre-

ditorum, ut, quod ipsis nequit restitui, restituatur pauperibus pro ipsorum animabus.

688. — « 5. Prius faciendā est restitutio debitorum scilicet contractorum, quam usuratum; cum in his dominus non fuerit simpliciter invitus. »

Quæritur, utrum debita ex delicto sint solvenda ante debita ex contractu? Tres sunt sententiæ apud *Salm. ibid. punct. 12. §. 1. ex n. 234.* quas ipsi vocant omnes probabiles, et in praxi tutas.

Prima præfert debita ex delicto, quando non intervenit hypothecca, vel pignus in contractu, aut non extat res in propria specie; quia retinere rem injuriosè ablatam, est gravior injuria, quam non solvere rem debitam ex contractu; idè illa prius est reparanda. Ita *D. Th. Opusc. 73. c. 17. Reb. Med. etc.*

Secunda præfert debita ex contractu, scilicet oneroso; (nam debita ex gratuito, certum est solvenda esse ultimo loco, ut *Bus. num. seq.*) Ratio, quia aliàs solverentur debita ex ære alieno; maxime cum creditor dederit æquivalens. Ita *Caj. Nav. Valent. etc.* Sed hanc sententiam dicit *Lugo d. 20. ex n. 34.* nullam præferre rationem magni momenti.

Tertia communior et probabilior dicit: prædicta debita solvenda esse pro rata, nisi adsit res in specie, vel hypothecata, ut suprā. Ratio, quia ex nullo jure habetur in his aliqua prælatio faciendā. Ita *Lugo d. 20. n. 36. Less. l. 2. c. 13. n. 16. item Bon. Dic. Vill. Pal. Laym. etc. ap. Salm. l. c. n. 236.*

689. « 4. Debita ex titulo oneroso prius solvenda sunt, quam quæ debentur ex gratuito, v. gr. ex promissione; quia hæc includunt tacitam conditionem, nisi quid obstat. Hinc debita defuncti solvenda sunt ante omnia legata, etiam pia, *Navarr. Sylvest. Con. qu. 8. p. 2.*

« 5. In reliquis debitis servandum est jus particulare loci, si tale sit, et non repugnet juri naturæ. Si nullum sit, sequendum est jus commune, secundum quod 1. Solvenda sunt debita, ad quæ bona debitorum expressè fuerunt obligata. 2. Dos uxoris extrahenda est. » (*Dos ex Laym. præfertur omnibus creditis hypothecam tacitam habentibus*). « 3. Debita, ad quæ bona debitorum sunt tacitè hypothecata. 4. Deposita perdita in potestate debitorum. 5. Debita privilegiatorum. 6. Aliorum creditorum: post quos omnes sunt hi, à quibus usuræ acceptæ sunt, et adhuc post hos resti-

» tuenda sunt bona incerta. Quando autem multi unius rationis creditores inveniuntur, temporis antiquitas inter eos servanda est. *Vide Laym. l. 5. tr. 2. c. 11.* Ubi addit, è bonis debitoris, si is defunctus sit, inprimis solvendas esse impensas funeris, et quæ ad confectionem inventarii, apertionem testamenti, item ad medicos, et pharmacopolas pertinent. *Vide Fillinc. c. 4. q. 13. (1).* »

(1) Ordo, quo creditoribus restituendum est, sequent in codice civilis statuitur :

Art. 2093. Bona debitoris communia sunt creditoribus pro rata parte, nisi iustis ex causis unus alteri præferri debeat.

Art. 2094. Causæ legitimæ præferendi creditores, dicuntur privilegia et hypothecæ.

Art. 2095. Privilegiati sunt, qui ex natura crediti omnibus creditoribus etiam hypothecariis præferendi sunt.

Art. 2096. Inter ipsos privilegiatos prælatio diversitate privilegii determinatur.

Art. 2097. Privilegiatis ejusdem ordinis pro rata crediti satisfaciendum.

Art. 2099. Privilegia efficiunt vel bona immobilia debitoris vel mobilis,

Art. 2100. Vel omnia bona mobilia vel quædam tantum.

Art. 2101. Privilegiata, quæ universitatem mobilia efficiunt, recensentur et exercentur hoc ordine :

1^o Expensæ judiciaræ ; 2^o funerariæ ; 3^o ultimi morbi, sine prælatione inter se ; 4^o stipendia famulantium pro anno corrente et proxime elapso ; 5^o victualia ministrata à sex mensibus, si agitur de vendente minutim, ab anno autem, si de vendente cumulatim vel de herede convictis.

Art. 2102. Privilegiata, quæ tantum quamdam partem mobilia efficiunt sunt :

1^o Jus, quo proprietarius domûs aut prædii donatur, pro locationis pretio in fructus anni currentis ac valorem omnium mobilia, quibus domus aut prædia instruuntur aut prædiorum cultura indiget ;

2^o Pignus in manibus creditoris existens ;

3^o Expensa in conservationem rei ;

4^o Solutio pretii rei mobilis, quamdiu apud emptorem existit, idque sive creditor ejus fidem secutus sit sive non. Quod si nulla solvendi dies statuta sit, res ipsa repeti potest, modò id fiat intra 8 dies. Præfertur tamen proprietarius domûs vel prædii pro locationis pretio ;

5^o Quæ tabernarius in res viatorum apud se depositas expendit ;

6^o Impensæ factæ in vectionem et res vectas.

Art. 2103. Privilegiata, quæ immobilia efficiunt, sunt :

1^o Venditoris rei immobilis pro pretio obtinendo ;

2^o Creditorum, qui ad rem immobilem acquirendam pecuniâ suppeditarunt, modò actu mutui et venditoris chirographo constet, hanc summam ad talem emptionem petitam ac solutionem ex ea factam fuisse ;

3^o Cohæredum in bona hæreditatis pro solutione portionum, quæ ipsis ab aliis hæredibus refundi debent ;

4^o Architecti, operis conductoris, cæmentarii et operariorum in ædificia aliave opera assumptorum ;

690. — Quoad creditores hypothecarios nulli dubium est, quin præferendi sint anteriores, etiam ex hypotheca tacita, qui si tempore antecendant alios creditores ex hypotheca expressa, adhuc præferendi sunt, ut tenent communius *Lugo d. 20, n. 41. cum Mol. Vasq. et alii apud Croix l. 5. p. 2. n. 392. contra Navarr. Sylvest. et Angel.* Notandum tamen, quòd inter creditores hypothecarios semper omnibus sit præferendus supra rem creditor, qui pecuniam dedit ad illam emendam, vel ad reficiendam, v. gr. domum; vel ad custodiam sive ad cultum agrorum; vel ad collectionem segetum. *ex l. 5. ff. Qui potiores etc. Vide Salm. de rest. c. 1. punct. 12. §. 2. n. 241.* Dubium est quoad personales.

Prima sententia tenet, omnibus his satisfaciendum esse pro rata. Ita *Pal. tr. 32. disp. 1, p. 18. §. 18. num. 5. Holzm. de rest. tr. 2. n. 477. et Less. Bon. Vasq. Azor, etc. apud Salm. ibid. §. 1. n. 245.* Ratio, quia his non bona debitoris, sed obligata est persona, quæ æquè omnibus est obnoxia. Et probant *ex l. 1. §. Ex contrario ff. de separat.* ubi dicitur: *Licet alicui, adjiciendo sibi creditorem, creditoris sui deteriorem conditionem facere.* Ergo, inferunt, creditor anterior non habet jus ad illius bona.

5º Eorum, qui pecuniam mutuo dederunt, ut ex illa merces operarii solveretur.

Art. 2104. Quæ privilegiata in *art. 2101.* recensentur, etiam debitoris bona immobilia, deficientibus mobilibus, afficiunt.

Art. 2105. Quod si creditores privilegiati circa mobilia, his deficientibus, cum privilegiatis circa immobilia pro solutione contendunt, solvantur:

1º Expensæ judiciaræ aliæque *art. 2101*; 2º Debita *art. 2103.*

Art. 2106. Ut privilegiata circa immobilia ad effectum deduci queant, debitum inscriptum sit oportet registro Hypothecarum.

Art. 2107. Excipiuntur debita in *art. 2101.* relata.

Art. 2114. Hypotheca contractus est, quo res immobilis obligatur creditori in securitatem debiti.

Art. 2116. Alia est legalis, alia judicaria, alia conventionalis.

Art. 2134. Triplex hæc hypotheca ordinem inter creditores solum accipit à die inscriptionis in registris conservatoris hypothecarum.

Art. 2135. Non requiritur inscriptio: 1º pro legali minoris et interdicti in bona immobilia tutoris ratione gestionis ejus; 2º Uxoris in immobilia mariti pro dote sua et conventionibus matrimonialibus.

Art. 2147. Creditores hypothecarii eodem die inscripti, sunt ejusdem ordinis, cum inscriptio non computetur per horas sed per dies.

Edit.

Secunda, quam tenent *S. Anton. p. 2. tit. 2. c. 7. §. 3. Sylr. v. Restit., q. 5. Diana p. 3. tr. 5. res. 10. Navar. Ang. Arag. Bon. Baldi cum Lugo de Just. disp. 20. sect. 7. n. 148. Bon. q. 18. n. 18. Croix l. 5. p. 2. n. 403. Conc. tom. 7. p. 178. n. 17. Salm. tr. 13. c. 1. p. 12. §. 4. n. 246. cum D. Thom. Suar. Val. Tol. Sa, etc. docet, præferendos esse anteriores, ex regula 54. juris in 6. qui prior est tempore, potior est jure. Licet enim jus civile sic loquatur tantum de creditoribus hypothecariis: jus tamen canonicum loquitur de omnibus, et fundatur in jure naturali; creditor enim anterior personalis, quamvis directè personam debitoris, indirectè tamen habet obligata etiam ejus bona, in quibus non debet præjudicari à creditore superveniente. Utraque est probabilis, sed secunda probabilior.*

691. — Quæritur, an debitor impotens satisfacere omnibus suis creditoribus personalibus, possit præferre pauperiorem diviti, vel non egenti; duplex datur sententia, utraque probabilis, ut rectè dicunt *Salm. ibid. n. 247.*

Prima affirmat. Ratio, quia obligatio restitutionis datur ad reparandum damnum proximi; plus autem damnum patitur pauper, si ei non fiat restitutio, quàm non indigens. Ita *D. Thom. Op. 73. c. 18. Molin. Sa, Med. etc. et probabilem putant Less. Laym. apud Salm. l. c.*

Secunda sententia probabilior negat, quia nullo jure talis prælatio datur: hinc pro rata restituendum. Ita *Lugo d. 20. sect. 7. n. 161. Pal. Less. Vasq. Azor, Dic. etc. Excipiunt Salm. dict. loc. n. 248. cum Less. l. 2. c. 15. dub. 7. n. 46. si creditor esset extremè, vel graviter indigens: tunc certum esse dicunt, istum esse præferendum ex charitate. Et sic reverà tenendum casu, quo creditor jam teneatur ex charitate cedere solutionem illam sibi debitam, habens superflua statui, ut pauperi subveniatur; aliàs non tenebitur ipse ex propriis pauperi illi succurrere cedendo solutionem.*

692. — « Quæres, utrùm priùs exigenti non liceat priùs » solvere?

« *Resp. 1. Solvens scienter posteriori, præterito illo, qui*
 » *habet hypothecam priorem, vel privilegiatam, peccat, tene-*
 » *turque priori de damno, qui etiam potest recuperare solu-*
 » *tum. Less. dub. 5. ex l. Scimus §. Et si præfatum c. de*
 » *jur. delib.*

« 2. Si ex pluribus creditoribus personalibus æqualibus
» aliquis exigat (sive in iudicio, sive extra), teneris ei in
» integrum solvere, quia diligentia fecit eum potiozem. *Nav.*
» *Sylv. Bonac. l. c. ex l. Pupillus ff. Quæ in fraudem, etc.* »

Si talis creditor petiit solutionem in iudicio, communiter dicunt DD. posse illum exactum retinere. Ita *Lugo d. 20. n. 177.* quia leges dant prælationem etiam in conscientia ei qui prius obtinuit sententiam, et post eam etiam debitor debet ei solvere in conscientia, ut ait *Lugo n. 170. cum Molin. et Vasq.* eò quòd lex det creditori hoc privilegium propter reverentiam iudicii publici. Si verò is petiit extra iudicium et exegit, *Lugo n. 176.* sentit non posse eum retinere exactum, quia præiudicavit creditoribus anterioribus, quibus competet prælatio, juxta suam sententiam, ut diximus *n. 690.* Attamen *Salm. ibid. n. 249. cum Less. Ban. Villal. Dic. Nav. Sylv. et Bus. ut suprâ, et Cabassut. l. 6. c. 25. n. 14.* rectè dicunt probabilius esse, quòd possit illud retinere, ex dict. *l. Pupillus*, ubi dicitur: *Sin verò justè exegerit, et cæteri creditores neglexerint exactionem..... id quod acceperit creditor, revocari nullo pacto potest, quia alii creditores suæ negligentiae expensum ferre debent.* Idipsum clariùs confirmatur, ex *l. Si non 6. §. 1. ff. de bon. auc. jud. etc.* ubi habetur: *Statuendum ne alterius aut negligentia, aut cupiditas huic qui diligens fuerit noceat. Quòd si utroque instante tibi gratificans tutor solvit, æquum est aut prius eandem portionem mihi quæri, aut communicandum quod accepisti.*

« 3. Debitor sciens statum suum labentem, non potest non
» petenti integrè satisfacere, sed debet omnibus personalibus
» solvere pro rata (si tamen iste solutionem accepisset, an
» possit retinere, controversitur. *Vide Bon. Less. l. c. Trull.*
» *l. 7. c. 14. d. 22.*) Nec potest uni solvere omissis aliis, nisi
» secundum ordinem supradictum. »

693. — Alii autem, ut *Less. l. 2. c. 15. dub. 5. n. 41, et Dic. Dian. Villal. Led. etc. apud Salm. de rest. c. 1. punct. 12. §. 4. n. 250.* dicunt quòd creditor, cui facta est solutio integra, possit illam retinere, licèt debitor sit impotens aliis satisfacere. Ratio, quia solutum non revocatur, ex *l. Qui autem, et l. Pupillus, ff. Quæ in fraudem, etc. Card. de Lugo d. 20. n. 178. et 179.* distinguit et dicit, quòd si creditor malà fide solutionem acceperit, tenetur restituere aliis creditoribus :

secus si bonâ fide, quia is non tenetur ex injusta acceptione, eò quòd bonâ fide acceperit; non ex injusta retentione, quia persolutionem acquisivit dominium accepti. Sed verius *P. Concina tom. 7. p. 180. n. 22. Pal. d. 1. p. 18. §. 21. n. 6. Cont. Tourr. de justit. et jure, part. 3. cap. 2. art. 6. sect. 2. concl. 7. in med. Salm. ibid. n. 251. cum Bann. Tap. Bon. Azor, et Turr.* dicunt ipsum in conscientia tenèri aliis pro eorum rata satisfacere: quia ex jure naturali nullum jus habet, ut sibi integrè solvatur, cùm debitor non possit satisfacere omnibus: jure autem positivo prædictæ leges statuunt, solutum non posse repeti in foro externo, sed non, quòd possit retinèri. Præterquam quòd præfatæ leges, ut suprâ vidimus, intendunt solum præmio afficere diligentiam creditoris exigentis, non autem dare illi jus retinendi id quod injustè debitor solvit. Nec prodest creditori, quòd acceperit in bonâ fide, nam licèt accipiendo non fecerit injuriam aliis creditoribus, facit tamen retinendo cum damno ipsorum, qui saltem æquale jus habebant ad bona debitoris.

694. — Utrùm famuli possint recipere salarium à domino debitis gravato? Rectè possunt, si bonâ fide famulatum præstiterint. An verò ipsi teneantur discedere, si advertant, dominum ex tali famulatu impotentem reddi ad satisfaciendum debitis? Affirmant *Nav. Adr. et Ang. apud Laym. de rest. c. 11. n. 8. (1).* Negant tamen *Mol.* (et non improbabiler ait *Laym.*); nam ipsi neque contra justitiam peccant, si à domino rogati famulentur, et mercedem accipiant, neque contra charitatem, si defuturi non sint alii ad famulandum. *Sed vide dicta n. 612.*

695. — Utrùm filii, et uxor possint accipere alimenta à debitis gravato? Affirmant *Laym. d. lib. n. 9. cum Sanch. et Croix l. 5. p. 2. n. 587. contra Henr. et alios*; etiamsi paterfam. alia debita contrahat ad eos alendos, cùm ipse ad eos alendos ex justitia teneatur: modò isti non habeant aliunde sustentationem. Imò docet *Laym. cum Nav. Vasq. et Molin. contra Sylv.* quòd uxor possit vivere ex bonis viri usurarii, qui non est solvendo, licèt alere se possit bonis propriis, vel propinquorum: quia vir non minùs tenetur alere uxorem,

(1) Ex *Hom. Ap. tr. 10. n. 115.* teneatur discedere, si non sint necessarii, nec possunt prosequi ad exigendum.

quàm usuras restituere. Nequit tamen uxor uti ad sustentationem familiæ pecuniis à viro datis ad solvenda debita; nisi in casu, quo familia graviter egeret, tunc enim huius prius vir succurrere tenetur; ideòque uxor tunc utitur jure suo. Ita *Laym.* qui subdit, mercedes operariorum ad necessarios usus debitoris præferendas esse etiam creditoribus hypothecariis.

ARTICULUS III.

Quæ à restitutione excusent?

- 696 *Quæ excusent à parte debitoris?*
 697 *Quid, si non possis restituere, nisi cum graviore damno? Quid, si dominus æquale damnum sit passurus? Quid, si dominus sit abusus re restituendâ?*
 698 *Vide alios casus.*
 699 *Quid, si debitor cedat bonis?*
 700 *Quando excusetur restitutio ex parte creditoris? Quær. I. An liceat rem alienam retinere, vel accipere ex præsumpto consensu domini? Qu. II. An debitor donans immemor debiti excusetur à restitutione?*
 701 *Quid, si debitor restituendo se conjicere deberet in necessitatem extremam?*
 702 *Quid, si in necessitatem gravem?*
 703 *Quid, si creditor sit in eadem necessitate?*
 704 *An debitor differens restitutionem ex justa causa, teneatur reddere interesse quod patitur creditor?*
 705 *An hæres rei teneatur ad damna, quando reus, cui successit, fuit capite damnatus?*
 706 *An possessor bonæ fidei in dubio si factus sit ditior, teneatur restituere?*

696. — **R**esp. 1. Ex parte debitoris excusant ea, quæ
 • faciunt, ut creditor rationabiliter debeat esse contentus,
 • etsi de facto non sit contentus. *Commun. Doct.*

Unde resolvuntur casus sequentes :

- « 1. Excusaris in foro conscientie (juxta sententiam probabilem) à compensatione damni, si illud datum sit sine tua
 • culpa theologica gravi, hoc est, mortali peccato, nisi aliud

» cum altero pactus sis, vel inde sis factus ditior. Unde excu-
 » saris, si v. gr. aliquem occidisti ex subita ira, ut si fuerit
 » motus tantum primò primus, vel si ex oblivione non
 » extinxeris candleam, et hinc ortum sit incendium etc. Quòd
 » si advertens periculum in actionibus periculosus, omittas
 » eam diligentiam præcavendi, quam homines ejusdem con-
 » ditionis communiter præstare solent, graviter peccas, et
 » teneris restituere damna secuta. Porro in foro externo pro-
 » ceditur secundum culpam juridicam, quæ sæpè non est
 » peccatum, et dividitur in latam, et levem, et levissimam.»
 (Vide dicta n. 549. et 550.)

« 2. Excusaris à restitutione incertorum, si fecisti compo-
 » sitionem cum Episcopo vel Papa, *Less. c. 10. d. 11. Bon. q.*
 » *ult. p. 2.* » (Quòd possit etiam Episcopus componere, tenent
Trull. Villal. Henr. Dian. sed oppositum tenendum cum Lugo
Mol. etc. ap. Croix l. 3. p. 2. n. 413. Vide dicta ex n. 592.
v. Notat.)

« 3. Item, si casu, quo teneris rem restituere pauperibus,
 » tibi ipsi reverà indigenti eam des: et tunc quidem postea
 » factus ditior, adhuc non teneris restituere. *Vide Laym. l.*
 » *3. t. 2. c. 12.*

697. — « 4. Si non possis restituere, nisi cum notabiliter
 » graviore damno tibi, vel tuis, vel reip. inferendo, quàm
 » aestimari debeat commodum ex restitutione creditori obven-
 » turum, tunc enim differre potes, dum cesset ista impo-
 » tentia, *Laym. l. c. ex Sylv. Nav. etc.* Idque verum est,
 » etsi debitum sit ex delicto, uti et in sequentibus casibus. »
 (Vide dicta n. 598.)

Teneris autem restituere etiam cum tuo damno, si omissa
 restitutione dominus æquale damnum sit passurus. Ita *Salm.*
de rest. c. 1. punct. 15. n. 270. cum Pal. Less. et Dicast. Ces-
 sationem autem lucri dicunt *Salm. ibid. n. 271.* non esse
 causam justam differendi restitutionem: nisi (excipit *Beja*
ap. Croix l. 3. p. 2. n. 424.) ex dilatione creditor nullum
 damnum patiatur. *Vide alia circa dilationem restitutionis ap.*
Croix n. 425. Probabilissimum autem est cum *Lugo d. 21. n.*
26. et Croix n. 426. cum Nav. Sot. Mol. Less. etc. (contra Azor.
Sanh. Bon. etc.) te non teneri restituere rem, quàm dominus
 est abusus ad peccandum: imò si ille prævidetur abusu-
 rus in damnum tertii, peccares restituendo, quando posses

negare sine tuo graviore, vel saltem æquali gravi damno, juxta dicta n. 371. vers. *Secus*. Idque expressè docet S. Th. 2. 2. q. 62. art. 3. ad 1. ubi dicit: *Quando res restituenda apparet esse graviter nociva ei cui restitutio facienda est: vel alteri, non ei debet tunc restitui; quia restitutio ordinatur ad utilitatem ejus, cui restituitur*. Et tunc peccares restituendo non solum contra charitatem, ut dicunt *Mol. et Dic.*, sed etiam contra justitiam, ut docent *Salm. loc. cit. punct. 11. §. 2. n. 204. Conc. t. 7. p. 168. et Lug. n. 29. cum Less. Pal. Bonac. Sot. aliisque communiter apud Croix n. 427*. Ratio, quia proximus habet jus, ne tradas aliquid alteri in ejus perniciem.

698. — « 3. Si ad restituendum sis impotens; ut si vivere » non possis secundum decentiam tui status justè à te acqui- » siti. » (*Secus injustè acquisiti, Salm. cit. punct. 13. n. 269.*)
« Unde, si nobilis v. gr. non potest statim solvere, nisi se » privet famulis, equis, armis. etc. vel civis primarius, nisi » obeat artem mechanicam sibi insuetam, vel mechanicus, » nisi vendat instrumenta sua, quibus vivit, aut magnum » damnum subeat, potest differre, et paulatim restituere » sine jactura sui status. *Laym. l. c. Bon.* » (*Est commune apud Croix l. 3. p. 2. n. 340.*)

» 6. Quòd si tamen tuâ culpâ in illas angustias delapsus » sis, v. gr. luxuriâ, ludis, superfluis expensis vestium, tibi » imputare debes, quòd jam sine status tui amissione non » possis satisfacere. *Ibid.*

» 7. Quòd si item creditor ex dilatione æquale damnum sub- » ire debeat, tu potiùs, quàm is, sustinere debes, cum ejus » conditio sit melior. Excipitur extrema necessitas, in qua » quoad usum, sunt omnia communia; *ib.* » (*communiter omnes cum Laym. ap. Croix n. 450.*)

» 8. Quòd si item damnum quod timetur ex restitutione, » non esset propriorum bonorum, sed in hoc præcisè tantum, » quòd spoliaret se rebus debitis, non potest idèò differre re- » stitutionem: quia hoc non est pati in suis rebus, neque » suum statum amittere, sed est dimittere alienum, et » reverti ad statum proprium. *Sayr. Bonac.*

» 9. Item excusaris à restitutione, si fieri nequit absque » periculo salutis animæ tuæ, vel tuorum; ut v. g. si non » possis absque peccato, ut, si sit periculum, ne uxor, aut

» fillæ se prostituunt, ne filii se dent latrociniiis, ne ipse
 » per impatientiam incidas in desperationem. *Bon. Less. Mol.*
 » *Fill.*

» 10. Item, si non possis restituere absque periculo vitæ,
 » vel notabili detrimento famæ: cum aliàs plus damni susti-
 » neres, quàm intulisti. *Bon. d. 2. q. ult. p. 1.* » (*Nisi jac-*
tura famæ sit minima respectu damni in bonis creditoris.
Salm. tr. 13. c. 1. punct. 17. n. 282. Vide dicta n. 653. v. Sed
dices.)

699. — « 11. Item, si cedas bonis (1), quia leges concesse-
 » runt, ut qui contraxit multa debita, nec habet unde solvat,
 » possit cedere bonis, ea relinquendo in manibus credito-
 » rum, et tunc maneat liber, ita ut etiam in conscientia
 » sit tutus, retentis instrumentis artis, et quæ ad sustenta-
 » tionem sunt necessaria. Quòd si tamen postea redeat ad
 » pinguiores fortunam, tenetur adhuc restituere, *ex l.*
Cum filiisfam. qui bon. Navarr. Bon. Less. » (*Imò ex*
Laym. c. 12. q. 1. remanet obligatus ad laborandum, et ac-
quirendum, ut solvat). « *Ex quo Trull. lib. 7. d. 13. c. 3.*
 » sic limitat: si acquirat plus, quàm ad decentiam status
 » est necessarium, *ex dicta l. Cum etc.* Nisi tamen debita
 » proveniant ex delicto, v. g. furto, eo enim casu tantum
 » posse retinere, quæ simpliciter necessaria sunt ad victum,
 » docent *Navarr. Salon. Less. loc. cit.* etsi hic concedat ea,
 » quæ post cessionem justè acquiruntur, licitè tenèri, si ad
 » statum sint necessaria. *Vide Tol. Laym. lib. 3. c. 12. Less.*
lib. 2. cap. 16. d. 3. Bonac. Trull. loc. cit. Porrò, etsi
 » cessionem dictam non habere locum in bonis ex delicto
 » provenientibus communiter teneant DD. cum *Laym. loc.*
 » *cit.* contrarium tamen *ex Less. Diana etc.* docet *Trull. loco*

(1) *Art. 1266.* Cessio bonorum dividitur in voluntariam et judicariam.

Art. 1267. Voluntaria ea est, quam creditores voluntariè acceptant, circa quod videnda conventio.

Art. 1268. Judiciaria est beneficium à lege concessum infelici et bonæ fidei debitori, ut libertatem suæ personæ retineat cedendo omnia sua bona creditoribus, non obstante quavis stipulatione in contrarium.

Attamen ex jure novo (Code de Procedure) quædam sunt bona, in quæ manus injici nequeant, utl quæ debitori necessaria sunt ad cubitum et vestitum; instrumenta, quibus opifex ad laborandum indiget; libri vitæ generi debitoris necessarij; machinæ et instrumenta ad docendas exercendasve artes et scientias; farina et esculenta familiæ debitoris pro mense necessaria, etc.

Edit.

» citato. Denique, etsi debitor principalis cesserit, non ideo
 » liberantur fidejussores. *Card. Lugo, Dian. p. 7. tom. 8. r.*
 » 18. et alii.

700. — » Resp. 2. Ex parte creditoris excusat : 1. Si is,
 » cui debet restitui, semel remiserit, expressè, vel tacitè,
 » v. gr. si laceraverit tuum chirographum, vel tibi reddi-
 » derit. Remissio autem hæc debet esse libera; non metu,
 » fraude, vel mendacio extorta. *Fill. tr. 32. c. 3. q. 9. Less.*
 » l. 2. c. 16. d. 2.

» 2. Excusat in foro conscientiae, si solvisti ei, cui debebat
 » tuus creditor. *Less. d. 3. Bon. p. 3. 3.* Si compensatio facta
 » est creditori per commodum æquivalens, v. gr. per pro-
 » curationem officii non gratis factam. 4. Omitti, aut saltem
 » differri potest restitutio, imò aliquando debet, si creditor
 » eâ sit abusurus, v. gr. si quis pecunias tibi mutuo datas
 » repetat ad fornicandum, vel aliter peccandum. Item si eas
 » repetat ad peccandum contra justitiam, sive inferendum
 » dampnum injustum tertiæ personæ: nisi tamen ex nega-
 » tione restitutionis timeretur majus malum. » (*Vide dicta*
n. 697. et alibi).

Quær. hic I. An liceat tibi rem alienam retinere, vel acci-
 pere ex præsumpta voluntate domini, nempe quòd si peteres,
 libenter ille donaret? Respondetur affirmativè cum sententia
 satis communi, quam tenent *Sanch. Dec. lib. 7. c. 19. n. 13.*
cum Ang. Nav. Arag. Mendoz. Lop. Lug. d. 21. num. 54.
et 63. cum Sylvest. Tab. Sayr. Holzm. tract. 3. pag. 483.
num. 600. Croix lib. 3. p. 2. num. 462. cum Lessio, Sa,
Reg. et Dic. Et expressè eam docet *S. Antonin. 2. p. tit. 1.*
c. 15. ubi loquens de obligatione restitutionis, ad quam
 tenetur qui accipit alienum invito domino, sic subdit: *Invito*
domino dicitur, quia, si credit dominum permissurum, et
subest justa causa credendi, non tenetur. Ratio hujus sen-
 tentiæ est, quia malitia furti non tam consistit in dite-
 scendo ex re aliena, quàm in ditescendo cum damno domini
 graviter inviti, cum hoc præceptum non furandi tantum
 ordinetur ad charitatem erga proximum servandam, ut dixi-
 mus *n. 534. v. Quær. II.* et docet *Lugo cum aliis d. 16. n.*
49. Unde, ut excuseris in tali casu à peccato, sufficit ut do-
 minus non sit positivè invitus. Id confirmatur ex *l. 46. §. 7.*
ff. de furtis, ubi legitur: *Rectè dictum est, qui putavit se*

domini voluntate rem attingere, non esse furem; quid enim doli fecit, qui putat dominum consensurum fuisse? Confirmatur etiam ex doctrina S. Thomæ art. 13. q. 2. art. 3. qu. 4. qui ait non esse proprietarium religiosum; qui ponat aliquid, ponens spem in ratihabitione prælati; ratihabitio autem semper de futuro est. Oppones id, quod ait Suar. de rel. lib. 8. cap. 11., nempe quòd licentia interpretativa, quatenus daretur si peteretur, non sit licentia, sed esset si peteretur; ideòque non sufficit ad valorem actus, v. gr. ad confessiones audiendas, ad assistendum matrimoniis. Sed respondetur cum Lugo, et Holz. II. cc. quòd ad audiendas confessiones, atque assistendum matrimoniis, requiratur facultas præsens positiva, quæ non habetur, nisi de præsentì concedatur. Sed ad rem alienam accipiendam vel retinendam, non requiritur positiva voluntas domini, sed sufficit, ut diximus, quòd ipse non sit positivè invitatus; saltem ad te excusandum à culpa gravi; nam, si putes dominum invitum quoad modum, tunc non excusaberis à veniali, ut rectè docet Sanch. loc. cit. cum Nav. Caj. Arm. Sa, Led. etc.

Quær. II. An debitor aliquid donans suo creditori immemor debiti, excusetur à restitutione?

Negat prima sententia cum Sanch. Dec. lib. 4. c. 13. n. 11. Laym. lib. 3. tr. 2. c. 12. n. 9. Spor. de consc. tr. 1. c. 1. n. 90. Bonac. de leg. q. 1. p. 10. n. 13. Dian. q. 3. tr. 6. r. 37. Salmant. de leg. c. 2. punct. 8. n. 146. etc. Ratio, quia, cum is sit debitor tum ex titulo justitiæ, tum ex titulo donationis acceptatæ, non potest unâ solutione his duabus obligationibus ex diversis titulis ortis satisfacere. Nec obstat 1. ut dicunt, quòd debitor, si memor sui debiti fuisset, non donasset, sed potius debitum solvisset; quia in contractibus non attenditur voluntas conditionalis, sed actualis. Nec obstat 2. quòd donatio fuerit facta per errorem; sive propter ignorantiam debiti, dantem causam donationi; nam ut dicunt Less. lib. 2. cap. 17. n. 28. Sanch. et alii communiter, adhuc in contractibus gratuitis error non invalidat actum, etiamsi causam illi dederit, nisi adfuerit error in motivo donandi; hinc, si quis promiserit eleemosynam pauperi, quia pauperem cum judicavit, non tenetur illam præstare, si postea sciat, cum non indigere, quia error hic fuit in substantia: contrà verò, si postea sciat, pauperem illum fuisse suum

calumniatorem, tenetur dare, etiamsi non fecisset promissionem, si prius hoc novisset. *Vide dicenda n. 715.*

Limitant verò præfatam sententiam. 1. Si obligatio restitutionis proveniat ex præcepto ecclesiastico, putà si beneficiarius, obstrictus ad restitutionem fructuum ob omissionem horarum, vel residentiae, eleemosynas postmodum erogaverit immemor suæ obligationis. Ita *Laym. l. 1. tr. 4. c. 4. n. 7. Sanch. Dec. l. 1. c. 13. n. 10. Suar. de rel. l. 4. c. 26. n. 8. Ronc. de leg. c. 45. in fine Spor. et Dian. ll. cc.* Et idem dicunt *Ronc. l. c. ac Bon. l. c. p. 10. n. 13.* de omni restitutione ob debita incerta. Limitant 2. Quando probabiliter præsumitur creditor libenter debitum remissurus, si rem cognitam haberet, *Laym. et Spor. ibid.* Limitant 3. Si obligationes essent aliunde quàm ex justitia, putà si quis immemor voti, pœnitentiæ sacramentalis, aut præcepti ecclesiastici, opus debitum præstaret, quia tunc benè satisfaceret, ut docent *Laym. Suar. Sanch. Bonac. ll. cc. et Bus. cum Azor, et Less.*

Secunda sententia verò, quam tenent *Card. in 1. Crisi d. 64. n. 24. Rodr. pari. 2. c. 49. Concl. 2. Mazz. de rest. tom. 2. pag. 366. Croix lib. 3. part. 2. num. 452. cum Reb. Tamb. l. 1. cap. 3. §. 7. v. Solutio, n. 4. cum suo magistro Baldello* (et probabilem censet *Diana*, revocans primam sententiam *p. 5. tr. 13. r. 94.*), affirmat talem donantem benè satisfacere suo debito ex justitia (Et idem esse ait *Mazzott.* si quis conferat suo creditori gratis officium aliquod sæculare, quod sit prætio æstimabile). Ratio, quia in omni liberali præstatione quisque præsumitur prius velle satisfacere obligationibus justitiæ. Idque probatur ex *l. Cum ex pluribus 97. ff. de Solution.* ubi dicitur, quòd qui ex pluribus causis alteri debet pecuniam et solvendo non exprimit ex qua causa solvat, censeaturolvere pro causa potiore; hæc sunt verba textus: *Cum ex pluribus causis* (nempe propter infamiam, vel pœnam, vel hypothecam) *debitor pecuniam solvit, utriusque demonstratione cessante, potior habebitur causa ejus pecuniæ, quæ sub infamia debetur, mox ejus quæ pœnam continet, etc.* Et ratio ibi subditur (quod magis urget), quia præsumitur, quòd si debitor fuisset admonitus, pro causa potiore solvisset: *Quòd verisimile videtur, diligentem debitorem admonitum, ita negotium suum gesturum fuisse.* Sic

textus ubi Glossa ad verb. *Admonitum*, addit, id est *anq discretionē, vel ab amicis*. Accedit alia ratio, quia obliuio debiti efficit, ut donatio fuerit omnino involuntaria, qui enim donat, censetur semper hanc actualem voluntatem (saltem implicitam) habere : *Dono, nisi tenear ex aliquo alio titulo potiore*.

Prima sententia est communior, et quidem valde probabilis; sed hæc *secunda* suâ probabilitate non caret. Ad rationem enim præcipuam primæ sententiæ, nempe quòd in contractibus non conditionalis, sed actualis voluntas attendatur; respondetur, quòd in nostro casu non sola voluntas conditionalis habetur, quæ nunquam in actu adfuerit, sed habetur vera voluntas, ut supponimus, antèrius absolutè habita solvendi debitum, quæ semper perseverat, quamdiu non revocetur: sed dices: debitor donans non potest in uno actu duas voluntates oppositas habere, unam donandi, alteram solvendi debitum. Sed respondetur, quòd donans immemor debiti potius censeatur velle solvere ex prima voluntate habita, quàm velle donare. Tota igitur questio reducitur ad videndum, an in hac solutione prævaleat prima voluntas generalis habita solvendi debitum, an secunda actualis donandi; sed videtur satis probabile, quòd prævaleat prima voluntas, tamquam potior et præcedens. Hocque probatur ex concessis ab eisdem DD. contrariis; concedunt enim *Laym. l. 1. tract. 4. n. 5. Sanch. Dec. lib. 4. cap. 8. n. 17. cum Led. juxta ea etiam, quæ diximus n. 210. quòd si quis emiseric votum non vovendi, et statuerit se nolle futura vota valere, et postea immemor primi voti secundum emittat; tunc nullum erit hoc secundum votum, dummodò primum non retractet expressè, vel virtualiter, nempe si memor primi secundum faciat. Sic pariter Sanch. loc. cit. et Laym. lib. 3. tract. 5. c. 4. n. 5. ex l. Si quis de legatis. dicunt non valere posterius testamentum contra prius habens clausulam, ut per nullum aliud censeatur revocatum, nisi in secundo testamento per aliam clausulam expressè primum revocetur. In his casibus quæro, cur valeat primum votum, primum testamentum, et non secundum? nulla utique alia ratio assignari potest, nisi quia illa prima generalis voluntas habita prævalet secundæ voluntati actuali. Si ergo talis impletio (loquendo de voto) satisfacit Deo, cur non homini? præterea concedit*

Laym. lib. 1. tr. 4. cap. 4. n. 7. v. Cæterùm, quòd si quis pròmittit aliquid dare, et promissio acceptatur; si postea illud donat, primæ donationis immemor, ad nihil aliud tenetur: hic rursus rogo, quare hic non teneatur ad primam donationem, cum prima et secunda donatio sint duo actus distincti, nisi quia prævalet anterior voluntas solvendi debitum, quàm donandi? Nec valet dicere, quòd ambo isti actus pendeant ex eodem titulo liberalitatis; nam certum est hunc donantem potuisse ex eodem titulo donationis se adstringere ad duas obligationes. Quapropter in tantum is immemor primæ donationis per secundam illi primæ satisfait, quantum prævalet voluntas generalis jam priùs habita potiùs solvendi debitum ex anteriori donatione contractum, quàm iterum donandi. Id quidem fortiùs dicendum in casu nostro, ubi agitur de solvendo debito contracto ex justitia, quòd strictiùs obligat, quàm debitum ex donatione.

Sed occurrit hic alia urgentior difficultas, nimirum, quòd debitum certum non compensatur probabili satisfactione. Sed respondetur cum *Carden. Croix et Mazz.* hoc procedere, quando adest sola probabilitas facti, non autem quando accedit probabilitas juris. Clariùs id explico: Quando debitum est certum, et probabilitas versatur circa factum solutionis, certè ex probabili solutione debitor non liberatur, quia solutio probabilis æquare non potest debitum certum. Sed hic probabilitas non est circa veritatem sive factum solutionis, sed circa effectum illius, scilicet quòd per solutionem illam debitum sit probabiliter satisfactum, eò quòd probabiliter adfuerit satisfaciendi voluntas; hæc enim est probabilitas juris, sive proxima, quâ debitor benè uti potest, ut diximus *lib. 1. n. 53. (1) cum Suar. Sot. Nav. Sylv. Ang. Lugo, Salm. et aliis.*

(1) Numerus, qualis hic laudatur, minimè convenit cum *n. 33. lib. 1.* hujus editionis, sed est ex editione Rom. anni 1757, in cujus tractatu de conscientia, ordine planè diverso ab eodem hujus editionis, *lib. 1. n. 33.* hæc leguntur:

» Sciendum est, quòd nemo uti potest opinione probabili cum periculo
» damni vel injuriæ proximi. At hic maximè advertendum, quòd non pos-
» sumus uti probabili cum damno proximi quando probabilitas est tantum
» facti, non autem si (in aliquibus casibus) adest probabilitas juris, quæ
» reddit nos moraliter certos practicè benè operari et prudenter, utendo
» opinione probabili de jure, vel probabilitate proxima, ut communiter do-
» cent Authores nostri cum *Suarez, 1. 2. Tom. 3. d. 12. sect. 6. et Soto de*

701. — Quæritur III. Quando debitor in necessitate constitutus excusetur à restitutione? Hic distinguenda est primò necessitas gravis ab extrema; et dicendum, quòd si debitor aliter sibi non potest subvenire, nisi per bona quæ restituere

» *just. lib. 3. qu. 6. art. 5. ad 4.* qui ait : In omnibus negotiis magni mo-
 » menti, etiam in magnam injuriam tertii, licitum est sequi opiniones pro-
 » habiles. Sed hio dices : Cur opiniones probabili de jure in aliis materiis
 » uti possumus, et non etiam in sacramentis, et pharmaco præbendo in-
 » firmis, cum in utroque damnum proximus pati possit? Egregiè respon-
 » det *Suarez loc. cit.* dicens distinctione utendum : interdum enim opiniones
 » sunt circa jus, scilicet an hoc sit prohibitum, nec ne; interdum verò circa
 » res ipsas, ut in sacramentis, an hoc modo facta teneant; et in medicina,
 » an hoc pharmacum sit utile, vel perniciosum. Dicendum 1. Quotiescum-
 » que est opinio probabilis hanc actionem non esse prohibitam, potest ali-
 » quis formare conscientiam certam tali opinione. Præter Authores citatos
 » favent huic conclusioni multa, quæ adducit *Navarro d. cap. Si quis*
 » *autem a. 12. et in summa c. 27. n. 283. Sylvest. Angel. verb. Opinio.*
 » *S. Antonin. 1. p. tit. 3. c. 10.* Ratio est, quia excedit ordinarium hu-
 » manæ facultatis majorem cognitionem obtinere in actionibus. Item quia
 » esset intolerabile onus obligare omnes homines ad confutandas singulas
 » opiniones. Præterea existimo illam rationem sufficientem, quia quaudiu
 » est judicium, quòd nulla sit lex prohibens actionem, talis lex non est suffi-
 » cieuter proposita, donec certius de illa constet. Dicendum II. Quando
 » opiniones versantur circa res ipsas, sæpe tenetur homo præferre certam
 » probabili, quando scilicet ex justitiâ, vel charitatè vitare damnum tenetur
 » quod in re ipsa subest. Unde confirmatur ex differentia de jure, vel de
 » re : nam primum dicit ordinem ad operantem et omnino tollit periculum
 » malitiæ : secundum verò dicit ordinem ad rem ipsam, et non tollit peri-
 » culum detrimenti, quod est in ipsa. Unde in priori est sufficiens excu-
 » satio sequendi probabile judicium, quia nondum lex est sufficienter pro-
 » posita; hic autem nulla est sufficiens excusatio cum satis constet pericu-
 » lum in re ipsa manere; huc usque *Suarez.*

» Ad quod clariùs explicandum, dico quòd opinio probabilis aliter se ha-
 » bet, quando versatur circa substantiam rei, hoc est an res existat vel non.
 » Aliter circa modum rei, nempe an res sive actio sit honesta, vel non.
 » Nam quando opinio versatur circa substantiam rei, opinio quantumvis
 » probabilis non potest sufficere, ut sit quod non est; ex. gr. ut sit Sacramen-
 » tum, quod probabiliter videtur esse Sacramentum, sed reverà non est
 » Sacramentum, vel pariter ut sit à medicina, quod est reverà potius vene-
 » num, cum de facto noceat. Quando verò opinio versatur circa modum rei,
 » an sit honesta, vel non; tunc opinio probabilis benè efficit, ut actio sit
 » honesta licet fortè per se non sit. Ratio quia (ut latè probatum est in
 » dissert. de usu opinionis probabilis) in iis casibus, in quibus probabiliter
 » opinamur legem prohibentem non adesse, vel saltem non esse satis mani-
 » festè propositam, tunc lex non obligat; et ideo tunc operatio, cò quòd
 » non sufficienter inveniamus cam à lege prohibitam, utique remanet ho-
 » nestà et licita. »

Edil.

deberet, tunc non tenetur ea restituere, et in extremam necessitatem se conjicere, etiamsi creditor in eadem necessitate constituatur, nisi debitum ei restituatur. Hæc est sententia communis, ut testantur *Salmanticenses de restitut. cap. 1. num. 271.* Et hoc etiamsi extet res debita in specie, ut docet *Less. lib. 2. c. 10. cum Caj. Sot. et Tol. ac Sporer de rest. cap. 4. n. 77. contra Nav.* Ratio, quia tunc omnia sunt communia, cessatque potestas dominii jure gentium introducta. Excipe tamen cum *Less. et Pal. p. 7. tr. 32. d. 1. q. 17. §. 2. n. 6.* nisi præcisè ob subtractionem illam dominus in extremam necessitatem sit conjectus, quia auferre alicui rem sibi ad vitam necessariam, est idem ac eum occidere, unde in casu melior debet esse conditio domini prius possidentis. An autem, transactâ hujusmodi necessitate, debitor teneatur ad restitutionem? Distinguit *Less. loc. cit. n. 4.* et ait, quòd si restitutio debebatur ex contractu, tunc quando per illum dominium rei jam translatus fuerat in debitorem, certè debet tantumdem restitui; quia tunc debitor consumpsit quod erat suum, unde debitum perseverat; si verò res non fuerat translata in dominium alterius, ut in deposito, precario, etc., tunc adhuc probabile esse dicit *Less. cum P. Nav.* non tenèri debitorem ad restitutionem. Si autem restitutio facienda erat ex delicto, *Lessius n. 5.* dicit probabile esse adhuc cum eodem *P. Navarr.* non esse obligationem restituendi; sed probabiliùs rectè ipse cum *Scoto, Rich. Palud. Sylv.* putat restitutionem esse faciendam. At vide dicta *n. 520. Quar. IV.* ubi distinximus pauperem in re, et in spe. Id autem quod licitum est auferre pro necessitate propria, licet quoque pro necessitate suorum, nempe uxoris, parentum, et filiorum; ita *Less. num. 14. cum Sot. Lop. et Tolet.* qui admittit etiam pro necessitate fratrum.

702. — In gravi autem necessitate, plura alia distinguere oportet, et dicendum I. Quòd si solus debitor est in necessitate gravi constitutus, certè potest restitutionem differre, quando debitum est ex contractu, ut fatentur omnes apud *Croix lib. 2. p. 2. n. 430.* Si verò ex delicto, negant posse differri restitutionem *Sotus, Mol. etc. ib.* Sed communiter affirmant *Pal. loc. c. n. 4. Salm. de restit. c. 1. punct. 15. n. 272. S. Antonin. p. 2. tit. 2. c. 8. §. Quidam, et Croix eodem loco cum Lugo, Scoto, Nav. Azor. Sylv. Laymann.* Quòd si

autem necessitas prævideretur perpetua, in eo casu putat *Croix* n. 431. debitorem tenèri restituere saltem diversis vicibus parcissimè vivendo. Citat autem ibi *Ills.* qui dicit, eum posse excusari etiam in perpetuum, si damnum subeundum à debitore esset notabiliter majus damno creditoris. Et idem sentit *Lugo*, d. 21. num. 21. qui subdit tamen num. 22. quòd ad excusandum debitorem ex contractu, deberet is subire damnum duplò excedens debitum; ex delicto, damnum quadruplò excedens debitum, et damna creditori obvenientia ex omissione restitutionis, ad quæ fur proculdubio tenetur. Dicendum II. Quòd pariter excusabitur debitor, si restituendo decisurus sit è suo statu justè acquisito, ita ut in gravem necessitatem incidere debeat. Ita *Palaeus* loc. cit. n. 1. *Viva de rest. quæst. 6. art. 1. n. 3. et 7. cum Tambur. et Bonac. Salm. loc. cit. n. 269. cum Prado, Bann. Villal. Dic. Tapia. Dixi justè acquisito*, nam secùs dicendum, si status injustè acquisitus fuisset ex usuris, etc., ut communiter limitant *Pal. dict. l. n. 4. et Salm. dict. n. 269. cum AA. cit.* Sicut etiam limitant *Pal. ib. cum Sylv. ac P. Nav. atque Croix dict. n. 430. cum Laym. et communi*, si debitor proprià culpà, nempe ludis et comensationibus in illum miserum statum devenerit; sed in hoc casu mihi, et aliis doctis junioribus durum videtur damnare debitorem ad restituendum, si ille statum justè jam acquisierit. Hic autem benè advertunt *S. Anton. p. 2. tit. 2. cap. 8. Elbel de restit. n. 347. Holzm. n. 507. et Spor. cap. 4. n. 63. cum communi*, quòd, licèt tunc debitor ad restituendum non teneatur totaliter mutare statum, tenetur tamen illum diminuere quantum potest, scilicet dimittendo splendorem equorum, famulorum, etc.

703. — Sed dubitatur 1. an in gravi necessitate debitoris, et creditoris sit obligatio restituendi? Respondetur: si creditor jam necessitatem gravem patitur, et debitor tunc eà non laborat, sed laborabit restituendo, certè tenetur restituere, quamvis in necessitatem gravem sit constituendus; quia in æquali necessitate gravi præferendus est creditor, ut magis ab ea eximatur ipse creditor innocens; quàm debitor, sive hic sit ex delicto, sive ex contractu. Ita communiter *Less. dict. c. 10. num. 30. Salm. ibid. num. 270. et Croix loc. cit. num. 430. cum Azor, Laym. Dic. Mol. Spor. etc.* Si verò debitor jam constitutus sit in necessitate gravi, dubium

est, an teneatur restituere, quando creditor eadem necessitate laborat?

Prima sententia affirmat cum *Prado*, *Trull. ap. Salm. loc. cit. n. 273.* Et hanc sequitur ut probabiliorem *Roncaglia de 7. præc. c. 9. q. 2.* quando debitum est ex delicto. Ratio istorum, quia extra casum, quo debitor in extremam necessitatem decidere debeat, in æquali necessitate semper reputanda est melior conditio creditoris innocentis: secus tamen censet *Roncaglia*, si debitum esset ex contractu.

Secunda sententia verò tenet in eo casu posse debitorem etiam ex delicto differre restitutionem, dummodò res ablata non extet in specie, et modò non præcisè per illam ablationem creditor in gravem necessitatem sit conjectus. Ita *Lessius n. 19. Pal. n. 7.* Et probabilem vocant *Roncaglia et Trull. cum Sylvio ap. Salm. ibid.* qui eam æquè probabilem putant; et reverà videtur suà probabilitate non carère, quia in eo casu, si restitutio facienda esset, non tantùm æquale damnum debitor sustinère deberet, sed multò majus quàm creditor; cùm enim is gravi necessitate jam laboret, certè non posset restituere, nisi cum gravissimo incommodo, ita ut quasi in extremam necessitatem se conjicere videretur.

704. — Dubitatur 2. an talis debitor restitutionem differens ex justa causa, teneatur reddere creditori interesse, quod hic patitur ex dilatione? Negat *Pal. loc. cit. §. 10. n. 2. cum P. Nav. et Lessio* ex parte, quia, ut dicit, damnum creditori tunc non obvenit ex illa prima injusta acceptione, sed ex retentione posteriori, quæ justè fit. Sed probabilius dicendum cum *Viva loc. cit. n. 7. Salm. ibid. num. 274. Bon. et Villal.* quòd si debitum sit ex contractu, tunc non debetur interesse, quando justè differtur solutio; secus verò si ex delicto, quia tunc prima injusta acceptio reverà fuit culpabilis causa damni. *Vide dicta n. 680.*

Quær. IV. Si fur mittat domino rem ablatam per confessarium, aut virum fidelem, et iste sibi illam retineat, an teneatur iterùm restituere? Negant *Castropal. Soto, Gabr. Ledesm. etc.* et hanc opinionem probabilem vocant *Trull. Filiuc. etc. apud Salmant. de restitut. c. 1. punct. 9. n. 187.* quibus olim adhæsi. Eandem enixè tuctur *Felix Potesta (num. 179.)* dicens: si fur ex consensu expresso creditoris hoc face-

ret, certè ad nil ampliùs teneretur; idem ergò dicendum, si hoc agit ex consensu tacito, qui certò præsumitur; aliàs creditor esset irrationabiliter invitus, dum certè fur non tenetur se prodere: taciti autem, et expressi consensùs eadem est vis. Sed oppositum docet sententia communis et tenenda cum *Less. lib. 2. c. 16. dub. 6. n. 67. Lugo de just. d. 21. totà sect. 3.* qui mordicùs eam tuetur, et contrariam vocat parùm probabilem, spectatà ratione, et citat pro se *S. Anton. Nav. Sayr. P. Nav. Sylv. etc.* Item *Sporer de rest. c. 4. n. 23. cum Mol. Tol. Reb. Fab. Salm. l. c. n. 188. Croix l. 3. p. 2. n. 364. et 462.* Ratio, quia debitor ex delicto tenetur efficaciter, et cum effectu reddere dominum indemnem. Et hoc sive restituatur res furata in individuo, cùm furis crimen sit jam vera causa, ut tunc res pereat, prout benè ajunt *Lugo, et Sporer, cum aliis*; sive restituatur valor rei, et mittatur ad creditorem. Quo casu fortiùs probatur nostra sententia, ex eo, quòd dominium pretii illius maneat apud furem, donec pecunia ad creditorem perveniat, adeò ut possit illam repetere ad suum libitum; si ergò perit, cur perire debet creditori innocenti, et non furi, qui adhuc illius dominus est? Ratio autem à priori est, quia debitor ex delicto tenetur ad omne damnum, etiam fortuitum (ut certum est apud Doctores) quod domino evenit ex sua injusta ablatione; ergò quomodocumque res pereat, etiam sine ulla nova culpa furis, debet damnum domino resarciri. Dices eo casu, cùm fur non teneatur se prodere, præsumitur creditor consentire, ut debitum per alium restituatur periculo suì; aliàs irrationabiliter peteret, ut fur restitueret per seipsum. Respondeo: non tenetur quidem fur per seipsum restituere, sed tenetur verè, et cum effectu indemnem suum creditorem reddere; et cùm faciat id quod potest ad restituendum, hoc sufficit utique ad ipsum excusandum à novo peccato, non autem ad liberandum à restitutione. Creditor autem licet præsumatur consentire in missionem, non tamen censetur, nec tenetur remittere jus suum, donec creditum consequatur. Irrationabiliter quidem ipse peteret, ut fur se proderet, sed non irrationabiliter petit, ut indemnitas servetur. Nec valet dicere, quòd si creditor expressè consentiret in hujusmodi missionem, jam fur liberaretur; nam tunc creditor virtute sui expressi consensùs debitum haberet pro accepto, et pericu-

lum. in se susceperet; sed in casu nostro nec præsumitur, nec tenetur habere debitum pro accepto, nisi cum effectu recipiat. Olim primam sententiam verè probabilem censebam, sed ex rationibus mox allatis melius postea perpensis de illius probabilitate valde dubito. At quia *Lessius et Sporer cum Tambur.* non audent primam opinionem damnare nec ipse audeo.

Quid si, cum dominus sit certus, confessarius imponat furi, ut det pauperibus pro anima domini, et ille det. *Tamb.* dicit, quòd si tenèri potest prima sententia, possit etiam et hæc; quia dominus non debuit esse invitus, quòd fur confessario bonâ fide judicanti obediat dando eleēmosynam. Tantò magis, quia, si denuò ille restituat, dominus plus recipiet, quàm suum creditum, recipiendo creditum, et bonum spirituale per eleēmosynam jam illi applicatum. Hujusmodi satisfactioni nec etiam acquiesco. Quamvis eum, qui vellet hanc opinionem sequi, nec etiam audent damnare *Spor. et Tambur.* Secùs tamen esset (dicit idem *Tamb.*) si confessarius malâ fide suaserit furi, ut restitueret pauperibus; quia tunc videtur dominus numquam consensisse in hoc casu, et rationabiliter invitus præsumitur.

705. — Quæritur V. Quando reus morte plectitur, an hæres ejus teneatur restituere damna causata per crimen? Negant *Scotus etc. apud Croix l. 3. p. 2. n. 465.* Sed contrarium est dicendum cum *Croix, Sporer, et aliis communiter.* Censet tamen probabile *Croix ib. cum Soto, Less. Fill. Bus. etc.* excusari hæredem à restitutione, si compensatio damnorum non petatur; quia tunc partes præsumuntur condonare; nisi res adhuc extaret, ut benè limitant *Croix et Sporer: vel nisi, ait Lugo, damnum esset valde grave.*

706. — Possessor bonæ fidei in dubio, an factus sit ditor, ad nihil tenetur quia tunc possessio est pro libertate. Ita *Croix lib. 3. p. 2. num. 568. cum Sanch. Tamb. Rosm. etc.* Pariter etiam in dubio, an debeas plus vel minus, tenèris tantum ad minus, *Croix ibid.* Sic quoque in dubio, an sis cooperatus damno alieno, non tenèris, *Croix n. 574.* In dubio autem, an res restituenda sit materiæ gravis, aut levis? Tenèris sub gravi rem restituere, ne exponas dominum periculo grave damnum sustinendi. Ita *Croix cum Carden. num. 575.*

414 Lib. 4. Tract. 8. de septimo præcepto decalogi, etc.

An autem possessor bonæ fidei superveniente dubio, an res sit aliena, et dubio manente post debitam diligentiam adhibitam, teneatur aliquid restituere? Respondetur negativè : *Vide, quæ super hac quæstione fusè diximus lib. 1. n. 35. et 36.* Et quid, si, superveniente dubio, negligat inquirere? *Vide ibi n. 37.*

FINIS TOMI III.

INDEX

CAPITUM ET DUBIORUM,

CUI ANNECTUNTUR OMNIA SUMMARIA,

Quæ singulis capitibus et dubiis apponuntur, ut simul hîc præ oculis habeantur cunctæ res et quæstiones, quæ in tertio volumine continentur.

Littera A denotat librum, n numerum marginalem, v versiculum.

LIBRI QUARTI

TRACTATUS III.

DE TERTIO ET QUARTO PRÆCEPTO.

CAPUT I.

Quid tertium præceptum: *Memento*, etc. pag. 2

263 *An hoc præceptum sit naturale, vel cæremoniale.*

264 *An hoc præcepto præcipiatur cultus interior. Et an hoc præceptum sit affirmativum.*

265 *An observantia Dominicæ sit de jure divino.*

266 *An Episcopi possint festa indicare.*

267 *A quo tempore incipiat obligatio festi.*

268 *Ad quid obliget hoc præceptum. Quibus festis permittantur opera servilia in regnis Siciliæ.*

269 *An sit obligatio audiendi concionem. Et qualis sit obligatio Episcoporum, et parochorum concionandi.*

- 270 *Qui teneantur observare festa. (Vide etiam lib. 1. n. 151, et hoc l. 4. n. 532.)*
 271 *An in festis liceat injungere servilia infidelibus.*

DUB. I. Quæ opera tum hoc præcepto, tum ab Ecclesia prohibeantur. pag. 9

- 272 *Quæ sint opera servilia.*
 275 *An sit duplex peccatum peccare die festo.*
 274 *Quæ opera non sint servilia.*
 275 *An itinerari.*
 276 *An ducere currus, vel jumenta onusta.*
 277 *An molere.*
 278 *An docere, scribere, canere, etc. etiamsi fiant ob lucrum.*
 279 *An transcribere.*
 280 *An pingere.*
 281 *An delineare, retrahere, et an sculpere.*
 282 *An liceat typographis componere. Et an distillare.*
 285 *An venari, et piscari.*
 284 *Quæ sint opera forensia vetita in festis.*
 285 *An liceant venditiones, et contractus.*
 286 *An liceant nundinæ, et mercatus.*
 287 *An liceat excommunicare, conficere testamenta et similia.*

DUB. II. Quæ causæ excusent ab observatione festorum, ob quas opera prohibita licita sint. pag. 16

- 288 *Qui possint dispensationem dare ad laborandum. (Pro parochio vide etiam n. 1052, v. 3. Parochi.)*
 289 *Quinam laborantes excusentur ex consuetudine.*
 290 *An vertentes segetes etc. An barbitonsores, et sutores. Et quid sufficiat ad notitiam consuetudinis.*
 291 *Quomodo excuset pietas.*
 292 *An liceat die festo verrere templum, ornare altaria, erigere sepulcrum, etc.*
 293 *An liceat laborare ad subveniendum pauperibus, vel locis piis.*
 294 *Quomodo excuset charitas erga proximum.*
 295 *Quomodo necessitas.*
 296 *An excusentur famuli à domino coacti ad laborandum.*

- 297 *An pauperes reficientes vestes, etc.*
 298 *An liceat die festo coquere cibos, occidere animalia, conficere pastillos, et colligere fructus.*
 299 *An conficere panem.*
 300 *An mederi, conflare ferrum, coquere calcem, vitrum etc. An et ferrare equos.*
 301 *An liceat laborare ob magnum lucrum. Et an ob id etiam omittere Sacrum. (Vide etiam n. 332.)*
 302 *An ad vitandum otium.*
 303 *An excusentur instauratores viarum etc. et sartores perficientes vestes die festo.*
 304 *Quomodo excuset utilitas ad publicam lætitiā.*
 305 *Quomodo excuset parvitas materiæ (Vide etiam l. 7. n. 236.)*
 306 *An peccet graviter mandans sex famulis, ut laborent per horam.*
 307 *Unde sumatur gravitas materiæ in forensibus.*

DUB. III. Quæ opera diebus festis præcipiantur. pag. 28

- 308 *Quomodo præcipiatur diebus festis auditio concionis, et Missæ.*
 309 *An satisfaciat recitans sub Missa officium, etc. An inserviens Missæ.*
 310 *Quænam omissio sit gravis in audiendo Sacro.*
 311 *An liceat audire successivè duas Missas dimidias.*
 312 *E quo loco possit audiri Missa.*
 313 *An in audienda Missa requiratur attentio internā. (Vide etiam lib. 5. n. 177.)*
 314 *An satisfaciat peccata confitens tempore Missæ.*
 315 *An extasim patiens.*
 316 *An dormitans.*
 317 *An confabulans, se vertens, aut calceans, aut deambulans, aut colligens eleēmosynas, canens, etc.*
 318 *In qua Ecclesia audienda sit Missa.*
 319 *Quinam satisfaciant audiendo Missam in oratoris privatis. An satisfaciant audientes in littore, aut castris.*

DUB. IV. An sit obligatio audiendi Missam in parochia Dominicis, et festis majoribus. (Usque ad n. 325.) pag. 49

DUB. V. Quæ excusent ab auditione Sacri.

pag. 54

- 524 *An habens privilegium oratorii teneatur conducere sacerdotem.*
- 525 *Quomodo excusentur navigantes, vel incarcerati, vel infirmi, aut excommunicati.*
- 526 *An excusentur custodientes domos, etc. vel timentes ne incarcerentur aut assistentes infirmis.*
- 527 *An uxores, filii, et famuli timentes offensionem dominorum. (Vide etiam num. 296.)*
- 528 *An aliquando viatores.*
- 529 *Quæ distantia ab Ecclesia excuset ab audienda Missa.*
- 530 *An excusentur fœminæ ratione luctûs, vel partûs, vel quia non habent vestes convenientes. Et an puellæ prægnantes, vel tempore quo faciendæ sunt proclamationes pro ipsis.*
- 531 *An possit omittere Sacrum puella sciens se ab aliquo turpiter concupisci. (Vide etiam lib. 3. n. 54. et lib. 4. num. 302.)*
- 532 *An excuset omissio magni lucri. An aliud bonum spirituale majus. An peregrini ad breve tempus commorantes teneantur audire Missam in loco, ubi id est de præcepto. (Vide etiam lib 1. n. 156. et num. 159.)*

CAPUT II.

DE QUARTO PRÆCEPTO:

Honora patrem, etc.

DUB. I. Ad quid teneantur liberi erga parentes.

pag. 66

- 533 *Quæ teneantur filii præstare parentibus circa amorem.*
- 534 *Quæ circa reverentiam.*
- 535 *Quæ circa obedientiam.*

DUB. II. Ad quid teneantur parentes erga filios.

pag. 71

- 536 *Quæ teneantur parentes præstare filiis quoad alimenta, et educationem.*

537 *An teneatur pater dotare filiam nuptam contra ejus consensum.*

538 *Sanctio Neapolitana circa alimenta filiorum.*

539 *Ad quid aliud teneantur parentes.*

540 *Ad quid teneantur fratres.*

541 *An possint aliquando parentes filios exheredare. Et quæ sint causæ justæ exheredandi. (Vide etiam num. 948. et 949.)*

DUB. III. *Ad quid teneantur tutores, curatores, qui parentum sunt loco.* pag. 75

DUB. IV. *Quæ obligatio dominorum, et famulorum, aliorumque superiorum, et inferiorum erga se invicem.* pag. 77.

542. *Quid teneantur superiores præstare subditis. An principes teneantur eligere digniores ad officia.*

543 *Quid teneantur famuli præstare dominis.*

544 *An famuli non impediunt furta rerum domini, teneantur ad restitutionem.*

545 *An famulus conductus ad annum, discedendo possit petere stipendium.*

546 *An ægrotans teneatur postea famulatum supplere.*

547 *An, elapso triennio, possit salarium exigere.*

548 *Quando famulus inserviens, nullâ statutâ mercede, possit exigere stipendium.*

549 *Quando possit mercedem sibi compensare.*

550 *An servi capti in bello possint fugere ad suos.*

DUB. V. *Ad quid teneantur conjuges erga se mutuo, vi hujus præcepti.* pag. 82

551 *Ad quid teneatur uxor erga virum.*

552 *An uxor nobilis teneatur officia vilia præstare.*

553 *An teneat pactum pro uxore non mutandi domicilium. An autem uxor teneatur sequi virum missum in exilium.*

554 *An mortuo viro, teneatur uxor solvere debita contracta ad alendam familiam.*

555 *Quid teneatur uxor restituere filiis primi matrimonii.*

556 *Quomodo peccet vir in uxorem.*

DUB. VI. Quæ obligatio parochorum erga suos. pag. 86

357 *Ad quid teneantur parochi circa residentiam.* (Vide etiam lib. 3. num. 119.)

358 *Ad quid circa sacramenta ministranda, præsertim tempore pestis.* (Vide lib. 3. n. 27. v. *Hinc.*)

359 *An teneantur celebrare pro populo.*

360 *An concionari* (De obligatione concionandi vide etiam n. 269.) *et populum instruere, corrigere, etc.*

DUB. VII. Quæ obligatio præceptorum et discipulorum, p. 90 (Usque ad n. 362.)

TRACTATUS IV.

DE QUINTO ET SEXTO PRÆCEPTO.

CAPUT I.

Quid quinto præcepto prohibeatur :

NON OCCIDES.

pag. 91

563 *Quæ sint pœnæ mandantium homicidia per assassinos.*

564 *An easdem incurrant ipsi assassini, seu interfectores.*

565 *De agitationibus taurorum.*

DUB. I. An aliquando liceat occidere, vel mutilare semetipsum. pag. 92

566 *An liceat directè occidere seipsum, et an indirectè.*

567 *An liceat se exponere periculo mortis ad vitandam mortem duriolem, etc. an liceat navem incendere cum periculo mortis.*

568 *An virgo teneatur pati potius mortem, quàm violari.*

569 *An liceat reo ex præcepto judicis se occidere. An haurire venenum ad experiendum antidotum.*

570 *An liceat Carthusiano abstinere à carnibus etiam in necessitate extrema.*

- 371 *An liceat macerationibus vitam sibi minuire.*
 372 *An sit obligatio ad servandam vitam uti remediis extraordinariis, vel nimis duris.*
 373 *An aliquando liceat se mutilare.*
 374 *An liceat pueros castrare.*
 375 *An, qui occidit seipsum, possit sepeliri in loco sacro.*

DUB. II. An, et quomodo liceat occidere malefactorum. pag. 100

- 376 *An liceat occidere proscriptos propriâ auctoritate.*
 377 *An liceat principi occidere reos non prius sententiâ damnatos.*
 378 *An liceat umquam clericis damnare reos pœnâ mortis.*
 379 *An teneatur iudex concedere tempus reo pro sumptione sacramenti pœnitentiæ, et Eucharistiæ.*

DUB. III. An, et quomodo liceat occidere privata auctoritate iniquum aggressorem. pag. 106

- 380 *An liceat tueri vitam morte invasoris. An autem vetetur reis, et præcisè bannitis armis se defendere. (Vide etiam lib. 5. n. 270.)*
 381 *An liceat viro honorato occidere invasorem sui honoris. An autem id liceat plebejo, vel Ecclesiastico, si fugere possit sine periculo vitæ. Et quid si contumelia sit jam illata.*
 382 *Vide plures resolutiones P. Busembai.*
 383 *Qu. 1. An liceat occidere furem rei magni valoris. Qu. 2. Quantus debeat esse iste valor. Et quid si valor sit modicus, sed res tollatur cum violentia. Qu. 3. Quid si fur rem jam abstulerit, et resistat domino volenti eam recuperare.*
 384 *Qu. 4. An liceat clericis et religiosis furem interficere. Et utrùm tunc incurrant irregularitatem.*
 385 *Qu. 5. An liceat cuique per famulos armis sua defendere.*
 386 *Qu. 6. An liceat occidere invasorem pudicitie.*
 387 *An liceat prævenire aggressorem.*

Tom. III.

56

- 588 *An liceat occidere falsum accusatorem.* (Vide etiam lib. 5. n. 279.)
- 589 *An possis et tenearis tueri vitam innocentis.*
- 590 *An etiam cum morte invasoris.*
- 591 *An liceat occidere invasorem honoris, vel pudicitiae alterius. Et quid si femina consentiit.*
- 592 *An possimus, et teneamur tueri bona proximi, etiam occisione furis.*

DUB. IV. An aliquando liceat occidere innocentem. pag. 120

- 593 *An umquam liceat occidere innocentem directè.*
- 594 *An aliquando procurare abortum. Qu. I. An liceat matri sumere pharmacum directè ad fœtum inanimatum expellendum. An autem liceat mulieri oppressæ statim expellere semen viri aggressoris. Quær. II. An liceat matri sumere medicamentum directè ad expellendum morbum, cum periculo abortus. Qu. III. Quando censeatur prolis anima informata.*
- 595 *Qu. IV. Quibus pœnis subjiciantur procurantes abortum. Qu. V. An incurrant excommunicationem mulieres prægnantes, quæ abortum faciunt.*
- 596 *Qu. VI. An procurantes abortum in dubio de animatione fœtus incurrant irregularitatem.*
- 597 *Qu. VII. Quis possit relaxare pœnas pro abortu infictas.*
- 598 *Quando imputetur alicui ad peccatum homicidium casuale. (Vide etiam de Irreg. l. 7. n. 371.) An adulter occidens adulteræ maritum aggressorem incurrat irregularitatem. Et an incurrat, si, ipso prævidente, adultera occidatur.*

DUBIUM V.

DE DUELLO, ET BELLO.

ARTICULUS I.

Quid sit, et an liceat duellum.

pag. 136

- 599 *Quid est duellum, et an umquam liceat ad illud provocare. Quid, si duellum esset fictum.*

- 400 *Quando liceat duellum acceptare, et an liceat illud indicare contra falsum accusatorem.*
401 *Quæ sint pœnæ duello impositæ.*

ARTICULUS II.

An, et quousque liceat bellum. pag. 140

- 402 *Quando licitum sit bellum.*
403 *Quid debeat facere princeps, ut licitè bellum inferat.*
404 *An possit inferre bellum cum sola opinione probabili.*
(Vide etiam lib. 5. n. 201. v. *Quæritur II.*)
405 *Ad quid teneantur principes.*
406 *An liceat eis vocare in auxilium hæreticos et gentiles.*
407 *Ad quid teneantur duces.*
408 *An milites possint bellare cum dubio de justitia belli.*
(Vide etiam l. 5. n. 47. *Quæritur I.*)

ARTICULUS III.

Quid in bello justo liceat. (Usque ad n. 412.) pag. 145

CAPUT II.

DE SEXTO PRÆCEPTO ET NONO :

Non mœchaberis, et non concupisces, etc. pag. 147

DUB. I. An, et quanta peccata sint oscula, amplexus, tactus, verba obscœna, et similia extra matrimonium. pag. 148

- 413 *Quæ sit delectatio venerea, quæ sensitiva.*
414 *Quomodo sit malus omnis actus venereus.*
415 *An detur parvitas materiæ in re venerea.*
416 *An detur in delectatione sensitiva.*
417 *An oscula aliquando sint licita.*
418 *An aliquando excusentur à mortali?*
419 *De tactu et aspectu turpi proprii corporis, aut commixtionis brutorum.*

424 *Index capitulum et dubiorum.*

420 *De tactu, et aspectu turpi corporis alieni; ac de tactu genitalium brutorum.*

421 *An sit semper mortale aspicere pudenda sexus diversi, vel pulchri adolescentis; et an aspectus isti induant speciem objecti.*

422 *An liceat aspicere partes honestas diversi sexus.*

423 *An sit mortale aspicere pectus, crura, etc. mulieris.*

424 *An sit mortale aspicere picturas turpes.*

425 *An liceat mulieri se ornare, et faciem fucare. Quid si delegat ubera, vel utatur veste virili. Remissivè ad lib. 3. n. 52. et 54.*

426 *Quando peccent graviter proferentes verba turpia.*

427 *An semper graviter peccent audientes comœdias turpes. An ad eas cooperantes pecuniâ, vel plausu.*

428 *An illas repræsentantes, et componentes.*

429 *An liceat choreas ducere.*

430 *An peccet mulier permittens se tangi. An mulier ad vitandos tactus impudicos teneatur clamare.*

431 *An liceant tactus etc. inter conjuges, aut sponso.*

DUB. II. Quæ sint species luxuriæ consummatæ naturales. pag. 163

432 *An fornicatio sit vetita de jure naturæ.*

433 *An peccet mulier non resistens turpi congressui ob metum mortis, si non consentiat.*

434 *An permitti possint meretrices.*

435 *Circa concubenarios, Quæritur I. An possint absolvi qui nequit ejicere concubinam sine infamia.*

436 *Quæritur II. An absolvi possit promittens concubinam se ejecturum.*

437 *Quæritur III. An possit absolvi concubina ob necessitatem non discedens.*

438 *Quæritur IV. An qui est in proxima occasione, causâ exercendæ artis (Vide etiam n. 483. v. Quid si). Quid verò, si is, adhibitis remediis, semper eodem modo recidat.*

439 *Quæritur V. An famula peccans cum domino.*

440 *Quæritur VI. An uxor peccans cum viro.*

- 441 *Quæritur VII. An tollenda occasio etiam cum gravi damno.*
442 *Quæ sint pænæ pro concubinariis, præsertim pro clericis.*
443 *An stuprum sit speciale peccatum.*
444 *An quid teneatur raptor.*
445 *Quid de adulterio.*
446 *An sit adulterium copula sodomitica inter conjuges.*
447 *An copula habita inter desponsatos.*
448 *Circa incestum, quæritur I. An omnes incestus sint ejusdem speciei. (Vide etiam de pœnit. lib. 6. n. 469.)*
449 *Quæritur II. An differant incestus cum affinibus.*
450 *Quæritur III. An incestus cum cognatis spiritualibus.*
451 *Quæritur IV. An sit speciale peccatum copula confessori cum pœnitente. Quid si sit ejus parochus.*
452 *Quæritur V. An committant incestum propinqui copulantes post dispensationem.*
453 *An soli tactus incestum constituent.*
454 *Quomodo committatur sacrilegium per peccatum turpe.*
455 *Circa sacrilegium personale, quæritur I. An sacerdos simul religiosus lædens castitatem committat duo sacrilegia.*
456 *Quær. II. An copulans cum alia persona sacrata.*
457 *Quær. III. An committat sacrilegium habens votum castitatis, si inducat alterum ad turpia. Quid, si morosè delectaretur de peccato alterius.*
458 *Circa sacrilegium locale, quær. I. An sit sacrilegium copula occulta, vel maritalis in Ecclesia.*
459 *Quær. II. An sint sacrilegia tactus impudici habiti in Ecclesia.*
460 *Quæ comprehendantur per locum sacrum.*
461 *Quær. III. An verba et aspectus lascivi habiti in Ecclesia sint sacrilegia.*
462 *Quær. IV. An cogitationes turpes.*
463 *Circa sacrilegium reale, quæritur, quando committatur.*

DUB. III. *Quæ sint species luxuriæ consummatæ contra naturam.*
pag. 179

- 464 *Quid de congressu innaturali.*
465 *Quid de mollitie.*

466 *Quæ sit sodomia imperfecta , et quæ perfecta.*

467 *An pollutio habita tangendo puerum , aut mulierem sit diversæ speciei.*

468 *An in sodomia sit explicandum , si quis fuerit agens , vel patiens.*

469 *An sodomia inter conjunctos addat speciem incestus.*

470 *Quæ sint pænæ sodomitarum.*

471 *Quid requiratur ad eas incurrendas. Et an clerici patientes illas incurrant.*

472 *An pænæ incurrantur ante sententiam.*

473 *An eas incurrat clericus exercens bestialitatem.*

474 *Quid de peccato bestialitatis.*

475 *De peccato cum dæmone. Quid si dæmon repræsentet personam nuptam , sacram , etc.*

DUB. IV. An aliquando liceat procurare pollutionem. p. 187

476 *An pollutio sit vetita de jure naturæ.*

477 *An distillatio voluntaria sit mortalis.*

478 *An liceat expellere semen corruptum.*

479 *An teneamur impedire pollutionem inceptam.*

480 *An liceat ob finem honestum pollutionem optare , vel de ea gaudere. (Vide etiam l. 2. n. 19.)*

481 *Quid , si prævideatur pollutio secutura ex re honesta. Quid , si ex re illicita.*

482 *An sit mortalis pollutio orta ex causa voluntaria in eam graviter influente.*

483 *Quid , si actio ponatur ex justa causa , puta I. ad mendandum , vel audiendas confessiones , ad alloquendum juxta morem , etc. II. ad abigendum pruritum III. ad equitandum. IV. ad decumbendum aliquo situ. V. ad moderatè edendum , etc. Quid si chirurgus , aut parochus in iis aliquoties consenserint in pollutionem. Quid de simplici confessario. Et quid si quis ferè semper reciderit. (Vide etiam n. 438. in fine.)*

484 *An sit mortalis pollutio orta ex causa in eam leviter influente. Quid , si causa sit in eodem genere luxuriæ , et si lapsus fuerit frequens. Quid , si causa sit in alio genere. An saltem sit veniale eam ponere.*

485 *De pollutione secuta in somno. An mutua pollutio habeat diversam malitiam.*

TRACTATUS V.

DE SEPTIMO PRÆCEPTO :

Non furtum facies.

pag. 200

TRACTATUS PRÆAMBULUS

DE JUSTITIA , ET JURE.

Ibid.

- 486 *Qualiter dividatur justitia , et qualiter jus.*
 487 *Quid sit dominium et ususfructus.*
 488 *Quot sint peculia filiorumfamilias.*
 489 *Quæ sint bona uxorum.*
 490 *Quot bona clericorum. Et præsertim I. Quæ sint patrimonialia. II. Quæ industrialia. III. Quæ parsimonialia. IV. Quæ ecclesiastica.*
 491 *Quær. I. An clericus teneatur necessariò pauperibus succurrere. Quær. II. Qui veniant nomine pauperum. Quær. III. An præferendi pauperes loci. Quær. IV. An superflua possint reservari. Quær. V. An clericus habens sua possit vivere ex bonis beneficii. Quær. VI. An etiam pensionarii teneantur superflua erogare in usus pios.*
 492 *Quær. VII. An beneficiarii malè expendentes redditus , teneantur ad restitutionem. Quær. VIII. An peccent graviter , qui malè accipiunt superflua à beneficiario. (Vide etiam n. 722.)*
 493 *Quot modis acquiratur dominium. I. Occupatione.*
 494 *II. Nativitate.*
 495 *III. Alluvione.*
 496 *IV. Specificatione.*
 497 *V. Accessione.*
 498 *VI. Confusione , vel commixtione.*
 499 *An idem , quod currit in mixtione pecuniæ , currat in mixtione aliarum rerum.*
 500 *VII. Edificatione.*
 501 *VIII. Plantatione.*
 502 *IX. Perceptione fructuum.*
 503 *X. Traditione.*

- 504 De præscriptione, et conditionibus requisitis ad præscribendum; et I. De bona fide.
- 505 II. De titulo justo; et an sufficiat titulus coloratus, vel existimatus.
- 506 III. De continuata possessione, et de tempore requisito ad præscribendum, (usque ad n. 510.)
- 511 Quando præscriptio interrumpatur.
- 512 An hæres possessoris malæ fidei possit præscribere. (Sed vide etiam n. 516.)
- 513 An possit præscribi libertas à solvendo debito, aut mulcta.
- 514 Quibus detur restitutio in integrum circa bona præscripta.
- 515 IV. Conditio ad præscribendum est, ut res sit apta præscriptioni.
- 516 Decisio quatuor aularum facta Neapoli circa præscriptiones.
- 517 An in conscientia res præscripta possit retineri, etiam ubi lex præscriptionis non viget.

CAPUT I.

DE FURTO.

- DUB. I. Quid sit furtum, et quale peccatum. pag. 256
- 518 Quid sit furtum.
- 519 An liceat (puta uxori, famulo) aliquando auferre alienum ob bonum finem.
- 520 An ob necessitatem. Quær. I. An captivi apud Turcas possint alienum surripere ad se liberandum à captivitate. Qu. II. An pauper extremè indigens possit accipere, antequam petat. Qu. III. An possit accipere rem magni valoris. Qu. IV. An fur teneatur restituere, si consumpserit rem ablatam in extrema necessitate. Qu. V. An surripienti in extrema necessitate teneatur ad restitutionem, si fiat dives. Et hic quæritur, an dives satisfaciatur suæ obligationi, si det mutuo rem pauperi. Qu. VI. An dives non subveniens teneatur postea ad restitutionem.
- 521 Quando liceat creditori facere compensationem.
- 522 An famuli possint sibi compensare salarium pro suis operibus. (Sequitur idem n. 523. et 524.)
- 523 An christiani possint auferre res Turcarum.

DUB. II. Quæ sit quantitas notabilis ad mortale peccatum.
pag. 247

526 Quæ sit quantitas gravis respectu ad diversa genera personarum, vel ad diversas circumstantias.

527 Id clariùs elucidatur.

528 Conclusio et probabilior sententia.

529 Quid de furto rerum expositarum, nempe fructuum, et lignorum.

530 Quæ quantitas sit gravis in furtis minutis. (Vide etiam n. 533. et 534.)

531 Quid, si sit animus restituendi brevi tempore, vel partem complementem materiam gravem.

532 An sit mortale furari parùm reliquiae sacræ.

DUB. III. Quando graviter peccet, qui multa minuta furta committit.
pag. 256

533 Quid, si qui furatur, non habeat animum ditescendi.
Quid si habeat.

534 An furtula facta à diversis coalescant. Et an tunc restitutio possit fieri pauperibus.

535 Quid, si plures furentur parva, altero alterum nesciente.

536 Quid, si mutuo sciant, et eodem tempore furentur.

537 Quid, si unusquisque moveatur exemplo alterius. (Vide etiam lib. 3. n. 45.)

538 An sit mortale furari quid leve post completam materiam gravem.

DUB. IV. Quid sentiendum de furtis domesticorum vel amicorum.
pag. 260

539 Quid de furto uxorum, et virorum.

540 An uxor possit dare eleemosynas, etc.

541 An aliquando possit expendere.

542 An liceat ipsi subvenire parentibus etc.

543 Quale furtum filiorum sit grave.

544 An filius possit à patre mercatore surripere mercedem pro opera sua. (Vide etiam lib. 4. n. 488. vers. III.)

545 Quid de furtis famulorum in esculentis, etc.

546 De restitutione facienda ab uxore, et filiis.

CAPUT II.

DE RESTITUTIONE.

DUB. I. Quid sit restitutio, et qui teneantur ad eam. p. 264

547 *Quid est restitutio, et an debeat tantum ex læsione justitiæ commutativæ.*

548 *Quæ sint radices restitutionis.*

549 *Quænam est culpa theologica, et quæ juridica.*

550 *Ex qua culpa oriatur obligatio restituendi.*

551 *Quid, si quis leviter alterum lædat animo graviter nocendi.*

552 *An culpa venialis inducat obligationem restituendi. (Vide etiam n. 994.)*

553 *An ex levi furto possit aliquando oriri gravis obligatio restituendi.*

554 *An ad restitutionem in contractibus requiratur culpa theologica. (Vide etiam lib. 1. n. 150.)*

555 *An idem in officiis.*

556 *Quid de injuria materiali, et formali. Et vide ibi resolutiones.*

DUB. II. An qui cooperantur ad damnum alterius, teneantur ad restitutionem. pag. 273

557 *Quotuplices dicantur cooperantes.*

558 *Quid de mandante.*

559 *Quid de consulente. Quær. I. An præbens prævum consilium, et postea revocans, teneatur ad restitutionem.*

560 *Quær. II. Executo consilio, quisnam primò teneatur.*

561 *Quær. III. Quid, si damnum etiam sine consilio evenisset.*

562 *Quær. IV. Quid in dubio, an consilium fuerit causa damni.*

563 *Quær. V. Quid, si alter sit determinatus ad damnum, et tu tantum suadeas modum.*

564 *Quær. VI. An teneatur ad restitutionem suadens damnum ex ignorantia culpabili.*

- 565 *Quær. VII. An parato inferre majus damnum possit suaderi minus.*
- 566 *Quando teneatur ad restituendum dans iniquum suffragium.*
- 567 *Quando teneatur palpo.*
- 568 *Quando præbens recursum.*
- 569 *An emptor rei furtivæ possit illam reddere furi ad recuperandum pretium.*
- 570 *An idem possit emptor malæ fidei.*
- 571 *Quando teneatur participans. Quid, si ob metum. (Vide etiam lib. 3. n. 66. v. Quær. IV.)*
- 572 *Quid si impedias alium ne reparet damnum alterius.*
- 573 *Quomodo teneantur causæ privativæ.*
- 574 *Vide alios casus apud Busemb. usque ad n. 578.*

DUB. III. *An supradicti teneantur singuli restituere in solidum, et quo ordine.* pag. 291

- 579 *Qui teneantur restituere in solidum.*
- 580 *Qui teneantur primum restituere.*
- 581 *Quid, si damnificatus condonet restitutionem.*

DUB. IV. *An teneatur restituere, qui alium impedivit à consecutione alicujus boni.* pag. 294.

- 582 *Quid, si quis impedit sine vi aut fraude aliquem à consecutione justī boni.*
- 583 *Quid, si quis impedit mendaciis, ne fisco applicentur bona propter gabellam non solutam. (Vide etiam lib. 3. n. 256.)*
- 584 *Quid si quis ex odio, sine vi aut fraude, efficit, ne alter aliquod bonum obtineat.*
- 585 *An suadens Episcopo ut conferat beneficium minus digno peccet, et teneatur ad restitutionem. Quid, si beneficium debebatur alicui ratione concursus. (Remissivè ad lib. 3. n. 109.)*
- 586 *An teneatur ad restitutionem occidens aliquem, ut alteri homicidium imputetur. (Remissivè ad n. 636.)*
- 587 *An teneatur ad damnum, impediens vi aut fraude etc. Quid, si precibus importunissimis, aut metu.*

588 *Quid si religiosus suadeat testatori ut relinquat bona suo monasterio, relicta Ecclesie matrice.*

DUB. V. Cui, vel quibus restituendum.

pag. 299

589 *Quid, si creditor sit incertus.*

590 *An tradita res pauperibus sit restituenda domino com-
parenti.*

591 *Quid notandum circa compositionem in debitis incertis.
(usque ad n. 594.)*

595 *Quid circa furti minuta.*

596 *An bona certa sint restituenda domino, vel possessori.*

597 *An fur teneatur rem mittere domino cum magno suo
damno.*

598 *Quid, si sumptus pro missione excederent valorem rei.
(Vide etiam n. 677.)*

599 *Quid, si acceperis à possessore bonæ fidei rem non suam.*

600 *Emptor rei furtivæ an possit eam reddere furi. (Vide
dicta num. 569.)*

601 *An revendens rem emptam bonæ fide teneatur pretium
restituere emptori.*

602 *Quid notandum circa thesauros inventos.*

603 *An inventor rei perditæ possit eam sibi retinere.*

604 *Quid notandum circa res captas venatione.*

605 *Quid, si quis venatur in locis reservatis.*

606 *Quæ venatio vetetur clericis, et religiosis.*

DUBIUM VI.

DE REBUS QUÆ DEBENT RESTITUI.

ARTICULUS I.

Quid debeat restitui ab inferente injuriam materiale tantum, sive à possessore bonæ fidei. pag. 313

607 *Ad quid teneatur possessor bonæ fidei.*

608 *Quid, si acceperit à fure, qui potens sit ad restituendum.*

609 *Vide alios casus.*

610 *Quos fructus tenetur restituere possessor bonæ fidei.*

611 *Quid, si acceperit rem commixtam cum bonis furis.*

- 612 *Quid si illa acceptione fur factus sit impotens ad restituendum.*
- 613 *Quid, si quis projiciat in mare gemmam, quam putabat valore decem aureis, si illa valebat centum.*

ARTICULUS II.

Quid debeat restitui ab inferente injuriam formalem, seu malæ fidei damnificatore, seu possessore. pag. 319

614 *Ad quid teneatur possessor malæ fidei. Vide resolutiones.*

615 *Circa solutionem gabellarum. Quær. I. Quis possit tributa imponere. Quær. II. Quæ requirantur ad justum tributum impositionem.*

616 *Quær. III. An fraudantes gabellas peccent, et teneantur ad restitutionem. Quær. IV. An teneantur solvere gabellam subditi deferentes ad usum proprium. Et an pauperes.*

617 *Quær. V. An populi in dubio de justitia tributum teneantur ad ejus solutionem. Quær. VI. An creditor regis possit fraudare gabellam alteri locatam, aut venditam. Quær. VII. An emens mercem à defraudante gabellam teneatur ad ipsam.*

618 *An dominus possit sibi retinere expensas utiles in re factas à fure. Et an fur teneatur ad omnia damna, saltem confusæ prævisæ.*

619 *Cui crescat pretium rei ablatae.*

620 *Quid, si apud furem pereat res, quæ æquè periisset apud dominum.*

621 *Quid, si quis occidat agnum alterius, qui postea pluris valisset. Et quid, si fur consumat tempore majoris pretii agnum, quem dominus tempore vilioris erat consumpturus.*

622 *Quid, si quis se fingat pauperem.*

623 *Quid, si quis consumat rem alienam in extrema necessitate.*

624 *Quid, si consumat rem mutuatam.*

625 *Quid, si quis emat rem alienam cum dubio.*

ARTICULUS III.

An, et quid debeat restitui pro injuria illata corpori v. gr.
per mutilationem, occisionem, etc. pag. 332

626 *Ad quid teneatur occisor.*

627 *An impotens ad restituendum in uno genere, teneatur in alio. (Vide dicenda n. 1000.)*

628 *Quid, si quis occidens Cajum, putarit occidere Titium. Et an iste incurrat irregularitatem, aut excommunicationem Canonis.*

629 *Quid, si quis incenderit domum Titii, putans eam esse Caji.*

630 *An valeat remissio patris occisi in præjudicium filiorum.*

631 *Vide alios casus. Quibus hæredibus facienda restitutio.*

632 *An homicida teneatur restituere bona, quæ occisus aliis dedisset ex liberalitate.*

633 *Quid, si damnum istorum intenderit.*

634 *Ad quid teneatur homicida creditoribus occisi.*

635 *Quid, si homicidium imputetur alteri, et hoc occisor advertat.*

636 *Quid, si hoc etiam intendat.*

637 *Ad quid teneatur invasus excedens moderamen inculpatæ tutelæ.*

638 *Quid, si provocans occidat alterum pugnam acceptantem.*

639 *An detrahendum pretium laboris, quem occisus sustinisset pro lucro amisso.*

ARTICULUS IV.

Quid debeat restitui pro illato stupro. pag. 343

640 *Ad quid teneatur stuprator, si virginem vi corruperit.*

641 *Ad quid, si virgo consenserit.*

642 *Quando deflorator sub pacto matrimonii teneatur ad illud. An corruptor fictè promittens teneatur ad matrimonium.*

643 *Lim. I. Quid, si puella potuit advertere fictionem. Dub. I. Quid, si vir sit melioris conditionis. Dub. II. Quid,*

si puella disparitatem ignoraverit. Dub. III. An his casibus vir teneatur saltem ad damna.

644 *Lim. II. Quid, si timeatur malus exitus, vel scandalum propinquorum, et quid, si immineat dedecus familie.*

645 *Lim. III. Quid si vir extorqueat solos tactus.*

646 *Lim. IV. Quid, si fœmina jam sit corrupta.*

647 *Lim. V. Quid, si non stet per virum, quominus matrimonium fiat.*

648 *An, si virgo violata renuat nubere, teneatur vir eam dotare.*

649 *An vir habens votum castitatis teneatur ducere violatam sub pacto matrimonii.*

650 *Ad quid teneatur vir violans consanguineam, cui conjugium promisit. Quid, si fictè promisit cum pacto impetrandi dispensationem.*

ARTICULUS V.

Quid debeat restitui pro adulterio.

pag. 361

651 *Ad quid teneantur adulteri.*

652 *Ad quid teneatur adultera.*

653 *An teneatur manifestare prolem non esse legitimam.*

654 *An tunc spurius teneatur credere matri.*

655 *Ad quid teneatur adulter.*

656 *An teneantur adulteri reddere expensas hospitalibus pro exposita prole.*

657 *Ad quid teneatur adulter, si dubium sit an proles sit mariti.*

658 *Quid, si dubium sit inter duos adulteros.*

659 *Ad quid teneatur adulter, si ipse non fuerit causa suppositionis.*

ARTICULUS VI.

Quid debeat restitui pro fama, et bonis spiritualibus, in inductione ad peccatum, avocatione à religione. Et quid pro officio.

pag. 569

37.

- 660 *An restitutio facienda, in alio genere.*
 661 *Quid si quis inducat alterum ad peccandum.*
 662 *Ad quid teneatur qui abduxerit novitium, vel religiosum à sua religione.*
 663 *De restitutione ob omissionem officii divini.*
 664 *Qu. I. Quid si fructus beneficii non percipiuntur.*
 665 *II. Quid si omittatur officium sine culpa.*
 666 *III. An restituendi fructus intra primos sex menses.*
 667 *IV. An omittens officium possit postea supplere altera die.*
 668 *V. Quid si omittatur pars minor, quam integræ Horæ.*
 669 *VI. Quid si recitentur Horæ sine attentione interna.*
 670 *VII. An excommunicatus teneatur restituere fructus.*
 671 *VIII. An omittens incurrat aliam pœnam.*
 672 *IX. Cui facienda restitutio.*
 673 *X. An omnes fructus restituendi. (Vide etiam lib. 3. n. 127. v. Dub. 4.) Et quid de beneficiario simplici.*
 674 *XI. An teneatur ad officium habens tenue beneficium.*
 675 *XII. An Canonici non assistentes, vel non psallentes in choro teneantur ad restitutionem distributionum, et præbendarum. Dub. 1. An peccent graviter canonici, qui choro non assistunt. Dub. 2. Quid teneantur restituere, si choro non intersint. Dub. 3. An satisfaciant choro qui tantum intersunt, et non recitant. Dub. 4. An satisfaciant choro qui submissè recitant.*

DUBIUM VII.

DE CIRCUMSTANTIIS RESTITUTIONIS.

ARTICULUS I.

Quo tempore, loco, et modo debeat restitui. pag. 387

- 676 *Quando, et ubi facienda restitutio.*
 677 *An sumptibus furis.*
 678 *Quando, et ubi facienda solutio ex contractu.*
 679 *Quando peccet differens restitutionem.*
 680 *Ad quid teneatur debitor, si ex dilatione creditor patitur damnum.*

- 681 *An absolvendus qui cum possit restituere, vult differre restitutionem.*
 682 *An absolvi possit debitor, antequam restituat. Et an confessarius debeat monere de restitutione pœnitentem, qui est in bona fide, si prœvideat, monitionem non profuturam.*
 683 *Quot peccata committat negligens restituere.*

ARTICULUS II.

Quo ordine restitui debeat.

pag. 394

- 684 *Cui facienda restitutio, si res extet.*
 685 *An pretium rei venditæ possit solvi creditori venditoris.*
 686 *An pecunia furtiva, immixta propriæ, restituenda sit ante alia debita.*
 687 *An prius restituenda debita certa, quàm incerta.*
 688 *An prius solvenda debita ex delicto, quàm ex contractu.*
 689 *Quæ alia debita prius solvenda.*
 690 *An semper præferendi creditores hypothecarii anteriores, etiam ex hypotheca tacita. An autem personales anteriores.*
 691 *An præferri possit creditor personalis pauperior.*
 692 *An prius exigens.*
 693 *An creditor, cui inter plures facta est solutio, possit eam retinere.*
 694 *An famuli possint accipere salarium à debitis gravato.*
 695 *An uxor, et alii alimenta.*

ARTICULUS III.

Quæ à restitutione excusent.

pag. 399

- 696 *Quæ excusent à parte debitoris.*
 697 *Quid, si non possit restituere, nisi cum graviore damno. (Vide etiam num. 598. Item num. 701. et 702.) Quid si dominus æquale damnum sit passurus. Quid si dominus sit abusurus re restituenda. (Vide etiam n. 571. v. Secus; et num. 753.)*

698 *Vide alios casus.*

699 *Quid si debitor cedat bonis.*

700 *Quando excusetur restitutio ex parte creditoris. Qu. F.*
An liceat rem alienam retinere, vel accipere ex præ-
sumpto consensu domini. (Vide etiam lib. 3. n. 18.)
Quær. II. An debitor donans immemor debiti excu-
setur à restitutione.

701 *Quid si debitor restituendo se conjicere deberet in neces-*
sitatem extremam.

702 *Quid, si in necessitatem gravem.*

703 *Quid, si creditor sit in eadem necessitate.*

704 *An debitor differens restitutionem ex justa causa, te-*
neatur reddere interesse quod patitur creditor.

705 *An hæres rei teneatur ad damna, quando reus, cui*
successit, fuit capite damnatus.

706 *An possessor bonæ fidei, in dubio, an factus sit ditior,*
teneatur restituere.

FINIS INDICIS TOMI TERTII.



Digitized by Google

